

NOSOLOGIA METHODICA

S I S T E N S

MORBORUM CLASSES,

GENERA ET SPECIES,

Juxtà Sydenhàmi mentem & Botanicorum
ordinem.

Auctore FR. BOISSIER DE SAUVAGES;

*Regis Consiliario ac Medico, in Monspeliensi Uni-
versitate Medicinæ, olimque Botanices Professore
Regio; Academiæ Scientiarum Monspeliensis, Lon-
dinensis, Upsaliensis, Berolinensis, Florentinæ,
Physico-Botanicæ, Suevicæ, Naturæ curiosorum, &
Instituti Bononiensis Socio.*

TOMI SECUNDI PARS SECUNDA;

Complectens

GENERA ET SPECIES MORBORUM

AD CLASSES IV. V. & VI. PERTINENTIUM,

Scilicet

SPASMOS, ANHELATIONES ET DEBILITATES.



AMSTELODAMI,

Sumptibus FRATRUM DE TOURNES.



M. DCC. LXIII.



CLASSIS QUARTÆ SYNOPSIS.

SPASMI.

CHARACTER. Contractio vel constans, vel interpolata musculorum motui locali, non respirationi, nec circulationi propriè, inservientium; voluntati non respondens.

ORDO I. SPASMI TONICI PARTIALES. *Rigiditas & immobilitas artûs vel organi determinati.*

- I. *Strabismus*, oculi spasmus axium opticorum divergentiam inferens.
- II. *Trismus*, maxillæ inferioris spasmus tonicus, vel clonicus.
- III. *Obstipitas*, colli spasmus tonicus, capitis nativam mobilitatem & directionem mutans.
- IV. *Contractura*, artûs cujusdam ut brachii, vel cruris constans, diuturna rigiditas sensim exorta.
- V. *Crampus*, subitanea, fugax, dolorifica musculi rigiditas.
- VI. *Priapismus*, penis injucunda rigiditas.

ORDO II. SPASMI TONICI GENERALES. *Rigiditas totius ferè corporis.*

- VII. *Tetanus*, spasmus generalis subito ortus cum dyspnœâ.
- VIII. *Catochus*, spasmus generalis sensim factus sine dyspnœâ.

ORDO III. SPASMI CLONICI PARTIALES. *Agitatio invita & coacta cujusdam organi, vel artûs, cujus motivum non percipitur.*

- IX. *Nystagmus*, spasmus clonicus oculi, palpebræve.
- X. *Carphologia*, spasmus clonicus manuum carpiæ in acutis.
- XI. *Pandiculatio*, spasmus artus successivè extendens per vices, semi voluntarius.

- XII. *Apomytosis*, succussio cutis & capitis tremula, violenta, cum expiratione sonora, quasi stertorosa.
- XIII. *Convulsio*, agitatio invita artus, vel musculi cum animæ libertate, circumstantiarum perceptione.
- XIV. *Tremor*, artus alterna per itus & reditus frequentes molitatio, cum movendi voluntate concurrens.
- XV. *Palpitatio*, pulsatio in regione cordis pulsui articularum numero, minimè verò intensitate, respondens.
- XVI. *Claudicatio*, est inter gradiendum cruris motus, quo centrum gravitatis trunci sensibilibiter dextrorsum, vel sinistrorsum transfertur.

ORDO IV. SPASMI CLONICI GENERALES. *Sunt spasmi clonici vel totius corporis, vel ad plures partes extensi.*

- XVII. *Rigor*, (rectius phricasmus) est totius cutis succussio frigorigera.
- XVIII. *Ecclampsia*, est artuum, vel musculorum plurimorum spasmus clonicus, acutus, cum sensuum obscuratione.
- XIX. *Epilepsia*, est spasmus clonicus, periodicus, chronicus artuum, cum sensuum obscuratione.
- XX. *Hysteria*, est artuum, organorumque etiam internorum spasmus clonicus, toniculve paroxysmis fugacibus leviter variantibus, cum mortis formidine intensissimâ.
- XXI. *Scelotyrbe*, est motus semivoluntarius vel unius lateris, vel totius corporis inter gradiendum, gestulationem, aut ridiculam histrionis festinationem referens.
- XXII. *Beriberia*, est motus gradientium genua retrahens cum tremore, fornicationis sensu, vocis rauedine, Indis familiaris.





CLASSIS QUARTA.

SPASMI,

SEU

MORBI CONVULSIVI.

RECTIUS *Cacocinesia*, seu motus depravati musculorum motui locali destinatorum. E loco moventur tantum artus superiores, inferiores, caput, oculi, lingua, maxilla, cor, penis; pectus enim tantum motu dilatationis & constrictionis agitur, ut arteriae: ceterarum vero partium motus, ut pulmonis, ventriculi, intestinorum, vesicae, uteri, sub sensus non cadunt, & ex voce, excretis, aliisque phaenomenis inferuntur.

Hinc differunt morbi spasmodici à *dyspnaeicis*, seu *anhelationibus*, in quibus diversae pectoris constrictiones ac diductiones alternatae observantur; motus vero linguae ad psellismum attinent.

Omnis spasmus proprie dictus est motus muscularis; sed omnis motus muscularis tribuendus est vi fluidi per nervum in musculos affluentis, ejusque impetui proportionalis est motus illius intensitas; ergo causa motus convulsivi est impetus fluidi nervei in musculum ejus inertiam vincens; motus vero fluidi nervei non circulationi, non explosioni, non mobilitati tribuendus est, cum ad quemcumque musculum movendum requiratur vis in fluido nerveo notabilis, demonstrante Borello; quaeque possit ipsi fluido velocitatem soni veloci-

4 G E N E R A E T S P E C I E S

tate multò majorem impertire , ut evicimus in dissertatione de febre ad Hæmastaticæ calcem adjectâ : ergo à vi circulationis fluidi nervei velocitas sufficiens minimè deduci potest ; explosio verò Willifiana est merè fictitia.

Omnis fluidi nervei vis movendis musculis par & sufficiens , vel à libertate , vel à naturâ imprimitur , docet Physiologia ; verùm convulsiones non sunt motus liberi , cum nobis insciis & invitis peragantur ; motus verò à nobis instituti , qui *liberi non sunt* , naturales vocantur : ergo à naturâ imprimitur fluido nerveo velocitas ad convulsionem requisita.

Natura determinatur ad agendum , vel ab irritatione , ut se à molestiâ liberet quo modo potest , vel à pathemate , ut terrore , metu , irâ , imò à motivis quæ intellectui sunt impervia , ut ipsæ actiones morales in hystericis , morosis , fatuis , ebriis ; ergo similia motiva convulsiones determinant.

Spasmi improprie dicti sunt *contracturæ* , quæ à rigescentiâ tendinum & musculorum dependent , absque aucto fluidi nervei in eos influxu , & *tremuli motus* , qui ab irregulari eo influxu , non tamen intensiori dependent. Hinc liquet cur aptius hæc classis *Cacocinesis* titulo deberet insigniri.

Classis hæc à dyspnœicis separata quibuscum valdè affinis est , in quatuor ordines dividitur , quorum duo continent *spasmos tonicos* , seu in quibus muscoli constanter & immobiliter contracti remanent ; & alii duo *spasmos clonicos* amplectuntur , in quibus pars convulsa exagitur.



ORDO PRIMUS.

SPASMI PARTIALES TONICI.

*Conductiones Cælii Aureliani ; Convulsiones
tonicæ Gorteri , Ettmulleri.*

ILLI sunt in quibus præcipuum symptoma est invita, violenta & constans partis rigiditas, cum motûs impedimento, vel saltem immobilitas. Unde differunt à generalibus in quibus plurimæ partes, plures simul artus immobiles sunt.

Ea immobilitas differt à paralyticâ per sensibilitatem & rigiditatem, vel saltem sensibilitatem musculi immobilis: differt ab eâ quam dolor arthriticus, vel rheumaticus excitat, quia voluntaria est in dolore immobilitas, involuntaria in spasmo. Qui dolent aliquâ parte propter ejus inflammationem, vel infarctum, ab ejus partis motu abstinere, ne dolorem intendat; aut spasmo detentam partem nequidem movere possumus etiam si velimus.

Differunt spasmi tonici à clonicis per constantem partis immobilitatem, quæ est inconstans & alterna in clonicis, seu motibus convulsivis.

Immobilitatis causa est in musculo resistentia solito major, tum ex parte musculi rigidioris, violentius contracti, vel ex parte organi movendi: illa autem resistentia, vel absolute major est, vel respectivè: absolute ut cum tendines, ligamenta musculi duritiem nimiam conceperunt, aut cum musculi ab influxu fortiori fluidi nervei rigescunt; respectivè major est, si musculi antago-

nistæ ob usûs defectum, ob debilitatem nativam, vel accidentalem minori vi quam par est contrahantur.

I. *Strabismus*, Strabisme; *Ægri Strabones*.

Est affectus tonicus alterutrius oculi, quo fit ut cum altero ad visum non convergant axes optici.

Axis opticus est linea recta, quæ centra vitrei, crystallini, & globi oculi conjungit, & quæ ad objectum usque extensa censetur.

Ad visum requiritur ut axis oculi dextri ad idem objecti punctum concurrat cum axe optico sinistri; ex angulo ab his axibus intercepto objectorum magnitudinem & distantiam inferimus: ergo si divergant axes, ut in strabonibus, ex visu nec de distantia, nec de magnitudine objectorum judicare poterimus.

Ideo objectum simplex percipimus, licet duobus oculis adspectum, quia convergentibus oculis imago objecti incidit in polum opticum utriusque oculi, & assuevimus in his circumstantiis experiri objectum unicum, illam sensationem excitare; verum divergentibus oculis præter consuetudinem, imagines ejusdem objecti incidunt in loca oculorum non sibi correspondentia, & cum ea duplex sensatio inassueta sit, eam appercipimus; non invicem ambas ad unum, sed ad duplex objectum referimus; unde visus duplicatus apud eos qui recenti strabismo laborant; qui tamen error assuetudine, mediante tactu, corrigitur.

1. *Strabismus à luscitate* Boerhaav. de morb. ocul. n°. 175. Porterfield. Act. Edimb. tom. 3.

Luscus est qui alterutro oculo non directè, sed obliquè, & limis oculis objecta aspicere cogitur,

ut distinctè videat ; si itaque unus oculus tantum obliquè videre potest , alter oculus non convergit cum eo , & strabismus adest. *Vide amblyopiam luscorum.*

Lusitas seu visus obliquus fit, 1°. ex eo quod medius retinæ locus non benè sentiat, unde rectè confecta objecta obscurè videntur, obliquè verò posita distinctè : hinc assuescimus obliquè aspicere ob vitium retinæ , quod curatur ut amaurosis paralytica ; 2°. vel ob mutatam corneæ convexitatem : lucis radii refracti non tendunt ad medium retinæ , sed ad alterutrum latus, & illud vitium vix arte corrigi potest ; 3°. Si ob contusionem obliquè positum sit crystallinum, idem subsequetur vitium , non magis emendabile. 4°. Vidi puellam cujus pupilla non apparebat , nisi versus magnum oculi canthum ob leucoma corneæ , unde strabo erat. Hoc vitium res solventibus medicaminibus corrigi potest , ut felle bovis , myrrhâ. Porterfield. *Act. Edimburg. tom. 3. pag. 289. & 295.*

2. *Strabismus vulgaris ; Vûe à la Montmorency.*

Ille est in quo propter pravam consuetudinem alterum oculum unam versus partem continuò dirigendi , amittitur facultas ambos axes opticos prohibitu huc & illuc convergendi ; sic infantes qui in cunis degentes candelam vel lucem fenestræ ex uno tantum latere respiciunt , strabones evadunt, necnon qui in naso vitium vel punctum respicere assuescunt.

Infantes recens nati oculum unum seorsim ab altero movent huc & illuc ut chamæleontes ; assuectivè observant objecta distinctius vel clariùs cerni ambobus oculis , & sic eorum axes opticos simul ad idem objectum dirigere addiscunt, quæ directio dein naturalis evadit , ut à voluntate vix mutari queat.

8 GENERA ET SPECIES

Illā species faciliè præcavetur, facta verò curatur perspicillis concavis, conoideis, apice tantum pertusis, vel apud adultos attentione, & minorum ante speculum lectione.

3. *Strabismus Buffonii*, 5^a. species Porterfield. *Act. Edimburg. tom. 3. pag. 298. Act. Acad. Paris. 1743.*

Ille est qui pendet ab alterius oculi debilitate, seu quod cum inæqualis sit distantia ad quam visus amborum oculorum pertingit, fortio rem oculum ad objectum dirigere assuescimus, & debiliorem omittimus, quia ad objecta cernenda inutilis est, quoties ea ad distantiam alteri necessariam remonentur; sic si oculus dexter non videat ultra semipedem, & sinister ultra pedem, objecta unico dextro respicimus, unde strabismus, qui curatu difficilis est. Nomen habet à D. de Buffon Acad. Reg. Paris. socio, ejus speciei Auctore, in *Act. Acad. Paris. ann. 1743.*

Debilitas alterius oculi est vel nativa, & tunc incurabilis, vel à paralyfi, epilepsiæ insultu, &c. dependet. *Vide* horum morborum historias & curas.

Varietates strabismi sunt strabismus *connivens*, qui adest oculorum axibus se decussantibus; strabismus *divergens* oculorum axibus non conniventibus, sed ad libellam compositis; strabismus *inæqualis altitudinis*, cum alter oculus sursum, alter verò deorsum tendit, is aspectu ingratiſſimus.

4. *Strabismus spasmodicus.*

Ille est qui producitur ab alterutro musculo unius vel amborum oculorum convulso, ob insultum ecclampsie vel simplicis convulsionis quondam prægressæ, quâ factum est ut musculus ille mobilitatem suam amiserit, tunc oculus rigidulus est, & digito resistit, atque constanter est sinistrorsum,

dextrorsum, deorsum, vel fursum versus, quod deforme & incommodum. *Vide remedia contracturæ.*

5. *Strabismus à paralyfi.*

Si alteruter ex musculis rectis, paralyfi, vulnere, ulcere, quâvis de causâ laxatus & resolutus fuerit, tunc antagonista convulsus manet immobilis, ut accidit ori in hemiplegiâ; aut totus oculus paralyfi potest affici, & tunc immobilis fixusque manet, nec convergit cum sano; distinguitur ille strabismus ab spasmodico, quod oculus faciliè versus musculum relaxatum verti queat: cura eadem est ac paralyseos.

6. *Strabismus catarrhalis.*

Est ille qui à congestione dolorificâ, catarrhosâ, vel alterius similis indolis in alterutro musculo dependet, ita ut dolor impediat ne ille musculus liberè moveatur.

Iste strabismus faciliè curatur per phlebotomiam, fomenta resolventia, & anodyna; sed cavendum ne narcotica oculis apponantur; inde enim amaurosis timenda est.

7. *Strabismus symptomaticus; Strabismus orantium Boerhaavii.*

Est oculi conversio fursum, quæ in morbo gravi sub finem accidit, & infantibus in hydrocephalo interno, in eclampsia, febribus, &c. paulò ante mortem supervenit; vulgò dicitur hos tenellos suam patriam respicere, quare musculus elevator, non alter convulsus maneat, ita ut solum oculi album appareat; ratio me latet.

8. *Strabismus lagophthalmos; Vûë de lièvre.*

Est retractio constans palpebræ superioris ad superiora, ita ut oculus ea parte nudus etiam inter dormiendum appareat, ut leporibus solemne dicunt.

Hoc vitium propter affinitatem ad strabismum

reducitur ; hujus verò principia non satis ab Auctoribus sunt delineata.

9. *Strabismus Myopum ; Vûë Françoisè.*

Myopes sunt illi qui proxima tantum distinctè , remotè verò confusè cernunt , seu in quibus visus extensio est brevissima , ut duorum tantum pollicum , ita ut cum quid distinctè videre volunt , illud objectum prope oculum alterutrum ponant , & tunc ut sibi lucem non eripiant , obliquè è regione fenestræ objectum uno oculo respiciunt , alter verò oculus utpote inutilis non convergit.

Sunt etiam strabones qui propter myopiam , quando alios homines alloquuntur , cum non possint ad eam proximitatem , quæ alloquentium faciem distinguant , eos directè inspicere negligunt , & tunc oculi divergunt.

10. *Strabismus æquinoctialis Battel. Voyage en Asie.*

Gens *Jaggas* dicta ad septentrionem Abissiniæ degens , necnon *Loangoenjes* , seu *Albini* Lusitanis dicti , vulgò *Nègres-blancs* , qui habitant inter 28°. 40". longit. & 5. latitud. meridion. in Asiâ , strabismo est obnoxia ; ambo vix distant 5. vel 6. gradibus à lineâ æquatoris : Jagasses sunt proceri & deformes , ferro candente sibi faciem virgant , album oculi tantummodò ostendunt , pupillam interdum sub palpebrâ recondentes , ne à radiis solis quos arenosum solum reflectit , lædantur. Mulieres ut placeant , quatuor incisivos superiores , & dentes duos inferiores avelli sibi curant.

Loangoenses albi nascuntur , sed intra biduum nigrescunt , irides sunt griseæ , capilli fulvi , oculi strabones , & nyctalopes , interdum nil vident , noctu optimè ; à Mochissy seu idolis suis , omnes morbos immitti putant.

11. *Strabismus caligantium.*

Caligantes sunt illi qui propter vitium sensibile, & internum non clarè vident, ut propter leucoma, hypopium, pannum, pterygium.

Si itaque opacitas corneæ sit in pupillæ regione, tunc æger cogitur videre lateraliter ex spatio inter leucoma & nares, vel inter leucoma & angulum externum posito. *Vide curam caliginis.*

12. *Strabismus à crystallino.*

Hæc species est, quæ, fortè fictitia, pendet à crystallini luxatione, seu quod crystallinum sit obliquè ad pupillam locatum, cum enim in hoc casu quæ coram aspicimus, dimittant radios qui à crystallino obliquè refracti incidunt non in medium, sed in latera retinæ, æger ut clarius videat, cogitur aspicere obliquè objectum, ita ut conus lucis refractæ ad medium retinæ incidat, ubi clariùs cernat.

II. *Trismus*, Tic.

Est morbus cujus præcipuum symptoma est convulsio vel tonica vel clonica maxillæ inferioris.

Trismus est sæpè aliorum morborum symptoma levidensius, ut epilepsiæ, tetani, cari hysterici, &c. estque convulsio musculorum masseterum & crotaphytarum, necnon pterigoideorum internorum & externorum, demùm etiam digastricorum qui soli maxillam deprimunt. Nervi his partibus prospicientes sunt, 1^o. maxillares superiores; 2^o. maxillares inferiores qui sunt quinti paris rami; 3^o. sympathici minores, seu rami auditorii pars durior, quæ à septimo pari oritur; musculi octo maxillam elevantes sunt longè fortiores duobus digastricis, & pondere maxillæ eam

deprimantibus ; itaque nisi imperio animæ laxentur elevatores , sola eorum elasticitas illos contrahit , & os clausum retinet , quod in aliis partibus locum non habet ; hæc est illa oris clausura quæ in syncope , in caro , apoplexiâ & cadaveribus recentibus observatur ; sed præterea facile convelluntur elevatores ut à frigore matutino , & cum contracti remanent , trismus est tonicus ; si agitentur , trismus est clonicus , non ideò in duo genera dividendus.

Trismi Tonici.

1. *Trismus nascentium* Heister *de maxillæ spasmō in infantibus. Medic. compend. pag. 337.*

Trismus Balearicus Cleghorn. *de morbis insulæ minoricæ. Tetanus maxillæ in infantibus* Hofer. *act. Helvet. 1. pag. 65. Gallicè la Sarrete.*

Hic morbus dudum obstetricibus ubique ferè cognitus ut in Occitaniâ , Gallo-Provinciâ , Helvetiâ , Minoricâ &c. & Medicis hætenus ferè ignotus , apud recens natos à die ortûs tertiâ ad duodecimam est frequentissimus , & ita funestus atque incurabilis censetur à mulieribus , ut ne medicos unquam accersant.

Symptomata , fletus insolitò obscurior , morbum declarat , oris apertura minor , gingivæ duabus circiter lineis à se distantes remanent , sine rupturæ periculo immutabiles , labiorum motus ferè nullus , deglutitio tamen in ore contentorum facilis , ast lactatio ferè impossibilis , alvus constipata , flatibus distensa , pulsus sanus intra duas dies , absque ulla symptomatum mutatione ; sæpe necat infantulos , licet antea vegetos & felici partu editos , quandoque sensim collum totusque

MORBORUM, CLASSIS IV. 13

truncus & artus etiam tetano obrigescunt; musculus quadratus labii inferioris duritie lignum æmulatur.

Hic morbus hieme & cum aurâ humidâ sæpiùs advenit quàm siccâ æstate.

Quò ociùs ab ortu suoprehenduntur hoc morbo infantes, eò periculum majus; quo angustior est rima inter gingivas, eò funestior eventus; quò debiliores etiam, eò facilius obeunt. Tetanus trismo junctus non facit morbum graviozem. Si morbus quintam diem attigerit, benè ominandum est. Hic valet adagium: qui tempus lucratur, omnia lucratur.

Cura. Emetica & cathartica ægrotulos primâ die è medio tollunt.

1°. Omni operâ curandum est ut nutriantur infantes qui pupillam nutricis fugere nequeunt, cochlearibus lactis infusi sunt sustentandi vel pulmenta fluidæ bis in die infundenda in os.

2°. Spasmodorum vehementia est temperanda per nervina & roborantia blanda; fiant mixturæ ex aquis, florum tilia, herbæ paralyseos, boraginis, buglossi ex syrupo de pæoniâ, de althæâ, florum tunicæ, pulvere de Guttetâ, & pauxillo nitri, ea exiguo cochleari identidem ori instillantur.

Recipe pulveris de Gutteta gr. iv. cornu cervi phil. præparati, cinnabaris antimonii ana gr. ii. ambra griseæ gr. i. sacchari rosati gr. v. misce f. pulvis dividendus in tres vel quatuor doses singulis sex horis in syrupo de pæoniâ sumendas.

Externè partes convulsas oleo rosaceo, vel liliorum alborum inunctas calido linteo tegas, clysmata ex lacte vaccino tepido bis per diem inji-

cienda, vel suppositoria ex butyro recenti. Calore debito foveantur hæc tenera corpuscula; ab spirituosis, quæ Lentilius valde laudat, cavendum esse docet Hoferus qui suâ methodo quartam vel tertiam partem infantum servavit.

Hic morbus quandoque adultos etiam aggreditur, cujus *vide* historiam & curam in *actis Helveticis* Tom. 1.

2. *Trismus Traumaticus* Heister; *spasmus maxillæ à vulnere*. *Compend. Med. cap. 15. Chirurg. cap. 57.*

Hic accidit à vulnere musculorum maxillæ, aponevrosi crotaphitæ, puncturâ nervorum hic densissimorum, aut ab acribus vitriolicis, similibusve vulnere harum partium applicatis, nec non à brachio aut pede amputato, cum nervi à ligaturâ sunt constricti, aut cum aliunde nervi sunt puncti.

In his casibus; 1°. si acre aut peregrinum quid vulneribus inhæreat, illud cautè inquirendum & removendum, frustra secus omnia nervina & sedantia adhiberentur; 2°. si nervus sit punctus, illum si mortis periculum immineat, penitus rescindere opus est; 3°. si nervus distinguere nequeat & vires finant, tunc pedem aut brachium, in quo latet iste nervus, citissimè abscindere opus est; 4°. caustica si sint ut vitriolica quæ nervos laceffant, ea simul eluenda, tollenda; 5°. si nihil peregrinum sit in vulnere, irritatio est 1°. sopienda decoctis emollientibus ex radice althææ, foliis malvæ, violæ, floribus chamæmeli, seminibus lini, papaveris, cataplasmata ex his applicanda; si inflammatio accesserit; 2°. sanguinis impetum phlebotomiis temperare, nec non diætâ tenui, potu refrigerante, nitroso avertere;

3°. vulnus si ab sclopeto inflictum sit, dilatare & aponevroses internas distractas scalpello scindere, ut strangulationes solvantur; 4°. si tendo vel nervus sint puncti, antequam ad excisionem horum deveniamus, oleum terebinthinæ calidum, purum, vel cum aquâ Reginæ Hungariæ mixtum, vel balsamum peruvianum vel copaivum identidem infundenda sunt; si magna hæmorrhagia spasmos inducat. *Vide convulsionem in clonicis.*

3. *Trismus inflammatorius* Heister. *Chir. cap. 57.*

Si mulculorum maxillæ vel tonsillarum inflammatio impediat quòminus maxillæ ab invicem deduci queant, ista inflammatio repetitis phlebotomiis, potu diluente, cataplasmatibus emollientibus & resolventibus est discutienda. Interea cum æger ob maxillas clausas cibum non valet assumere solidum, juscula rimis vel ubi dens quidam deficit, infundenda, aut clysmatis formâ injicienda in intestinum.

4. *Trismus scorbuticus; genarum rigiditas* Sennert. *de scorbuto, pag. 744.* Salomon Alberti *de scorbuto.*

Est rigiditas tendinum & ligamentorum maxillam inferiorem in articulo suo connectentium, cum dolore scorbuticis quandoque sed rarò accidens, in masticatione atque oscitatione dolorem majorem excitans.

Curatur ut contractura scorbutica.

5. *Trismus verminosus. Stidor dentium à vermibus.*

Frequens est ille affectus, in quo inter dormiendum aut vigilandum strident dentibus convulsione scilicet pterygoideorum, quos fortè ciet vapor acido-dulcis è ventriculo exhalans, vel irritatio ventriculi cujus tunicæ mediante œsophago cum faucibus sunt continuæ; quandoque trismus ille fynochum verminosum comitatur & vermifugis

curatur; in variolis etiam observavi illum trismus.

6. *Trismus equinus* Soleyfel, Gallice *le Tic*.

Sic dicitur quia equi hoc affectu laborantes dentibus præsepium impetunt, & sonum *tic* referunt.

7. *Trismus crepitans*; *claquetter des dents*.

Est symptoma febrium intermittentium, & tremorem comitatur.

8. *Trismus hypochondriacus*. *Cacoethes* Juvenalis.

Novi hominem melancholicum qui etiam dormiens à pueritiâ stridet dentibus ita ut dentes sint admodum detriti, nullo alio sequente à multis annis incommodo.

Huc referri potest distorsio muscutorum genas, oculos & maxillam moventium involuntariè & pravo usu assueta, quæ vulgò *Tic* dicitur.

9. *Trismus arthriticus*; *podagra dentium* Strobelbergeri *Lipsiæ* 1730.

Est difficultas maxima & valdè dolorifica os aperiendi ob rigiditatem musculi crotaphitæ aut masseteris, per menses quandoque excrucians, cum uberrimo ptyalismo, pervigilio & muscutorum vicinorum continuâ agitatione.

Atrocem illum morbum quem ab odontalgia oriri suspicabar extractio dentium non mutavit, irrigatio aquarum Balerucanarum sedavit, sed narcotica singulis diebus magis profuerunt. Manè recrudescbat prius sopitus quoties ægra os aperire volebat.

10. *Trismus febrilis*; *stridor dentium in morbis acutis*.

Stridere dentesve collidere si cui à puero familiare non sit, fanaticum atque mortiferum; si quis verò delirans id faciat, omninò funestum. Hippocrat. *in coacis*.

11. *Trismus capistratus.*

Ægri dicuntur vulgò capistrati Bridés.

Est impossibilitas diducendæ maxillæ inferioris à superiore propter agglutinationem interioris partis genarum cum gingivis.

Illa agglutinatio frequenter accidit illis qui ptyalismum mercurialem uberem passi sunt sine cautelâ, ulcuscula si quidem genarum exsiccata adhærescunt gingivis, unde maxilla diduci non potest; hinc fit ut vix aut non nisi liquida guttatim, deglutiri possint alimenta.

Curatio exigit operationem Chirurgicam, id est, excisionem partium adhærentium, earum sejunctionem, quæ initio per turundas interpositas in dies crassiores, deinde per laminas ex plumbò vel ex subere factas, absolvitur, quâ proportionem cicatrix efformatur. *Vide observationem singularem N. Andreae Chirurgi Versaliensis, pag. 383.*

12. *Trismus Occipitalis Andreae Chirurg. Versal. observ. 4. pag. 355.*

Præbiter dudum laborabat doloribus & convulsionibus, quæ caput, collum & humeros dis-cruciabant; nunc ejulabat miserè clamando sibi cranium avelli, nunc adesse in capite malleos & folles agitados, nunc deprecabatur astantes ut onus molendinariæ molæ æquale à se eximerent; paroxysmi à nuchâ incipiebant ubi olim ictum passus erat. Cuso ibi loci cauterio, sublevatus est, eo verò reficcato, reversus est morbus.

13. *Trismus maxillaris Andreae observat. 2^a. 3^a. pag. 343. &c.*

Vir à quindecim annis maxillæ inferioris dolorem atrocem nocte, dieque experiebatur, ad insaniam usque; masticare & loco stare non poterat; deglutiendo cibos distorsiones horrendas

edebat ; paroxyfmi frequentes erant. Mentum continuò contra corpus durum firmabat , nec loqui , nec negotia fua obire valebat ; incipiebant paroxyfmi à doloribus querulis , definebant in accentus gradarios , interruptos , & refpirationem nafalem præcipitem cum extenfione & diftorfione nafi , labiorum , oris , faciei totius ; tempora & parietale ejufdem lateris finiftri fibi avelli putabat.

Nervus maxillaris inferior laborabat , nec is poterat attingi nifi in foramine menti ; is cauftico diftructus fuit , & eger fic fanatus.

14. *Trismus dolorificus* N. André *observations fur les malad. de l'urethre* , Paris 1756. pag. 318. Nomine *Tic douloureux*. An *podagra dentium* Strobelbergeri tract. *Lipfiae* 1630. *Trismus arthriticus* ?

Eft difficultas maxima & valdè dolorifica os aperiendi aut movendi cum uberi ptyalifmo , pervigilio , & mufculorum vicinorum continuâ & convulfivâ agitatione.

Atrocem illum morbum femel observavi , ante decem annos. Eo laboravit per plures menses Mad. de Gafc ; manè modò os aperire quomodo-cumque caveret pacata erat , verùm fi ad verbum proferendum , quidpiam edendum , aut etiam ridendum , maxilla moveretur , illicò doloribus circa tendinem maffeteris & viciniam excruciabatur per totam ferè diem cum motibus convulfivis , rifum caninum unius lateris referentibus , aliifque diftorfionibus , quæ ipfi vitam miserrimam per menses reddidèrè. Susplicabar odontalgiam à cariosis dentibus quos ideò extrahi curavi , fed fine fuffeffu ; dein viru arthriticum , quod fufpicabar , diverfis remediis aggreffus fum. Irrigatio ex aquis Bellilucanis paululum profuit , dein

malum recrudit, & solo laudano sedari potuit, post annum circiter evanuit hic morbus.

Demum nuper inveni observationes plurimas Chirurghi Andreae Versaliensis, quibus historia hujus morbi, ejusque curatio multum illustratur, ex quibus compertum est à nervis maxillaribus, infraorbitari, aliisque faciem, collum, maxillamve pervadentibus irritatis penderé hunc dirum morbum, & nervi affecti unctione, excisione sanari, ipsis etiam ulceribus nervum non attingentibus à cauterio inustis sublevari.

Mulier ictum passa circa oculi canthum nasalem, inde fistulam contraxit in maxilla superiori, quæ evulsis tribus dentibus anticis sanata est, verum siccatâ ocius fistulâ supervenere convulsiones dolorificæ pluries in horâ, nocte dieque recurrentes; ægra liberè manducare, tussire, exspuere, nares emungere non poterat, quin dolores atroces & spasmodicas agitationes faciei pateretur; levissimus faciei attactus hos faciei & frontis dolores redintegrabat; imò ipsi videbatur pericranium ex toto capite avelli, frustra antispasmodicis, antiscorbuticis, balneis, lacticiniis diutissimè usurpatis, vesicatoriis repetitis sine levamine; celebris Chirurgus Mareschal ut nervum orbitarium inferiorem excinderet, scalpello incidit inter gingivas & os maxillare musculos caninos incisivos, maxillarem usque ad orbitam; eâ verò nocte ægra pacatè dormivit, verum intra paucos dies morbus recrudit, tandem post biennium Andreas ope lapidis caustici ad nasi latus inusti, aquæ mercurialis supra escharam affusæ, incisionis ad os productæ post duodecim dies, quibus hæ operationes institutæ sunt, statimam sublevit, quæ denique omnino sanata fuit; nervum verò illum

cùm Chirurgus initio denudatum stylo attingebat ; paroxysmum trismi pro lubitu excitabat , cicatrice obducta , ægra sana vixit.

15. *Trismus catarrhalis.*

Vidi Aquis-mortuis Maio 1759. militem recens huc advenam , qui cùm rori vespertino inassuetus se exposuisset , maxillæ inferioris musculos dolere , subtumere , rigescere sensit , cum ejus partis ad posteriora retractione , & immobilitate ac clausurâ , quæ per 5. vel 6. dies perseveravit , invitis tribus largis phlebotomiis , fomentis anodynis emollientibus , quibus sensim impugnatus morbus cathartico cessavit.

16. *Trismus cynicus, spasmus cynicus* Bontii *Med. Indor. observ. 1.*

Labia versus alterutram vel utramque aurem trahuntur , oculi , faciesque rubent , aut livescunt , dentes strident , murmur inconditum edunt & obscurum , ut vox subterranea videatur ; deglutire nequeunt ; plebs ægros dæmoniacos judicat.

Cura. Mittatur sanguis ubertim , frictiones adhibeantur , inungantur oleo macis caryophyllorum , anethi , terebinthinæ &c. Cervici cucurbitulæ affigantur ; si deglutire possint , emeticum cum sudorificis , ut theriacâ , bezoardico , est propinandum ; secus clysmata cum vino emetico injicienda ; æger oleis supra dictis inungatur , demum ad narcotica deveniendum est.

17. *Trismus cynogelos ; Ris canin.* *Spasmus cynicus* Auctorum , *risus caninus* vulgò.

Est conatus naturæ ad depressendum diaphragma & anhelitum cohibendum , ut in conatu ad egerendum , parturiendum , mingendum , cum maxima ad obices superandos requiritur virium

intensitas. Hanc faciem durum deicientis tangit Martialis in epigrammate adversus Crispum.

Cum itaque morbosus est ille conatus & involuntarius, verosimile est eum pendere à simili fine, quem intendit natura, nec posse diaphragma vehementer depressum retineri, nisi, sic contractis faciei musculis, chordæ vocales per musculos laryngis commodius contractos, glottidis rimam claudant, & sic aëris inspirati exitum præpediant.

Si tribuatur hic spasmus fortuitæ convulsioni horum musculorum, nulla videtur ratio, cur hi musculi potius quàm alii convellantur, quod in læsione diaphragmatis fieri scribunt. Vide disputationem de risu sardonico *Heidelbergæ*, 1683.

18. *Trismus Sardonicus*; *Ris Sardonique*. *Sardonicos Gelos* Græcis; *Spasmus Sardonicus*.

Qui inter edulia utuntur Ranunculo scelerato Linn. qui herba sardonica Dioscoridi vocatur, in Sardinia & Occitania vulgaris, hunc morbum experiuntur, qui differt à simplici per delirium, cardialgiam, vomitum aliaque symptomata hujus ranunculi corrosioni tribuenda; ægri ridendo moriuntur, unde *Apium risus* cognominatur hic ranunculus.

Indicantur lenia & prompta vomitoria, aqua mulsa & lac affatim hausta, addit his Dioscorides irrigationes, unctiones calidas, balnea oleosa calida cum frictione & unctione. Videatur historia spasmi cynici à Freindio relata in *Philos. transf.* Tumor & dolor stomachi paroxysmos antecederant; deinde oris & gutturis convulsiones accedebant, ab usu croci, daturæ, aconiti etiam risum Sardonicum produci notat G. Francus *differt. de risu Sardónico*.

19. *Trismus Diastrophe*, *Diastrophe* Galen. *Oris tortura paralytica*.

Est distortio oris versus alterutrum latus ob oppositi lateris hemipl. giam, unde musculus zygomaticus & buccinator lateris sani os ad se trahunt & tractum detinent, paralyseos aut apoplexiæ prodromus aut sequela, eandem curam expostulans; hujus speciei curam ope kinkinæ factam vide in *diar. medic. Octobr. 1759. pag. 312. D. Olivier.*

III. *Obstipitas, Torticolis Caput obstipum.*
Mauchartii dissertat. 1742. Ægri obstipi,
Græcè Loxoi.

Est tonica capitis inflexio in unam alteramve plagam adeòque lateralis antica vel postica, pro-na, vel supina.

Caput erectum & pro lubitu mobile detinetur æquilibrio virium contranitentium, posticè sunt erectores seu extensores, scilicet splenius, complexus, & laterales simul agentes, anticè pondus capitis; hinc fit ut dormientes si stent laxatis omnibus musculis à somno, nutant capite; natura tamen, illæso somno, caput identidem restituit; similis nutatio in syncope, apoplexiâ &c. accidit, sed constans.

Laterales musculi sunt sterno-mastoidei quorum dextro agente solo, facies versus latus sinistrum vertitur, & reciprocè sinistro agente facies dextrorsum vergit; hos musculos adjuvant mastoideus lateralis, major & minor, rectus, obliquus superior, rectus anticus longus & idem brevis, & transversarius anticus, primus, qui omnes vertebri colli annexi ad caput tendunt; verum eorum munus adjuvant & caput flectunt qui vertebra colli trahunt aliis vertebri annexi, ut secundus transversarius anticus, & obliquus inferior, sacro-lumbaris &c. hinc lateralibus dextris contractis caput &

collum dextrorsum flectitur, & vice versâ illis laxatis sinistrorsum nutat, hinc obstipitas duplicis ordinis.

1. *Obstipitas renuens*; est illa in quâ facies extrorsum versus humerum versa remanet ob vim lateralium musculorum, scilicet sterno-mastoidei oppositi & lateralium posticorum ejusdem lateris, nimiam, vel quod eodem recidit ob horum musculorum decurtationem constantem & involuntariam; altera tamen datur obstipitas renuens resoluta seu paralytica; in quâ facies extrorsum versus latus dextrum vel sinistrum conversa remanet invitè propter resolutionem musculi sterno-mastoidei lateris ejusdem, vel etiam musculorum aliorum lateralium lateris oppositi, in quo ultimo casu caput etiam nutat.

2. *Obstipitas annuens*; est ea in quâ caput ad anteriora vel rectè vel obliquè nutat, & primum remanet, ob laxitatem musculorum posticorum. Conveniunt fatus aromatici, embrocationes ex aquis Balerucanis, panni fumo spirituofo imbuti.

3. *Obstipitas catarrhalis*; est ea in quâ dolent & leviter tument, immobiliaque sunt organa collummoventia, ob frigus, calente corpore, susceptum; unde sæpè coryza, tussis, anginosi affectus.

Exigit initio unam phlebotomiam, potus theiformes calidos, dietam mediocrem, aërem calidum, pannos siccos laneos cum cineribus calidis collo circumvolutos, aut fumo sacchari imbutos, linimenta anodyna, & resolventia.

4. *Obstipitas Gibbosa*; ea est quæ fit vitio ossium, scilicet ob exostosim aut distorsionem, inflexionemve vertebrarum colli, tunc flectitur caput sursum, deorsum, ad latus alterutrum, & in eo situ constanter remanet.

Malum autem illud immedicabile vulgo est.

5. *Obstipitas lateralis*; musculi sterno-mastoidei dextri stricture Boerhaav. consult. pag. 220. Tulp. lib. 4. cap. 57. mercur. compilat. pag. 130.

Sindicus Genevensis sexagenarius, vir rebus publicis diù intentus, incidit in obstipitatem lateralem; caput ipsi, vellet, nollet, dextrorsum vertebatur, sine inclinatione adeòque ab oppositi lateris sterno-mastoideo musculo trahebatur fortius, & ab antagonista debilius; in utro horum foret vitium roboris aucti, vel imminuti vix cognosci poterat; nec tensio alterutrius musculi id satis indicabat. Præscripta incassum multa remedia, ut apud nos aquarum thermalium affusio, & suaserat Boerhaavius sequentia; 1°. delapsum aquæ calidæ in nudum caput manè & vespere ad septem minorum spatium quotidie per sex septimanas cum frictionibus moderatis; post has embrochas; 2°. locum dextri musculi sterno-mastoidei manè & vespere inungendum diù unguento althææ composito; 3°. totam plagam sinistri seu antagonistæ eodem tempore fortiter confricandam panis siccis, succini accensi fumo penetratis, ut ejus robur invalescens parem faceret æquilibrio cum antagonista obtinendo.

6. *Obstipitas spasmodica* Bonet. Sepulchret. de convuls. obs. 33. Symptoma epistotoni & emprostotoni Tulp. lib. 4. cap. 57. mercur. compilat. pag. 130.

lisdem auxiliis curanda.

IV. *Contractura*, Contracture.

Est in artubus ut brachiis, cruribusve immobilitas ob partium rigiditatem sensim superveniens.

Differt ab ankylosi per rigiditatem tendinum & ligamentorum, cum in ankylosi tantum ossa immobilia sint circa articulos.

Differt ab spasmodis legitimis, quia contractura diuturna est, & non subito, sed sensim accidit.

1. *Contractura hypochondriaca Boneti in polyalthæa.*

Melancholicos hæc sæpius afficit cum extremorum rigiditate, stupore, fornicatione. Huic speciei lactinia conveniunt.

2. *Contractura dolorifica, Occitanis Gambarot.*

Notum est ex veteri podagrâ aut rheumatismo mirè contrahi & contorqueri extremos articulos, atque immobiles evadere cum sensu vel doloris acuti, vel stuporis, & debilitate partis, quæ species præter linimenta exigit fons ex aquis thermalibus sulphureis, ut *Lamalou* juxta Biterras; *St. Laurent* apud Helvios, & *Bagnau* juxta Mimatem. Profunt etiam iteratæ electrificationes & longus lactis usus.

3. *Contractura scorbutica Sennert. de scorbuto. Ettmuller. pag. 448.*

Apud nautas non rarò, ait Eugalenus, tendines poplitis indurantur, ut crura planè rigida evadant, quod sensim accidit; quandoque crescente malo omnes articuli hoc affectu laborant, nullumque artum extendere possunt, ita ut ægri in orbem vel globum toti contrahantur teste Eugaleno. Idem observat Lindius cum tumore & dolore genuum in secundâ scorbuti periodo, unde ad gonagram hic morbus accedit. Vidi contracturam scorbuticam, cum amborum extremorum rigiditate & extensione tonicâ, diuturnâ, atque maculis flavis violaceis illorum, ac demùm nigredine & duritie, quibus tibiae mumiaè perfectè æmulabatur æger. Bernard. Below in *miscellan. curios.* asserit se 60. ægros sanasse contracturâ scorbuticâ genuum affectos sequenti remedio solo.

Recipe fedi acris manipulos viii. bull. vase clauso in veteris cerevisiæ lb. xvi. ad dimidii consumptionem; hujus decocti fumat æger quovis manè uncias iii. ex foliis fiat cataplasma. genubus applicandum. *Vide Lind. de scorbuto.*

4. *Contractura paralytica* Schroder. *phytolog.* in quâ superest sensus, pereunt motus & flexilitas.

In paralyfi inveteratâ quam præcessit & fovit rheumatismus, quæque frequens est, manuum digiti, carpus, cubitusque contracturâ laborant, seu rigescunt, ita flexorum musculorum carnes & tendines, ut diduci non possint sine metu fracturæ, unde discrepat hæc hemiplegiæ species ab aliis.

Insanabilis hæc species sublevatur repetitâ electrificatione per 15. dies, singulis diebus per horæ quadrantem, additis deinceps aliquot fulminationibus. *Vide dissertat. de Hemiplegiâ per electricitatem curandâ. Monspelii.* In hac specie non raro remanet sensus, amisso motu.

5. *Contractura rachialgica* seu à colicâ Pictorum; vide *opus Citesii*. D. Astruc. D. Dubois & D. Tronchin. Aquæ sulphuræ & lac indicantur.

6. *Contractura Bohemica* Schenckii *obs.* Vanswieten *aphor.* 1051. *pag.* 335.

Pessima mala fieri ab usu vini austeri ex uvis non satis maturis pressi quotidiana observata docent, & fortè inde sæpè fiunt contracturæ dictæ in Austriâ satis frequentes, dum ligamenta quibus ossa articulata nectuntur, obrigescunt. Vanswieten.

Profunt hic diluentia alkalicis fixis juncta, sed alkalina ad grana pauca cum aquâ potentur, ut oleum tartari per deliquium ad gtt. xii. in aquæ unciis 4.

Aquæ Selteranæ apud Germanos, aquæ Montis aurei apud Arvernos continent falem alkalinum

huic concreto resolvendo aptissimum, ita & aquæ de *St. Laurens en Vivarez*, balneo, fotu, laconico applicandæ, potu præmissa.

7. *Contractura arthritica* Ettmuller. *Tom. 1. pag. 377.* hanc lacte curavit Takius; dolorificæ varietas est.

8. *Contractura catarrhalis* Ballonii. *Vide catarrhum.*

V. *Crampus*, *Crampe*; Anglis *Cramp*. Occitanis *Rampe*; *Spasmus flatulentus* Auctorum; Italis *Granchio*.

Est musculi unius vel alterius subito accedens, & subito recedens rigiditas cum dolore sæpè atroci in artubus vel in collo.

1. *Crampus idiopathicus*; est ille qui musculos suræ, crurum, aliosve subito afficit, dum natus in frigidâ, aut dum frigori nocturno tibiarum exponuntur, aut dum ex vitioso situ musculi distrahuntur; huic etiam obnoxii sunt musculi digestrici, dum aëri frigido collum nudum exponitur; dolor est intolerabilis, sed intra minutum unum aut alterum spontè recedens, maximè calefactis aut frictis, & commodius collocatis partibus.

2. *Crampus sympathicus*; est ille qui in cholera suram potissimum afficit, cum validâ tibiarum distensione & atroci dolore, unde irrequieti crura movent, clamant, & quoties vomitus supervenit, gravius torquentur ægri.

Optimum auxilium est præmissa vomitione ex aquâ pulli, laudanum ad guttas viginti propinatum.

Si simili spasmo afficiatur pectus, exoritur pleurodyne fugax, sed atrox, cum metu suffocationis; si guttur, datur angina spasmodica.

VI. *Priapismus*, Priapisme.

Priapismus est morbus brevis, cujus præcipuum symptoma est penis ingrata, & sine libidine sæpiùs revertens erectio.

Differt à satyriasi, quod in priapismo deficiat veneris appetitus, seu libido.

1. *Priapismus dysuricus.*

Dysuria calculosa stipatur sæpè penis tentigine, sed dolorifica, atque hoc inest singulare quod non intumescat penis, ut in erectione libidinosâ, sed tantùm rigescat & indurescat sine voluminis augmento; præterea non sursum vergat, sed deorsum; adde dolorem acrem in extremo glande, qui solus intumescere videtur.

2. *Priapismus gonorrhœicus*; est ille qui in gonorrhœâ recenti observatur, quique injucundus est atque dolorificus, sæpiùsque pene incurvo propter ulcuscula in tractu urethræ disposita, quæ uniformem penis extensionem præpediunt, unde contorquetur in arcum; hinc dicitur *gonorrhœa chordata* Gallis.

3. *Priapismus à frigore*. Vid. Zacuti Lusitani *Prax. lib. 3. obs. 114*. Rarissima est penis virilis convulsio.

Belga cum vigente brumâ horæ spatio in flumine stetisset, tam contortum & tenum penem habuit, ut quoties mingeret, vultum lotio spargeret.

Sanatus est fomento ex decocto rutæ, salviæ, ocymi, & linimento ex oleo anisi, terebinthinæ, lumbricorum, cum aquâ vitæ, & generoso vino; sensim in pristinum statum virile membrum reductum est.

ORDO SECUNDUS.

SPASMI GENERALES TONICI.

ILLI sunt qui artus & truncum simul afficiunt, vel totum ferè corpus rigidum immobileque detinent.

VII. *Tetanus.*

Est morbus acutus totius trunci & corporis rigiditate insignis, cum respiratione laboriosâ, & sensuum integritate.

Musculorum totius corporis rigiditas videtur pendere, vel ex influxu constanti fluidi nervei in partes, vel ex sanguinis musculos alluentis coagulatione, vel ex utroque simul.

Homo totali virium extinctione moriens relinquit suum cadaver generali tetano tensum; ast ubi violentâ abripitur morte, ejus cadaver est flaccidum. Helmontius qui hæc pronuntiat, si macella adivisset, contrarium in pecoribus vidisset; ea enim primùm jugulata & cruore ferè vacua vivunt; ast adacto intra colli vertebras cultro, illicò tetano generali correpta pereunt; idem in ranis capite truncatis & stylo intra canalem vertebralem adacto observavit Waltherus; desiderantur posteriores vespillonum aut pollinctorum hac de re observationes; cadavera eorum qui febribus malignis, dysenteriis castrensibus obeunt, flaccida remanent æstate, ob impeditam cruoris coagulationem, recens mortuis familiarem.

1. *Tetanus tonicus* Sennert.

In eâ specie totum corpus à capite ad calces

rectum est, & ita rigidum, ut si pedes attollantur jacenti, occipite tantum insistat non secus ac statua; facies rubet intensè, oculi protuberant, respiratio est valida & frequens, pulsus febrilis, plenus; calor intensus, sudor dein accedit, quo perseverante omnia remittuntur, & intra septem dies terminantur.

Vidi hortulanum adolescentem hac specie correptum, postquam calente corpore puteum rotatorium descendisset, & frigus humidum ibi passus esset; ille diætâ tenui & potu usus est, ut in pleuritide, plures primis diebus phlebotomias passus, decocto cichorii calido multum sudavit, dolores & pervigilium narcoticis compescuit, & sic intra septem dies convaluit.

2. *Tetanus emprosthotonicus* Sennert. Bontii de Med. *Tetanus anticus* Bontii de Medic. Indor. *Emprosthotonos* Auctor.

In hac specie apud Indos familiari, corpus ad anteriora flectitur, ita ut mentum pectori affigatur, gēna antrorsum vertantur; dolores atroces, difficultas respirandi, & deglutiendi, cynogelos, seu risus cynicus, faciei livor, trismus stridens, murmur & rauco vocis hanc comitantur, accedit non rarò levis dysuria.

Ægri apud Indos pro dæmoniacis habentur.

Curatur ut tetanus repetitis phlebotomiis, deinceps laudano, & extracto croci; sed præterea Bontius ligaturas artuum, frictiones, unctiones spirituosas, cucurbitulas, clysteres acres suadet, quæ, si maturò adhibeantur, felicem sortiuntur effectum.

3. *Tetanus opisthotonicus*; *Raptus posterganeus* Cælii Aureliani; *Tetanus dorsalis*; *Opisthotonos* Græcorum.

In illâ specie caput versus occiput inflexum remanet, & corpus in arcum posticè insursum tenditur, cum difficili respiratione, deglutitione, aliisque tetani symptomatis; discrimen est in principiis: ista enim species venenis deleteriis, ut cicutæ, phellandriove intus assumptis tribuitur, unde curatur ut cynogelos fardonicus.

A glande plumbeâ fodicato achillæo tendine similem ortum vidit D. Serane pater Professoris, uxoris meæ frater, Draconum sereniss. Delphini Capitaneus, cum glandem plumbeam in obsidione Parmæ intra pectus excepisset, quæ infra cartilaginem xiphoideam serpserrat, dolores atroces experiebatur, ac nunc anticè, nunc posticè per vices convellebatur, nisi summâ curâ rectitudinem corporis servaret; si enim sitûs constantiâ defatigatus paululùm antrorsum se flecteret, illicò invitus emprosthotonum patiebatur: glandem plumbeam extraxit peritus Chirurgus D. Bertaud, & post repetitas phlebotomias æger convaluit: tendinibus fodicatis utile est terebinthinam calidam, vel ejus oleum affundere. Similes species à morsu canis tendini achillis inflicto notarunt Wepferus, Bonetus, &c.

Tetanus Carolinæ describitur in *Diario Medicinæ* D. Vandermonde 1759. *in mense Novembri*.

4. *Tetanus holotonicus*, Peruvianis *Pasme*, quasi Spasmus; *Pasme* du P. Feuillée, *Journal* pag. 474.

Cacicus ex Cusco Limam accessit, ibi verò sudoribus diffuens ex lecto exsilivit, & pedibus nudis aëri frigidiusculo se exposuit; à quo ipsi incolæ multum cavent, peristromatis pavimento instructis utuntur, & non nisi post horæ quadrantem à quo tempore è lecto surrexerunt, se aëri exponere audent; quibus cautelis neglectis Caci-

cus toto corpore obrigit, exceptis oculis, qui scintillabant; alterâ die os clausum fuit, & oculi ipsi immobiles cum toto corpore fuerunt, avulsionem dentis præscripsit Medicus, sed hoc Chirurgus impossibile fuit; dolores interea atroces urgebant cum inediâ, unde mors, quæ rarò in hoc morbo vitatur.

5. *Tetanus Indicus; Spasmus Bontii de Med. Indor. cap. 2.* Est vel emprosthotonicus, vel opisthotonicus.

Crudele malum Indiis endemium ac familiare, quod sanis partibus vitalibus ac naturalibus cum summo cruciatu intra brevissimum temporis spatium miseros è vivis ad mortem rapit, dum nihil nec esculenti, nec potulenti deglutire valent.

Hoc malo affecti truculentè admodum astantes intuentur, præsertim interveniente, quod sæpè fit, spasmo cynico, seu convulsione, quâ utraque gena aures versus retrahitur, ruber ac viridis color ex oculis & facie oritur; dentibus strident, ac murmur inconditum vocis humanæ edunt tanquam ii qui è cellâ subterraneâ loquuntur, ita ut imperitis verè dæmoniaci appareant: subito invadit; homines rigidi ut statuæ permanent.

Cura. 1°. Copiosè sanguis mittatur. 2°. Frictiones ac ligaturæ validæ adhibendæ. 3°. Inunctiones fiant oleis macis, caryophyllorum, anethi, rosarum, terebinthinæ spicæ indicæ. 4°. Cucurbitæ amplæ cum multâ flammâ, sine scarificatione, cervici, lumbis, humeris, mammis apponantur, ut serosus & biliosus humor à nervis educatur. 5°. Si deglutitio fieri tum possit, cieatur vomitus, ex gummi-guttâ, antimonii hepate, quàm citissimè, nam periculum in morâ. 6°. Tunc sudorificis materies morbifica ac diureticis

ticis ejiciatur, ut lapide Bezoard, theriacâ, mitridatio; sal prunellæ multum valet. 7. Si deglutitio impossibilis, tunc acerrimis clysteribus alvus evacuanda. 8. Dein æger à capite ad calcem inungatur oleis aromaticis, & balnea subeat facta ex decocto herbæ lagondi, seu ligustri Indici ad dolores sedandos optimi, & si desint, ad narcotica audacter recurrendum, ut laudanum Quercetani, philonium, extractum croci. 9. Juscula ex gallinis, hædis, vitulis, si possit, hauriat.

6. *Tetanus lateralis* Fernelii, *Pathol. lib. 32 pag. 372. de spasmophysode*; *Goutte-Grampe* Fernel.

Physodes spasmus (Fernel. ait) insolentis prorsus speciei sese mihi nuper obtulit; ille quotannis hieme dumtaxat, sed bis, terve quotidie affligebat: caput primum in accessione vibratione quâdam ex intervallis contorquebatur, hinc sensim malum per cervicem frigoris sensu devolvebatur, cumque inter scapulas irruebat, illasâ mente, integrisque sensibus opisthotono corpus rigeat; cum verò in alterutrum latus, aut in brachium, aut in crus excutiebatur, ita arctè id protinus contrahatur, ut nulla astantium vi exporrigi posset, dum prorsus conquiesceret accessio.

7. *Tetanus syphiliticus* River. *obs. 10. commun. pag. 130. Rara convulsionis species* River. *obs. X. pag. 130. D. Aimar.*

D. Bollon militaris abscissionem brachii ex ictu tormenti bellici vulnerati passus erat, cicatrice obductâ convulsionem experiebatur, quibus caput versus partem dextram, & mandibulam frequenter agitabat, ita ut lintea continuo intra dentes habere cogeretur, quæ identidem mordebat ac dentibus conterebat. Suspiciatus est D. Aimar ex malè sanatâ olim gonorrhœâ virus syphiliticum in ejus

sanguine latere, ita ut cum irrita fuissent cætera auxilia, imò iterata amputatio, demum adhibito litu mercuriali, & ptyalismo excitato æger ab illis convulsionibus immunis evasit.

8. *Tetanus verminosus* Barrere obs. anatom. pag. 167. edit. 1753. *Intestinis percès par les vers* D. Barrere obs. anat. pag. 167.

Adolescens Indicus niger per intervalla convulsivos motus experiebatur, cum colicâ; demum incidit in tetanum Indis familiarem; artuum rigiditas erat convulsivis motibus interpolata, decimâ die læger occubuit.

Aperto cadavere nil vidi læsum in cerebro, in intestinis erant glomeres lumbricorum, quorum quipiam colum perforabant, & foramen obturabant.

In hoc morbo scordium pulveratum pro optimo anthelmintico laudat Professor clarissimus, quem nuper extinctum desiderio prosequor.

Tetanus hemiplegicus Boneti *Sepulchret. & Schenckii, observ.*

Rara species in qua dimidium corpus longitudinaliter sumptum tetano correptum est & dolet, altera medietas paralyti & sensûs privatione laborat, adde febrem acutam, delirium, dyspnœam, &c. Principium censetur abscessus in cerebro.

VIII. *Catochus* Galeni.

In eo discrepat à tetano cujus rigiditatem imitatur, quod velut chronicus sit *catochus* & diuturnus; tetanus verò acutus est, vel 2^o. in *catocho* nulla pectoris vehemens agitatio, & respirandi difficultas observetur, quæ magna in tetano.

1. *Catochus holotonicus* Galen. comment. in pror-

rhetic. 1. Hippocratis. Mich. Ferh. Collect. Acad. tom. 3. pag. 456.

Hæc est species quæ à Tetano differt immobilitate pectoris, ab extasi verò & catalepsi, inflexilitate corporis. Galenus primus est qui eam speciem memoret, aut observaverit; jacebat, ait, studiosus quidam veluti lignum rigidus & extensus, oculis apertis immobilibus, obscurè audiebat, & aphonus erat; hic morbus periodicè recurrit ex M. Fehr.

2. *Catochus cervinus* Hippiatrorum; *Elaphia* Græcorum; *Mal de cerf* Soleisel. Storck. *ann. med.* 1738. pag. 9.

Morbus est equis & cervis familiaris, in quo cutis durities est lignea, cum cordis palpitatione, & oculorum circumgyratione.

Juvenis post dolores lancinantes omnium artuum subito sine causâ evidenti, doloribus cessantibus, toto corpore rigidus & inflexilis fuit, brachia trunco appressa, crura extensa, rigidissima, abdomen lapidis instar durum, tactu non dolens, collum immobile, maxillæ invicem appressæ, musculis massetere & temporali rigidis, tumidis, lingua tamen volubilis, oculi vividi, mens & respiratio liberæ, pulsus sanus.

Balnea ratione loci adhibere non licuit, stercus equinum maxillis calidè admotum: per aperturam à dentibus incisoriis effractis juscula & mixtura sequens cochleatim assumebantur.

Recipe spiritus salis ammoniaci drachmam unam, acet. rutacei q. l. ad saturationem aquæ rutæ unc. tres, syrupi de kermes unc. unam.

Bis in die spinâ dorsi perfricata & inuncta fuit oleo verbasci cum vigesimâ parte spiritus salis.

ammoniacy; quarto die maxillam movit, deglutire coepit, humeris & spinæ dorfi cucurbitulæ ficcæ alternis diebus admotæ, clysmata injecta; octavo die movit manus, dein pedes, trigesimo ambulavit.

Differt catochus à tetano respirationis libertate.

3. *Catochus cutaneus*. Vide Zacuti prax. pag. 398. obs. 96. *Tetanus rheumatismalis mirandus* Cornax lib. 2. cap. 27. Isbrand. Diemerbroeck. anatom. pag. 747. *Raro è stravagante morbo* Carol. Curzii Neapolitan. ann. 1755.

Adolescentula Neapolitana anno 1752. cutim colli, dein faciei, demùm totius corporis sibi indurari sensit, ita ut, observante clariss. Curzio, corium ficcum, vel corticem ligneum firmitate æmuleretur; anno ætatis decimo septimo nondum erat menstruata, cæterùm sana.

Sanata est longo usu feri lactis, dein lactis ipsius, necnon balneis tepidis, vapore aquæ calidæ, hydrargyro crudo ad grana pauca cum bolo cassiæ diu usurpato, demum fonticulo tibiæ inusto.

Catochus somniculosus Galeni *libr. finition. medic.* & catochus hystericus ejusdem ad carum attinere videntur; catochus ejus phreneticus ad typhomaniam; catochus verò verminosus Schenckii, vel tetanus erat, vel catalepsis.

4. *Catochus scorbuticus* D. Vandermonde *Diar. Med. Julii 1758. pag. 51.* Huc pertinet ossificatio musculorum fere totius corporis quæ memoratur in *Novellis Anglicis mensis Novembris anni 1760.* nisi species distincta sit.

Clariss. Marteau de Grandvilliers vidit hanc speciem in muliere quinquagenariâ, rheumatismo fortè scorbutico, dein anasarcâ seu phlegmatiâ priùs laborante, supervenit cutis, tendinum,

musculorum totius corporis rigiditas coriacea, qualis in mumiis Ægyptiacis observatur; motus genuum, carpi, digitorum, cubiti impossibiles, aut valdè obscuri erant; cutis ita dura ut lanceolam retunderet; musculi artuum erant veluti cartilaginei, pulsus tamen in carpo percipiebatur, inde cephalalgia, quam narium hæmorrhagia identidem sublevabat; phlebotomia vix institui potuit, inde scorbuti signa clariùs apparuere, gingivarum inflatio, lividitas, foetor intolerabilis, vomitiones foetidæ, ptyalismus seroso-cruentus ex palato exsudans, demùm mors.

Memini me vidisse in Alesienfi Nosocomio anno 1725. virum per aliquot annos lecto affixum, ex eo quod pedes, tibiæ, & crura induruerant cum maculis exiguis, flavis, lividis, cutis & musculorum summâ duritie, inflexibilitate, quæ pedes mumiæ satis aptè referebant. *Vide arthritidem scorbuticam.*

5. *Catochus Suillus, Collect. Acad. tom. 3. pag. 210. observ. 61. Ephemerid. Germanic. Andrææ Cnoeselio observante.*

Monstrosus infans cutim habebat corio porcellitossi simillimam, flavam, quæ percussa sonitum edebat, rimis pertusam; cætera loco citato videantur.



O R D O T E R T I U S .

S P A S M I C L O N I C I P A R T I A L E S .

Clonici dicuntur à *Kloneo* commoveo. *Convulsiones clonicæ* Ettmulleri, Gorteri; *Motus convulsivi* Riverii; *Spasmi* dicuntur Hippocrati.

IN tonicis spasmis natura materiem nervos musculis immixtos molestantem forti & continuâ pressione terere & corrigere contendit ut plurimum; ast in clonicis eam excutere & eliminare nititur, unde Riverius, Heurnius, omnesque Veteres hos motus expultrici naturæ facultati à materiâ morbificâ sæpius irritatæ tribuunt.

Difficile est eos à motibus naturalibus infantium, delirantium, rabidorum, phreniticorum distinguere, nisi attendamus ad motivum, quo illi motus determinantur.

IX. *Nystagmus*, la Souris, *Diction. de Med.*

Est vel oculi, vel palpebrarum, imò iridis seu uveæ alternus motus spasmodicus, vel oculorum instabilitas. Vide *Dictionar. Medicin. Gallicum*.

1. *Nystagmus epilepticus*. Vide Mich. Ferh. obs. in *Collect. Acad.* tom. 3. pag. 455.

Vidi in duabus mulieribus morbum epilepsiæ fati affinem, in quo per paroxysmos subitanea accidebat omnium sensuum feriatio, cum respiratione obscurâ, & placidissima, pulsu pacatissimo,

oculis clausis, & omnium artuum quiete, flexibilitate, sed attentè aspectâ palpebrâ utrâque superiori, tam velociter nictabant sola cilia, ut vibrationes numerare foret impossibile: intra horæ quadrantem ægra spontè velut è somno revertebatur ad se; motum, sensumque recuperabat, atque capitis gravitatem, quâ antea laborabat, non amplius experiebatur; illi verò paroxysmi à stomachi læsione ortum ducebant, & rarissimè revertébantur. De Nystagmo simplici vide Galen. qui *Hippum* hunc vocat, & Castell. *Equum*.

2. *Nystagmus bulbi*; *Hippus* Galen. *libr. definit. Medic.* & Mauchartii.

Est instabilitas non palpebrarum, sed ipsius bulbi oculi: vidi in nyctalope continuam, sed pacatam atque involuntariam utriusque oculi ab uno catho ad alium versationem, ita ut nunc ad dextram, nunc ad sinistram continuò oculus converteretur.

Mauchartius & Woolhusius etiâ *hippum pupillæ* memorant, seu alternam & continuò repetitam pupillæ dilatationem & constrictionem. Vide *disser.* D. Mauchartii *de ulceribus corneæ*.

3. *Nystagmus catarrhalis*; *Tic douloureux de l'œil*, André, *observations sur les mouvemens convulsifs*, pag. 374.

Consistit in doloribus spasmodicis fugacibus, quorum paroxysmi tres, vel quatuor horas durabant, periodici recurrentes ut in febribus intermittentibus, & ter circiter in die repetentes; dolores erant lancinantes in globo oculi, infra & supra orbitam; ægri huic oculo semper manum admovebant, ibi pulsionem validam, lancinationem, distractionem, succussiones, & palpitacionem experientes; pulsus initio erat contractus,

febris exigua , cephalæa gravis , coryza , rheuma ; nulla verò vel sputi vel muci narium excretio.

Infarctus membranæ pituitariæ , in sinibus congestus mucus nervos orbitarios comprimebant supernos , medios vel infimos

Indicationes erant hunc infarctum tollere , muci & salivæ excretionem promovere , quod præmissis duabus vel tribus phlebotomiis , diæta resolvens , diaphoretica , suffumigia , & dein cathartica intra quatuor vel quinque dies præstabant.

X. *Carphologia* ; *Crocidismus* à *crocis* floccus ; *Crocidisein* floccos avellere ; à *carphos* paleâ , & *logeo* colligo.

Est motus velut convulsivus manuum , quo ægri floccos è vestibis evellere , paleas colligere , muscas venari , &c. videntur , quò tendinum subsultus referri potest.

Longè differt à singulari consuetudine cachecticorum sibi è labiis lamellas crustaceas curiosè avellendi , quam Monspelienſes *bechie* nuncupant ; carphologia enim est vel verè spasmodica , qualis subsultus tendinum , vel ab hallucinatione oculorum dependet , scilicet à suffusione myode. (Vide suffusionem.) Vidi enim maniacum qui similiter è libro rituali Sacerdotis ipsi extremam Unctionem administrantis , floccos & capillos , quos ibi adesse dicebat , avellere conabatur ; sed quoniam in phrenitide , & potissimum in cephalitide , ita quandoque sunt irregulares illi motus , ut in quem finem dirigantur non percipiant Medici , ideò spasmodicis annumerantur.

i. *Carphologia delirantium* ; *Crocidismus* Auctorum , vel ortum ducit à suffusione muscas , festu-

MORBORUM, CLASSIS IV. 41

cas referente, vel ab anxietate manuum, ut loco stare nequeant; vidi in puerulo vivido, sanissimo etiam cum somno pacatè indulgeret motum illum in tendinibus & digitis continuum, qualis est in pedibus quandoque vespere, & *inquietudo* pedum dicitur.

2. *Carphologia spasmodica; Subfultus tendinum*, vulgò *le Soubresaut des tendons*; est motus palpitans aut tremulus, vel digitorum, vel simpliciter tendinum, juxta carpum potissimum observabilis, qui in febribus malignis, phrenitide, similibusve morbis acutis delirio stipatis apparet.

Quàm funesti sit ominis in fine morborum acutorum, utraque carphologia norunt omnes; verum ejus theoria adhucdum tenebris est involuta.

XI. *Pandiculatio*, Tiraillement; *Scordinismos* Græcis; item *Scordinema* Hippocrat. *Cordinema* quibusdam.

Est symptoma levidense quod consistit in distensione coactâ plurium, vel omnium successivè membrorum ut plurimum cum oscitatione.

Motus est contractivus musculorum extensorum in brachiis, trunco, cruribus, fugax, transitorius, periodicus, qui partim à libertate, partim à naturâ dependet, eoque fine videtur institui, ut perspiratio excitetur, torpor corporis & animæ discutiatur, musculique ad agendum aptentur.

1. *Pandiculatio torpidorum*; est ea quæ desidibus, tædio torpentibus, somnolentiâ gravatis accidit, nulliusque est momenti, imò ut oscitatio naturam jucundè sublevat, & aliquali voluptate afficit.

2. *Pandiculatio febricosa*; est symptoma inva-

fionis febrium intermittentium, ex quo etiam morbos ab intermittenti latente productos dignoscimus.

3. *Pandiculatio hysterica*; est symptoma hystericis familiare, quod vulgo torpori sanguinis, seu ejus retardationi & spissitudini tanquam principio tribuitur.

XII. *Apomyttosis, Ebrouement Furetiere.*

Est spasmodica capitis, & quasi tremula succussio lateralis cum expiratione sonorâ, & trunci agitatione, eo fine ut mucus narium excutiat, aut ut quid noxium è cute expellatur.

Symptoma illud apud jumenta familiare tantum est, aut in homine non satis observatum, & sternutationi affine, à quo tamen discrepat per expirationem veluti stertorosam è naribus factam.

XII. *Convulsio, Convulsion; Convulsio Boerhaavii Aphor. 230. Motus convulsivus Riverii; Convulsio clonica Ettmulleri; Spasmos Græcis.*

Est morbus spasmodicus clonicus acutus, vel brevis in artubus, superstite in paroxysmis animæ functionum exercitio.

Differt itaque hoc genus ab epilepsiâ & ecclampsia per sensuum exercitium superstes; ab hysteria, ex eo quod convulsio non sit morbus habitualis vel diuturnus; à pandiculatione, apomyttosi, quod voluntas ad convulsionem minimè concurrat, nisi sit simulata.

Partes quæ convelluntur sunt artus, unde à trismo clonico, priapismo, palpitatione, singultu,

&c. discrepat: attamen convulsioni artuum, non raro diverforum organorum, ut labiorum, oculorum agitationes junguntur, ut in ecclampsia puerili.

1. *Convulsio ab inanitione* Hippocratis; est ea quæ à morbo potissimum acuto, ut evacuatorio exhaustis & morti proximis supervenit; sic quotidie laniones experiuntur ea animalia fortius convelli ante mortem, quæ robore majori pollent, ut fues, quàm quæ debiliora, ut agni, & vix ullum est quod jugulatum non convellatur.

Veteres Physices ignari judicabant has convulsiones fieri per nervorum exsiccationem, ut charta pergamena ad ignem admota retrahitur, cum humidum exhalat, qui crassus error vix refutationem meretur: Pseudo-mechanici felicius divinare se putant, & existimant ideò convelli exhaustos, quia languente in cerebro circulatione, dum in quibusdam arteriis cessat motus sanguinis, ille in aliis perseverat, adeoque respectivè celerior est, atque ex celeriori sanguinis per arteriolas minimas cerebri fluxu celeriore fluidi nervei in nervos influxum, & ex eo convulsionem deducunt, ex hac inanitione & debilitate summâ convulsionis theoriam mechanicam se deduxisse putant.

Hujus theoriæ principia ruinosa sunt omnino, cum in physiologicis probetur vim fluidi nervei ad musculum v. g. cordis movendum requisitam esse millies majorem quam est vis; quam hoc fluidum à circulatione, seu à corde mutuatur. Vide *dissertat. de febris theoriâ* ad calcem Hoemastaticæ Gallicæ.

Illustris Medicus urbis *Cette* consuevit ad rheumatismum chronicum sanandum viginti libras sanguinis bidui spatio ex ægri venâ mittere. Vide *Observations intéressantes sur la Goutte, à Paris* 1747. pag. 334.

Cum hæc therapeia adhibetur, non raro accidit, maximè si verminosa putredo sit in primis viis, aut æger phlebotomiam timeat, ut cardialgiæ, syncopes, & demùm fortes convulsiones ipsi superveniant, cum vomitione, sudore frigido, faciei mutatione, quæ omnia mortem præforibus adesse significant; interea æger aquâ frigidâ adpersus, vel cardiaco potu restauratus, eâdem die uberrimas iterum phlebotomias experitur cum successu.

Cum illustriss. Hales ex equâ pintas sanguinis quatuordecim successivè extrahebat, successivè vis sanguinis, seu ejus altitudo in tubo vitreo verticali carotidi aptato decreſcebat dimidiâ sui parte; cum verò animal ferè sexdecim libras sanguinis amisset, sudor frigidus mortem proximam intentabat: verùm in his angustiis fatalem mortis horam procrastinabat natura, excitatis convulsionibus, quarum interventu vis, seu altitudo sanguinis in tubo verticali major evadebat, quippe convulsionum ope magna pars cruoris qui in textu carnum hærebat, ad vitam actualem inutilis, expressus in cor affluebat, & ipsius motum sustinebat; cum demùm octodecim sanguinis effluxissent libræ, quarum viginti sex in corpore supererant, illicò sanguis in tubi verticalis fundum præceps ruebat, & animal mortem subito obibat.

Hinc patet convulsiones in extremo mortis periculo vitalem cursum sanguinis paululùm sustinere, & ad aliquot minuta vitam prorogare, secus illicò elapsuram. Sequitur ex experimentis Medici Cettenſis maximam partem terribilium symptomatum, quæ à profusâ hæmorrhagiâ sequuntur, ab animæ terrore magis quàm à sanguinis jacturâ procedere, cum illi ipsi qui à primâ vel secundâ

phlebotomiâ convellebantur, resumpto animo, uberiores eâdem & sequenti die tolerabant sine ullo infortunio.

2 *Convulsio à nervi puncturâ* Heister. *chirurg. cap. 2.*

Ea est quæ à nervi, tendinis, aponevrosi, membranæ puncturâ exoritur; illæ enim partes eatenus dolent & convellantur, quia nervi quibus scatent puncti sunt, nisi simul depressus cerebri cortex his convulsionibus ansam præbeat.

Quibus in phlebotomiâ è brachio puncta est aponevrosi, vel punctus tendo bicipitis, dolor in vulnere non statim sentitur, sed duodecim horis post phlebotomiam, isque non in loco puncto, sed altius versus ubi dolor se figit, & ex brachii extensione recrudescebat: pars læsa tumorem avelanæ magnitudine contrahit, ex orificio ichor quidam jugiter destillat, quod est præcipuum puncturæ tendinis signum. *Vide Paræi chirurg. libr. 9. cap. 38. Mercur. compilat. pag. 130. & 147. Sydenhamum de pleuritide, qui hoc cataplasma præscribit.*

Coque radicem lilii albi uncias quatuor in lactis libr. duabus, misce farinæ lini & avenæ ana unc. tres prius in lacte coctas; fiat cataplasma manè & serò renovandum.

A puncturâ nervi, quod in Carolo nono Franciæ Rege vidit Paræus, illicò dolor vehemens oritur, brachium tonicè convellitur, & intumescit: laxatâ ligaturâ, linthea oxycrato imbuta brachio applicata sunt, & emplastrum ex basilicone vulnere admotum, quod ipsius agglutinationem remoraretur; dein oleum terebinthinæ calens cum aquâ vitæ vulnere infusum est; toti verò brachio emplastrum diachalcitheos in aceto & oleo rosaceo solutum inductum est obvolutâ insuper fasciâ expulsiâ: his post trimestre spatium Rex sanatus est,

dolor verò brevi mitigatus : decreverant autem , si dolor his remediis restitisset , vel oleum fervens in vulnus infundere , vel nervum ipsum transver-
sim rescindere , potius quam lethiferæ convulsio-
nis periculo exponere. *Paræus lib. 9. cap. 38.*

3. *Convulsio febrilis Boerhaavii aphor. 710.*

Ea est quæ accidit in augmento , vel statu febris
tum continuæ , tum inflammatoriæ , quæ enim in
agone supervenit , est convulsio ab inanitione.

Si febris sit verminosa , maligna , convulsio solet
accidere , quoties phlebotomia celebratur , licet
ea phlebotomia in vigore febris fiat , & à pulsûs
vigore indicetur ; convulsiones enim quæ à phle-
botomiâ in febribus accidunt , designant materiem
verminosam , vel malignam in primis viis , ut
monet Barbeiracius , & expertus sum. Convulsio
illa febrilis dependet ab infarctu vasorum cerebri ,
sanguinisque stasi & inspissatione , quibus obviam
ire natura contendit , nec magis mirum est tunc
temporis convelli manus aut pedes , quàm ad eas
partes jam dudum amputatas referri dolorem : mo-
lestiæ enim quæ sunt in nervorum principio , ad
partes quibus hi nervi prospiciunt , referri solent :
convulsio febrilis pejor est apyretâ ; si post cras-
sam urinam sequatur urina aquosa , limpida , in
acutis malum est : significatur enim convulsioni
delirium aut soporem accessurum esse ; si viribus
jam exsolutis convulsio accadat , ea mortis est præ-
nuncia.

*Curatur hic morbus ut febris ipsa , scilicet exi-
git victum ex liquidis , phlebotomiam è pede ,
collo repetendam , deinde cathartica ; si verò pul-
sus non vigeat , hyrudines temporibus admoven-
dæ ; laudantur etiam vesicatoria dorso applicata ,
maximè si febris sit typhodes , aut æger ad sopo-*

rem vergat : pulli medio fecti calidè applicantur per horam capiti raso ; sedatâ febre guttæ minerales anodynæ Hoffmanni decem vel quindecim identidem offerantur.

4. *Convulsio à capitis ictu* Boneti, *Sepulchret. de convulsione, observ. 23.*

Ea est quæ tribuenda videtur ictui, contusioni, vulneri, commotionive diversarum capitis partium, ex quibus seriùs, ociùs superveniunt diversarum partium etiam è latere ictui opposito fitarum, ut brachii, cruris, digitorum convulsiones.

Invenerunt in cadaveribus saniem, pus, serum effusum, plexum choroideum cruore turgidum, meningem piam inflammata, pus in cerebri substantiâ inter meninges, ipsas meninges tumidas, &c. prout citiùs vel seriùs post acceptum vulnus æger perierat.

Si æger ab ictu concidat, vertigine, vomitione biliosâ, aphoniâ laboret, etiamsi nulla fractura sit, metuenda est convulsio, ecclampsia, paraphrosine, apoplexia, &c. unde operatio trepani indicatur.

A largis phlebotomiis & victu liquido ordiendâ curatio ; auxilia chirurgica ex Heistero, & Dionis repetenda.

5. *Convulsio ab hydrocephalo* Boneti *Sepulchret. de convulsione* ; passim Willisius *patholog. cerebri* ; Carol. Piso *de colluvie ferosâ, &c.*

Infantibus hic morbus familiaris est ; in horum cerebri sinubus, aliisque in locis post mortem serum effusum reperitur. Novi familiam, cujus infantes circa sextum ætatis annum omnes periire ex hõc morbo, scrophulis huic effusioni ansam præbentibus, febricula inconstans cum alterno faciei rubore & pallore, necnon cacofitiâ & fasti-

dio omnium divexabat ; subito dein convellebatur vel gena, vel oculus, & post paucos dies è medio tollebantur : idem observavit Willisus. Convulsione etiam primo aut secundo ab ortu mense infantuli corripuntur in facie, præcordiis & artubus, fortè propter mollitiem & ferositatem in cerebro, in quo casu pulverem de Guttetâ bis in septimanâ per annos præscribimus, & leves catharthes ex syrupo de cichoreo, de floribus perficorum, castorei essentiam ad gtt. xij. essentiam succini ad gtt. ij.

6. *Convulsio nephralgica* Helmont. *de Lithiasi* cap. 7.

Duas observationes habet Helmontius convulsionum lethalium, quas adscribit calculis in rene & in uretere post obitum repertis, comitante nephralgiâ.

Si in unâ parte irritatur vix expultrix naturalis, ea surgit in aliâ, nec semper proximâ, sed etiam in dissitâ parte, ut totum corpus tantum concutiat. Schneider. *de catarrhis*.

7. *Convulsio Suecana* D. Linnæi *epistol.* 1759.

An ecclampsia typhodes? Sic videtur, si sensus abolerentur. Ante aliquot annos in Sueciâ grassabatur morbus endemius, qui magnam stragem intulit rusticis Smolandix, Westrogothix incolis, regionibus verò magis borealibus pepercit.

Hujus notæ erant sequentes : spasmo occupantur primò digiti manuum & pedum ; dein manus, genua, cubiti contrahuntur vehementissimè ; deinde dorsum & collum flectitur, & per duos vel tres menses ad mortem usque ita excruciantur doloribus, ut clament tanquam in ignem projecti.

Paroxysmus multoties de die revertitur, rustici soli, iique adulti, nunquam infantes, afficiuntur ;
autumno

autumno tantum viget hic morbus, raro animalia domestica aggreditur; ejusdem familiæ homines ordine sæpè suo afficiuntur, nullum tamen est contagium. Hæc illustrissimus Archiater scripsit, sed de curâ filuit; vixit in Sueciâ hic morbus anno 1758. & 1759.

Motus convulsivos pluries in die exacerbantes sanavit Franklinus repetitis electrificationibus, quos nulla alia auxilia sedare potuerant. *Vide historiam in Diario medico D. Vandermonde Octobr. 1759.* Hunc morbum à decennio durantem intra quindécim dies abstulit electrificatio octies in die repetita; prima quidem commotio paroxysmum excitabat, ast altera auferebat; supererat crampus quem trimestris electrificatio etiam sanavit.

8. *Convulsio à rubigine, Crankheir* Germanis; *Morbus epidemicus spasmodicus contagii* *expers Mulleri. Francofurti 1742.*

Est morbus initio acutus cum pyrexia pauperes tantum & secali rubiginoso usos invadens, cujus periodus erat decem circiter dierum.

Initium. Artuum lassitudo, frigus & horripilatio vaga, capitis dolor, anxietates præcordiorum.

Augmentum. Subsultus spastici digitorum & pedum imò tendinum & musculorum sub cute visibiles, febris, æstus, stupor, delirium, peccatoris constrictio, dyspnœa suffocatoria, aphonia, convulsiones simul horrendæ in artubus, præeunte fornicatione.

Status. Paroxysmi convulsionum & dolorum atrocium vehementes cum vomitione vel diarrhœa, vermium reiectione, siti, & in juvenibus bulimiâ.

Declinatio. Circa undecimum, aliis vigesimum

diem sudores copiosi, exanthemata purpurea, in quibusdam tabes, in aliis stupor capitis, artuum rigiditas.

9. *Convulsio Indica*. Morbi familiares in insulâ Bourbon, vel Mascarinâ. Vandermonde *diar*.

A quovis vulnere, quavis puncturâ, vulnere sanato, si æger aëri vel aquæ frigidis se exponat, is corripitur crampto partis affectæ, qui spasmus inde dorsum & caput impetit, mox trismus maxillæ à stupore incipit, & totum denique corpus convellitur, atque nisi succurratur, miserè perit æger.

Cura ex cardiacis, sudorificis, frictionibus cum linteo calido, ligaturis artuum perficitur, verùm si hæc frustranea sint, ferro cadenti vulnus aperitur, quo remedio plures evadunt.

In hac regione frequentissimi, & dirî sunt morbi convulsivi, à levi vulnere, à colicâ recens nati plures convulsi moriuntur; adulti à convulsione evadentes deformati vel paralytici remanent; epilepsia, hysteria, hypochondriasis, ibi frequentissimæ sunt. An esus testudinis, an vinum mellis, vinum sacchari seu Tasiat & Arac, quo abutuntur incolæ regionis calidissimæ ad 20. grad. latitud. meridional. in aëre quem numerosi vulcani sulphureis, bituminosisque vaporibus inficiunt, huic morbo occasionem præbeant?

10. *Convulsio abdominis*, Baglivi *pag. 202. prax. medic. lib. 2.*

In quadragenario muscoli abdominis ingenter subsiliebant & convellebantur, quod rarissimè accidit; sanguine per hæmorrhoidas emissio, injectis clysteribus lactis, & hausto oleo amygdalarum, & syrupo papaveris Rhæados in longo brodio dissolutis, postridie convaluit.

11. *Convulsio universalis. Maladie sacrée, Hieranosos Patholog. methodicæ.*

Hæc species notatur continuâ noctu & interdiu factâ agitatione omnium & singularum corporis partium violentâ & coactâ, cum functionum animæ integritate.

Hanc speciem olim observavi Alesix in puellâ pubere nondum menstruatâ, quæ fascinata putabatur, quæque per octo dies continuò capite, oculis, linguâ, collo, trunco, brachiis, digitis, cruribus &c. agitabatur, noctu tamen quandoque paululùm quiescebat, ad interrogata respondere conabatur gestu, & loquelâ, quam tamen convulsiones intercipiebant; cibum & potum avidè, sed ob convulsiones difficulter assumebat, sensus omnes & aliæ animæ functiones in eâ vigeant.

Institutis tribus phlebotomiis & catharsi cum emetico, convaluit.

Similem morbum dein se observasse scripserunt D. Dupont Med. à Tartas; D. Sentex Med. à Condom; D. Molard Med. Massiliensis, ita ut non ita rara species sit. Dicitur hieranosus, seu morbus sacer, quia à fascino vulgò creditur inducta aut divinitus immissa, & reapse omnibus qui hanc observavere tum Medicis tum idiotis admirationem movit.

12. *Convulsio habitualis; Convulsion admirable de Marcel Donat. Convulsiones infrequentes Schenckii observ. de spasm. pag. 128.*

Differt à priori quod sit particularis, ut capitis vel pedis, sed habitualis, ita ut menses & annos perseveret, quotidie repetens vel per intervalla revertens cum functionum animæ integritate.

Marcellus Donatus vidit monacham quæ per

plures annos convulsivas commotiones perpeffa est, ita ut lecto cubare cogeretur sedendo, diu noctuque capite, collo ac scapulis commotis antrosum, retrorsumque incessanter, edendo, ac bibendo, concutiebatur, ita ut nec ipsa nec astantes eam continere valerent quominus id pateretur; quod si magnâ vi aliquando id prohiberetentassent, ea in animi deliquium incidebat, maximeque affligebatur: ea nunc alternis diebus, nunc quartâ quaque die id patitur, quandoque per menses maximè æstate immunis est, imò cum somnum quandoque capeffit, ab illo motu non vacat omninò; motus autem illi ab spinâ dorsi originem sumere videbantur.

Idem Donatus observavit mulierem, quæ continuo noctu & interdiu pollicem pedis sursum & deorsum alternis vicibus agitare cogebatur, quod invitis omnibus præfidiis per annos ad mortem usque perseveravit.

Vide Donatum histor. mirabil. lib. 2. cap. 3.

Differunt hæ species à Suecanâ quod chronica sine febre, sine dolore persistent, solummodo à convulsione universali ægri maximopere defatigantur.

13. *Convulsio ab ustilagine* Wepfer. *ephem. natur. curios. observ.* 120. *Convulsion causée par le Seigle ergoté. Convulsio Soloniensis*; *Act. Acad. Paris.*

Videtur eadem ac Suecana. Incipit à fornicatione pedum, manuumque; sequuntur convulsiones in artubus, dorso, capite, deinde dolores atroces cum aliquâ mentis perturbatione, & pyrexia symptomatîcâ; doloribus evanescentibus, ecclampsia, apoplexia vel inflammatorii morbi superveniunt. *Vide Act. Acad. curios. vol. 7. obs. 41.*

Ordo factitius exigeret ut convulsio universalis ad alium ordinem dimitteretur, sed cum non dentur limites fixi inter convulsiones universales & partiales, quippe in eâdem ægritudine sæpè partiales abeant in universales & vicissim, atque genus novum constituendum foret, satius est peccare contra ordinem factitium; idem dictum esto de tremore partiali & universali, qui proinde ad idem genus attinent.

14. *Convulsio ab onanismo* D. Tissot, *de morbis à Masturbatione* pag. 196. Onanias London 1752.

Penduli-faber adolescens ex masturbatione habituali quæ toties parvam epilepsiam inducebat, cum capitis retrorsum factâ convulsione, gutturis intumescentiâ, sensuum obscuratione, intra annum maximè debilitatus, à foeda libidine licet abstinens, sed seriùs, simili modo per horas plures vulgò duodecim convellebatur periodicè cum doloribus dorsi atrocibus ita ut ulularet, toto paroxysmo nil deglutire posset, pallidus, cadaverosus, inops, sibi infensus, macilentus, diarrhoeâ, ptyalismo confectus, stupidus, oedematofus, foetens, obiit.

XIV. *Tremor*, Tremblement; Græcis *Tromos*.

Est motus depravatus artuum, capitivæ in quo per brevissima spatia eunt, & redeunt, involuntario non impedito tamen omninò motu libero eorundem artuum, sine sensu acuto frigoris.

Ex his ultimis circumstantiis tremor à convulsione differt, nec enim debilitas motûs est tremori essentialis, cum detur tremor vehemens, quem coactum aut convulsivum dicunt, nec in omnî tremore pars liberè elevata alternis vicibus pro-

54 G E N E R A E T S P E C I E S

prio pondere deprimitur, cùm tremor etiam vi-
geat in artu sustentato, adeòque independenter à
gravitate. Differt autem à rigore febrili, catar-
rhalì, quod non stipetur sensu summi frigoris ab
interno principio oriundi, nec cutis constrictione
& corrugatione subitâ, ut in rigore accidit; hu-
jus verò aitiologia adhucdùm in obscuro latet.

1. *Tremor à debilitate* Sennert. 1^a. Species; in
curatione ut à venere, morbis evacuatoriis,
inediâ.

Ille est qui convalescentibus familiaris est, qui
eos etiam afficit, qui equitando, laborando,
dura instrumenta tractando, se defatigaverunt,
his laboribus non affueti; illa species videtur
pendere à debilitate facultatis motricis, quæ non
nisi interjectis morulis artus gravitatem superat,
adeòque alternatim attollitur à facultate & depri-
mitur à gravitate pars movenda.

Illa species distinguitur ex eo quod artu susten-
tato cesset tremor; hæc autem curatur quiete,
somno, pastu, analeptiis, & moderato exercitio.

Omnis tremor, si coactum excipiamus, cessat,
cum conatus voluntarius artus movendi definit,
aut pars sustentatur, revertitur verò cum artum
movere volumus, unde tremor distinguitur ab
omni alio genere spasmorum.

2. *Tremor senilis*, Sennert. de tremore.

Illa species præter debilitatem habet etiam
conjunctam tendinum muscutorumque duritiem,
quibus fit, ut fluido nerveo forte sint minus per-
via hæc organa; sed insanabilis est.

3. *Tremor temulentus*, Plateri.

Illa species à longo & immodico liquorum fer-
mentatorum usu sobolescit, adeòque vinosis fa-
miliaris est, & non minùs insanabilis si invetera-

ta, maximè verò vinum jejuno stomacho potatum tremorem inducit; oritur etiam ab opio, hyosciamo, aliisque inebriantibus, in quo casu oxycratum, acetumque ipsum optimè conducunt præmissis generalibus.

4. Tremor à Caffèa, Baglivi pag. 76. à siccitate, &c.

Qui potu caffè utuntur immodico, maximè si ficci, studiosi, melancholici, illi in manuum tremorem incidunt, qui abstinentiâ à caffè, aliisque falsis, piperatis & longo usu lactis, sanatur.

Vide curam. 2^a. speciei D. Lazerme.

5. Tremor Metallurgorum, Sennert. spec. 2^a. & quart. Mil-reeck. Act. Acad. Scient. Edimburg. Tom. 1. Wilson. Huic speciei singulâri obnoxii sunt vulgò qui in plumbi, hydrargyri, aliorumque metallorum fodinis habitant, nudo corpore laborant, vel etiam incautè se exponunt aëri frigido; post litus mercuriales aut diù tractato hydrargyro, ut speculorum confectores, qui fumum plumbi, aliorumve metallorum fusorum excipiunt, ut aurifabri. Curatur electrificatione observante ill. de Haen, *novâ curandi methodo*. In gradu secundo Rachialgiæ Saturninæ maximè si jejunos spirituosos liquores bibat, præter gastrodyniam colicam, astheniam, stuporem artuum, accedit constipatio, colica rodens, febri-cula, cephalalgia vertiginosa, insensibilitas, delirium, rabies, extremorum tremor, pulsus intermittens, mors.

Laudantur in hoc tremore decocta sudorifica ex radice acori, arctii lappæ; lacte cum decocto, buxi, schinæ radicis; thermæ sulphuræ. Vide Wilson *act. Edimburg. ann. 1759*. Requiritur initio cura rachialgicæ.

56 GENERA ET SPECIES

6. *Tremor coactus*, Sylvii de le Boe *prax. libr. I. cap. 42.*

In illa specie partes tremulæ etiam sustentatæ subsiliunt & veluti vibrantur, ita ut nulla laxitas locum habeat; hic tremor quandoque subsequitur, quandoque præcedit convulsionem, adeoque ab eodem principio pendere videtur, scilicet ab irritatione nervorum tum in suâ origine, tum in partibus, atque inde influxu fluidi nervei in musculos moderatores inordinato.

Hic tremor etiam melancholicos & hypochondriacos aggreditur.

Curatur aquis sulphureis quales sunt Montis-aurei, Barregienses, Bagnaulenses, deinde usu jussulorum refrigerantium & edulcorantium, oleis blandis.

7. *Tremor vertiginosus* Boneti *sepulchret. T. I. pag. 67. Cephalalgia à verme in cerebro, obs. 116.*

In Marcâ Anconitanâ ann. 1571. epidemicè grassabatur hic morbus cum cephalalgia quasi perterebrante, tremore convulsivo, vertigine per paroxysmos redeuntibus & intra paucos dies occidentibus. Nulla profuere remedia, inventum est in cerebro insectum vermiforme, rubrum, digito longius, ore acuto, collo piloso, vivum, latens in cerebri sinibus. Saxonia *Panthæi lib. I.* vertigines inter signa præcipua vermium in cerebro refert. Vermes quidem in sinibus frontali bus non rari sunt; verùm in cerebro, ipsove cranio soli testantur Bonetus, Gemma, Ballonius, Rolfincius, & Thomas Bartholinus. *Vide cephalalgiam verminosam.*

8. *Tremor ab Hydrocephalo* Guid. Patini. *Sepulchret. Boneti de tremore obs. 7. & 9. ab humiditate* D. Lazerme, *curat. 3.*

MORBORUM, CLASSIS IV. 57

Hydrocephali voce intelligo fluidi serofi, saniofi, vel fimilis copiam in ipfa cerebri cavitate. Guido Patinus in cadavere cujufdam Campani qui infolito tremore fuerat correptus, cum febre, hoc extincto invenit in cerebro ferum multum subvirefcens, cujus pars in medullam fpinalem dilapfa erat. Idem teftatur Ignat. Thyermair; verùm in vini potoribus hoc ferè tantum obfervatum eft, adeòque hic eft tremor temulentus.

9. *Tremor tendinum, subsultus tendinum, soubresaut des tendons.* Eft fymptoma febrium malignarum, phrenitidis, & aliorum morborum acutorum capitis.

10. *Tremor scorbuticus*, Sennert. eft tremor metallurgorum.

11. *Tremor paralytodes* Juncker. *Conspèct. de tremore ab infarctu cerebri & medullæ spinalis.*

Affinis eft tremori ab hydrocephalo.

Curatur ut paralyfis; huic fuperveniens, boni ominis eft; cathartica, jufcula diuretica calida ex cancris, afellis, radicibus antifeorbuticis; aquæ thermæ, jufcula fudorifica, opiata cephalicæ ex rheo, cafcarillâ, karabe; fumus aromaticus ex thymo, karabe &c. conducunt.

12. *Tremor à saburrâ.*

Quadragenarius æftate præteritâ, tremore univerfali fpafmodico correptus fubitò, fine febre, cum linguæ forditie, adivit me; præfcriptâ phlebotomiâ, melius fe habuit, fequenti die affumptis ipecacuanæ granis quindecim & mannæ unciiis tribus, ano & cato purgatus eft, tertiâ die iterata phlebotomia, quartâ iterata catharfis, & fanatus eft.

13. *Tremor à plethorâ*, Hippocrat. 2. *Epid. f. 4. de Stymargi ancillâ.*

Ex faciei rubore, arteriarum plenitudine, menses, lochiorum, hæmorrhagiæ assuetæ suppressione, victu lautiori & otiosâ vitâ cognoscitur, & phlebotomiâ, diætâ tenui, potu infusi salviæ, melissæ curatur.

14. *Tremor à pathemate*, metu, irâ, gaudio, libidine &c.

Qui vulnera in præliis passi sunt, aut chirurgicas operationes diras experiuntur, non rarò tremore per horas perseverante laborant; ab ira etiam sæpius nec non à gaudio, à libidine idem accidit, imò quandoque periodice revertitur sine pyrexia.

XV. *Palpitatio*, Palpitation du Cœur. Vulgò *cordis palpitatio*. *Cardiogmus* Galen. in *aphor.* 65. *sect.* 4. *Palmos* Græcis. *Formido* Hollerii.

Est major cordis pulsatio quàm ex arteriæ pulsu expectandum esset, seu cum pulsu debili, sæpius intermittenti.

Cor ideò pulsatur, vel versus costas arietatur, quia dum ventriculi coarctantur, auriculis tunc turgescuntibus & ab hac pressione resilientibus, basis cordis impellitur, unde motus ejus *conversivus* evadit fortior, & quoniam in hoc motu aorta paululum intorquetur aut partim via sanguinis obstruitur, impetus sanguinis in arterias, adeoque pulsus minor evadit.

Ideò verò cor resilit vel 1º. quia fortiùs contrahitur ab influxu fluidi nervei, quàm exigit copia sanguinis ejiciendi ut in palpitatione hysterica, à pathemate &c. vel 2º. quia ob impedi-

tum sanguinis per cor transitum plus sanguinis solito congeritur in auriculâ, quæ proinde à corde contracto fortiùs premitur, fortiùsque illud proprio elatere repellit.

In febre pulsatio cordis est fortior, sed nulla inde palpitatio, quia pari passu fortior est artèriarum pulsatio; in syncope debilior est artèriæ pulsus, sed debilior pari ratione est cordis pulsatio.

Causa est conatus cordis obices circulationi oppositos, quos sensit, per fortiorem pulsationem, superandi; unde principia palpitationis duo sunt; 1°. conatus cordis violentus ad augendas illius vires, ut in hysteris, hypochondriacis, in terrore; 2°. obices in corde, auriculis, artèriis majoribus, pericardio, cum exiguis cordis conatibus. Inde enim collisio crescit, minus tamen quam ubi conatus cordis est fortior.

1. *Palpitatio ab aneurismate cordis* D. Senac. *Malad. du cœur* pag. 414. Lancisii *de aneurismat.*

Frequentiùs dilatatur ventriculus, auriculaque dextra, quàm sinistri lateris receptacula.

Has dilatationes aneurismata cordis voco, quæ hæmoptyses, orthopnoëas, asthma, phthisim, hydrothoracem sæpiùs inducunt.

Causæ efficientes sunt impetus sanguinis absolutè auctus ab exercitiis immodicis, unde cursores, bajuli, veredarii, crapulosi his sunt obnoxii; impetus verò eò major est in parietes cordis & auricularum, quò magis ipsi antrorsum resistitur ob valvulas rigidas, concreta polyposa, terrorem, pathemataque varia, à quibus cor, artèriæve constrictæ manent; unde coagulum sanguinis, polyposa concretio. Hinc mortes repentinae, suffocantes palpitationes, ruptio aneurismatum.

60 GENERA ET SPECIES

Signa pathognomonica sunt magna palpitatio-
num vis, & frequentia vel recrudescencia à levi
occasione cum leipothymiis, sensu molis majoris
costas vel xiphoideam cartilaginem ferientis, &
quod mirum, est quandoque pulsus vividus &
plenus, cum scilicet auricula dextra sanguinis
transitui obfistit, liberique simul sunt ventriculi,
atque tunc temporis palpitatio levis est, vixque
manu percipitur, adde situm palpitationis in latere
dextro.

In paroxysmo phlebotomiæ, narcotica, ab-
sente leipothimiâ, diætâ tenuis, quies corporis,
& animi mortem protelant.

2. *Palpitatio hysterica* Sydenhami.

Cognoscitur ex signis hysteriæ, spasmodicis inter-
nis, magnâ pusillanimitate, pathematum tristium
concurfu, & ex eo quod ex levi occasione, ut ter-
rore, gaudio, accidat atque recedat.

Magna sensibilitas animæ, & corporis debilitas
huic ansam præbent.

Curatur quiete corporis & animi, liquorum
spirituosorum odore, & cardiacorum potu; secus
ad foetida, antihysterica deveniendum est.

3. *Palpitatio chlorotica*.

Quæ chlorosi laborant, suppressis catameniis,
habent paucum cruorem qui densum thrombum
copioso sero innatantem relinquit; magna debi-
litas à fibrarum laxitate oriunda hujus principium
est; stipatur femorum gravitate; spontaneâ lassitudo;
dyspnœa ad levem cursum, ad scalarum
ascensum, sæpe picâ; curatur longo usu mar-
tialium.

4. *Palpitatio à pericardii abscessu* Lancisii de *anevrismate lib. 1. propos. 5.*

Vidimus inauratorem qui cordis palpitatione &

MORBORUM, CLASSIS IV. 61

dyspnœâ laborabat; credebaturque anevrismate tentatus, non allevatus à phlebotomiis repente obiit. Abscessus inventus fuit liquore meliceride turgidus ad basim pericardii inter unam, alteramque ejus tunicam.

5. *Palpitatio à polypo* D. Senac lib. 4. cap. 10.

Signum præcipuum est variabilis pulsuum inæqualitas, prout sedem aut figuram polypus mutat, dolores cordis quasi divulsorii. Signa dilatationum in ventriculis, si ductus arteriosi polypo obstruantur in auriculis, si ventriculi polypo obfideantur, pondus scilicet in parte, anxietas incredibilis, pectoris oppressio, à motu corporis crescens, moles.

Polypus in auriculâ vel ventriculo sinistro majorem dyspnœam inducit quàm qui in dextro.

Præcavetur polypi efformatio, si post magnos terrores vena tundatur, violenti horrores calido potu curentur, si in magnis morbis acutis pulmonum phlebotomiæ repetantur, potus diluens non negligatur. Si in chronicis, ut melancholiâ, aquæ ferrugineæ & martialia usurpentur.

Dato polypo sobrietas, quies animi & corporis, phlebotomia conveniunt; inter dissolventia polypi sal tartari & sapo atque demùm aqua calcis tentanda videntur.

6. *Palpitatio à polypo in cordis sinistrâ parte* D. Senac.

Ille morbus inducit symptomata quæ sanguinis congestionem in pulmone majorem sequuntur, ut *dyspnœam*, *asthma* sine tussi, aut *anacatharsim* materiæ pituitosæ, *hæmoptysim*; præter symptomata antecedenti speciei communia, ut *dolores* in regione cordis, *anxietates*, *suffocationem* à corporis animive motu velociori, *syncope*s, *lypothimias*, *asphixias*.

Observandum autem est maximam partem polyporum, qui in cadaveribus reperiuntur, in agone mortis ortum duxisse, coagulata & concretâ sanguinis lymphâ, ut sanguis pleuriticus in patellâ coagulatur: multos aperui phthificos, hydrothorace, asthma mortuos, quorum cor concretiones polyposæ, ramosæ obfidebant; pluries extraxi funiculos polyposos ex aortâ ad crura & brachia extensos.

7. *Palpitatio melancholica* Rhodii *libr. 2. obs. 40.*

Junior medicus fusci coloris, & melancholicus animi pathematis diu vexatus, & cibis acidis, acribus abusus, cordis palpitationem cum sonitu & arteriæ carpi vehementi pulsatione atque convulsivâ constrictione seu tensione passus est; is chalybe, cardiacis, purgantibus morbum suum exasperabat, verum consilio Lancisii succo pomorum per duos menses sumpto convaluit. Lancisius *de aneurismat. prop. 44.*

Ex arteriæ aortæ vel pulmonaris constrictione spasmodicâ, ea inducitur; illa verò constrictione excitatur à majori systematis nervei sensibilitate, & aliquo vitio in textu illius arteriæ ob victum acrem. *Vide D. Senac malad. du cœur libr. 4. cap. 9. §. 3.*

8. *Palpitatio ex aortæ aneurismate* Baglivi *p. 403.*

Nobilis vir de Vezenobre sexagenarius lapsus ex scalâ suæ Bibliothecæ ante duos annos passus, angores in præcordiis, palpitationes, dyspnœam patiebatur; metuens ne pro vaporoso derideretur à suo medico, morbum suum silentio premebat; demum stans & natam suam alloquens in nictu oculi mortuus concidit. Medicus ordinarius accurrit & apoplexiam incusat; alter catarrho suffocanti mortem repentinam tribuit; ego rupto

anevrismati juxta cor illam adscripti, & præfagium meum confirmavit cadaveris sectio; aperto thorace magnus faccus lividus conspectui sese offert, erat pericardium cruore distensum, aorta quadruplo crassior solito in suo exortu; lamellis offeis intus erat obducta, extus rimas nigras ostendens; ex illis rimis cruor effluerat in pericardium; hæc Alesia triginta abhinc annis circiter.

Puella passa est per duos annos ingentem palpitationem, vertigines, frequentes syncopes, dyspnœam, pulsus inæqualitates, aliaque aneurisma aortæ indicantia, & eventus docuit partes ab arteriâ aneurismaticâ sanguinem accipientes sæpè corripì fornicatione, torpore, impotentiâ ad motum, necnon paralyfi. Baglivi *ibidem*; ubi videre est quod pronunciat Lancisius in magnis aneurismatibus, progressu temporis supervenire leucophlegmatiam, vel ascitem. Lancis. *de aneurism. prop.* 140.

In aneurismatis aortæ majoribus & sphaericis non rarò accidunt concretiones polyposæ, lamellatæ, ut vidit idem Lancisius, & D. Marcot, in *Ad. Acad. Paris.*

D. de Senès Societatis Reg. Monspell. Geometra illustris lapsus erat in dorsum, à duobus annis, exinde conquerebatur de dolore pectus transfodiente usque ad quartam dorsi vertebam cum levi dyspnœâ & palpitatione, ast maximè cum pulsus periodicâ quovis minuto intermissione; obiit hæmatemesi: cadaver ostendit mihi aortam descendentem sacci instar pollicis diametro dilatam; (*vide hæmatemesim*) Mirabatur Chirurgus Girard cum perscrutando pectus cadaveris inveniret quæ ibi invenienda fore prædixeram.

9. *Palpitatio ex aortæ angustia* Lancisii *de aneurism.*

*vrism. propof. 53. Willif. tom. 1. pag. 145. Vieuffens
obfervat. tract. de corde.*

Palaggius Canonicus hypochondriacus reverfivâ palpitatione, pulsûs inæqualitate atque intermittentiâ, necnon aſthmate ac vertigine vexabatur, maximè ex vehementi corporis motu vel animi pathemate.

Cadaver oftendit *valvulas aortæ offeas* vel cartilagineas, inde anguſtatam aortam, unde auricula dextra, vena cava & ventriculus dexter, minimè verò finifter ad pugni magnitudinem erant dilatata, quippe cavitates dextræ longè molliores & tenuiores finiftris; non mirum itaque ſi à renixu ſanguinis dilatentur.

Senex cereviſiæ & vini potator affiduus palpitationem pati crebrò ſolitus erat; cadaver *aortæ truncum* mox à cordis exitu offeum, ejuſque latera valdè compreſſa oftendit. Willif. *de palp.* pag. 145.

Domina de Caſtres orthopnoicâ palpitatione & pulsûs inæqualitate dudum laborabat; cadaver exhibuit *aortam* totam, necnon arterias iliacas, ſpermaticas, trachæam, &c. offificatas. Vieuffens *de corde obſerv.*

10. *Palpitatio arthritica* D. Lazerme, Profeſſ. Monſpell.

D. Rouzier ſeptuagenarius arthriticus Senator nullos inſultus arthritidis à biennio paſſus, poſt curas graves vertigine fuit per tres meſes conſiſtatus; ſucceſſerunt palpitationes cordis; ſuppreſſâ vertigine, ſanguis caput per intervalla impetebat, ſerè ſuffocabatur in palpitationum paroxyſmo, pulſus evaneſcebat, de polypo cordis vix dubitabant Medici; pulſus intermittebat maximè; poſt hoc temporis intervallum, ſeu 18.
meſes,

MORBORUM, CLASSIS IV. 63
mensēs, doluerunt pedes arthritide, & illicò sanus
evasit.

11. *Palpitatio tremula*; Tremor cordis vulgò;
Cordiognos Galeni & Erotiani, non Hippocratis.

Character obscurus est. Galenus dicit esse motum quemdam cordis palpitationi similem. Meo quidem iudicio est motus quasi tremulus pectoris cum pulsu inæquali & intermittenti, cui ille motus respondet, necnon cardialgiâ ad levissimum corporis motum recurrente, & dyspnœâ.

Ille morbus procedit ab anevrismate auricularum cordis, aut cordis ipsius dilatatione notabili, quâ fit ut vera palpitatio, seu impetus cordis in sinistrum latus non percipiatur, sed motus quidam tremulus in regione cordis, quo pectus ipsum sive inter inspirandum sive inter expirandum exagitur, quasi à cordis palpitatione subsiliret.

Ex illâ mole nimîâ cordis impeditur respiratio, ita tamen ut æger horizontaliter decumbere queat, nisi hydrothorax comitem se adjungat, quod in fine morbi accidit; premitur etiam œsophagus, unde dysphagia, imò nausea; premitur etiam fortè ventriculus, unde nausea, vomitio, & cardialgia, maximè cùm æger erigitur.

Vidi in augmento morbi supervenire tussim & sputum sanguinis nigricantis, anxietates, œdema pedum, tibiarum, hydrothoracem cum polydipsiâ, urinâ paucâ, rubrâ, & difficultate respirandi, quæ pectus & caput erigere cogebat inter dormiendum: is morbus videtur descriptus & observatus à quibusdam Auctoribus, quos citat ill. Archiatrorum comes D. Senac *de morbis cordis, cap. de volumine cordis aucto.*

XVI. *Claudicatio*; *Colotes* ac *Coleia* Græcis, ac *Choloma* Castelli; *Ægri Claudii*; Gallicè *Boiteux*, qui cloche, qui feint.

Est vitiosus gradiendi modus, quo truncus singulis passibus huc vel illuc inclinatur, & crus indecorè movetur, vel difficulter trahitur.

In statu sano cum pedem dextrum antrosum promovemus, centrum gravitatis corporis leniter loco mutatur, & incidit in basim pedis sinistri, rursusque reposito pede dextro sinistram attolimus, & cum centro gravitatis, axis trunci sibi semper parallelus incidit in basim pedis dextri, & sic vicissim; verum apud claudos axis trunci minimè suum parallelismum servat, sed nunc sinistrorsum, nunc dextrorsum inclinatur, ut æquilibrium fervetur, & lapsus præcaveatur.

1. *Claudicatio à dolore*; ea est quæ excitatur ab ischiade, arthritide, vulnere, contusione, phlegmone, erysipellate, aliove quovis affectu, aut morbo cujuscunque partis, cujus dolorem intendit gressus; tunc enim accidit ut non liberè & expeditè possint agere muscoli artus inferioris, quin sequatur dolor; unde ab extendendis aut contrahendis hisce musculis abstinemus: unde artus alter altero brevior evadit aut rigidior, inde verò claudicatio, quæ tamdiù perseverat, quamdiù ipse dolor, imò quandoque sedato dolore prava inducta est consuetudo, aut muscoli non sufficientem flexilitatem recuperant; quænam verò auxilia in his casibus indicentur, cuique obvium est.

2. *Claudicatio rachitica*.

Apud infantes claudicatio anatina, seu utriusque lateris, quæ vulgò tribuitur lumborum debilitati,

MORBORUM, CLASSIS IV. 67

procedit ex eo quod collum femoris angulum ferè rectum cum axi femoris constituat, unde crura divaricantur, & major evadit distantia unius pedis ab altero, proindeque ut centrum gravitatis transferatur ex uno latere ad alterum, necesse est truncum per majus intervallum transferri à dextris ad sinistras & à sinistris ad dextras, ut anates inter gradiendum solent propter majorem pedum à se invicem distantiam; ea verò claudicatio spontè corrigitur ætate progrediente, modò tamen infantes illi non cògantur progredi maturiùs quam par est.

3. *Claudicatio à fracturâ*; ea est non quæ ob dolorem fracturæ recentis, sed ob brevitatem artûs inde sequentem accidit, cùm fractura non fuit ullatenus aut rectè reposita; quippe si in eo situ v. g. femur repositum fuerit, ut sit rectum, cum debet esse incurvum, totus artus erit longior quàm antèa, unde claudicatio: quippe inter gradiendum centrum gravitatis corporis, quod in statu sano horizontaliter transfertur, jam obliquè nunc descendet, nunc ascendet; si callus fracturæ coalitæ accrescens musculum distrahat, inter gradiendum musculum illum laxum retinebit homo, ne novâ contractione ulteriùs distrahatur, & doleat, unde claudicatio. Si verò fractura restitui nequeat, ut cùm caput femoris fractum est, tunc femur in viciniam, totâ musculorum & ligamentorum vi retractum decurtabit artum, unde claudicatio initio dolentissima, successu temporis indolens ob occallescentiam loci in quem extremum ossis fracti se recipit.

Claudicatio à luxatione.

Quæcumque pars luxationem passa sit in artu inferiori, sive femur, sive tibia, sive tarsus, sive

introrsum , five extrorsum , tunc abductores ; vel adductores elasticitate non æquilibratâ artum inflectunt , adeoque decurtant ; quippe longitudo cruris & tibiæ est maxima , cum recta protenduntur ossa in unâ lineâ , quàm cum alterum os cum altero includit angulum ; idem fiet si antrorsum , vel retrorsum factâ luxatione superveniat inflexio coacta ; unde claudicatio ob artuum inæqualem longitudinem.

4. *Claudicatio à contrâcturâ.*

Artus decurtantur , cum tendines contracturam patiuntur , ut in Rachialgiâ , hemiplegiâ scorbuticâ , arthriticâ , aliisque ; quippe flexores musculi fortius contrahuntur quàm extensores , unde artus flexus remanet , unde claudicatio sine dolore.

5. *Claudicatio mutilorum.*

Quibus amputatum est vel crus , vel tibia , licet artu ligneo in ejus locum utantur , necessariò claudicant ; quippe cum nullus in tarso , metatarso , & digitis possit servari motus proprius , non potest successivâ digitorum , metatarsi & tarfi inflexione leniri , & gradatim fieri progressus uniformis , qualis apud sanos integros ; sed coguntur artum ligneum extrorsum circumrotando transferre , & humi talum subito figere , unde rudis fit descensus centri gravitatis ; hinc verò claudicatio.

6. *Claudicatio à debilitate.*

Si alterutrum crus debilitate paralyticâ , seu etiam verâ hemiplegiâ laboret , oritur claudicatio ; imò in utroque affecto , ut in paraplegiâ imperfectâ accidit ; modus autem progrediendi in utroque morbo est diversissimus , sed vix verbis describi potest.

ORDO QUARTUS.

SPASMI CLONICI UNIVERSALES,

Quibus addendæ sunt species quædam convulsionis & tremoris.

CUM cerebrum sit origo communis omnibus nervis, verosimile est ipsi inhærere principium proximum morborum hujusce ordinis; in spasmis partialibus sedes materiæ morbificæ sæpius est extra cerebrum, ut in corde, si sit palpitatio, in crure, dum est claudicatio, &c. non mirum proinde, si sæpius quædam animi functiones lædantur in morbis universalibus spasmodicis, ut epilepsiâ, ecclampsîâ, &c. quæ sæpius intactæ remanent in partialibus.

XVII. *Rigor*, Frisson, Réfroidissement; Græcis *Rhigos* ac *Phrice*, necnon *Phriciasis* Gorræi; *Phricasmus* & *Phricia* Dioscoridis; *Horror*, *Horripilatio*, & *Algor* ac *Frigus* Latinis.

Est succussio tremula coacta cutis cum sensu frigoris; unde differt à tremore, quî quandoque frigus febrile aut catharrale comitatur; nam in tremore artus etiam succutitur, in rigore verò cutis corrugatur & exagitari videtur.

1. *Rigor febrilis* Jonstoni *idea medic.* *Frigus febrile* Boerhaavii aphor. 621. *Frisson de la Fièvre.*

Duplicis est indolis, nam vel adest frigus vel nullum est, illiusque loco vel spasmodica vibratio fortior, partium dolor, aut aliud symptoma spasmodicum; vel frigus adest, quod rursus est vel astantibus ad palpum sensibile, ut accidit in tertianâ vulgari; vel frigus est ægrotanti soli sensibile cum calore nativo in eâdem parte quam Medicus palpo explorat, & hoc accidit in remittentibus malignis, ut amphimerinâ, epialâ, imò quandoquædum friget & horret ægrotans, cutis ipsius paulò calidior est ad sensum Medici quàm in statu sano; distinguendum est itaque frigus *reale* à frigore *sensitivo* quoad solum ægrum.

Rigescencia vasorum minimorum sensum frigoris in ægro excitat. Vidi in amphimerinâ, epialâ, corpus totum vehementissimo tremore concuti cum trismo stridente, suffocativâ dyspnœâ, cum simul æger calebat toto corpore; pulsus verò erat rarus, mollis, inæqualis, & sedato illo rigore, pulsus rarior, minor, magis inæqualis evadebat, ita ut cardiacis opus esset, nec calor crescebat. De hac tarditate & raritate pulsûs in accessu febrili & remittentium paroxysmis videatur Mortonus *de proteiformi febrium intermittentium genio*. Vide amphimerinam algidam, febrem algidam Torti. Dividitur rigor febrilis in criticum & morbosum. Criticus seu salubris censetur, si die critico accedat, si corpus ad ipsum incalescat, aut aliqua dejectio sequatur. Insalubris est febricofus.

2. Rigor catarrhalis.

Qui amphimerinâ catarrhali, simplici rheumate, coryzâ, anginâ catarrhali corripuntur, in invasione per intervalla frigus subcutaneum cum rigore patiuntur, huncque motum tremulum spas-

modicum, per vim cohibent, si anhelitum comprimant, & locum in lectulo non mutant, secus frigore & tremulo motu concutiuntur; frigus verò sæpius à dorso & medullâ spinali, quandoque è nuchâ procedere videtur, ita ut per nervos hæc sensatio & agitatio serpere videatur.

Frigori febrium intermittentium simplicium succedit calor hujus intensitati respondens; in malignis verò nulla pyrexia aut exigua succedit: pyrexia in simplicibus sudore terminatur, non verò semper in malignis; ast frigori catarrhali nec notabilis pyrexia, nec sudor succedit.

3. *Rigor à purulentiâ.*

Post morbos inflammatorios ut pleuritidem non solutam superveniunt rigores anomali sæpè vespertini, quos sudatiunculæ & pyrexia excipiunt, quique suppurationem fientem designant; desiderantur hujus rigoris signa characteristica ex pulsu, proprio gradu frigoris, aliisque circumstantiis.

Rigorem cum tremore universali observavit Ballonius in ægro, cujus sanguis totus albidus erat, quasi chylus aut pus. In summo frigore febrili observavit illustr. de Haen gradum caloris realis descendisse tantum à 99. ad 97. therm. Farenheitii.

4. *Rigor à pathemate.*

Nonne terrori tribuendus est rigor cum tremore summo quem passus est vir qui in digito ab scorpio punctus fuerat; is quidem simul dolores pungitivos quasi fornicationem in toto corpore patiebatur, ac applicato ad locum læsum scorpio sanatus est; sed ea non me inducunt ad credendum hos affectus veneno scorpium tribuendos esse, cum in Lusitaniâ ut in Occitaniâ veneno careant hæc insecta. Vide Amati Lusitani observat. 31. centur. 6.

5. *Rigor à frigore* ; est ille qui ab aëre frigido , morâ in nive , aquâ frigidâ , vento gelido , nudo corpore , &c. accidit. Particulæ igneæ quæ se continuò diffundunt è corpore calido in frigidum contiguum , eò uberius exeunt è calido , quò majus est discrimen temperaturæ , majorque contigui frigidi densitas , usquequò æqualis sit sub eodem corporum pondere particularum ignearum in utrisque quantitas , ut patet experimentis in animalium staticâ factis. *Vide* eximiam ill. Hambergeri *dissert. de frigore*.

Cineres calefacti supra corpus hominis submersi & frigidissimi recens ex aquâ extracti calorem vitalem ipsi reddidere : panni calidissimi , quibus involuta est puella è puteo extracta , & pro mortuâ habita , marmoris instar frigida , eam ad vitam revocaverunt. *Vide* Asphixiam.

6. *Rigor tertianarius*. Communicabat ill. D. Chaptal D. M. Monsp.

Mulier sexagenaria per duos annos alternis ut plurimum diebus corripiebatur universo rigore , in quo frigus potissimum eminebat , quo per viginti quatuor horas algebat cum pulsu parvo & raro , hoc elapso tempore per diem integrum sana erat , & vegeta usquequò alter accessus eam frigore congelaret.

Tentata sunt incassum diversa à peritissimis Medicis remedia , quibus tantummodò quædam identidem per aliquot dies obtinebantur induciæ , & typi mutationes : verum post duos annos sumpto quotidie infuso foliorum ribesii nigri , vulgò *cassia* dicti , sensim convaleuit.

7. *Rigor febricosus* ; *Algida febris* Torti *de febribus* ; est algor horrendus periodicus à veneno febris intermittens , vel remittentis procedens ,

cum pulsûs depreffione, exilitate & frequentîâ, tamque pravis aliis symptomatis, ut æger in agone constitutus videatur: non autem à quovis febris genere, sed ab intermittenti tertianâ duplici, eâque malignâ aut amphimerinâ phricode pendet ille perniciosus alior, è quo potissimum ætate provecti ægri è medio tolluntur. *Vide signa & curam phrenitidis, pleuritidis, cholerae, aliorumque morborum, quos febricosos indigitavimus. Est enim eadem cura.*

Consulatur Anonymus *de reconditâ febrium naturâ, cap. 19. pag. 106.*

XVIII. Ecclampsia, Convulsion des enfans; Insultus epilepticus, vulgò Mouvemens convulsifs; Ecclampsis Gorræi definit. Cæterum ecclampsias morbo comitiali omnes tribuunt, deque eo significari volunt Gorræus.

Ecclampsia vel ecclampsus, agitatio quâ pueri exiliunt & calcitrant propter membranarum cerebri morsum vel dolorem, vel incipientem convulsionem, quâ voce usus est Hippocrates libr. 3. coacar. aphor. 35. Gorræi definit.

Ecclampsia, vulgò epilepsia puerilis, differt ab epilepsia vulgari quod sit acuta, quandoque remittens, aut omninò continua, ut patebit ex specierum historiâ: definiri potest morbus convulsivus, clonicus, acutus cum sensuum in paroxysmo fermentatione.

1. *Ecclampsia typhodes. Vide Sennert. de febribus libr. 4. cap. 14. Febris maligna cum spasmo Sennert. An Convulsio Suecana?*

74 G E N E R A E T S P E C I E S

Hic morbus in Colonienſi Episcopatu & Weſthphaliâ graſſatus eſt anno 1595. convulſionibus, veterno, delirio, ac mentis alienatione, nunc cum febre, nunc ſine febre, homines graviffimè affligens.

1°. Invadebat ſub formâ vellicationis, formicationis & ſtuporis in pede, vel manu, nunc in uno, nunc in utroque latere.

2°. Dein digiti affecti convellebantur contractione vel extenſione.

3°. Serpebat convulſio ab extremis ad truncum è cubito in humerum, ex genubus in coxendicem.

4°. Tunc æger inſtar globi convolutus vel rectâ extenſus procumbebat.

5°. Aderant ſimul dolores qui clamores horrendos ciebant.

6°. Sæpè convulſio nec opinantes ſubitò invadebat, vomitumque excitabat, atque hic affectus non niſi poſt multos dies caput afficiebat, ſi remedia apta adhiberentur.

7°. Secùs ægri epilepſiâ & ſenſuum amiſſione laborabant, & à paroxyſmo immoti veluti mortui diù jacebant; aliqui amentes, aut veternoſi, aut deliri per aliquot dies erant.

8°. His peractis boulimia cum diarrhoeâ accedebat, plerique pedes & manus intumeſcebant, aliis pemphigus accedebat.

9°. Morbus contagioſus habebatur, epilepſia ſubinde recrudeſcebat, delirium in ſtuporem inſanabilem abibat, & ſanati ab his morbis quolibet anno menſe Decembri aut Januario aliquid mali ſentiebant.

Eadem ſymptomata peſte infectis ſupervenire ſolent, teſte Cardano *lib. 2. de ſubtilitate*; Valleſioli *locor. commun. lib. 3. cap. 18.* Petro Salic

Diverſo de peſte libr. c. 5. Hæc epidemia ſequēbatur annonæ caritatem, adeoque victum ex pravis cibis, fructibus corruptis, fungis, &c.

Curabatur ex præſcripto Academiæ Marpurgenſis; 1°. catharticis; 2°. antiſpaſmodicis; 3°. litu nervino, aromatico, &c. Videtur idem eſſe affectus qui aliàs à Williſchio, Buddæo viſus eſt.

2. *Ecclampsia verminosa; Insultus epilepticus à vermibus.*

Apud infantes vulgaris eſt, & à convulſione non poteſt diſtingui, quia hac ætate functiones animæ facilè obſcurantur à gravi quocumque morbo, & infantes facilè ſomnolenti evadunt.

Curatur verò eodem modo quo convulſio à vermibus in paroxyſmo, ab ætate 5. ad 10. annorum. Sic ſe gerebat Riverius, ſalis vitrioli drachmam ſemiſſem præſcribebat, præmiſſo, ſi opus eſſet, enemate purgante; vomitione excitatâ convulſiones ſedantur, & ſi revertantur, cathariſis inſtituitur; deinde verò olei ſuccini, & ſpiritus vitrioli ana guttæ quinque præſcribuntur, ſequenti die, fit julepus ex aquæ cardui benediſti & ſcordii ana uncia unâ, confection. alkermes drachmâ unâ, ſalis cardui benediſti ſcrupulo uno, cum aquâ theriacali, vel aquâ naphæ; vermifuga verò minimè negligenda ſunt. *Vide River. obſerv. 28. & 59. centur. 4.*

Vix ullus eſt morbus qui plures infantes è medio tollat.

3. *Ecclampsia parturientium* Mauriceau chap. 28. liv. 2. *Accouchement accompagné de convulſion.*

Sæpiùs ab ecclampsia tum mater parturiens, tum fetus, ac uterque perit, niſi promptiſſimum feratur auxilium; motus ſcilicet convulſivi per intervalla redeunt ſuperveniunt, ſive ab ultimis

naturæ periculo commotæ conatibus, cùm scilicet ob immodicam hæmorrhagiam accidunt, sive translatione vividioris sanguinis ad cerebrum, ob vehementem quam in molimine partûs patitur commotionem, & ob plethoram, sive demùm ob acriorem uteri distracti dolorem.

Parturiens verò vel in intervallis convulsionum mentis suæ compos est, vel somno sepulta, spumans ore jacet. In hoc secundo casu nulla ferè spes salutis superest; in priorè verò unica spes est in embryulciâ, seu promptâ fetûs exclusione, quam natura sola rarissimè, verum obstetricante Medico-Chirurgo adjuta, potest exsequi.

Periculum autem est in morâ, maximè si menorrhagia simul vires auferat, & quantocius more solito manu butyro illitâ, in uterum, si paulisper hiet immisâ, fetûs pedes adducendi, & partus accelerandus.

Si verò minimè hiet uterus eclampsia superveniente, nil aliud tentari potest præter phlebotomiam è brachio vel è pede, (si eclampsia à menorrhagiâ non excitetur, sed à plethorâ, agitatione, aut dolore,) atque clysmate ex decocto fenæ; cum catholicone, eo fine, ut tormina uterum aperientia cieantur, non neglectis linimentis os uteri lubricaturis, ex oleo, adipe, butyro: in hoc verò casu emeticum præscribere inconsultum est; quippe docente experienciâ, hæc eclampsia ab alterutro ex prædictis principiis procedit, quorum nullum tolli potest, sed potius augetur ab emetico; perniciosum itaque illud medicamentum ablegetur, nisi ex oris foetore, linguæ spurcitie, nausæâ indicetur, & absit menorrhagia.

Sunt mulieres quæ eclampsia in omni partu afficiuntur, sive ante, sive post exclusionem fetûs;

docet autem observatio Mauricæi eas ab hoc morbo evasisse, quæ bis terve in decursu graviditatis, semelque instante puerperio sanguinem sibi detrahi curavere.

4. *Ecclampsia à doloribus* Helmontii *de lithiasi* cap. 7. *Epilepsia nephritica* Frid. Hoffmann. *de epilepsia*; *Ecclampsia ab odontalgia, otalgia* Hoffmann.

In comite & in moniali vidit Helmontius ecclampsiam lethalem; alter habuit in renibus calculum aduncum & acutum; altera in uretere; uterque post diros dolores nephralgicos crudelibus convulsionibus obiit.

5. *Ecclampsia à saburrâ* Boneti *Sepulchret. de epilepsia puerili*, obs. 9.

Si nutrices irâ, vel terrore graviter commotæ statim ubera præbuerint alumniis suis, hi sæpius haud ita multò post, epilepsiâ corripì observantur. P. Hoffmann.

Hodiè infans sexennis summo mane subito corripitur convulsione continuâ totius corporis cum anæsthesiâ sine prodromo, pallidulus, macer, asphictus erat, præscripsi potionem cardiacam & anthelminticam, in primo cyatho tartari stibiati granum; post duas horas fyrupi Glauberiani gutt. vj. deiecit, vomuit virides mucos, & statim ecclampsia recessit, superstite febre, & lassitudine, cras purgandus est.

6. *Ecclampsia ab ischuriâ*. Schneiderus *de catarrhis* pag. 244.

Quibus urina supprimitur per aliquot dies febris ardens, subsultus tendinum, delirium, sopor, & varii motus convulsivi superveniunt, urinâ sanguini remixtâ; quippe si injiciatur atramentum per ureteres, illud faciliè in venam emulgentem transit, ut expertus sum, adeoque simili viâ urina sanguinem inficit.

78. GENERA ET SPECIES

In hoc casu si phlebotomiæ repetitæ, clysmata, irrigationes emollientes, potus nitrosi nihil præstiterint, tumeatque hypogastrium, acus tricuspidis cannulâ inclusa immitti debet per perinæum in vesicam, si catheter immitti non potuerit, & urina eliminanda est.

7. *Ecclampsia plethorica* Schneideri de catarrhis pag. 234. *Ecclampsia à plethora* Drelincurtii apud Bonetum obs. VI.

In illâ specie à phlebotomiâ pedis repetitâ largâ, à sanguifugis ano apposisis, victu tenui salus expectanda est.

8. *Ecclampsia ab inanitione* Galen.

A sanguinis profluvio convulsio & desipientia malum. Hippocr. aphor. 9. sect. 7.

Ea ecclampsia est conatus naturæ quo se vertat nesciæ, & præsentem statum intolerabilem quovis alio mutare cupientis; extremo autem huic periculo obviam eundum est cardiacis, aromaticis, & analepticis.

9. *Ecclampsia traumatica* Bonet. Sepulchret. observ. XXIII. tom. 1. pag. 329.

Quatuordecim casus recenset Auctor convulsionum, cum sopore, delirio, sensuumve obscuratione, ob percussum, fractumve cranium in quâcumque parte, inventis quandoque pure, sero effuso, sanie, abscessu, meninge inflammatâ, cerebro depresso, fragmentis cranii, &c. intra cerebrum. Vide Dionis. Heisterum, &c. de vulnerib. capitis.

Idem accidere visum est ulcere diaphragma rodente observ. 24. Carie vertebrarum spinalem medullam denudatam vellicante observ. 25.

10. *Ecclampsia exanthematica*. A retrocessione petechiarum, variolarum, rubeolæ, purpuræ Frid. Hoffman.

Epilepsia symptomatica differt ab epilepsiâ exanthematicâ ratione acutiei ecclampsiae & morborum quibus debetur.

11. *Ecclampsia ab atropâ ; Atropa Belladonna* Linn. vel *melanocerasus ; Solanum furiosum*.

Anno 1750. mense Augusto puer septennis manducavit in horto regio Monspeliensi aliquot baccas Belladonæ, paucis post horis evasit ruber, scarlatino rubore, sine calore, rubedo universalis erat, deinde convulsionibus totius corporis per 24. horas fuit divexatus, cum febre notabili & delirio læto.

Manè sanguis missus est, unde symptomata imminuta; oleum amygdalarum sumpsit, & vespere multum deiecit per inferiora, deinceps sopore ab horâ sextâ vespertinâ usque ad nonam matutinam detentus fuit, & sanatus est intra 40. horas à morbi initio.

Decocto atropæ levissimo diu continuato, & hausto carcinoma mammæ sanatum videtur in observ. Vandermonde 1758. & in ill. Halleri disputat. morborum tom. 2.

12. *Ecclampsia parturientium* Nic. Puzos.

In partu etiam facili quandoque mulier subito conqueritur de suffusione & marmarigis, de gravi cephalalgia frontali, vel occipitali, de subitâ amaurosi, quæ sunt proximæ ecclampsiae prodromi; illicò una vel duæ largæ phlebotomiæ instituendæ sunt, nec ad extractionem fetûs properandum: si his præmissis partus ritè procedat, tormina revertantur, & mulier sui compos evadat; verum si recurrant convulsionibus, cum spuma oris & signis anginae convulsivæ, aut cessantibus convulsionibus sopor urgeat, tunc post phlebotomias clyisma injiciendum est cum lenitivo, diaphenico, in infuso foliorum matricariæ, artemisiæ; & si uteri

os non magis ac magis hiet, ad fetûs extractionem recurrendum est.

Non tamen notabile matris levamen à fetûs extractione illicò supervenit, ita ut ægra per unam alteramve diem convulsionibus, sed quidem rarioribus concutiat, aut caro obruta obdormiscat, sed symptomatum imminutio optimi est augurii: si verò, extracto fetu, symptomata illa non remittant, de muliere actum est. *Vide D. Puzos Traité des accouchemens pag. 172.*

13. *Ecclampsia à dentitione; Convulsion causée par la formation des dents.*

Incisorii minorem, canini majorem, molares maximum dolorem inferre censentur, an quia obtusiores? dolor minimè à gingivis perforandis oritur, sed à nervo in dentis radice compresso; gingivæ sine dolore secantur.

Quò accessus ecclampsia frequentiores, eò pejus; quò in intervallis minùs valet, magis stupet infans, eò pejus; si frequentes sint accessus & in intervallis papillam recuset infans aut sopore tentetur, ferè semper lethale.

Cura. A phlebotomia ineundum est, nisi æger debilis sit ab inanitione, clysmata iteranda, nec enim convelluntur in dentitione quibus alvus est laxa, dein semigranum kermes mineralis identidem in aquâ tiliæ ipsis præbetur, ut alvus laxetur. Interea nutrix refrigeretur aquâ pulli, oryzae, hordei, fero lactis, imò purgabitur, ut infans inde purgetur; alumno oleum amygdalarum dulcium perutile est, debilitato dein præscribuntur antispasmodica, ut spiritus cornu cervi guttæ aliquot, pulveris de gutteta grana aliquot, in julepio cephalico.

14. *Ecclampsia ab hydrocephalo; vulgò des eaux dans le cerveau.*

Morbus

Morbus est frequentissimus, & qui magnam partem infantum tollit è medio; certis etiam in familiis gentilitiis, quem utinam prævidere possemus, nam cum semel factus est, nulla ferè salutis spes est.

Accidit infantibus trium, quatuor, quinque annorum, maximè illis qui scrophuloso viru sunt infecti, quorum parentes syphilide laboraverunt, quorum mesenterium glandulis duris est oblitum; incipit ab inappetentiâ & fastidio omnium rerum, etiam crepundiorum; morosi sunt, seu voluntatibus & aversionibus contra morem, & rationem addicti, pallidi, cum pulsu parvo, languido; alterutra gena per intervalla rubet, asthenia accedit, capite nutant, languent, dein subito os distorquetur, oculusve uterque fixus & nubilus evadit, vel faciei quædam pars, manusve agitur, convellitur, mente obscuratâ, stupidâ, & intra paucos dies cum pulsu frequenti debili & inæquali obeunt.

Secundo cadavere serum in ventriculis cerebri copiosum observatur, idque frequentissimè, monente Willisio.

Puer sexennis Nosocomii generalis videtur somnolentus, naribus digitos continuò admovet, febricitat, facies alternatim rubet, & pallet, purgatur cum vermifugis, deinde pulverem de gutteta cum vermifugis, & alternis diebus aquilam albam cum catharticiis sumit quinquies; nulli vermes exeunt, licet videretur interdum velut à vermis strangulari, dejicit viridia, toto corpore convellitur, tunc hyrudines temporibus admoventur, hinc pejus habet, post duodecim ab initio morbi dies moritur. Medicus, qui, me ab-

sente, hyrudines præscripsit, febrem malignam incusabat.

Sexto cadavere, nullum in abdomine vitium, cerebrum verò molle, pultaceum, ejusque ventriculi sero distenti. Verosimile est à materie verminosâ inspissatum sanguinem in cerebro hæsisse, inde serum delapsum esse, sed nulli vermes unquam visi sunt.

In aliis subjectis simili morbo peremptis inveni etiam serum in ventriculis cerebri, & glandulas mesenterii tumidas, parùm cruoris in vasis, viscera mollia, carnes laxas, pallidas; indicantur itaque tonica, martialia, rheum, pulvis de guttetâ, potus roborans ut vinum ad hunc morbum præcavendum, rara cathartica, quæ vires non infringant, amara, si ætas illa vellet admittere: ut plurimum pulvis de Guttetâ diù frequenterque in prophylaxim usurpatur.

15. *Ecclampsia febricosa*; vide Morton *pyretol. cap. 9. histor. 14. & 15.*

Sunt infantum juniorum ut plurimum carotici affectus, in quibus palliduli, attoniti, suspiriosi, anhelosi, subfrigidi sunt, & juxta Mortonum alicubi convulsi, qui status per paroxysmos more febris intermittentis revertitur, licet ex pulsu febris dijudicari non possit.

Cura incipit à vesicatoriis, linctu pectorali, pulvere de guttetâ in potu cardiaco, & dein pauxillo kinkinæ in julapio cephalico.

16. *Ecclampsia exanthematica*; à variolis Sydenhamii pag. 80. & 661. à Miliari Allioni de Miliari. ab achoribus suppressis Frid. Hoffmann. de epilepsiâ.

Quæ variolæ præludio supervenit, boni est ominis, licet aliquot dies perseveret, atque eruptionem pustularum discretarum præcedit.

17. *Ecclampsia ab ænanthe* Journal de Medecine Novembre 1758. pag. 430.

Observante D. Rochard Chirurgo Bellinfulæ ad mare.

Ænanthe crocatæ (Linn. spec.) radices carotidis similes succo lacteo, dein croceo, sapore acri, ingrato, esitatae sunt à pluribus militibus.

Hocce venenum latuit aliquot horas in ventriculo, sine noxâ, ast dein in intestinis strages edidit maximas, quippe intestina post mortem sola continebant succum flavum radices, & tenuia sola erant purpuro-nigra, maculis lividis gangrænosus respersa, cætera vix mutata.

Symptomata, horrendi vomendi conatus, dolores atroces præcordiorum & cardiæ, convulsiones violentæ in oculis, facie, maxillâ, ita ut nihil omnino deglutire possit æger, & quasi in ecclampsia mente captus videatur; intelligo autem ex imperfectâ hac historiâ verum risum sardonium ab hoc veneno excitatum fuisse cum contractione spasmodicâ œsophagi & maxillæ.

Quibus os per vim aperiri potuit, emetico magnâ aquæ copiâ diluto & deglutito venenum ano & cato rejectum est; clysmata, potiones in usum advocatæ, oleosa, lacticia, mucilaginosâ pingua adhiberi debuissent, imminuto paroxysmo, quid sentirent prius ægri eloqui potuerè, supererant tamen vertigines, cardialgiæ, syncope, ast demùm omnes evasere.

18. *Ecclampsia à phellandrio* Wepfer. de cicuta aquaticâ.

Pueri duo & sex puellæ mense Martio comederunt radices phellandrii, quas pro carottis luteis habebant; omnes autem serius, ocius intra paucas horas correpti sunt ecclampsia, quâ intra horæ

dimidium duo obiere, cæteri ope vomitionis brevi evasere, ejectis radicum manipulis. Cum autem maxilla convulsa esset, dentes quibusdam effracti sunt, & thériaca aceto soluta, aliis infusum tabaci has vomitiones salubres concitaverunt. Jacobus Mæder sexennis de cardialgiâ querebatur, vix verbum effatus, humi prostratus urinam ad viri altitudinem eminxit, mox terribili aspectu cum omnium sensuum abolitione convulsus fuit, os arctissimè clausit, ut nullâ arte aperiri valuerit, dentibus stridebat, oculos mirè distorquebat, sanguis ex auribus promanabat, circa cartilaginem xiphoideam quoddam corpus pugni virilis magnitudine patris manum validissimè feriebat, vomitibus quandoque videbatur, nihil tamen ore clauso ejicere valuit, artus mire jactabat & torquebat, sæpiùs caput retrorsum abripiébatur, totumque dorsum incurvabatur in arcum; cessantibus convulsionibus per momentum matris opem imploravit, mox pari ferociâ illis redeuntibus, nullatenus excitari potuit donec viribus deficientibus expalluit, & manu pectori admotâ expiravit. Post obitum abdomen & facies intumuerunt absque livore nisi pauco circa oculos conspicuo; ex ore cadaveris usque ad horam sepulturæ spuma viridis largissimè emanavit, licet sæpiùs deterfa.

Catharina Soror ejus adultior eadem ferè symptomata dein passa est, sed vomuit, imò sumptâ thériacâ aceto solutâ, iterum radices ejecit, dein conticuit, jacuit sine voce & quasi mortua per horas novem, postridie ad mentem rediit, diù de gastrodyniâ querebatur per quatridduum delassata, obambulavit, convaleuit omnino. Qui parcius radicem comederant levius afflicti fuerunt. In puero bienni eadem symptomata, palpitatio vehemens,

singultus, faciei rubor, oris strictura, artuum jactatio, sumptâ theriacâ manipulum dimidium radicum evomuit, intra octo horas omninò convaluit.

Puer octennis tardius afflictus fuit, sed vehementius, initio quasi temulentus vacillavit, concidit convulsus, ore stricto, corde validissimè palpitante, sumptâ theriacâ ex aceto non vomuit, nec minxit, brevi obiit: omnia in cadavere eadem ac in Jacobo Mædero, spuma viridis ex ore, corporis intumescencia, livor circa oculos.

19. *Ecclampsia à coriariâ*, Memor. Acad. Reg. Paris. ann. 17. . .

Vir quidam siti commotus baccas coriariæ comedit, quæ gustui minimè sunt injucundæ, nigræ, striatæ; post horæ quadrantem cardialgiâ expertus, vertiginosus in paroxysmum convulsionum universalium cum omnium sensuum feriatiōe concidit; accersitus chirurgus emeticum propinavit, unde baccas circiter decem evomuit, nec inde sublevatus est, sed paulo post iteratos paroxysmos expertus est, & in Nosocomium devectus è lecto in solum lapsus facie lividus obiit.

Aperto cadavere inveni maculas exiguas rubras in tunicâ villosâ stomachi, & undecim coriariæ baccas, sanguinem fluidissimum, cætera benè se habentia.

Baccæ à D. Lefèvre Medico Uctienfi Regiæ Scientiarum Academiæ Parisinæ, amico, chymico egregio fuerunt examinatæ, in illis verò tum gustum analyfi chemicâ nil acris, nil corrosivi deprehensum est.

Idem ac ille vir infortunium passos esse alios sex homines diversæ ætatis circa Alesiam diversis temporibus compertum habui.

Capræ annosiores utcumque fame pressæ ab ar-

busculis illis sibi cavent : at juniores imprudentiores folia juniora carpunt , & inde velut temulentæ , vertiginosæ , interdum humi procumbunt & convelluntur , sed non minus convalescunt ; minor itaque energia foliis videtur inesse , quàm baccis. Oves si folia edant abortiunt.

XIX. *Epilepsia*, Epilepsie; ab *Epi lambanestai*, desuper deprehendi , non ab *epi* & *lædo* ut Latino-barbari putaverunt. *Analepsia* Riverii. *Morbus fonticus* Aulu-Gellii. *Viridellus* Paracelsi ; *Mater puerorum* Schneideri; *Morbus comitialis* Plinii; *Morbus Hercules* Aristoteli; *Divinus* Platoni; *Sacer & major* Celsi ; *Caducus* Paracelsi. *Gallis* Epilepsie , Mal Caduc , Mal de la Terre , Mal S. Jean , Vapeurs Epileptiques. *Die fallende sucht* Germanis.

Genus est morbi spasmodici clonici & chronici intermittentis , cujus accessus subitâ interceptione sensuum , variorum muscutorum agitatione & dyspnœâ notantur.

Distinguitur ab *Ecclampsia* ex eo quod morbus sit chronicus , à *Tetano* quod sit etiam chronicus & clonicus cum sensuum feriatiōe ; à *Catocho* quod agitentur partes & respiratio , in paroxysmo sit frequens , interturbata , sæpè stertorosa ; ab *Apoplexiâ epilepticâ* ex eo quod periodicè recurrat ; ab *Hysteriâ* per animæ extra paroxysmum habitualem securitatem , cum sint in hysteriâ meticulositas , in paroxysmo strangulatio , globus abdominis , aliæque differentia.

Est morbus clonicus universalis chronicus & periodicus cum sensuum feriatiōe in paroxysmo, & anteaكتورum oblivione.

Sunt qui spumam oris, qui pollicis fortem contractionem symptomatis pathognomonicis annumerant, verum illi unicam speciem epilepsiæ dari præsumunt, licet omnes Auctores idiopathicam à symptomatica distinguant, & utramque à principiis omninò diversis oriri quandoque consentiant. Naturæ perterritæ & turbatæ conatus subitaneus & vehemens ad expellendam vel corrigendam materiem morbificam ut plurimum cerebro insidentem, aut partibus nervosis insensam & irritantem, videtur paroxysmorum causa.

Quorum principia sunt sæpius materialia v. g. glandulæ in cerebro, vasorum varicosorum, aut aneurismaticorum cerebri infarctus à plethorâ, infecta sinus narium pungentia, meningibus intumefactis infixa; calculi renum, lymphæ acris, & viscida, semen acre, &c.

Alias mera animi pathemata, somnia potissimum terrifica, in subjectis valdè sensibilibus hystericeis, teneris, videntur paroxysmorum principia; ex quibus labefactatur cerebrum, & ad novos paroxysmos disponitur.

Nihil magis repræsentat furorem bruti, ut canis, ab æstro, vel tabano in auribus vel naribus irritati, quàm epilepticus, ut patet ex clamore, mugitu, oculorum truculentiâ, dentium stridore, oris spumâ, pugnorum constrictione, vehementi totius corporis contractione, ita ut miser epilepticus videatur atrocissimam in cerebro læsionem experiri, & desperabundè exagitari.

Hoc suadet exquisitissima quæ est in origine nervorum sensibilitas, si quis stylo aculo cerebrum

denudatum perfodiat; nullus sensus in cortice; verum cum ad originem nervorum, seu medullam oblongatam stylus pervenit, illicò animal epilepsiae insultum patitur, & si ad originem medullae spinalis deveniat stylus, illicò toto corpore convulsus dicto citius moritur, ut pluries sumus experti.

In aures & nares intrusa corpora eò majorem & acutiorem excitant dolorem, quo altius & altius intruduntur hæc corpora etiam mollissima, ut plumula, seu quò magis ad originem nervorum acceditur, nec dubium est quin sensus in labyrintho sit multò exquisitior quàm in tympano, & hinc quam in auriculâ &c.

Si dolor atrox à principio inconspicuo, & quod remove aut à quo nos liberare nequeamus, nos urgeat in partibus ad vitam quàm maximè necessariis; homo quantumvis stoicus, (niù pœnam meritam virili fortitudine expectet) eum non sine involuntariis conatibus, clamoribusque sustinebit. Vidi nobilem Genuensem paroxysmos convulsionis quos præsentiebat, magnâ animi contentione prævertisse; viderunt & alii alios, verum exigua erat irritatio, gravioribus autem succumbebat, & demùm maniacus evasit.

Stultam naturam vocat Heisterus, quasi verò novum sit & inauditum hominem in vehementi pathemate ratione destitui & delirare. Nonne delirat ille, qui hominem in simili casu rationis suæ semper compotem asserit? Novi adolescentulam quæ bis vel ter in anno epilepsiae paroxysmum experitur; interrogata quid experiatur ineunte insultu, respondit se inter dormiendum fomniare, & ipsi præ oculis obversari phantasmata terrifica paulò ante hujus morbi invasionem; dein verò

quid factum sit non reminiscitur; astantes verò eam tanquam terrore percitam & à lecto exilire conantem retinent, ne se præcipitem dejiciat; ab eorum verò manibus ægrota se expedire, oculis torvis & minacibus, brachiis & cruribus convulsis per duas vel tres horas nititur.

Cùm verò accessio appropinquat, ait Aretæus, splendores purpurei aut nigri ob oculos versantur, ut in cœlo iris prætenta videatur; aures sonant, foedum odorem sentiunt, iracundi sunt, bilis præter rationem accenditur; his porrò fragor quidam redditur perinde ac si lapide verberentur aut ligno; cumque ab humo surrexerunt, commemorant quædam tanquam si vapulassent; hinc in insultu adjuutores inclamant, futuramque calamitatem prospiciunt, obsecrant quoque ut membra unde morbus oritur constringant, reflectant, dirigant, quin etiam ipsimet sibi ipsis affecta membra tanquam inde morbum eximentes trahunt, velluntque, atque ita sibimet auxiliantes nonnunquam & nos ad ægritudinis notitiam impulerunt; non nullos utique seu ferâ invadente pavor corripuit, aut phantasmatis imaginatio incessit. Epilepticus tauro jugulato similis est, caput variè distorquetur, corpus seu arcus inflectitur, supercilia nonnunquam ut in illis qui ad iram concitantur, in glabellam attrahuntur, vel ad tempora vehementer revelluntur, verum vox nihil nisi gemitus & suspirium est, respiratio verò suffocatio quædam est, velut in iis qui laqueo strangulantur.

Cæterum qui à morbo quiescunt, ab initio segnes sunt, capitis gravitate premuntur, languidi, pallentes, animo consternati ob lassitudinem, morbi que verecundiam contristantur: hæc Aretæus Cappadox.

Quare verò sensus ferientur seu objecta præsentia non appercipere videantur, ita ut clamoribus non respondeant, hoc nemo hætenus explicuit, nec enim hypothesis falsa de nervis quibusdam minimè sensiferis quidquam explicat, nervus nullus est in homine qui punctus non sentiat, cum anima sensationis recipiendæ capax est, verum anima summo quodam pathemate perculsa sensationis alterius est incapax, ut docet observatio; multi in iræ paroxysmo vulnerati sunt, nec vulnus senserunt, nisi deservescente pathemate, aut cruore conspecto, in summo terrore, vocem astantium non audiunt perterriti; ad appercipiendas impressiones objectorum requiritur animæ attentio, vel saltem tranquillitas. Qui delirio, somnio, ebrietate, catalepsi afficiuntur oculis apertis nihil vident, auribus patulis nihil audiunt, puncturas artuum quos strenuè movent, vix persentiunt, monente Galeno, & experrecti vix aut obscurissimè eorum quæ peregere reminiscuntur, ita & epileptici.

Sympathicam epilepsiam vocant Auctores eam quæ initium sumit à symptomatis, quæ ad caput non referuntur, ut à dolore, anxietate, frigore alterutrius pedis vel manus, quas partes ipsimet trahunt, & distrahi jubent, astantesque eas etiam stricte ligant, unde paroxysmi sæpè prævertuntur.

Verum ea symptomata originem habent in ipsomet cerebro, ut dolores imaginarii eorum qui tibiâ dudum amputatâ, digitis pedis acriter dolent, quia cum anima assueta sit referre objecta tactus ad cutem, licet extremum alterum in cerebro latens afficiatur, sensatio semper ad cutem refertur, ut in suffusione, affectâ retinâ objectum seu musca refertur ad aërem. Sympathicam epilepsiam etiam

MORBORUM, CLASSIS IV. 91

vocant Auctores, cujus principium in aliam partem refertur, quam ad cerebrum v. g. *epilepsia uterina*, quæ censetur oriunda primitus ab utero obstructo, unde sanguis superfluus caput impetit & infarcit; *epilepsia crapulosa*, quæ à saburra stomachi primitus deducitur. Hippocrates & Galenus repletioni & inanitioni convulsionem tribuebant. Sed Averrhoes dicit theoriam convulsionum suo tempore receptam esse, potius verba fabellas canentium quam demonstrantium. Deinceps Sennertus & tota Medicorum schola dixit causam esse irritationem facultatis motricis, quæ utcumque alias libera sit, & non nisi imperante voluntate motus exsequitur, tamen à summâ irritatione contra nutum voluntatis agere cogitur. Motus muscularis, ait Sennertus, nunquam fit citrà appetitum aut rationalem aut sensitivum; cum itaque voluntas seu appetitus rationalis non jubeat motum, illum à cupiditate seu appetitu sensitivo juberi manifestum est. Hæc Sennertus de convulsionis causâ.

Inveterata & habitualis epilepsia ideò insanabilis est, quia ob repetitos infarctus cerebri mêninges & vasa materiæ morbificæ discutiendæ destinata, debilitata sunt, quæ hæreditaria; quæ ultra 25. ætatis annum perseverat, insanabilis.

Definit in amaurosim, stultitiam, fatuitatem, seu morosim, oblivionem, paralyfim, ac lethalem apoplexiam.

Epilepsia perfecta est, vel imperfecta.

Brændelius & Pitcarnius videre epilepticos qui senserant atroces capitis & dorsi dolores intra paroxysmum

Votum Averrhois & Cratonis ut nossent epilepsiæ causam & remedium, adhucdum est votum Medicorum.

Quæ in corpore vivente fiunt operationes ab animâ, ejusque facultatibus proveniunt, unde hos etiam inordinatos motus naturam solam excitare, extra omnem dubitationis aleam est. Schneid. *de epileps.*

Causa. Acerrimum facultatis naturalis expultricis, contra molestias irritantes, in universo musculorum genere excitatum certamen. Schneider.

Qui notam à morbo impressam semel habuerit, ille amplius morbo hoc non corripitur. Hippocrat. *de morbo sacro* Grandiores natu neque interficit, neque contorquet (artus.) Senes vel interficit, vel paralyticos reddit; morbo jam assueti paroxysmos præsentiant.

1. *Epilepsia plethorica* Bonet. *Sepulchret. Epileps. symptomatica* Frid. Hoffmann. à sanguine crasso, polypofo Frid. Hoffmann. à catameniis, hæmorrhoidibusque retentis; à crapulâ, ebrietate habitualibus.

Sanguis grumofus, viscidus in sinibus cerebri reperitur, teste Frid. Hoffmann. obs. tres referente, Bonet. *Sepulchr.*

Hæmorrhoidarii huic etiam obnoxii.

Potus vini vaporosi, cerevisiæ nimis lupulatae, aer vaporibus narcoticis, carbonum fumo inquinatus, usus allii, cæpæ, porri, nimius, quæ caput tentant & calefaciunt, ac narcosim inducunt, ut cæpa, carnes nigræ, leporinæ, indigestæ, hanc excitant.

Solvitur in puellis circa pubertatem, quæ impuberes aggressa est.

Quæ à cephalæâ, vertigine, capiplenio ob austrum & defectum electricitatis in aëre ortum ducit, curatur spontè regionis & loci mutatione, ut docet Hippocrates. Quæ à sanguine spisso, crasso, viscido, quartanâ superveniente solvitur.

2. *Epilepsia cachectica* Frid. Hoffmann. *Serosa*

ejusdem; *Serosa* Carol. Pison S. 1. p. 2. cap. 7. Ballon. *consil.* l. 11.

Ea est quæ etiam recens corpora pallida, chlorotica, obstructa aggreditur, & à fero acri, falso, superfluo, ob menstruorum suppressionem retento oritur; ab ulcere manuum, pedum, Plateri.

Ab scorbuto Boneti *Sepulchret. obs.* 7. 14.

Ex lienis, pancreatis, hepatis obstructione Blasii, Tilingii.

Indicantur cathartica quibus via sternatur opiatibus, iusculisque aperientibus, martialibus, tonicis, & cephalicis.

3. *Epilepsia stomachica; A ventriculo* Jonston. *ideæ. Analepsia* Riverii.

Ea est quam fovet & excitat crapula, cardialgiis, ructibus, anorexiâ, dyspepsiâ, nauseis, vomitione prægressis, quæ tribuenda videtur sanguinis inspissationi ob chylum crassum, crudum, ratione cujus hæret & congeritur in vasis cerebri prædispositis.

Indicantur cathartica, emetica, dein verò quæ stomachum roborant, ut aquæ Bellilucanæ per triduum haustæ, præmissâ phlebotomiâ, pilulæ ex rheo, kinkina, enula campana, syrupo absyntiæ, aloë.

4. *Epilepsia uterina* Sennert. *Ab utero* Jonstoni *universa Medic.*

Distinguitur 1°. sexu ægrotantis; 2°. prægressis aut intermixtis insultibus hysteriæ; 3°. insultus sequuntur tempus menstruationis quoad periodos; 4°. aut à terrore similive pathemate excitantur; 5°. obscurissimæ sunt in paroxysmo sensationes non omninò suppressæ.

In hystericâ epilepsiâ insolitas vires exerunt ægræ, incondita interim & inarticulata quædam

vociferant & pectus feriunt. Feminae huic magis obnoxiae sunt temperamenti plusquam solet sanguinei, & habitu viraginum gaudent. Sydenham.

Præter remedia quæ à catameniorum emanatione, aut dolorificâ excretionem indicantur, juvant in paroxysmo quæ sanguinis fluiditatem & fluido nervo robur restituunt, ut spirituosæ, volatilia, simulque antihysterica.

Spirituosæ sunt succini præparata varia, liquor mineralis, anodynus Hoffmanni ad guttas duodecim aut viginti, æther Frobenii; inter antihysterica eminent tinctura & pulvis castorei, oleum animale Dippelii, aquæ Lucæ, spiritus cornu cervi, &c.

5. *Epilepsia simulata* Hecquet, *Naturalisme des convulsions*; Brueys *Histoire du Fanatisme*.

Fanaticos Gebennenses initio hujus sæculi committabantur quædam canidiæ fatidicæ, quarum prophetiis cohortum omnes actiones dirigebantur; illæ verò quasi numine afflatæ tremebant, humi procumbebant, atque anhelitu cohibito, abdomine inflato, spumantes & mirum in modum exagitata, demùm ad se reversæ vaticinabantur.

Puella septennis epilepsiam simulabat tam appositè, ut nemo in Nosocomio generali dolum suspicaretur; interrogata num sentiret auram ex manu ad humerum, inde ad dorsum & femur, ea annuit; præscripsi usum verberum, quo audito sanata est.

6. *Epilepsia pedisymptomatica* Boerhaav. *consuli*. 2.

Adolescens studiosus phlegmaticus corpore, ingenio mobilis, à frigore pedum patiebatur spasmos, doloresque in pede, tendine Achillis sensim ascendentes ad crura, femora, periodicè per duos annos bis vel ter in anno: paroxysmo ad

duas vel très horas perseverante, deinde similiter à pede, dorso orti spasmi, & dolores altius ad latus dextrum & caput ascenderunt, unde paroxysmi epileptici sensibus omnibus abolitis, toto corpore exagitato, succedente stertore, spumâ oris, &c. finito paroxysmo, frigus in dextro crure, frictionibus cedens; æstate pejus, hieme flante boreâ melius habebat; præsagiebatur certò insultus ante horas plures, aut diem ex mutatione inexplicabili quam æger in dorso metatarsi persentiebat, colore ejus livescente, nullo sensu auræ frigidæ; ligaturæ cruris dextri paroxysmum retardant.

Curatio Boerhaaviana. 1°. Vesperè per semihoram balneum ex calidâ aquâ ingrediatur æger ad crura usque, partes siccatae fricentur panno laneo, sicco, calido, rudi; tunc plantæ & dorso pedum applicentur emplastra nocte, dieque gerenda, excepto tempore balnei, ex gummi ammoniaco, bdellio, galbano & oxycroceo. 2°. Manè & vesperè fortis extensio tarfi, ut in luxatione restituenda, interdium moderata deambulatio. 3°. Bis in mense triduo ante novilunia & plenilunia purgetur haustu qui recipiat cinnabaris gr. x. resinæ guajaci gr. v. rhei drach. semiss. scammon. gr. viij. stibii diaphoret. gr. xv. in syrupi de cichorio composito drach. vi. & aquæ cichorei unc. ii. Iisdem diebus & pridie paroxysmi post balneum vespertinum inungantur pedes oleo spicæ. 4°. Cæteris verò diebus manè bibat jejunos haustum ex infuso theiformi radic. caryophyllatæ, pæoniæ, valerianæ silvestris ana scrupulo semiss. rut. recent. drach. ii. die verò purgationis horâ 6. vespertinâ paregoricum sumat ex syrupi diacodii drachm. vj. tincturæ opii gtt. viij. in aquâ stillatiâ papaveris rhæados.

7. *Epilepsia à pathemate* Frid. Hoffmann. *paragr. 15. ex melancholiâ & hypochondriacâ ejusdem*, nec non Joann. Bauhini.

Vidi puerulum ex denegato quodam quem præfractè petebat cibo, instantaneâ epilepsiâ affectum.

Non rarum est quod infantes, si mères grâvidæ pathematis sævioribus commotæ fuerint, primis ætatis annis fiant epileptici. Frid. Hoffmann. maxime si nutrices irâ vel terrore percitæ illicò lac præbuerint alumni. A libidine vehementi & suppressâ epilepsiam provocatam plura testantur exempla. Qui à visu epileptici vehementer perterriti sunt, quidam in epilepsiam incidere; unde rectè mos institutus est, ut in templis concidenti epileptico facies velo tegatur. Intemperantia in studiis, quæ cordis palpitationem, extasim, melancholiamque excitat, epilepsiæ ansam præbet.

8. *Epilepsia sympathica*; est ea quæ initium sumit à symptomatis quæ ad caput non referuntur ab ægris, ut à pedis vel manus dolore, anxietate, frigore, aurâ ascendente, unde partem affectam ipsimet distrahunt, ligant, fricant, inde etiam paroxysmi leviores prævertuntur.

Ea verò symptomata originem habent in cerebro seu initio nervorum huic parti prospicientium, uti dolores imaginarii, quos experiuntur in pede illi qui dudum cruris vel tibiæ amputationem passi sunt, ut affectâ in suffusione retinâ, musca ad aërem refertur, non verò percipitur macula vel infarctus retinæ, cujus tamen interventu oritur hæc hallucinatio.

An epilepsia sympathica sit mera differentia pluribus speciebus communis? an verò species, non inquiram? sufficit quod hoc auxilio externo scilicet ligaturâ frictioneve, discutiaturo quandoque
hujus

hujus accessus, id autem accidit quia à forti illà partis irritatione divertitur naturæ sensatio ac proinde conatus à cerebro ad artum irritatum, unde prævertitur accessus, nam infarctus cerebri non necessariò aut mechanicè determinat conatum epilepticum, & natura semper urgentiori occurrit. Sic licet quis ad sternutandum se accingat, si illicò gravis nuncius, vel contumelia accedat, prævertitur sternutamentum.

9. *Epilepsia febrilis* de Bornainville *diar. medic. Januar. 1738. pag. 43. Vide* Quotidianæ speciem quartam. Est ea species quæ à veneno febris intermittentis latente producitur.

Miles intermittenti febre laborans sumpto valido emetico in epilepsiam incidit, quæ intervallis incertis, sed quotidie pluries repetitis, initio ad plures dies, dein ad horas plures extensis affiebatur sine ullo pyrexiae indicio; in paroxysmo convulsionibus horrendis agitabantur omnes corporis partes, in declinatione pectus follis instar violenter agitati movebatur, mente stupente, in intervallis gravamen in stomacho & anxietas circa cor.

Adhibita fuere incassum antispasmodica, narcotica, lacticia, balnea, demùm præmissis generalibus ad kinkinam devenit, quod ad drachmam quater in die, nunc purum, nunc sub forma decocti & apozemate temperatum morbum hunc ab anno inceptum radicitus sanavit.

10. *Epilepsia à dolore* Illust. Delii *amænitat. dec. 3. in præfatione.*

Miles quem fustigatum pedibus calcaverat tribunus, atrocissimè dolebat hypochondrio dextro; accessit quotidianus epilepsiæ paroxysmus cum susurro dentium conjunctus, duranteque ejulatibus

sonoris aërem replet & tumorem hypochondrii digitis ita fricat, ac si perforare vellet, deinde paroxysmi cum efferis vomitionibus & cardialgiâ atroci recurrunt; tertio morbi anno ægrotus perpetuo de ulcere & tumore interno latente loquitur, cultrumque identidem exposcit, quo tumorem dissecet, & si non opem, saltem dolorum finem sibi conciliet. Sub paroxysmo pedibus, manibusque parietis calces, lapidesque, si forte proximè decumberet, deradebat, alvus pertinaciter erat obstructa, febris nulla.

Secto cadavere prope pylorum erat in ventriculo foramen oris callofis, floreni magnitudine.

11. *Epilepsia exanthematica. Epileps. cachectica* Frid. Hoffmann. *symptomatica à retropulsâ scabie, à fistulis resiccatis, ab achoribus & tineis repressis.*

Differt ab ecclampsia exanthematicâ, quod epilepsia succedit exanthematicis affectibus chronicis, leprosis; ecclampsia verò acutis.

12. *Epilepsia syphilitica* Bonet. *Sepulchret. Guàrionii consult.* 13. *à lue venereâ* Astruc. *lib. 4. cap. 2. paragr. 9.*

Differt ab ecclampsia quæ hydrargyrosi vehementiori supervenit & fugax est. Epilepsia à viru syphilitico procedit, & hydrargyrosi methodicâ curatur.

Vide methodum medendi apud Astrucium, lib. 4. cap. 6. n.º. 4.

Tribuitur gummatis, exostosis cranii.

13. *Epilepsia traumatica* Borelii *de epileps. diff.* Haller. *disput. Tom. 1. pag. 72. 74.*

Puella decennis & adolescens 17. annos natus epilepsiam patiebantur ictum in capite passi, & foveam habentes à cranio depresso. Sanati sunt omninò admotis dropacibus parti affectæ, quo-

rum ope cranium extrorsum ductum & elevatum fuit.

Puella verò antequam epileptica fieret per multos dies singulari paraphrosyne laboravit, spectrum scilicet horrendum præ oculis sibi obversari putabat, totumque domicilium stellis illuminatum videre sibi videbatur; præcesserat dolor capitis, cardialgia, visus obscuratio.

Hac observatione patet, quàm absurda est opinio, in omni epilepsiâ arcanis fidendum esse; & optimum arcanum esse cognitionem principii à quo species dependet.

XX. *Hysteria*, Vapeurs. *Passio hysterica* vulgò; Gallis *Passion hystérique*; *Spleen and vapours* Anglis; *Isterismo* Cochi bagni di Pisa. *Malum hysterico. hypochondriacum* Stahlianis. *Mal de Mere*, *la Mere*, *L'amarry* &c. Occitanis.

Est syndrome symptomatum convulsivorum fugacium sine causâ evidenti; & subito mutabilium, cum summâ animæ sensibilitate, pusillanimitate, à pathematis & causis debilitantibus ingravescent.

Symptomata convulsiva sunt globus abdominalis, angina vel dyspnœa strangulans, dysphagia, carus, frigus extremorum, fletus & cachinni, oscitatio, pandiculatio, delirium, pulsus depressus, strictus, urinæ copiosæ, aquosæ. Morbi hysterici sunt symptomata hysterica constantia, & permanentia in subiecto huic syndromi assueto, unde differunt ab hysteria; sic carus hystericus, dysuria hysterica, colica hysterica, ab hysteria propriè dicta differunt, quia sunt symptomata permanentia.

Nomine vaporum abusive alii morbi vel indicantur, ut vertigo, palpitatio, melancholia; vel dissimulantur, ut epilepsia, mania &c.

Sensibilitas animæ tanta est ut levissimus januæ strepitus, dum clauditur vel pulsatur, illas convellat hystericas, si inopinatò accadat; levissimum malum quod sana non perciperet, hystericam anxiam, moestam, infomnem detinet.

Ita mutabilia sunt & fugacia symptomata, ut intra pauca minuta, fletus, ejulatus, mox risus ad cachinnum, deliria, convulsiones, furor, sopor, visus obscuratio, marmarygæ sibi succedant & fumo chartæ foetidæ, vel uberi urinæ limpidæ proventu evanescant.

Puſillanimitas patet ex animi dejectione, ex salutis recuperandæ desperatione; frequenter medicum mutant, quem querelis continuis, diffidentia suâ, inani successu, discruciant, si securitatem & animi fortitudinem simulent, mortem tanquam inevitabilem & imminentem reputant.

Principia hujus morbi sunt mollis, effeminata constitutio, educatio in vitâ sedentariâ, voluptuosâ, otiosâ; dum corpus otio indulget, animæ negotia facessunt pathemata, ira, invidia, zelotypia, amor, tædium, lites, ærumnæ; debilitavere moerores, partus prægressi, morbi, hæmorrhagiæ, catharses repetitæ, inedia; sæpius præcessit mænostasias, seu catameniorum suppressio, & cautè celatus animi dolor, seu moeror.

Morbus hic cum hypochondriasi valdè affinis est; ast sexus femineus, gulæ strictura, globus abdominalis, invasio post mænostasiam, umbilici retractio, frigus lumborum & occipitis, effectus suffituum fetidorum historiam determinant, ut ex flatulentiâ, inflatione, & dolore hypochondrio-

rum, in viris hypochondriasis designatur; raro viri hysterici sunt.

Huic morbo sanando profunt quæ corpus roborant, animum recreant, & à morbi ideâ avertunt, ut exercitatio, itineratio, rusticatio, ut cupitorum obtentio; virgini libidinose matrimonium; conjugii zelotypæ vir fidelis; post ærumnas fortuna prospera, si ex his cupiditas expleatur; nihil magis nocet quàm repetita evacuantia, quæ debilitant; quàm medicus humorista, qui bilem, mucum, continuò catharticis abradere, & expellere tentat, eoque magis debilitat & irritat, ubi tantum sedandum & roborandum.

Principium proximum hysteriæ est summa phylautia, seu amor effrænis vitæ & voluptatum, unde minimorum incommodorum intolerantia, exaggeratio, propositi instabilitas, summa sensibilitas, irritabilitas; ex parte corporis systematis nervei teneritudo, juxta nostrates tensio, quæ in nervis nulla unquam observata est; juxta Cheinæum laxitas, juxta Sydenhamum fluidi nervei instabilitas, seu spirituum ataxia, qualitas ipso morbo obscurior.

Pauca sunt genera morborum quos hic proteiformis affectus non mentiatur, hinc tot morbi hysterici dicti; quod commune est syphilidi, febris putridæ, scorbuto &c. ita ut si morborum genera à principiis & causis peterentur, immensa foret classis hystericorum morborum.

1. *Hysteria verminosa Delii amenit. Acad. p. 341. casus 3^{us}. Vermes malum hystericum mentientes.*

Mulier 46. annos nata, in menstruis inordinata leucorrhœa, colicâ, cardialgiâ, vomitu identidem excruciat, ischias ossis sacri, pectoris angustię, tumor abdominis; inde concluditur ab

ipsâ, & à Medico hysteria; adhibentur carminativa, castorina, balsamica, temperantia, sed frustra; tandem adhibito purgante glomus vermium ejicitur per anum, quo factò sanitas redit.

Duo alia exempla hysteriæ à vermibus lumbricis & ascaridibus excitatæ refert ill. Delius.

Cardialgiam, colicam, ileumque pro hypochondriaseos syndrome habuere Medici, & omnia vermibus alvo excretis cessavere, idem pag. 341.

2. *Hysteria chlorotica* Raulin. cap. 13. Sydenham. *process. integr.*

Huic catameniorum retentio ansam præbet; verum hæc retentio in viraginitibus quandoque hysteriam *plethoricam* excitat, antequam chlorosis accedat, imò cum plethoræ signis, ut faciei rubore, pulsus plenitudine, vertigine, dyspnœâ, & in hoc casu à largis phlebotomiis vidi hystericas sanatas, & phlebotomias non meritò reprobat Sydenhamus in hysteriâ, quæ tantum in quibusdam hysteriæ speciebus nocent; in plethorica verò repetitæ profunt.

Cum verò pallor faciei, labiorum livor, pedum œdema, inappetentia, lassitudo, dyspnœa ad levem scalarum ascensum, cardialgia, cephalalgia, crurum gravitas accedunt, tunc præmissâ unâ phlebotomiâ, & unâ alterave catharsi, martialia usurpanda sunt, vel mitia ut juscula cum radicibus aperientibus atque nodulo rhei & limaturæ martis ana drachmam unam continente, quæ juscula per novem dies iteranda, dein limatura ferri ad grana octo intra offam per mensem est repetenda, & si virgo sit temperamenti calidi, sicci, biliosi, aquæ ferrugineæ æstate per novem dies ad libras quatuor vel sex sunt assumendæ, præmissâ & subsequente catharsi.

Si verò chlorotica sit mollis, laxa, frigida, tunc juscula fortiora, pillulæ emmenagogæ, opiatæ martiales sunt adhibendæ, aquæ thermales etiam autumnno vel vere per triduum bibendæ, si salinæ sint, aut sæpius repetendæ, si sulphureæ.

Jusculis incoquantur radicum rusci, rubiæ, dentis leonis ana uncia una, rhei & limaturæ ferri in nodulo ana drachma una, quovis triduo renovanda, folia cichorei, boraginis, flores cheiri, calendulæ cum cinnamomi frustulo.

Bolum ingredientur croci martis grana decem, pulveris fennæ, rhei, salis absinthii, jalappæ, diagridii, myrrhæ, croci, cinnamomi ana grana duo; castorei, assæ foetidæ ana gran. i. cum syrupo de cichorio, vel de floribus persicorum, fiat bolus quovis mane per novem diēs sumendus superbibendo jusculum foliis cichorei alteratum.

Simplicius est ex limaturæ martis & cinnamomi pulveris ana gran. x. ac myrrhæ vel galbani aut castorei pulverati gr. iv. ac alternis diebus additis scammonii granis tribus parare bolam; his succedant aquæ bellilucanæ per triduum potæ ad libras sex.

In delicatioribus aquæ sulphureæ calidæ, ut de *Cauterets*, *Bagnauls*, *S. Laurent* possunt ebibi per triduum ad libras quatuor, dein quartâ die ingrediatur balneum; ex illis aquis iterum bibat, iterum balnea usurpet, & sic alternis vicibus per mensem aut ultra.

3. *Hysteria à menorrhagia* Raulin; à partu difficili Sydenhami; à morbis acutis, repetitisque phlebotomiis ac catharticis.

In hac specie robur est quantocius restituendum ope victûs fortioris, aromatizzati, eupepti; gelatinæ, ova sorbilia, ossæ ex carnibus gallinæ;

bovis &c. quibus restaurentur vires, missis longè catharticis, phlebotomiâ imò clysmatis, usque quò ægra possit lac integrum caprinum vere, asinum autumnò, aut vaccinum quâvis tempestate assumere servatis servandis; diætâ verò lactea non solum abigit hysteriam, sed etiam si à longis menorrhagiis immineat, ascitem fugat & vires reficit; si tamen ventriculus huic ferendo impar foret, præmitteretur decoctum ex rhapontico vel myrobalanis cum syrupo de cichorio composito & manna, atque paulo ante lac, bolus absorbens ex terra catechu, oculis cancrorum, cretà, coralliis & conservâ rosarum ingereretur.

4. *Hysteria à leucorrhœâ* Raulin. cap. 14. tom. 1.

Si leucorrhœa hysteriæ fomes pendeat ab humorum acrimoniâ & viscositate, quam siccitatem vocant, præmissa unicâ phlebotomiâ, cathartica initia sunt usurpanda, maxime ex aquis mineralibus acidulis dictis, ut de *Vals*, *d'Alais*, *Lodeve* &c. dein juscula pulli refrigerantia cum nodulo seminum frigidorum, foliis pimpinellæ, agrimonie, radicibus pentaphylli, fragariæ, & pugillo fumarie, vel nasturtii aquatici, sunt usurpanda; inde ad serum lactis deveniendum extincto prius lateris candentis frustulo: & ante haustum seri lactis præstat bolum subastringentem & absorbentem præbere, qualis in gonorrhœa veteri usurpatur; si verò sit pruritus vaginæ, fætor fluoris, ficcitas, pervigilium, aquæ acidulæ per novem dies æstate fumendæ, & dein balnea domestica vigesies iteranda.

Verùm si leucorrhœa pituitosa fuerit, ab obstructionibus frigidis, & vasorum atoniâ pendens, tunc præmissis catharticis tonicis astringentibus ad duas vices & jusculis aperientibus, cum lima-

turâ ferri, rheo, cancris fluviatilibus, radicibus aperientibus, foliis hederulæ, pimpinellæ, numulariæ, &c. ptisanâ ex levissimo camphorata infuso, deveniendum est ad bolos stomachicos, tonicos ex theriacâ, aurantiis, zinzibere, nucemofchatâ conditis, diascordio, oculis cancrorum, malicorio, radice angelicæ, terrâ lemnîâ, bolo Armenâ, corallis rubris, gummi Arabico, quæ excipiantur syrupo de rosâs ficcis; sumat electuarii hujus drachmam semel vel bis in die per mensum superbibendo vini absinthii aut enulati pauxillum; vinum Hispanicum gentianâ, angelicâ, absinthio, centauryo, corticibus aurantii, cinnamomo infusus medicatum, ad aliquot cochlearia ter in die usurpetur.

Conveniunt & martialia, ut vinum tenue, album, intra quod ferrum, vel lapis medicamentosus, vulgò *globus chalybis* infusus fuerit, aquæ ferruginæ vallenses, alesienses, modò non eadose sumantur & repetantur, ut hysterica vires imminutas ulterius infringant; demùm ad lac etiam confugiendum est.

5. *Hysteria emphræctica; ab obstructionibus viscerum abdominis, ut hepatis, lienis, pancreatis, Raulini cap. 5.*

Differt à plethoricâ per pallorem cachecticum, phlegmasiam, pulsûs debilitatem, frigus. Curatur per aperientia martialia, tonicis amaris, stomachicis juncta: si verò ægra sit temperamenti simul calidi & sicci, seu si humorum acrimonia, siccitasque adsit, ea sunt jusculis, sero lactis temperanda, additis millepedibus, croco, aquâ ferruginâ, huc pertinent aquæ minerales spiritu rectore turgidæ, cautè tamen usurpandæ martiales vitriolicæ.

6. *Hysteria libidiosa*; *Hysteria à semine acri*; *retento*, *ovariis infarctis*, Frid. Hoffmanni.

Monialis illicò sensum amittebat, & convellebatur toto corpore cum dyspnœâ, dein ad se revertens exiliebat, & per cameram saltando currebat, inde lætas & obscœnas cantilenas, verbaque similis farinæ proferebat, vomitu bilis atræ pauxillum rejiciebat; mox sui compos facta actorum erat immemor; clitoridis titillatio à barbitonfore impudico instituta paroxysmum aliquoties solvebat: tales sunt plures hystericae quas matrimonium sanasse dicitur; catameniis suppressis vel imminetibus turgent genitalia, calentque; unde salacitas major; major ad hysteriam proclivitas.

7. *Hysteria stomachica*. Vide Raulinum cap. 4. de *hysteriâ ab obstructione & vitio vario stomachi*.

In hysteriâ stomachum malè se habere vulgatissimum est; hinc affinitas hysteriæ cum hypochondriaci; verùm in specie, de quâ agitur, præcessere vitia stomachi, & subsecuta est hysteria.

XXI. *Scelotyrbe*, Danse de St. Guy; *Sceletyrbe Castelli Lexic*.

Scelotyrbe Galeni *Isagoge libro finition*. quasi
 » *cruris turba* & perturbatio, species est resolu-
 » tionis, quâ erectus ambulare homo non po-
 » test, & latus alias in rectum, quandoque sinis-
 » trum in dextrum, vel vicissim circumfert; in-
 » terdum quoque pedem non attollit, sed attrahit,
 » velut ii qui magnos clivos ascendunt: hæc Ga-
 » lenus; « quâ descriptione idem expressisse mihi videtur quod Neoterici choræam Viti nominant.

Choræa sancti Viti, docente Sydenhamo, convulsionis species quædam est pueros, puellasve

à decimo ætatis anno ad pubertatem invadens ; prodit se claudicatione , vel instabilitate alterutrius cruris , quod æger post se trahit fatuorum more , manum ejusdem lateris vel pectori vel alii alicui parti applicatam nequit continere in eodem situ horæ momento ; sed in alium situm & locum convulsione distorquebitur quidquid æger contranitur , antequam poculum ad os possit admovere , mille gesticulationes circulatorum instar exhibebit , non enim rectâ lineâ ori admovet , sed deductâ à spasmo manu , huc illuc aliquando versat , donec tandem fortè fortunâ labris propius apponens , liquorem derepente in os injicit , & avidè haurit , deditâ tanquam operâ , ut spectantibus risum moveret. Hæc Sydenhamus.

Nullus est autem morbus hodiè cognitus , qui ad scelotyrbem aptius referri queat quam choræa Viti Sydenhamiana , quæ multum discrepat ab specie tarantismi , cui hoc ultimum nomen aptius convenit.

1. *Scelotyrbe choræa Viti , la Danse de St. Guy ; Choræa sancti Viti* Sydenham.

Curatur jusculis leviter tonicis & cephalicis , infusis theiformibus ex floribus gallii , lutei , tiliaë , kinkinâ , cascarillâ , pulvere de Gutteta , necnon aquarum thermalium embrochationibus ; ægros quatuordecim observavit & sanavit D. Chaptal.

D. de Haen plures hoc morbo laborantes repetitâ electrificatione sanatos vidit.

Curatio Sydenhamiana quoad phlebotomias & catharces nimium repetitas minimè conducit saltem in pueris & puellis à me observatis , qui ab his fuissent exhausti.

Principium hujus morbi videtur in origine nervorum , & mentem aliquatenus non secus ac cor-

pus debilitare, quas enim vidi puellas hoc morbo affectas cum aliquali artuum rigiditate debiles simul & velut attonitas, aut mente imbecilles vidi.

Ad idem genus morbi altera species rarissima ab Auctoribus prætervisa referenda videtur, quam non aptius nominari posse putem quàm scelotyrbem festinantem, seu festiniam.

2. *Scelotyrbe festinans*; est peculiaris scelotyrbes species in quâ ægri solito more dùm gradi volunt currere coguntur, quod videre est apud D. Carquet, & observavit Leydæ illustr. Gaubius *Patholog. instit.* 751. & in loquelâ hæc volubilitas dicitur quâ lingua præcurrit mentem. Video actû mulierem sexagenariam hoc affectam morbo ficcitatî nervorum tribuendo; laborat enim rheumatismo sicco, seu ab acrimoniâ sanguinis, dolores noctu à calore recrudescunt, à thermis non sublevantur: ei præscripsi phlebotomiam, & præmissis jusculis ex lactucâ, endiviâ, & collo arietis, lene catharticum, inde verò lacticia.

Est affinitas cum scelotyrbe, choræa Viti; deest flexibilitas in fibris musculorum; unde motus breves edunt, & conatu seu impetu solito majori, cum resistantiam illam superare nituntur, velut inviti festinant, ac præcipiti seu concitato passu gradiuntur. Choræa Viti pueros, puellasve impuberes aggreditur; festinia verò senes, & duos tantum hætenus observare mihi contigit. Quàm multos autem videmus morbos, paucissimosque observamus. De teoriâ & praxi nihil habeo quod dicam; etenim sola experientia praxim cujusvis morbi determinat, & ex hac pro felici vel infausito successu theoria dein elicienda est.

Quid scelotyrbe commune habeat cum scorbuto non video, nisi hoc nomine scelotyrbe astheniam scorbuticam quis velit intelligere.

XXII. *Beriberia*, le Beriberi; *Beriberi* Jacob. Bontii *Medic. Indiæ Oriental. lib. 2. cap. 1.* Mangeti *Biblioth. præct. ubi* Erasistrato hunc morbum fuisse cognitum asseritur; Tulpii *observat. lib. 4. cap. 5.*

Genus est morbi spasmodici ideò beriberii seu ovis dicti, quia ægri genubus retractis elevando crura tanquam oves progrediuntur.

1. *Beriberia Indica* Bontii *libr. 2. de Medic. Indorum.*

Cognoscitur ex motu tremulo manuum, pedum, & quandoque totius corporis, simulque stupore quodam dolorifico harumce partium, cum tactus obscuracione, aut hebetudine: dolor verò est similis formicationi quam apud Europæos frigus in digitis excitat. His adde vocis exilitatem & raucitatem, ut vix prope assidentes ægrum loquentem intelligant; accedit non rarò pectoris musculorum crampus, qui anhelitum, ac vocem intercludit.

Hic affectus lethalis non est, sed chronicus & curatu difficilis, principium procatharticum est frigus susceptum calente corpore; si pectus adoriatur, lethum non rarò infert.

Curatio exigit ut lymphæ frigore inspissatæ resolvatur & discutiatur. Cavendum ne æger se lecto affigat, exercitio quantum & cui potest, indulgeat, frictionibus utatur, fomenta ex herbis solventibus adhibeat, ex oleo chamæmeli, meliloti, potissimum petroleo litus instituat; intus verò, præmissâ catharsi, sudorifica ex ligno guayaci, salsaparilla, chinâ radice, theriaca, mi-

110 G E N E R A E T S P E C I E S , &c.
thridatio adhibeantur. *Vide* curam in Europâ à
Nicol. Tulpio institutam *observ. libr. 4.*

2. *Beriberia spuria* Thom, Bartholini; *Beriberi
spurium* ipsi dictum.

Hic affectus non satis distinctè descriptus in-
vasit mercatorem ex Indiâ Orientali reducem,
eumque dimidii corporis à diaphragmate ad pedes
stupore, ac debilitate, forte tremore conflictavit
cum enuresi, simulque alvi constipatione, & do-
loribus abdomen & pectus molestantibus. Si desit
in hoc morbo motus tremulus & anomalus ex-
tremorum, is ad paraplegiam dimittendus vi-
detur.



- VII. *Dyspnœa*, est difficultas respirandi chronica, ut in asthma, & non intermittens, unde ab asthma differt.
- VIII. *Asthma*, est morbus chronicus vel diuturnus, cujus præcipuum symptoma est periodicè recurrens respirandi difficultas.
- IX. *Orthopnœa*, est præceps ut plurimum & acuta respirandi difficultas, unde ab asthma & dyspnœa discrepat.
- X. *Angina*, differt à præcedentibus per sensum angustię in gutture.
- XI. *Pleurodyne*, est anhelationis genus, cujus præcipuum symptoma est dolor pectoris, & ut plurimum lateris sine febre acutâ, unde à pleuritide differt.
- XII. *Rheuma*, cognoscitur ex difficultate respirandi cum sensu gravitatis in pectore, quam comitantur vel præcedunt coryza, sternutatio, raucedo, &c.
- XIII. *Hydrothorax*, differt à dyspnœa faciei pallore, manuum & pedum œdemate, symptomatis ephialticis, decubitus horizontalis difficultate, &c.
- XIV. *Empyema*, differt ab hydrothorace per febrem hecticam magis evidentem, maciem, & prægressam pulmonis inflammationem suppuratam.





CLASSIS QUINTA.

ANHELATIONES,

Morbi dyspnæici, Essoufflemens.

ANHELITUS, ut vocat Ettmullerus, vel *anhelatio*, ut loqui amat Plinius, est frequens & difficilis respiratio; seu agitatio pectoris pluries intra datum tempus repetita. Sic anhelant qui velociter scalas ascendunt, aut qui currunt, ita ut cum sani & quieti vigesies in minuto inspiremus, si cucurrerimus velocius, quadragesies eodem tempore respiratio iteratur.

Respiratio anhelosa est necessario difficilis, seu laboriosa; quippe cum vires motrices solito majores requirat, adeoque absumat, animaque à virium motricium impensâ solito majori metuat debilitatem, si paulò diutius perseveret, seu si coacta sit, hinc molestiam percipit: molestia autem percepta à resistentiis motui cupito oppositis, aut à perceptâ necessitate motûs, cui exequendo vires non sufficiunt, vocatur *difficultas motûs*; ergo anhelosa respiratio quæ à libertate non excitatur, simul difficilis est.

Difficultas respirandi crescit in majori ratione quam frequentia; sic si respiratio duplo, triplove frequentior evadat, difficultas major evadit, quàm dupla vel tripla; quippe difficultas crescit ut virium impensa, si cætera sint paria; sed virium

impensa crescit ut quadratum velocitatis motûs; cum itaque frequentior duplo non possit esse respiratio sub pari altitudine, quin motûs velocitas sit dupla, seu quin muscoli respiratorii intra idem tempus bis idem spatium se contrahendo percurrant, omninò necessum est ut vires impensæ quadruplo majores sint; & cum respiratio sub pari altitudine triplo frequentior est, vires novies majores impendi necessum est, quod summam secum importat difficultatem.

Difficultas sub pari virium impensâ eò major est, quò anima vel propriæ debilitatis, vel periculi imminentis sive realis, sive imaginarii, magis est conscia; nam cum difficultas sit molestia, & anima eò magis molestiam sentiat, quò magis propriæ debilitatis, & simul agendi necessitatis est conscia, necnon quò magis est meticulosa, evidens est respirandi difficultatem ex hisce principiis intendi debere: ex hoc ultimo principio potissimum pendet dyspnœa hysterica & hypochondriaca, seu quam animi pathemata excitant ex levi obortâ in organis respirationis resistentiâ; sic si somniemus nos à corpore quodam, aut fele, aut cacodæmone opprimi, ut ephialtici accidit, inde exsurgit difficultas respirandi maxima, quæ tamen evanescit statim atque somnium illud discutitur, cum difficultas à solo metu procedat.

Respiratio *velox* dicitur ea in quâ magnum spatium in pectoris vel dilatatione, vel constrictione intra datum tempus percurritur, aut cum intra minus temporis intervallum major est pectoris dilatatio & constrictio; illa verò tantò majorem virium impensam exigit, quò majus spatium percurritur, & quò minus temporis intervallum adhi-

betur, ejusque proinde difficultas crescit ut velocitatis quadratum.

Si itaque respiratio crescat quoad frequentiam, seu numerum respirationum in dato tempore, & simul quoad velocitatem cujusvis inspirationis vel expirationis, maximoperè crescet virium impensa, proindeque difficultas; quæ quidem scrupulosè attendenda sunt, ut intelligamus angorem, & miserissimam asthmaticorum molestiam, cum vel minimum, vel velocitatem, vel frequentiam jam nimium magnam coguntur intendere, ut cum fores occluduntur, aut ignis accenditur, vel pectus stragulo ponderosiori cooperitur, aut pectoris cavititas situ incommodo vel minimum angustatur, illi non minus discruciantur metu, ac si animam illicò exhalare se perciperent.

Asthmaticus in paroxysmo ita metuit ne respirationem intendere cogatur, ut altâ voce loqui non audeat, sed loqui coactus voces per anhelitus suos tantum exprimat, ac morulis interpolet; quippe ad tonos vocis exprimendos necessum est velocitatem majorem aëri, adeoque organis respirationis imprimere, & ut pressè loquamur, velocius respirandum est quàm ut interpositis morulis verba proferamus: rauca est ejus vox, ob laxatum chordarum vocalium tonum; idè autem laxantur chordæ vocales, ut glottis sit magis patula, adeoque ut respirari possit aër facilius, non adauctâ ejus velocitate, quæ certè adaugeri non potest, quin vis muscutorum respirantium augeatur, inde vox quidem tantum gravis est; sed in hac laxitate simul rauca evadit, quia negligenter laxatæ chordæ vocales uniformem tonum obtinere vix possunt, cujus defectu dissonant; vox autem gravis & dissonans rauca est.

Asthmatici expuere, nares emungere, deglutire metuunt; quippe ad hos motus edendos necessum est respirationem intendere; verum jam nimis est intensa præ robore superstitie potentiae motricis, & si ultra augeatur virium dispendium, metus est ne facultas exhauriatur, proindeque ne mors accedat, unde nonnisi coacti ab aliâ necessitate, & ut majus malum fugiant, cautèque simul expuunt, nares emungunt, cibos deglutiunt.

Si intra tracheam cadaveris aqua immittatur quantum pulmones capere possunt, mirum certè est quot aquæ urcei infundantur antequam aqua regurgitet; verum pro diverso corporis situ major est, vel minor illa copia; nam sedenti cadaveri multò minor ingurgitari potest copia, quam stanti, quia sedentis diaphragma multò minus deorsum delabitur; si exenterato abdomine & stante cadavere aqua repleatur thorax, videbimus diaphragma, cujus positura erat antea in lineâ ambas mammarum papillas jungenti, non solum ad epigastrium & ad costarum ultimarum finem distendi; verum etiam ejus ambo latera veluti magnas nates hæmisphæricas sensim deorsum protrudi, ita ut ultra umbilicum delabantur; si verò funiculo constringatur tunc trachea, & horizontalem situm cadaveri conciliemus, minus quidem deorsum protuberabit diaphragma; sed trachea multò magis erit distensa, adeoque intus compressa.

Ex hoc experimento sequitur multò majorem esse pectoris ampliationem, quæ fit à diaphragmatis descensu, quam quæ à costarum diductione dependet, adeoque multò magis sublevari dyspnoeicos à diaphragmatis liberâ depressione, quam

ab aliâ causâ; inde necessitas posituræ corporis, vel saltem pectoris verticalis; quippe in situ verticali viscera abdominis deorsum proprio pondere delabuntur quantum fieri potest, & simul arcus abdominis quantum maximè fieri potest, extrorsum eminet; hinc tantò majus diaphragmatis descensui spatium conceditur, hinc partim fit ut miser asthmaticus in lecto residere nequeat, & per multos dies, imò menses erecto saltem trunco dormire cogatur, atque quandà facultas constat ut initio accessus stet, è lecto exiliat, & usquequò robore deficiente jacere necessum sit, à decubitu abstineat, atque decumbens situm verticalem trunci sustineat.

In illo situ pulmones suspensi non magis premuntur ab uno latere quàm ab altero per suum pondus, adeòque liberius ab aëre expanduntur, seu plus aëris recipiunt; si verò æger pectus inclinet, illicò unus pulmonis lobus proprio pondere alterum aggravat, unde difficultas respirandi major; ast omnium maxima est difficultas si pectus resupinetur, quia in illo situ horizontali supino, non solum proprio pondere pulmo versus dorsum gravatur; verum, quod majus est incommodum, abdominis pondus diaphragmati incumbit, visceribus hac illac proprio pondere diffluentibus & diaphragma acclivè potissimum prementibus: in illo scilicet situ diaphragma est planum inclinatum, cui pars ponderis incumbit.

Ex his intelligitur quare asthmatici somno victi, adeòque aliquoversum inclinare coacti, antrorsum inclinent, & in cathedrâ dormientes coram tabulâ, vel fulcro, caput antrorsum supra illud fulcrum reponant; in hoc etenim situ non solum proprio pondere abdomen deorsum labitur, sed

etiam pulmones suo pondere diaphragma deprimunt; adeoque quantum fieri potest, maximum, sustentato corpore, conceditur pulmoni spatium; circa quod observare est naturam à nullo Doctore instructam indicationibus invicem pugnantibus, qualis est necessitas decumbendi ad somnum, & simul standi ad respirandum, solertissime consulere, ita ut mechanices & anatomix peritissimus nunquam commodiorem pro utroque scopo posituram à priori excogitare potuisset: sic & faber lignarius licet ignoret quæ de centro percussione detexere nuperi Mathematici, in eo manubrii puncto asciam manu corripit, quo manus maximum cum minimo incommodo ictum incutere valet, solius naturæ ductu directus, seu experientiâ confuse perceptâ veluti manu ductus: sic canis qui fores aperire conatur, non juxta cardines eas pedibus & trunco apprimat, sed longè à cardinibus ubi vecte longiore utens, opus suum felicius & facilius absolvit, quasi mechanicam edoctus fuisset.

Ex dictis iterum patet, cur asthmaticus quietem pro viribus fervet, & à motu abstineat etiam vigilans; cum enim ambulare, aut sese è loco movere vix possit, quin sanguis ex musculis contractis expressus velocius ad cordis ventriculum dextrum, indeque in pulmones affluat, & quin illicò celeriori influxu vasa pulmonis distendat, aërique spatium paululum eripiat, simulque quin virium suarum novam partem impendat, ille novi & frigidi, copiosique aëris avidissimus, & virium suarum parcimonix studiosus, à motu minùs necessario abstinere debet.

Quanta sit asthmaticis, dyspnœicisque in genere aëris novi & copiosi inspirandi cupiditas, in theoriâ hujusce classis fusè exposuimus; illa autem avi-

ditas aëris procedit ex perceptione confusâ necessitatis ejus ad vitalem facultatem sustinendam, adeoque ex metu debilitatis cordis, quæ in his circumstantiis imminet: hoc patet ex pulsu parvo sæpè intermittenti, extremorumque frigore, quæ in asthmatis accessu, si aliquandiù perseveret, & fortior sit, observantur; interea dum pulsus cordis frequentia omninò destituitur, & respiratio crebra & sublimis est: novi quidem scholasticos hanc pulsûs debilitatem repetere, ex eo quod sanguis parcè ex pulmonibus in cordis ventriculum influat; verum minimè illis assentior, dum existimant hunc parciorem sanguinis in cor influxum pendere à vasorum sanguiferorum pulmonis angustia, quæ si adesset, febrem, & peripneumoniam excitaret, non verò asthmaticum accessum; illa cordis debilitas ex eo dependet, quod natura vires in pulmonibus agitandis impendens parcius cordi movendo incumbat, & tantum exiguâ, quæ ad vitam sustinendam vi sufficit; si enim plus virium cordi impertiret quam ad vitam qualemcumque sustinendam opus est, cum facultas jam sit exhausta, ea ad pulmones exagitandos non sufficeret, adeoque mors in promptu esset, cum eatenus sanguis per pulmones circulari possit quatenus sustinetur respiratio, atque ad eam in casu asthmatis sustinendam multum virium impendi necessum sit; non secus autem ac cum vasa sanguifera obstruuntur, natura cordis vires intendit, & vires avertit inutiles ab artubus, ut urgentiori necessitati occurrat: ita cum infarctis bronchiis respiratio difficilis evadit, cum ea sit ad vitam necessaria, natura non solum motus artuum inutiles suppressit, sed etiam motus cordis fortiores detrahit, & exiguis contenta ferè quidquid su-

pereſt virium obicibus bronchiorum removendis impendit, ita ut aſthma ſit febris, ſi fas ſit ita loqui, pulmonum, ut febris eſt velut aſthma cordis.

Quod autem natura hoſce motus dirigat & exſequatur, illud evincitur ex effectibus narcoticorum, & ex obſervatione aſthmatis hyſterici. Aſthmatici, ut docet Floyerus, & experientia confirmat, cautâ & prudenti narcoticorum doſi mirè ſublevantur, ita ut qui prius velociter & frequenter anhelat, jam ſopitus reſpiret, lentè & raro ut in ſanitate, quia ſenſatione omni ſopitâ, natura minùs percipit neceſſitatem accelerandæ reſpirationis, & opus ſuum remittit: econtra verò hyſterica vigilans, & ad minimum ſtimulum in pulmonibus expaveſcens, à levi fumo, vel odore gravi, illicò pectus ſuum exagitat, ut hunc levem ſtimulum, obicemve eliminat, & tanto impetu reſpirat, ut præfocari videatur; quod ita pendet ab animâ, ut ſolum animæ pathema inſultum illum excitet. Sic obſervante Helmontio mulieres hyſtericæ ex contumeliâ, vel jurgio ſæpè aſthmatis acceſſum incurrunt, proindeque ſine materiali principio, & pituitâ viſcoſâ pulmones infarciēte, quam Humoriftæ Scholaſtici in omni aſthmatico præexiſtere ſupponunt; licet obſervante Helmontio, Horſtio, Floyero, aliſque in aſthmaticorum, ut epilepticorum cadavere, nulla quandoque organorum, aut humorum labes reperriri poſſit, & hic uterque morbus in motu vitioſo ſolum ſæpè conſiſtit.

Fuſè explicuimus in theoriâ huiusce claffis quid naturam ſollicitet ad reſpirationem in fugacibus anhelationibus magnam & velocem, in diuturnis verò frequentem & parvam inſtituendam: majori ſcilicet virium parcimonix conſulit, cùm fa-

cultas est imminuta, vires verò liberaliùs expandit cùm integra est; & simul quantum fieri potest, & opus est, aëris novi, frigidiusculi, seu elastici copiam inspirationi suppeditat; ea autem aëris frigidiusculi quantitas tantò major esse debet, quò major est pulmonum calor, & iterari debet eò sæpiùs inspiratio, quò singulis vicibus minùs aëris, aut minus elastici, excipitur.

Sive aëris spirulæ elasticæ cum sanguine miscendæ sint, ut putat Borellus, sive fluidum electricum in aëre elastico copiosum, & fluidi nervei veluti pabulum sit per pūlmones hauriendum, quod verosimile est; sive demùm ope aëris pulmones debitè expandentis promovendus sit in cordis dextrum ventriculum, & sic conservandus sanguinis circuitus; natura respirationis pro necessitate augendæ, vel iterandæ est avidissima; quasi sensu quodam confuso ejus necessitatem perciperet, ut persuasissimus sum, & Galenus fusè docuit: cùm nemo sit qui statim ab ortu & millies in vitâ non sit expertus quod à retardatâ, suppressâ, imminutâ respiratione in præcordiis nascatur molestia, quæ ab obice ultra pauca secunda perseverante crescit, & brevi tempore intolerabilis evadit, ut experiri quisque potest in animali, cui respiratio ultra aliquot temporis secunda præcluditur: illud enim totis viribus ad hunc obicem removendum insurgit, quod certè machina inanimis nunquam faceret, & nullus mechanices vel leviter gnarus unquam ex legibus motûs sine principio sentiente & movente intelliget.

Abstineat ut quis judicet me in morbis constantibus, animæ tantùm conatus & impetus, exceptis morbis hystericis, similibusve incusaturum esse; quippe illi conatus naturæ ferè semper principium

materiale & labem in organis, fluidisve supponunt; cujus occasione illi excitantur; verum non inde sequitur, ut mechanistæ contendunt, nullam habendam esse principii sentientis & moventis rationem, & tantummodò de restituendo fluidorum & solidorum statu cogitandum esse, cum ne quidem ille ultimus scopus attingi queat sine principii sentientis & moventis concursu; natura siquidem prima sæpè sola, sed artis etiam auxilio adjuta, morbis medetur; ut febris est opus naturæ materies morbificas è viis circulationis remove, easque corrigere conantis, ita & anhelatio est conatus ejusdem principii vitalis obices respirationi & aëris susceptioni oppositos abigere satagentis, nihil perniciosius est quàm si febris desit ubi ob farcinam materiæ morbificæ eliminandam per sudores & perspirationem requiritur, ut in pestilentialibus & gangrænosus morbis; ita nihil est funestius, quàm aspnœa seu quies organorum respirationis, ubi circulatio sanguinis languet in pulmonibus & vivifici aëris inspiratio est necessaria; unde pro inaudito habetur apud omnes si æger aspnœâ affectus & inde in syncopem lapsus, ac pro mortuo habitus quandoque revivixerit, quippe vix centesimus lethum effugit, quia respiratio ad vitam uti signum, ita uti concausa, omninò natis animalibus non amphibiis est necessaria.

Verumtamen observandum est respirationem aliqualem superesse posse, quæ tamen in sensus Medici non incurrat, ut jam dudum Pitcarnius ostendit, quippe cognoscimus respirationem potissimum ex spatio quo pectus dilatatur vel constringitur intra breve tempus; illud verò spatium est ad volumen aëris hausti in ratione subtriplicatâ, ita ut si spatium illud crescat duplo, triplo, oc-

ties, vigesies septies crescat volumen aëris hausti; ergo potest illud volumen crescere aut decrescere quàm maximè, vel saltem sufficienter; interea- dum spatium, quod est index respirationis, ita exiguum est, ut in sensus non incurrat; præterea sicuti motum indicis in acu horarum horologii non percipimus, quia intra longum tempus exiguum spatium percurritur, ita si tardior fiat inspiratio vel exspiratio quælibet, licet æque ampla ac in statu sano, illa dùm fit, nullatenus à nobis percipietur.

Contemplemur hominem qui liberè priùs & expedite pectus suum amplians & constringens subitò extasi vel catalepsi corripitur; illicò ob nimiam animæ aliò attendentis diversionem, ita retardatur pulsus, & respiratio, ut vix pulsus, nullatenus verò respirationis motus percipi possit. Nec mirum persistere vitam cum respiratione tam exiguâ, quippè sanguis in illis casibus velut frigidus & coagulatus lentissimè circulatur, adeò- que friget in pulmone; cùm autem sanguis friget in pulmone, vix ullâ respiratione indiget animal; sic qui summum frigus in aquis immersi experiuntur, respiratione omninò destituti, possunt tamen aliquandiu vivere, & quâ proportionem calor, & sanguinis velocitas restituuntur, eâdem crescit necessitas velociter & frequenter inspirandi, ut clamantibus, currentibus accidit.

Hinc fit ut asthmatici à refrigerantibus juventur, à calidis verò lædantur, ut expertus docet Floyerus; quæcumque enim calorem sanguini, eive velocitatem novam conciliant, ea pari passu novi aëris, ejusque copiosioris inspirandi necessitatem imponunt; sed difficillimum est inspirationem ultra certos limites accelerare aut adaugere

124 GENERA ET SPECIES

ut vidimus in theoriâ hujusce classis, seu magna virium impensa ad hoc requiritur, ergo & periculum exhauriendæ facultatis, seu mortis obeundæ imminet, quod natura mirum in modum horret & averfatur, hinc molestia & angor incredibilis. Interea tamen refrigerantia quæ sanguinem inspissant asthmaticis noxia sunt, quippe, si hinc juvent, aliunde nocent, moram sanguinis circulo injicientia, cruorem inviscantia; adèoque huic duplici scopo fatis est faciendum, scilicet ut fervor sanguinis contemperetur, qui auget dyspnœam, ut accidit in febribus & phlegmasiis omnibus acutis, & ut simul fluxilitas ejus conserve-
tur, vel augeatur, quod propriâ experientiâ didicit Floyerus.

Errant itaque illi in therapeiâ asthmatis qui falsâ theoriâ ducti nihil aliud existimant sibi agendum esse quàm ut pulmonalium vasorum laxitatem tonicis augeant, & ut viscosa phlegmata calidis & incidentibus resolvant, cum econtra sæpius robur est facultati & solidis detrahendum, & fervor sanguinis compescendus, & impetus quandoque fluidi nervei narcoticis refrænandus; felices sunt ægri quod natura eos sapientius sæpe dirigat quàm Medici falsâ theoriâ imbuti; & eatenus illi Medici felices sortiuntur eventus quatenus empyrici sunt in praxi, suæque theoriæ vel immemores, vel iterato errore eam ad praxim inflectunt, ut qui non regulæ parietem, sed parieti regulam accommodat, cum tamen regula parietis extructionem dirigere deberet.

Theoria vera ea est quæ ex observatione repetitâ, accuratâ & solido inde ratiocinio tanquam corollarium deducitur, ut norunt mathematici, qui theoriâ Astronomiæ, hydraulices, mechanices

callent, & continuis observationibus scrupulosè emendant; falsa verò est quæ non consultâ experientiâ nec adhibito riguroso ratiocinio excogitatur, quales erant in physicis fermè omnes theoriæ Cartesianæ, in scholis Medicis exceptæ; paucissimorum morborum theoriâ veram possidemus, & tamen omnes morbos explicare temerè præsumimus, ne coram ægris & semidoctis hæere aut ignorantiam nostram fateri cogamur; quantò dignius foret probo viro errorem suum, ignorantiamque profiteri, ut de asthma agens profitebatur Helmontius: *agnosco*, ait ille, *me larvas & pallia morbis obtendisse, sanasse neminem, delusisse vero quotquot se meæ ignorantia confisi sunt, & impensè demiratus sum, quod scholæ tantorumque ingeniorum acumina, falsis priorum persuasionibus nondum valedicere potuissent.*

Theoria Antiquorum, ut Galeni, Sennerti, Riverii, in hisce morbis multò simplicior & solidior, seu mechanices principiis magis erat consona quàm neotericorum; illi quippe ubi motus pectoris citatiores, vehementiores cernebant, ægrumque expectoratione, aëris frigidi inspiratione levâri percipiebant, naturam in his morbis hosce conatus moliri, & in bonos fines dirigere intelligebant. Galenus tria in respiratione considerabat, *facultatem* scilicet motricem, quam à voluntate animæ non distinguebat, ita tamen ut eam à necessitate cogi putaret, dein *utilitatem* seu necessitatem respirandi ad vitam; tertio demùm instrumentorum seu organorum *dispositionem*.

Omnis motus, ait ipse, fit à facultate animali, velox autem motus supponit eam facultatem integram, robustam, quæ ad agendum excitatur à perspectâ utilitate, modò tamen instrumentorum

dispositio non repugnaverit, si verò urgeat utilitas velociter respirandi, tunc si facultas paulò debilior fuerit, ea non magnitudine, sed in frequentia auget respirationem, maximè si doleant organa, quia votum suum explet facultas per densam respirationem, nec tamen dolorem ita intendit ac per magnam intenderet, & quod deficit ex respirationis magnitudine, numero respirationum adaucto compensat. *Vide* ejus doctrinam libro *de dyspnœa & de pulsibus*, ubi clarissimè explicatur cur in dolore pectoris respiratio sit frequens & parva, in delirio & vacillatione mentis rara, & magna ac inordinata. Floyerus verò cum per viginti annos asthmatis sui curandi gratiâ consulisset tum neotericos omnes tum veteres, demum istorum praxi adhærendum sibi esse censuit, tentatis priùs singulis, quod ostendit Medicinæ reformationem à Cartesianis institutam tum in theoriâ tum in praxi, artem illam potius retardasse, quàm promovisse, quoad multos morbos.

Qui morborum classes à sede anatomicâ repetunt, morbos hujusce-classis ferè omnes pulmonibus tribuunt, ut asthma, dyspnœam &c. Verùm sola theoria vera potest præcipuam morborum sedem assignare, & licet symptomata in morbis ejusdem generis conveniant; non certum est species ejusdem generis eandem sedem obtinere, quod exemplo asthmatis apparet; cum enim asthma humidum facilè omnes pulmonum vitio tanquam sedi principii morbifici adscribant, asthma tamen spasmodicum hystericumque musculis ipsius thoracis convulsis & irritatis tribuere non dubitant plurimi, ut Willisius, asthma stomachicum ipsi stomacho, ut asthma nocturnum seu ephialtem cerebro alii tribuunt; pluries etiam accidit ut

pro asthma pulmonari habiti sint morbi quorum principium post cadaveris sectionem vel in cavo thoracis, vel in mediastini, vel in structurâ ipsius pectoralis cavæ adeòque intra pulmones inventum est; nihil itaque difficilius est quam sedem morborum ante cadaveris sectionem determinare; ergo valdè temerarium est morbos à sede cognoscendos præbere.

Quoniam in dyspnoicis morbis frequens est, vel velox respiratio seu musculorum pectoris contractio, eaque involuntaria seu coacta, evidens est eatenus eos morbos ab spasmodicis discrepare, quatenus organa respirationis, non verò organa motûs localis artuum afficiuntur; itaque illi morbi à convulsivis non essentialiter discrepant; ergo indicatio classis eadem est, scilicet conatus naturæ; si effrænes sint, & inutiles, ut accidit in anhelationibus hysteris, à pathemate animæ oriundis, illi compescendi narcoticis; si auxilia moralia & expectatio in his valdè necessaria non suffecerint; si verò illi motus langueant, utilesque censeantur ad corrigendam vel eliminandam materiem morbificam, excitandi sunt & sustinendi per auxilia diætetica, & pharmaceutica; si verò inutiles sint, ut cum à gibbositate, aut pravâ pectoris conformatione dependent, illi conatus sunt emollientibus, laxantibus anodynis compescendi; maximè verò si effrænes simul & noxii sint, in quo casu phlebotomia, diæteta tenuis, & narcotica conveniunt; ast si moderati sint & utiles, tunc juvandi sunt, in quo casu potus diluens, medicamina materiem morbificam concretam resolventia, viscosam diluentia potissimum bechica tum incidentia, tum lenientiâ conducunt.

ORDO PRIMUS.

ANHELATIONES SPASMODICÆ,

Gallicè Soufles convulsifs. Passiones spiritalium partium Gordoni; expirationis vitia Etmulleri; Lésions de l'Expiration; Effouflemens convulsifs.

Sunt morbi seu potius symptomata minoris momenti, fugacia, sed repetita, quorum maxima pars consistit in sonoris & spasmodicis expirationibus; solus enim singultus sonitum edit inter inspirandum. Ambigunt illi morbi inter spasmodicos & anhelosos morbos, atque plurimi ut tussis, oscedo, stertor, sternutatio alios morbos comitantur, nec proinde sunt symptomata horum præcipua.

Theoriam hujusce classis Hippocraticam & verè mechanicam tradidit Duretus in annotatione ad Hollerium *de Asthmate & de tussi*, quæ Neoterico-rum ætiologiam longè antecellit, & simplicissima est.

I. *Ephialtes*. Cochemar.

Sic dicitur ab *epi* & *allomai* supra infilio, quia æger somniat quoddam animal supra suum pectus infilire.

Knigalion à Themisone vocatur à suffocatione comitante, item & *Knigamon*, ut ab Aureliano *Epibole* quasi jactum desuper; sunt enim qui se suffocari somniant à superinjecto pondere; à Dioscoride

Dioscoride *Pnygmon upo ephialton*; à Plinio *Ludibria Fauni*; quod enim Faunis tribuebant Romani, noſtrates quibuſdam maleficis noctu vagantibus geniis tribuunt, ut Antiqui dæmonibus laſcivis incubis, ſuccubiſve adſcripſerunt, unde *incubus* & *ſuccubus* etiam hic morbus vocatur, Gallice *Incube*, Lugduni *Chauchevieille*, aliis, ut Galeno, *Epilepſia nocturna*, *aſthma nocturnum*, &c.

Genus eſt morbi periodici noctu vel dormientes afficientis, cujus præcipua ſymptomata ſunt ſumma anhelatio cum inſomnio corporis cujuſdam pectus comprimentis.

Illius morbi inſultus potiffimum aggreditur eos qui ſupini dormiunt; & reſpiratione querulâ, gemebundâ, anxîâ ſeſe manifeſtat, & ſtatim atque æger è ſomno excitatus eſt, ſomnium & morbus evaneſcunt.

Anima, ait Hippocrates, dum homo ſomno indulget, vigilat & cuncta corporis munia obit, hoc apparet in ephialte; quippe non ſecus ac anima inter dormiendum admonita de ſeminis acrimoniâ in veſiculis hanc ſenſationem verſans conjungit cum ideis ſociis ſeu eam ſenſationem concomitari aſſuetis, nec non conſequenter libidinem explere cupiens mentulam erigit & actum venereum exſequitur, ita ſtatim atque eſt in organis reſpirationis quidam obex, quo reſpirationi reſiſtitur, facile deluditur phantaſia & conjungit cum hac ſenſatione ideam vel cacodæmonis inſolientis, vel felis aut canis pectus opprimentis, aut maleficæ vetulæ ſtrangulantis, unde excruciatuſ metu ſomnians, ſeſe exagitat, ſudat, ejulat, quantum ſomnus gravis permittit, quo ſomno excuſſo errorem ſuum agnoſcit ephialticuſ & convaſceſcit.

In hoc casu obex pectoris motui oppositus determinat somnium, ast certum est à somnio quandoque prævio determinari suffocationem; & meminisse me pluries somniasse, dum junior eram, selem lectulum meum conscendere, nec ullatenus me suffocari nisi postquam imaginatus forem illum canem à pedibus ad pectus meum insilire; adeoque ab illo somnio determinabatur ea suffocatio, non à suffocatione somnium, ut vulgò putatur; atque ex hac observatione sequitur imaginationem sine ullo vitio corporeo in pectore sufficere ad gravissimam dyspnœam inducendam cum febre, sudore, angore multò majoribus quàm si causa, quam imaginamur, reapse in nos ageret.

Illud etiam notatu dignum quod illis qui nos suspensos diù detinent, & simul valdè attentos per ambages sermonis quemdam gravem casum prænunciantis, exprobrare consuevimus quod nobis ephialtem excitent, quia scilicet attentio animæ gravior ita respirationem in nobis cohibet aliquandiu ut dein anhelosè & anxie respiremus cum pectus & attentionem laxamus.

1. *Ephialtes plethorica* Craanen; ea est quæ à plethorâ commotâ, calore lectuli, stragulorum pondere, austro potissimum flante, supinè dormientibus accidit; maximè si à victu lautiori, & simul sanguifluxuum suppressione, plethora intendatur; nihil enim est facilius quàm quod sub illis circumstantiis sanguine cerebrum impetente excitentur somnia quæ in aliis panophobiam, in illis libidinofam gonorrhœam, in istis ephialtem inducent, maxime si propter debilitatem præviam pulmonum sanguis in illis stagnet.

Ea species phlebotomiâ, victu parciori, abstinentiâ à coenâ, decubitu laterali, capite magis erecto prævertitur.

2. *Ephialtes stomachica* Riverii. *Epilepsia nocturna* pluribus; ea est quam pondus ventriculi alimentis nondum digestis turgidi diaphragmati incumbentis, cerebro simul per chylum crassum, copiosum, quo sanguis inspissatur infarcto, determinat; qui excitantur ab accessu linguam habent sordidam, ructus, nauseas, capitis gravitatem. Illa accidit crapulosis qui statim à pastu cubitum eunt, maximè si capite horizontali, truncoque resupino jaceant; hic affectus pueris est magis familiaris quàm adultis; potissimum verò voraces infestat; quoad verò objectum somnii, illud variat pro moribus ægri; si quis enim ab ancillis exceperit fabulas quæ de pravis geniis, lemuri- bus & faunis narrant vetulæ, is à similibus mon- stris se opprimi, conculcari, aut libidinem exple- ri somniabit; qui de felibus, fimiis, aliisque ma- lignis animalibus simile metuebant in vigiliâ, ab hisce impeti se somniaturi sunt.

Cura exigit emeticum, catharticum, victum parcum, abstinentiam à coenâ, vino, carnibus leporinis, liquoribus spirituosus, & si langueat vis coëtrix stomachi, stomachica amara, kinkina, rheum, aloë optimè conducunt.

Ista species ab ebrietate & voracitate, potissi- mum à vespertinâ crapulâ procedens est omnium frequentissima, & pro diverso ægri charactere, va- riant insomnia & sedes symptomatum Lascivi venereum actum. Militaris à Tymæo observatus ab hoste strangulari; amicus quidam meus in an- gustiori scalarum calle à parietibus comprimi, alique alia somniant; affectus autem fugax est & tantum prophylacticam curam exigit.

3. *Ephialtes ex hydrocephalo* Lotichii *obs. l. 4. observ. 3.* Boneti *Sepulchret. Tom. 1. pag. 180.*

observ. 1. Lower. de corde cap. 1.

Post nocturnos terrores, incubique insultus varios juvenis melancholicus vertiginosus capite & visu debilis obiit, repertum cerebrum quoad venulas nigricans, sanie suffusum, & eâ cum mucro turgidum sinistram sinum cerebri; æger capite semper in latus sinistram inclinabat. Duas alias observationes refert Bonetus de ephialticis in quorum cerebro sinus aquâ distensi erant, inde orta opinio sedem ephialtes esse quartum cerebri sinum in quem supino capite serum illud influens morbum inducit; verum rarissimum esse hoc ephialtes principium judico, nihil vulgatius quàm serum in sinibus cerebri reperire, si longo post mortem tempore aperiatur cadaver, quò longius, eò uberiorius invenietur serum. Academicus oxoniensis, quem memorant, hydrothorace simul laborabat & incubo, in quo casu signa hujus speciei facilius obtineri possunt. Hydragoga autem setacea, diuretica conveniunt: Lowerus verò qui semper in ephialticis hydrocephalum suspicatur à vero procul abesse videtur.

4. *Ephialtes verminosa* Ettmulleri de incubo.

Illa species in ipso ventriculo sedem habet quatenus infans in cujus ventriculo vermes repunt, facile somniare potest adesse in epigastrio quidpiam quod ipsum perterrefaciat; terror autem vehemens à simili phantasmate verum ephialtem inducit, suffocantur enim qui subito terrore percelluntur.

Indicatio curativa per se patet.

5. *Ephialtes tertianaria* Foresti libr. 10. obs. 52.

Pavor & symptoma quoddam mirabile partim incubum, partim epilepsiam imitans, tertio quo-

que vespere recurrens, ab horâ nonâ ad undecimam perseverans. Puella novennis tertiâ quaque die febris instar corripiebatur paroxysmo, scilicet totius ventris & thoracis constrictione cum respirandi difficultate, oculis manentibus apertis & in unum locum continuò converfis, manibus quid fortiter arripiebat, ut faciliùs respiraret, interrogatis non respondebat, interea mente constare videbatur, vigilabat, multùm suspiriosa erat, venter attollebatur cùm maximâ thoracis angustîâ, difficili respiratione, anhelitu frequenti, oppressa, loqui non poterat.

6. *Ephialtes Hypochondriaca* Ettmuller. *de aëris inspiratione. Vide Schenckium. Incubus vigilantium Rhodii centur. 1. observ. 54.*

Familiaris dicitur ephialtes hypochondriacis, melancholicisque & talem fuisse illum sacrificum puto, qui minimè suum errorem agnoscens, firmiter persuasum habebat se à vetulâ sibi cognitâ qualibet nocte adiri, & ad suffocationem usque comprimi. Affinem historiam & hanc ipsam satis curiosam vide apud Forestum *libr. 10.* In illa specie emetica nociva censentur, maximè si hysteria adsit; si flatulentia & siccitas intestinorum; illi quidem flatus possunt diaphragma premere, & in cerebro ad delirium prono, apud homines meticulosos, non benè mentis compotes, inducere delirium, quod noctu incipit & in dies extenditur. Illa species antiepilepticis curatur, maximè semine pæoniæ, cinnabari, nec non anisi semine.

Hæc species non semper tristitia menti objicit phantasmata. Raimondus fortis curavit puellam, quæ à viro minimè ipsi ingrato comprimi se somnabat, sed ab hoc imaginario concubitu evigila-

bat cum sensu ponderis in pectore, voce, respiratione interceptis, magnâ anxietate, madore faciei & cervicis gravitate. Similem in viro casum narrat Craanen; de se ipsis Heurnius, Forestus, &c.

Silimachus quidam narrat plurimos istâ passione veluti lue contagiosâ Romæ quondam fuisse interfectos, ut refert Cælius Aurelianus de incubone quem inter tardas passiones recenset; hæc autem species non satis certa est.

II. *Sternutatio*, Eternument.

Violenta, sonora, & subitanea exspiratio in nares posticas immisso aëre, quo nares everruntur, cum convulsiva capitis & trunci concussione. *Sternutamentum* est cujus interventu natura quidquid membranam pituitariam molestat excutere, & cum muco narium eliminare contendit; sternutamentorum verò tum intensitate, tum frequentia incommodorum series morbum constituit, *sternutationis* nomine designatum.

Sternutatio plures varietates admittit.

1°. *Sternutatio catarrhalis*, seu à cohibitâ internâ narium perspiratione, ut à frigore. 2°. *Sternutatio rubeolosa* à pustulis morbillosis intra nares germinantibus. 3°. *Sternutatio à ptarmicis* violentis, ut à succo elaterii, quem rustici quandoque infausse attrahunt naribus ad auriginem sanandam, unde visi sunt ad mortem usque cum hæmorrhagiâ narium sternutasse; pustulæ quandoque acres, & rodentes intra nares obortæ dirissimam sternutationem proritant. 4°. *Sternutatio à vermibus* intra sinus frontales genitis etiam aliquando observatur, cujus ope ipsi vermes, aliæque peregrinae foras excutiuntur. Datur & 5°. *Sternutatio spon-*

tanea cujus principium nos in praxi sæpè latet, ut patet exemplis ab Hildano, Amato Lusitano, aliisque relatis. Talis etiam 6°. *Sternutatio periodica* qualem videre est apud Mangetum in bibliothecâ practicâ, apud Ephemerides nat. curios. Olim etiam viguit 7°. *Sternutatio epidemica* ita violenta, ut homines è medio sæpius tolleret, unde mos sternutantes salutandi irrepsit. 8°. *Sternutatio critica*, seu salutaris est in febribus malignis, teste Hippocrate & Riverio, atque rebus etiam desperatis salutem promittit. Hystericæ mulieri aut etiam difficulter parienti si sternutatio accadat, bonum ex Hippocrate, attamen quandoque præmaturum fetum excludit, & menorrhagiam ciet importuna sternutatio, necnon hæmorrhagiam narium. Sternutatio insalubris est in morbis inflammatoriis pectoris, cujus dolores intendit; raro sternutatio à ptarmicis excitata soporosis prodest utcumque usitata sit.

Cura. In omni morbo primo quantum fieri potest removendum est principium, deinde naturæ conatus, si effrænis sit, ut in hoc casu, compescendus est, vel aliò divertendus. In sternutatione violentiori phlebotomia apprimè conducit; vapor aquæ tepidæ lactis tepidi inspiratum, litus ex butyro, decoctum emolliens inspiratum, ut ex seminibus mucilaginosi, radice althææ in usum vocanda sunt, prodest etiam plumbum ustum naribus intrusum quod acre absorbet.

Conatus effrænes compescunt odor opii, naribus exceptus, ipsius etiam tinctura naribus inspirata, aut dosis sufficiens deglutita; in sternutatione periodicâ ad kinkinam, karabem, aliaque antispasmodica recurrendum est.

Divertunt verò naturam ab his conatibus ve-

ficatoria alibi applicata , ut fermentum vetus karabe pulverato adpersum nuchæ applicatum , ligaturæ & friciones extremorum , graves nuncii supervenientes ; si verò halitus acidi acres ex materie verminosâ à primis viis in nares assurgant , antihelmentica conducunt.

III. *Oscedo* , Bâillement ; Græcis *Kasmodia* , plurimis *Oscitatio*.

Est repetita oscitatio ; oscitatio verò est diutina , lenta , naturalis exspiratio cum magno oris hiatu convulsivo facta , & sæpiùs pandiculatione corporis & artuum stipata , quam brevis & ut plurimum sonora exspiratio sequitur.

De oscitatione fusè scripserunt illustr. Comes Buchner anno 1758. Michaël Alberti 1737. Frid. Walther 1738.

Præcedunt corporis gravitas , lassitudo , pectoris languor , seu inertia , mentis stupor , tædium , somnolentia , totius corporis torpor , & ignavia , quæ omnia lentâ , profundâ , diuturnâ inspiratione , seu oscitatione discutuntur.

Inter oscitandum profundâ , amplissimâque inspiratione omnes vesiculæ pulmonares multum expanduntur , circulatio per pulmones acceleratur , viscera abdominis premuntur , oculi illacrymantur , uber fit salivæ proventus , auditûs gravitas cum aliquali bombo intra caput accedit , tuba eustachiana diducitur , loquela impeditur , perspiratio uberrima cietur , quâdam voluptate anima recreatur , ad functiones corporis & animæ homo expeditior redditur.

Mirum certè quod oscitationem simulantes , & pro lubitu incipientes , interea eum motum in

progressu invitum, coactum, verèque convulsivum esse sentiamus, quod qui alios oscitantes cernunt, velint, nolint, inscii, conscii ad oscitandum determinantur: natura itaque sola oscitationem à libertate inchoatam exsequitur, ipsa tamen libertas eam vel paululum retardare, vel fortinixu prævertere aut coercere potest; imò animi pathema superveniens potest eam omninò suppressere; hinc patet quantum motus convulsivi ab animæ facultatibus dependeant.

1. *Oscedo partûs* Roederer. *dissert. de oscitatione in enixu 1759.* exitiosum symptoma in parturitione superveniens, cari funesti prodromus.

2. *Oscedo febrilis.*

Oscitationes repetitæ *intermittentium* febrium accessus prænunciant, catarrhales & exanthematicas febres invadere designant. Sternutationem quondam Romæ epidemicam & funestam comitabatur etiam oscedo sæpè lethalis, unde mos accessit os inter oscitandum signo Crucis communire ex Polydoro Virgilio; in morbis hæmorrhagicis oscitatio metuitur, & ut patet ex Canicidiis convulsiones lethiferas præfagiunt observante illustr. Buchnero post Schroderum. Hic conducunt antispasmodica & kinkina.

3. *Oscedo stomachica.*

A largo pastu somnolentia & oscitatio sæpè succedunt; cardialgici & colici affectus oscitationem sæpè prodromum habent; non pauci sunt tamen qui prius apestiâ & anorexiâ laborantes ex oscitatione se melius stomacho habere cognoscunt. Veteres oscitationem fieri per distensionem ventriculi & œsophagi à vaporibus credidere; mirum quantum sola experientia in errores inducat. Paulinus observavit oscedinem & epilepsiam

à vermibus stomachi, saburrâque verminosâ pendentes, & vermifugis sanatas; infantes recens nati multum & utiliter oscitant; stomachica, cathartica indicantur in hac specie quæ à vitio stomachi dependet.

4. *Oscedo hysterica.*

Paroxysmum hysteriæ ferè semper præcedunt oscitationes repetitæ. Hoechstetterus & Riedlinus memorant casus puellarum, quibus ob suppressa catamenia oscedinis paroxysmi quotidie per longum tempus datâ horâ repetebant tantâ vehementiâ, ut capite dolerent, ægrotarent, & alteri mandibula luxaretur; gravidis tum ob catamenia suppressa, tum ob malaciam & stomachi ægritudinem, tum ob hystericam dispositionem familiaris est oscedo: in hac specie antihysterica, in gravidis phlebotomia præcipua sunt auxilia.

IV. *Singultus*, le Hoquet; *Lygmon* ac *Lyngon* Græcis; *Hiccock* Anglis; *Singhiozzo* Italis.

Est præceps, repetita, sonora & convulsiva inspiratio.

Causa est conatus naturæ per repetitas diaphragmatis depressiones, quæ circa cardiam molestant, excutere contendentes; juxta Galenicus conatus facultatis expultricis ventriculi ejus causa est.

Principia sunt quæcumque ventriculum, ejus potissimum cardiam, œsophagi extremum, ipsum diaphragma irritant, molestant, impediunt, vel cum vel sine dolore: in quibus etiam tantum valet consuetudo, ut singultus voluntariò excitatus possit deinceps naturalis & coactus evadere:

nec major irritatio ad hunc ciendum, quam ad pandiculationem, aut oscitationem requiritur; & ut gravis nausea ab imaginatione, ita gravis singultus sæpè fovetur aut renovatur, unde patet quam obscura adhucdum sit ejus ætiologia.

1. *Singultus accidentalis, Hoquet leger & passager.*

Ille est qui à cibo non satis masticato, à pastu sicco, seu in quo non satis bibitur, apud pueros à lacte copiosius ingesto, ex risu, ex frigore suscepto, potu frigidiori, &c. ortum ducit.

Ille singultus cohibet aliquandiu respiratione, lentâ, sed uno anhelitu aquæ deglutitione, tollitur: sed quod animæ imperium clarè denotat nuncio quocumque gravi, aut sermone singultientis admirationem, verecundiam, aut pathema quodvis excitante illicò sistitur: non secus ac eâ arte sistitur oscitatio, pandiculatio, aliæque levidentes convulsiones; imò sternutatio similes singultus tollit.

2. *Singultus à gulâ* Fel. Plateri; *Hoquet des gloutons; ab alimentorum nimia quantitate* Frid. Hoffman. pag. 124. Forest. libr. 18. obs. 12. Epiphan. Ferdinand. hist. med. 43.

Qui tuburcinantur, illi sæpè singultiunt; unde prophylaxis est diù cibos masticare antequam deglutiantur, sufficienti potu cibos diluere, & non satiari cibus, sed edere ad sobrietatem. Si diutius perseveret hic singultus, nec remediis cedat, levia cathartica, imò lenissima emetica prosunt, à domesticis auxiliis incipiendo, ut aquâ tepidâ, digitorum intra os immisione, clysmatis, &c.

3. *Singultus ab acrimoniâ* Fel. Plater. *ab inimicâ qualitate assumptor.* Fr. Hoffman.

Ille est quem materiæ quæcumque acres formâ cibi, potus aut medicaminis assumptæ excitant.

Lactis corruptio infantibus singultum excitat; Bartholin. *Ad. Hafniæ.*

Cicuta comesta Guldenklec. *lib. 7. cas. 4. Euphorbium, Id. ibid. Cæpæ, allium, zingiber, gattinaria pag. 81.*

Oleum vitrioli, Barbette *prax. med.* Cathartica acria & emetica inopportune, ventriculo nimis sensibili non satis præparato recepta, Hoffmann.

Idem accidit si materia morbifica dysenteriae, diarrhoeae torminosae fuerit suppressa, aut non edulcorata & eliminata.

In his ultimis casibus indicantur modò edulcorantia, sedantia, ut aqua pulli, serum lactis; modò anodyna, ut laudanum, diascordium; & si suspicio sit saburræ acris in ventriculo, prius illa lenibus catharticis est evacuanda, dein narcoticis & antispasmodicis tumultus est pacandus.

4. *Singultus arthriticus* Welschii *hecatost. 11. obs. 54.*

Ille est qui sequitur suppressam arthritidem, vel metastasim materiæ acris rheumatismalis, podagricæ ad stomachum aut diaphragma.

5. *Singultus exanthematicus* Ephem. natur. cur. synopsis. *Erysipelati, exanthematis, sudoribus repressis superveniens* Frid. Hoffman.

Qui miliari eruptioni deficienti jungitur, eaque etiam sanata per dies aliquot perseverat, & pro ratione redintegratarum ægri virium spontè tandem evanescit. Ex hoc nihil ægro periculi incumbit, nisi officiosè nimis & inutiliter multa remedia ingerantur, quod si fiat, mors pro Medico est. Sydenham. *de nov. febr. p. 515.*

6. *Singultus inflammatorius* Frid. Hoffman. *paragr. 15. Hippocr. aph. 17. lib. 7.* est ille qui supervenit cystitidi, paraphrenitidi, dysenteriae ma-

lignæ, enteritidi, cephalitidi, phrenitidi, nephritidi.

In hepatico singultu dolor ad jugulum ascendens signum est.

In cerebri vel meningum inflammatione singultus signum est rubor oculorum; singultus & oculorum rubor si vomitui superveniant, malum Hippocr. *aphor. 3. sect. 7.* In apoplexiâ, in cystitide lethalis singultus cum vomitu sopitur puppâ potui inditâ, ex semine papaveris & anethi. Heurnius *comm. in eum aphorism.*

In peste si carbunculus diaphragma, aut stomachum obfideat. Diemerbroek. *cap. 13. & 15.* In ileo à bubonocèle pessimus singultus. Forest. *lib. 18.*

Si tamen ille singultus sub finem morbi viribus exsolutis superveniat, alterius speciei est, scilicet ab inanitione, sed non multò magis perniciosus, maximè si morbus inflammatorius sit malignus, in quo hepatis, ventriculi, & similium viscerum inflammatio est gangrænosa, ita ut ex dolore, pulsu, vix pars inflammata dignosci possit.

7. *Singultus typhodes*, Hoquet des fièvres malignes Moron. *director. de singultu*; *Singultus febribus junctus* Frid. Hoffman. *paragr. 16.* Forest. *lib. 5. obs. 15.* *Febris lingodes seu singultuosa* Poterii *cent. 3. cap. 47.* Ballon. *conf. 25.* Act. Acad. natur. curios. *ann. 4. observ. 48.* & *Ephemerid. synopsis de singultu*, ubi plures referuntur hujus febris observationes.

Hæ febres acutæ sunt tritæophiæ, quas singultus comitatur, & quibuscum per morbi decursum exacerbatur.

In hocce morbo si adsint signa terribia, ut magna sitis, debilitas insignis, vigiliæ, delirium,

ardor inextinguibilis, tremor maxillæ, convulsio, vocis interceptio, urina diluta, mortiferum; si verò singultus febribus malignis superveniens circa dies criticos occurrat, ac reliqua signa maximè coctionis in urinâ fuerint bona, is singultus nil mali portendit, sed vomitum aut alvi fluxum criticum prænunciat. Hoffman.

Si quinto die in febre tritæophiâ singultus & aurigo superveniant, lethale ex Hippocrate; ex quo tamen nuper vidi convalescere Custodem Franciscanorum Monspeliensium.

8. *Singultus ab inanitione* Hippocrat. aphor. 39. S. 6. aphor. 3. sect. 5.

Sunt ultima naturæ quò se vertat, nesciæ conamina. Ridicula prorsus est Veterum theoria, cum putant hanc convulsionem fieri eâdem de ratione, quâ corium exsiccatum retrahitur: inde nervos ab inanitione retrahi seu convelli dicunt; omnis convulsio à fluidi nervei in partes influxu violento procedit. Non minùs est falsa & hydrodynamicæ legibus repugnans theoria, quæ hanc convulsionem ab inæquali vasorum cerebri pressione deducit.

Singultus ea species supervenit post evacuationes profundas per alvum, vomitum, hæmorrhagias potissimum, ileum, choleram, & distingui debet à singultu quem acrimonia cathartorum & emeticorum excitat. Ingenuè fatetur Sydenhamus se sibi ipsi de hujus singultus causâ disquirenti, satisfacere non potuisse; nihil autem melius putat quam largam diascordii dosim, nempe drachmas duas præscribere, & frustra anethi semen, aliaque pro specificis celebrata adhibuisse. Sic in singultu grana duo laudani feliciter præscripsit Riverius. De hoc singultu vide Frid. Hoffmannum *spec.* 17.

9. *Singultus epileptico-maniacus* Hecquet, *Naturalisme des convulsions part. 2. pag. 113.*

Puella 23. annos nata affligebatur violento & continuo singultu canis latratum referente, vix ob diaphragmatis & intestinorum convulsiones poterat jusculum haurire; hæc in Nosocomio degbat vicina aliis quatuor puellis, quæ tertio die omnes singultire cœperunt, alterâ cessante per semihoram tres singultiebant, & hoc tempore elapso quatuor simul convulsionibus agitabantur, quibus vix quatuor viri resistere poterant; post quadrantem horæ convulsionibus impensum, omnes quietæ, & quasi sine respiratione alterum horæ quadrantem remanebant; tunc verò sui compotes per semihoram benè se habere videbantur; quo elapso tempore iterùm apud omnes simul & singultus, & dein convulsiones, & quies & valetudo eodem ordine revertebantur intervallis æqualibus: sanato singultu, priores quibus tres ultimæ decumbebant, morbi evanuerunt; hæc anno 1698. in urbe Villamagna Novæ Franciæ. An singultus hystericus Augenii *tom. 2. lib. 7. pag. 105.*

10. *Singultus à pressione* Frid. Hoffman. *de singultu, n. 19. à xiphoideæ cartilaginis prolapsu* C. Segeri. Fernel. *lib. 6. pag. 568. à costæ luxatione* Fernel. *ibid. de part. morbis, c. 3. Schenckii p. 356. à dorsi vertebrâ* Rhodii *centur. 2. obs. 61.*

Auxilia chirurgica hamuli cartilaginem extrorsum ducentes, cucurbitulæ similiaque indicantur.

Eundem effectum excitare potest hepatis lobus ventriculum premens, si skirrosus, necnon observante Vesalio epiploon skirrosus in molem stomacho incumbentem convolutum.

11. *Singultus periodicus* Ol. Borrichii. D. Hazon. *Diar. Med. Jul. 1756.*

Quolibet anno revertebatur & singulis vicibus quatuordecim dies perseverabat, phlebotomiis cessit, æger pacatè noctes somno transigebat, primo mane ad usque vesperam singultiebat. *Vide Manget. biblioth. Med. pr. pag. 558. tom. 4. Vide singultum nocturnum Frid. Hoffmanni obs. 1^a.*

12. *Singultus à vulnere* Bonet. *Sepulchret.*

A vulnere ventriculi singultus & vomitus cum pulsu parvo intra duos vel tres dies è vivis eripit hominem, ut observavi.

Ab ulcere ventriculi etiam oritur, sed quibus signis cognosci potest?

Species singultus tam contraria exigunt remedia, ut quæ unam speciem excitant, ut emetica, illa eadem alteram speciem sanent, scilicet singultum à saburrâ, à gulâ, ut accidit Platero, Riverio &c. ita quæ singultui ab acrimoniâ profunt, ut emulsiones, illa alteram speciem excitent, referente Frid. Hoffmanno; nec non ut compressio thoracis pro remedio singultus accidentalis laudetur ab J. Hartmanno, cum compressio ventriculi à costis, cartilagine mucronatâ alium singultum excitet, verum tamen certum est in genere quod si singultus non foveatur à saburrâ, apprimè indicentur narcotica, ut monet Riverius *obs. 78. centur. 4.* Sydenhamus *de singultu in febre continuâ*, nec non quæ vi anodyna pollent, ut anethi semen, ac antispasmodica, ut guttæ minerales anodynæ Hoffmanni, Karabe, ejusque syrupus, castoreum & similia.

13. *Singultus cachecticus* Frid. Hoffmann. *Cautelâ 5^a. de singultu.* Est ille qui cachecticis & hepate obstructis accidit.

Curatur remediis bilem acrem corrigentibus, infusis resolventibus, hepatis obstructionem solventibus,

solventibus, amaris, attenuantibus, saponaceis, evacuantibus, in quo censu aquæ thermales & acidulæ reponendæ sunt. *Vide Bonetum Medicinæ Septentrionalis libr. 5. sect. 5. obs. 6.*

14. *Singultus hypochondriacus* Frid. Hoffmanni cautela 6. de singultu; est singultus chronicus quæ hypochondriacis, flatulentis, hystericeisque accidit, suppressis hæmorrhoidibus, catameniiis.

Curatur ut morbus, quem comitatur, potissimum balneis thermarum sulphurearum, aquis Vallenfis, Alesiensibus cum lacte mixtis, lacte asinino.

V. *Tussis*, la Toux. *Bex* Græcis. *Tosse* Italis. *Cough* Anglis.

Tussicula est minus præcipuum symptoma in benè multis morbis quos comitatur ut in Pleuritide, Peripneumoniâ, Hepatitide, Paraphrenitide, Cynanche, nec non in Empyemate, Hydrothorace, Asthmate, Anginâ, in Coryzâ, Catarrho, Phthisi, Hæmoptysi, Ascite, Rachitide, Hysteriâ, &c. Præcipuæ species quæ singularem merentur attentionem enucleatè proponuntur à Nicol. Rosen Sueciæ archiatro in *dissert. de Tusse*. Sed differentias cum speciebus confundit illustr. Auctor. Tussis humida eadem est in fine morbi ipsius in cujus initio sicca fuerat, nec inde species diversa est. Tussis idiopathica & sympathica plures involvunt species, proindeque vix speciebus distinctis designandis inservire possunt.

Tussis definiente Dureto eximio Hippocratis interprete » nihil aliud est quàm concussio thoracis studentis excutere quod sibi molestum est; » concussio verò fit irritatâ naturâ à causâ mor-

» bificâ ; etenim omnibus partibus officialibus
 » infita est quædam facultas vernacula concutien-
 » di sese ad excutiendum , quod illis molestum
 » est , quod naribus sternutamentum , ventriculo
 » singultus , id thoraci tussis est. Eamdem quoque
 » facultatem indidit natura renibus , vesicæ , lie-
 » ni , hepati , diaphragmati ». Dureti *annotatio*
in Hollerium de tussi.

1. *Tussis catarrhalis* N. Rosen. *Dissert. Frid. Hoffman. Spec. 9. Tussis serosa ac mucosa* aliis dicta.

Distinguitur levitate symptomatum , & ortu ex impedimentâ perspiratione per frigus susceptum , adeoque raucitate stipatur , præunte coryzâ , sternutamento , horripilatione , &c. si febris vivida accedat , jam rheumatica est , ultra duas , tresve septimanas non extenditur.

Cura. Si vehemens sit , phlebotomia instituenda est & diæta tenuis , verum ut plurimum sufficit frigus vitare ; pectus laneâ subuculâ munire , potum calidum manè sorbillare , calidam in pastu quovis bibere , syrupo edulcoratam extra pastus , noctu ovi vitellum cum saccharo in calidâ dissolutum , haurire , pomum excavatum melle impletum & coctum edere , aut aliquot theriacæ grana noctu vorare.

2. *Tussis hysterica* Nicol. Rosen *dissert. de tusse.*
 Sydenham. *de hystericâ passione.*

Non solum hystericæ tussim siccam pertinacem quandoque experiuntur , quæ lactiniis , exercitio , narcoticis est debellanda , sed & epileptici tussi non rarò extra epilepsiæ paroxysmos vexantur , de quâ tusse consulatur Willisius *in pathologiâ cerebri.*

3. *Tussis sicca* , Nicol. Rosen,

Illâ propriè dicitur in quâ nec initio, nec in decursu quidquam exspuitur, talis est phthisis à calculo pulmonum. *Vide Borellum centur. 1. obs. 6. Zacutum libr. 1. praxis admirandæ obs. 95.* Talis est ea quæ à pulmonum Skirro excitatur. *Vide phthisim siccam.* Convulsivæ tussis hysteriarum, hypochondriacorum siccæ sunt, sed aliis signis distinguendæ.

4. *Tussis accidentalis*; ea est quæ à principiis externis evidentibus pendet, ut à micâ panis, guttulâ aquæ ridendo in tracheam illapsis, à risu, à clamore, ab acidis assumptis, sive etiam notabilis sit, ut à fumis acribus, à pulvere tenui inspirato, unde etiam asthma vel phthisis deinceps imminet. Tussim diuturnam in vaccâ observavit Bartholinus à jáculo ipsius diaphragmati infixo.

Species tussis determinare & cuique propriam diagnosim, medelamque assignare difficillimum est, potissimas indicasse sufficiat.

5. *Tussis simulata* Benedicti Stein *dissert. de tussi stomachali.*

Ea est quæ nullum planè organorum respirationis incommodum sui principium habet, sed ex liberâ mentis determinatione, moralis cujusdam motivi impulsu excitatur. Sic tussunt v. g. malitiosi quidam mendici coram iis à quibus stipem rogant, ut misericordiam concitent, nec non comœdi ægri, aut senis decrepiti personam agentes, atque gonorrhœici, ut sub larvâ tussis diætam & medicamina morbo vero propria adhibeant, gonorrhœamque celent &c. quæ ideo rheumâ quibusdam vocatur.

6. *Tussis stomachalis* (humida) Benedicti Stein *dissertat.* ea est cujus principium morbificum est in stomacho, & quæ copiosâ anacatharsi stipatur,

Cognoscitur ex eo quod 1^o. ea satis frequens & vehemens statim post pastum fortior & pertinacior fiat, ex eo quod eo tempore non solum mucosa & viscosa fiat expectoratio, sed etiam cum tussi vomitio assumptorum jungatur; 2^o. quod fames sit imminuta, quod nausea & vomitum accedant; 3^o. quod dolor gravativus & tussendi stimulus in cordis scrobiculo sensibilis sit, quibus ventriculi inflatio non raro adjungitur; 4^o. aeger profundius inspirare jussus ex hoc peracto tussire non cogitur, ut in pectorali tussi; 5^o. mediocris est muci anacatharsis ante pastum aut vacuo stomacho, in pectorali insignis est anacatharsis etiam jejuno ventriculo, si humida; 6^o. rarius vexat ægrum quàm stomachico-pectoralis; 7^o. & recentior est quàm complicata seu minus contumax.

Principium hujus est saburra acida, alkalina, viscosa aut alia in ventriculo collecta; huc pertinet cacochymia mucosa, temperamentum pituitosum, ventriculi & pulmonum debilitas; hinc tussis illa infantibus est familiaris, maximè quia expectorata deglutiunt, nec non senibus.

Principia procatactica sunt voracitas nimia cibi visceri ex farinosis non fermentatis, caseo &c. aer humidus & frigidus autumnalis præcipuè, perspiratio suppressa, refrigeratio corporis, pedumve, vita otiosa, abusus mucilaginosorum in tussi pectorali.

Hæc tussis semper gravis est, & sibi relicta pertinacior, gravior si febris sit conjuncta; infantes non raro ducit in atrophiam; quo tenacior mucus expectorandus, eò majores conatus, qui hæmorrhagiam, convulsiones, hernias concitant; facile in stomachico-pectoraalem transit, quàm facilius curatur; demùm emollientibus & oleosis, mucila-

ginosifque augetur & habitualis evadit.

Curatio. 1°. Saburra ventriculi evacuanda est, 2°. pituita tenax ventriculo adhærens resolven-
da est; 3°. tonus ejus visceris est restaurandus.

Primæ indicationi satisfaciunt lenia vomitoria, præmisso clysmate, nisi alvus sit laxa, sic: ipeca-
cuanhæ pulveratæ grana iv. vel vi. cum pauxillo
pulveris cinnamomi & salis absinthii gran. ij. in-
funde in aquæ cochleari; sumat infans triennis, vel
oxyfacchari emetici Ludovici gr. vi. in aquâ cin-
namomi aut buglossi.

Secundam indicationem adimplent salia media,
ut arcanum duplicatum, tartarus vitriolatus, ni-
trum antimoniatum, terra foliata tartari, sal
absinthii, centaurii minoris, tamarisci v. g. radicis
calami aromatici & ari drach. ii. iridis florentinæ,
corticis aurantior. ana drach. i. salis tamarisc.
oculor. cancror. tartari vitriolati ana scrupul. i.
ol. destill. foenicul. gutt. iv. misce; fiat pulvis ad
cultri cuspidem manè & vesperè sumendus.

Saburram resolutam expurgant identidem mer-
curius dulcis, sal polychrestum, sal catharticum
amarum, pilulæ verò beccherianæ ac stahlianæ
resolvunt, laxant & simul roborant.

Tertiam indicationem adimplent stomachica,
ut macis absinthium, cortex citri, elixir proprie-
tatis, tinctura vitrioli martialis, Ludovici, liquo-
res spirituosii, qui vulgò cinnamomum, oleum
veneris &c. dicuntur, balsamus peruvianus &
similia.

Diæta exigit ut potus frigidus, acidus, aut
acescens vitetur, potus sit ex infuso radicum gra-
minis, scorzonæræ, falsæ parillæ cum pauxillo
anisi & cinnamomi, aër sit purus, temperatus,
alvus libera servetur, & perspiratio juvetur.

7. *Tussis stomachalis* (sicca) Frider. Hoffmanni tom. 4. part. 3. sect. 2. cap. 3. pag. 112. *Hypochondriaca* ejusdem observ. 5. & 11^a. ea est quæ à saburrâ stomachi dependet; ea cognoscitur 1^o. quod stimulus tussis referatur ad scrobiculum cordis; 2^o. quod præcessit indigestio, voracitas nimia, cibi incongrui, acris, acidi usus; 3^o. vomituritio; 4^o. ætas infantilis; 5^o. levamen à catharticis; an saburra agat subiens sanguinem & inde glandulas bronchiales inficiens, an oesophagi tunicam ad guttur usque irritans, an tussis concussionem natura ipsum ventriculum ab hac farcinâ liberare conetur? ea si diuturnior fuerit, atrophiam inducit.

Cura. Victu & medicamentis saburra corrigenda est, vel evacuanda; ipecacuanhæ grana aliquot, totidemque salis absinthii ad vomitum ciendum usurpentur. Si tutò id fieri nequeat, rhei pulvere & mannæ dosi conveniente saburra eliminetur, vel fiant pilulæ ex succi liquiritiæ, aquilæ albæ & aloës ana scrupulo semisse, horum grana duo, tria vel quatuor singulis diebus vorentur, sebum candelæ fusum scrobiculo cordis inungatur, aut applicetur crusta panis spiritu vini, & aromatibus aspersa.

Primus Lindanus tussim stomachalem descripsit & ex sonitu profundo à pectorali & gutturali distinxit.

8. *Tussis gutturalis*, *Rascatio* Arabum.

Est ea quæ ad guttur à phlegmate viscoso aut altero quodam molesto liberandum instituitur. Visa est tussis quam calculi in tonsillis nati excitabant; tussis anginæ & cynanche ejusmodi est, catarrhalis etiam quandoque guttur afficere videtur, difficile est quandoque tussim phthysicam à

gutturali distinguere, quippe in phthisi æger sæpius stimulum in guttur, seu summam laryngem tantum refert: maxima pars ægrorum hanc tussim tribuit aquis falsis quas è cerebro destillare putat: sonus tussis gutturalis est ut plurimum acutior quam pectoralis, omnium gravissimus sonus est in stomachali, nisi tussim hæmoptoicam, quæ quandoque vix sonora est, annumeremus.

9. *Tussis hepatica*, Albert. de hæmorrhoidibus. D. Venel *quæstion. agonistica*, pag. 27. 1759.

Tussis hypochondriaca Nicol. Rosen.

Tussis est ferocissima, intermittens, in cujus intervallis nulla omnino respirandi difficultas, nullaque febris initio.

Ea si lactiniis, bechicisque edulcorantibus tractetur, ut tussis vulgaris, abit in tabem hepaticam ex hepatis abscessu cum febre amphimerinâ.

Initio avertitur feliciter fundentibus aloëticis, jusculis aperientibus, ptisanis nitratis.

Differt ab hepatitide per absentiam pyrexiae acutæ, diurnitatem; in hoc morbo naturæ conatus videtur vergere ad removendum obicem quem hepar obstructum respirationi opponit.

10. *Tussis ferina*, Frid. Hoffmanni spec. 12^a. *Pertussis* Alleni, *Coeluche*.

Tussis clangosa, Cl. Bourdelin 1752. *Coqueluche* vulgò; est tussis sæpius epidemica puerulos infestans per paroxysmos *quintas* dictos revertens, in quibus ferè suffocatur per aliquot secunda, cum facie livescente, & sæpius vomitione, totiusque corporis vehementi concussione.

Pueri quidem in his accessibus pituitam spumofam, albam, viscidam demum expectorant, ast infantes deglutunt, nec quidquam extussire norunt; accedit inappetentia, lassitudo, asthenia, macies, & vitæ periculum imminet.

Si lacteat infans, nutrix ptisanâ edulcoranti ex decocto oryzæ, gruti utatur, à vino & cibis falsis abstineat; infans lacte solo vescatur, & ex paulillo mannæ identidem purgetur, manna in lacte dissolvatur, oleo amygdalarum etiam misceatur. Si infans natu major sit aut provectior, phlebotomia in usum vocetur, vespere grana aliquot theriacæ deglutiantur, potu calido theæ, capillorum veneris utatur, & catharsis repetatur. Paulò provectioribus puerulis emesim suadet Bourdelinus.

11. *Tussis à dentitione* etiam oritur sive ob materiem verminosam quæ sæpè cum hoc morbo exaltatur, ut patet ex narium pruritu, halitu subacido, sive sympathicè à gingivarum distractione oriatur, ea autem minimè confundenda est cum tussi clangosâ, seu ferinâ, de qua egimus.

12. *Tussis metallicarum* Frid. Hoffmann. de *tusse artic.* 9. est comes asthmatis metallici, quod vide

13. *Tussis gravidarum* Mauriceau *libr. 1. cap. 16.*

Quæ fetus suos gerunt altius cæteris, tussi & dyspnœæ sunt magis obnoxia, cum inde pectoris cavitas magis arctetur.

Huic verò principio quandoque alia tussis principia adjunguntur, ut frigus susceptum, inde perspirabile acre retentum & in bronchiis secretum, irritans, sanguis à peripheriâ ad interiora pectoris repressus, his accedit ventriculus alimentis, flatibusve nimis distensus, quæ singula distinguenda sunt, & oppugnanda.

Curatio. Gravida bono regimine victus utatur, vitetque omnia salita, piperata necnon acida, ut acetum, limonia, mala granata, à quibus tussis augetur; utatur bechicis, edulcorantibus, ut gly-

cyrrhizâ, passulis, jujubis, hordeo mundato &c. clysmatis alvus laxa fervetur.

His irritis ad phlebotomiam quovis graviditatis tempore confugiat, major enim est metus abortûs à tussi, quàm detrimenti à phlebotomiâ. Contra frigus se muniat in cubiculo se continens, muccinio aut villosa pelle collum tegat.

Syrupus vini adusti sic paratur.

Recipe vini optimi uncias octo, cinnamomi drachmas duas, caryophyllos n^o. vi. sacchari unc. iv. bull. in scutellâ, dein accendatur vinum usquequo ad syrupi consistentiam devenerit,umat ante somnum cochlear. i. aut 2.

Caveat gravida ne vestibus nimis arctetur abdomen & pectus, à coitu absteineat, levibus hypnoticis somnum sibi conciliet, à fortioribus abstinendo.

13. *Tussis gravidarum* Morisor Deslandes in præfat. tractatus; Nicol. Puzos de partibus pag. 43. Frid. Hoffmann. obs. 12.

Est in gravidis symptoma formidabile; procedere potest à multis principiis, ut; 1^o. à plethorâ gravidis familiari; 2^o. à sensibilitate uteri quem fetus calcitrât; 3^o. à situ fetûs altiori; 4^o. à suppressâ leucorrhoeâ, factâ in pectus metastasi; in his omnibus casibus laxantia, edulcorantia, bechica vel noxia, vel inutilia ferre sunt.

Prodest in primâ varietate phlebotomia cum regimine 1^o; quod valet etiam in 3^o. casu, sed in quarto nocet; nimis adhærent Medici, in tussi, & vomitu gravidarum, auxiliis ex phlebotomiâ, & catharsi petitis; quid ni audent quandoque tentare femicupia, tonica, antispasmodica, imò narcotica, forte ea remedia in gravidis diffamata

sunt, quia ab imperitis præposterè usurpata. Hæc D. Deslandes. Vidi puellam quæ syphilidis gratiâ balneabatur, sed in lipothymiam ducebat quodvis balneum; scortum verò illud gravidum erat: uxor tamen Chirurgi gravida à balneis aliunde indicatis nullum incommodum patiebatur.

14. *Tussis hæmoptoica; Tosse contumace, con sputi cruenti in feminâ debile, emaciata* Del Papa consulto 29.

Tussis contumax per quam identidem sanguinis quædam guttæ exspuuntur in subjectis jam emaciatis & debilitatis, est phthiseos sæpè prodromus; in hac itaque humorum & maxime succi bronchialis acrimonia est incusanda; docet autem observatio succos digestivos à febriculâ aut à pure, si jam confectum sit, ita vitari, ut digestio vitiosa succedat, & metus diarrhoeæ periculose concurrat.

In simili casu auctor laudatus, 1^o. interdicat omnia cathartica, necnon phlebotomiam; clysmata ex lacte vel aqua hordei cum saccharo & pauxillo salis suadet; deinde ut sputum sanguinis sanetur, astringentia varia præscribit, ut terram sigillatam, corallia rubra, fungum melitensem; ad tussē verò compescendam lambitiva, seu looch ex saccharo & amylo, succum urticæ & hederæ terrestris cum julapio de rosis ficcis, necnon serum lactis distillatum, in quo cocta fuerint herbæ centinodiæ, hederæ terrestris, necnon bugulæ folia, cum cancris fluviatilibus & jujubis; præscribitur etiam lac asininum manè, & vaccinum vespere; pro potu verò aqua di nuocera, vel aqua cum pane tosto & pauxillo cinnamomi infusis; laudatur etiam gelatina cornu cervi, nec omitti debent papaveracea noctu usurpanda.

15. *Tussis à polypo* D. Samber *Philos. transact.*
nº. 398. ann. 1727.

Violentam tussim expertus erat quinquagenarius ;
demum post sanguinis exspuitionem copiosam , po-
lypum prius bronchiis adhærentem expectoravit ;
superfuit verò phthisis à quâ absumptus est.

Tulpius *obs. 7. lib. 2.* expectoratum polypum
venæ pulmonari ramosæ similem observavit , post
tussim hæmoptoicam : similem polyposam concre-
tionem pariter expectoratam vidit D. Nicols *Phi-
losoph. transact.* nº. 419. anno 1731. Videatur icon
in libro citato.

16. *Tussis phthifica* Morton. *de Phthiologia lib. 2.*
cap. 3. Toux de renard vulgò , quia ducit ad foveam.

Est ea species quæ phthisim incipientem designat,
& quam sæpius ægri cum catarrhali tussi , seu
rheumate confundunt , atque ob titillationem gut-
turis procedere credunt à pituitâ acri , quam à ce-
rebro delabi judicant. Differt autem ab illâ , 1º.
quod tussis phthifica stipatur sensu quodam pon-
deris in pectore gravantis , utpotè quæ excitetur
à tumore glanduloso , seu tuberculis pulmonum.
2º. Quod in primo limine tussis phthifica sit diffi-
cultate respirandi stipata , & ab ipso initio arida ,
arida inquam habitualiter per aliquot menses ; rarò
enim & accidentaliter muci , salivæque gutturalis
exspuitionem inducit , ast non expectorationem
quæ intra aliquot dies , vel septimanas catarrhali
tussi supervenit cum levamine , anhelationis im-
minutione. 3º. Tussis phthifica verè perennis est ,
& licet per intervalla molestior evadat , nunquam
omninò ad fatalem mortis terminum ; cessat , atque
tunc sedatur , cum verum pus suppurato tuberculo
ejicitur. 4º. Tussis phthifica initio morbi mitis est ,
sine insigni irritatione , longis & incertis inter-

vallis sæpius recurrens; e contra catarrhalis in primo limine ferox & ferè continua est. 5°. Tussis phthificæ ferè semper inappetentia jungitur cum siti, & post cibum vomitio supervenire solet, ut pueris accidit in tussi clangosâ. 6°. Vox rauca est, vel clangosa & exilis; quod ob pulmonis obstructionem accidit; tubus enim eò acutiorem sonum edit, quò brevior est. 7°. Huic tussi comitem se præbet respiratio difficilis, molesta & anhelosa, præsertim ab ambulatione. 8°. His demùm accedunt pectoris oppressio, hypochondriorum gravitas insolita, iracundia & tristitia, ita ut nec sibi nec aliis placere & facere satis possint. 9°. Dein pectoris in aliquo loco gravitas major, major tussis ex decubitu in alterutrum latus. 10°. Potissimum signum est etiam febris sensim crescens pulsu frequenti, urinâ rubrâ vigiliis, inappetentiâ, calore manuum & pedum stipata, cum rubore fixo genarum; febris, inquam, mitis, lenta post pastum discernenda, cæterum homotona, usquequò suppuratio facta sit; nunc verò hæctica vesperè exacerbans evadit. 11°. Tandem tabes, seu insensibilis statim & gradatim crescens consumptio, aut extenuatio incipientis phthiseos, adeoque tussis phthificæ signum est, & ultra procedente morbo phthisis est confirmata, nullumque dubium superesse potest.

17. *Tussis convulsiva* Theod. Forbes. *dissert. Edimburg.* 1759. est ea sæva, cita, violentaque tussis, quam acuta quædam & sonora inspiratio, galli cantui similis, unâ cum vomendi nisu comitatur.

Vocatur Gallicè *Coqueluche*; Anglis *Kink-cough*; Græcis *Bex theriodes*; aliis *Tussis ferina*; Paroxismi *Quintes*.

Incipit ut plurimum cum febriculâ, sensim crescit conatus tussendi cum sono gallicinii, dein mucus sincerus tantum expectoratur, paroxysmos præcedit vel titillatio gutturis, vel suffocatio; in paroxysmo venæ tument, arteriæ fortius pulsant, caput dolet, oculi prominent, lacrymæ fluunt, palpebræ tument, facies turget, rubet aut livescit; æger veluti suffocatus citò moreretur, nisi vel è naribus, vel è pectore sanguinem funderet, aut vomeret: qui vomunt melius habent: si neutrum accadat in vehementi tussi, metuendæ convulsiones, aut apoplexia; ex diuturnitate morbi metuenda phthisis.

Hæc tussis epidemica est, & contagiosa creditur; semel in vitâ quosque aggreditur, sæpius infantes.

Quænam sit sedes principii proximi ignoratur.

Curatio. Arcendum frigus, arcenda humiditas; quo natura vergit, eo ducere oportet, adeoque phlebotomia præmittenda, dein lene vomitorium præscribendum; infusum ex pulegio, hyssopo sit pro potu: purgatio bis in septimanâ iteretur, cum mannâ, rheo, granis aliquot aquilæ albæ; pro vomitorio oxymel scilliticum detur cum syrupo de althæâ.

Tussilago, althæa, capilli veneris, semina lini cum kinkinæ pauxillo coquantur pro potu.

Vesicatoria à multis suadentur.

Laudantur specificè lichen pyxidatus in lacte decoctus, necnon saccharum saturni ad grana duo, tria, & demùm kinkina parvâ dosi, item succus pulegii pro specifico habetur à Boyleo.

18. *Tussis rheumatica* Nicol. Rosen. *dissert. de tussi.* Frid. Hoffman. *spec. 11.*

Dicitur etiam inflammatoria, illa quæ febrem

comitem habet, & à phlogosi pulmonum pendet.

Horripilationes & febriles commotiones, cum tussiculâ siccâ ab initio sentiuntur, quæ vespericum pulsu & calore acutis ingravescent, accedit dyspnœa, pulsus celer, & duriusculus, dolor pectoris tussiculâ exacerbans cum doloribus vagis thoracis; cruor extractus est phlogisticus. Differt à *catarrhali* defectu coryzæ, sternutationis, angina; à *febrili* simplici per dolores rheumaticos pectoris, crassam sanguinis crustam, &c. Inducantur phlebotomiæ repetitæ, potus theiformis, diluens, calidus ex passulis, glycyrrhizâ, hordeo, ficibus, julapia ex syrupis capillorum veneris, althææ, &c. juscula ex rapis, brassicâ rubrâ, pulmone vituli vel vervecis, additis sebestis, vel dactylis, aut jujubis, &c.

19. *Tussis arthritica* Musgravii cap. 12. hist. 1.

Ea pendet ab arthritide repulsâ, & nisi materies arthritica pedes iterum afficiat, frustra bechicis impugnatur, ac periculosa est.



ORDO SECUNDUS.

ANHELATIONES OPPRESSIVÆ,

Gallicè Oppressions de poitrine, Essoufflemens; *Inspirationis vitia* Ettmulleri; *Respirationis læsiones* Mangeti; *Difficultas anhelitûs* Mercurialis.

Hic ordo continet morbos, quorum maxima pars lædit constanter respirationem, maximè verò inspirationem sine febre inflammatoriâ; quare distinguuntur à pleuritide, peripneumoniâ, hepaticide, in quibus scilicet phlegmasia est præcipuum symptoma; difficultas quidem respirandi multorum morborum diversæ classis est comes, ut febrium, hydropum, spasmodum; verùm in hac classe reponimus eas anhelationes quæ ægritudinis præcipuum symptoma constituunt, de quo ægri primo & potissimum conqueruntur.

VI. *Stertor*, Ronflement, Sterteur, Râlement; Occitanis *le Râle*; *Renchos* & *Renxis* Hippocratis; *Ronchus* Slevogtii, *Dissertat. de Roncho*; *Rattling* Anglor.

Est anhelatio sonora, seu sono involuntario sæpius rauco quandoque sibiloso stipata, qualis apud bene multos sanos dormientes observatur.

Stertorem pro lubitu effingit quisque laxatis chordis vocalibus, & aëre velum palatinum, ac uvulam in tremulos motus agente.

Ita & pro lubitu stertorem, *rafationem* Gordonio dictum effingimus, quoties gargarisma in gutture volutamus, & aërem efflatum intra aquam agitari cogimus.

Stertor qui fit ore clauso, cujus proinde sonus nasalis est, cum alternâ genarum inflatione & detumescentiâ, qualis observatur in illis qui fumum tabaci alternis vicibus efflant, Gallis dicitur *Ronflement*; qui verò ore patulo qualis in agonem ducentibus, propriè *Râlement*, Occitanis *Râle* nuncupatur; alternat sæpè in asthmaticis stertor sono gravi & rauco, cum stertore sibilante, seu *sibilo*: horum verò omnium sonorum theoria adhuc desideratur. Stertor apoplecticus est cum respiratione sublimi quidem, sed rarâ; unde differt à stertore asthmatico, qui est cum respiratione frequenti: an à chordarum vocalium motu tremulo sensibili pendeat stertor agones non ausim decidere; motus vibratorius homotonus ambarum chordarum sonum edit suavem; ast si alterutra ex his chordis sensibilibiter tremat, nec cum alterâ consonet, tunc sonus edetur raucus & dissonans; stertores hactenus citati sunt aliorum morborum symptomata secundaria.

Num verò stertor sit quandoque symptoma primum dubito; nisi forte stertor ille qui infantulos quandoque continuò & per multos menses affligit, qui ronchus Slevogtio nominatur. Vide *Tom. 2. disputat. D. Halleri, de morbis pectoris.*

VII. *Dyspnæa*, *Dyspnée*, *courte haleine*; *Disnia* Gordonii *lilium*; *Difficultas respirandi* Latinis; *Sanguisugum* Gordonii *de Asthmate*; *Asthma continuum* Caroli Pisonis

MORBORUM, CLASSIS V. 161
Pifonis & Floyeri; *Pseudo-Asthma* Alexandri Benedicti lib. 3. cap. 33. *Asthma spurium* Riverii pag. 99.

Est morbus cujus præcipuum symptoma est anhelatio frequens, cum ægritudine chronicâ, non intermittenti, sine signis hydrothoracis, nec empyematis.

In febribus & phlegmasiis est anhelatio frequens, respondens pulsûs ipsi frequentiæ, sed quæ non est præcipuum symptoma. In *orthopnoea* ægritudo est acuta, in *asthmate* intermittens, in hydropibus, ut ascite, tympanite præcipuum symptoma est abdominis intumescencia, ut in phisconiâ & graviditate; hinc patet quomodo *dyspnoea* genus sit ab aliis distinctum; verum quo pacto ab hydrothorace & empyemate possit distingui, dictu difficile est. Vide Hydrothoracem, &c.

Dyspnoea sumitur à Veteribus, ut asthma ab Arabibus, pro designandâ hac classe, seu anhelitûs difficultate.

1. *Dyspnoea pituitosa, Edeme du poumon*; est ea species quæ à pituitâ, seu lymphâ pulmonem relaxante & infarciante pendere creditur.

Difficile est eam ab hydrothorace distinguere, nisi tamen in hydrothorace percipiatur fluctuatio aquarum, agitato ægri thorace, quod signum in dyspnoeâ non adest: de cætero adest pallor faciei, pedum vespertina intumescencia œdematosa, copiosa muci expectoratio, temperamentum pituitosum, levamen ab expectoratione: difficultas respirandi crescit à situ horizontali, maximè à supino; præcesserunt morbi pectoris inflammatorii, catarrhosi.

Cura. Indicantur levia aperientia, quæ phlegma
Tom. II. Pars II. L

viscidum pulmonum vasa infarciens resolvant, & diuretica quæ foras serum luxurians educant; caveatur à catharticis quæ nimium commovendo anhelationem augeant: convenit itaque gummi ammoniaci drachma cum octo granis tartari vitriolati, in pauxillo vini albi: solvatur gummi, & omni manè sumatur, superbibendo uncias tres decocti baccarum juniperi, foliorum marrubii, & pulmonariæ Italarum; vespere adhibeatur tartarum vitriolatum cum aquâ hyssopi; ad anacatharsim juvandam syrupi de tabaco cochlear unum, vel sperma ceti in oleo amygdalarum soluti, aut cum saccharo contriti ad scrupulum; dein pilulæ balsamicæ ad drachmam usurpentur ex balsamo Peruviano, extracto florum hyperici, gummi guayaci & succo glycyrrhizæ, superbibendo jusculum, vel levem offam deglutiendo.

Æger alternis utatur offis, & jusculis, aer incenso storace, benzoino, thure salubrior reddatur, &c.

2. *Dyspnœa à tuberculis Boneti Sepulchret. obs. 39. 40. &c.*

A skirro pericardii Diemerbroeck.

A calculis pulmonum Fabricii Hildani cent. 2. obs. 29.

Ab exsiccatis pulmonibus Sennert. prax. libr. 2.

Tuberculum voco skirrum pulmonis; quippe dantur similes tumores qui nunquam in suppuratum abeunt, & tubercula cruda vocantur. Memini me vidisse in cadavere mendici dyspnœici, qui nullum pus unquam exspuiverat, de cætero emaciatus, & hæcticâ dudum laborans obierat, totum pulmonem nigrum & skirrosum. *Vide Phthisim siccam.*

3. *Dyspnœa calculosa Bonet. Sepulchret. obs. 44. 46. &c.*

Ut skirri obfident non rarò glandulas bronchiales, ita quandoque in illis glandulis generantur calculi duriffimi, inæquales, fcabri lentis magnitudine, qui tuffiando ejiciuntur, nec femper phtifim inducunt.

Qui dyfpnoeâ paulatim contabefcunt, fi eorum pectus aperiatur, illis nullum ulcus in pulmone apparet, fed pulmones veluti fumo exficcati confpiciuntur, ait Sennertus de *pulmonis intemperie ficcâ*. Cognofcitur verò is affectus refpiratione parvâ & frequenti, fiti continuâ, fputo pauco. Huic obnoxii funt Aurifabri & Chymici ob halitus, quibus pulmones exficcantur; hunc morbum Paracelfus vocat *Berfuchx*, & memorat Schenckius, *Epift.* 72.

In pulmone dyfpnoeici lapillos minutos, friabiles, cafei veteris fragmentis fimiles inventos dicit Salmuth. *centur.* 1. *obf.* 7. Ego veros calculos gypfeos expektoratos habeo; fimiles in Cardinalis Cajetani pulmone vifos narrat Crucius. *Vide numerosas obfervationes fimiles apud Bonetum Sepulchret. obferv.* 46. Huc pertinet dyfpnoea à metallis in pulmone concretis, ejudem *obferv.* 44. ex Gregorio Horftio *lib.* 7. *obferv.* 25. & ex Sennerto.

In his cafibus lacticinia tanto magis indicantur, quò frequentius eft maciem & hefticam accedere: pro diffolvente vero calculorum fapo videtur convenire; aft in concretis metallicis Mangetus & Horftius laudant mercurium dulcem.

4. *Dyfpnoea ab hydatidibus* Boneti *Sepulchret. obf.* 33. 36.

Vix cognofcitur hæc fpecies ante extifpicium; adeft refpiratio celer, frequens, difficilis; infpiratio tamen difficilior, accedit fitis, pervigilium;

rubedo genarum, febris hectica, sputum paucum, sanguinosum, non purulentum; secto cadavere inventæ sunt vesiculæ in toto pulmone, aqua flava turgidæ, observante Lælio à Fonte *consult. 8.* vel humore lento pellucido instar albuminis ovi turgent hydatides, ut vidit Mangetus.

5. *Dyspnœa à steatomatis* Boneti *Sepulchret. obs. 34. obs. 5. à carcinomate* Jacotii *in coacas; à glandulis, &c. Vide orthopnœam à lipomate.*

Differunt steatomata pulmonum à tuberculis duris, ex eo quod tubercula skirrosa glandulas bronchiales obsideant in angulis bronchiorum; steatomata verò alibi enascantur, nec dura sint.

Steatomata quæ in cavo bronchiorum crepant, & suum sebum effundunt, vomicam pulmonum constituunt, de quâ inter species phthiseos agemus; sæpè verò nulla sui signa characteristica præbent steatomata.

6. *Dyspnœa à vomica* Boneti *Sepulchret. tom. 1. obs. 25. pag. 565. Vomique du poumon; Vomica pulmonum* Willisii, Bellini, &c.

Vomica dicitur cystis, vel folliculus materiâ puriformi turgidus, nec proinde discrepat ab steatomate nisi paulò majori fluxilitate materiæ contentæ, & quod steatoma vocetur, cum partes externas obsidet; differt verò ab apostemate quod materies sit ab inflammatione oriunda in apostemate, verumque pus; ast in vomica & steatomate mucus quidam adiposus, calore liquefactus, qualis in vesicis hydatidosi viscerum toties observatur: cum itaque folliculus glandulosus, vel capsula vasis lymphatici dilatatur, vel cellula adiposa turgescit, sensimque crescit, fit vomica, quæ in pulmone genita nullam vel exiguam febrem excitat, parvam, lentèque per annos crescentem

dyspnœam creat, cum tussiculâ siccâ usquequo demùm rupto folliculo, vel pus copiosum foras anacatharsi expectoratur, & fit phthisis à vomicâ dicta, vel in cavum pectoris effunditur, unde empyema, vel intervallis costarum protuberans extrorsum aperitur, vel confestim pulmones intus aggravans pure viscido obstruens ægrum subitò enecat.

Signa dyspnœæ à vomicâ pendentis sunt obscurissima: æger languet, tussit, lecto non affigitur, dolorem obscurum alicubi in pectore percipit, maximè cum vehementer tussire conatur, quandoque sub finem pauxillum puris foetidi expectorat sine febre, aut cum febre exiguâ, anxius, tristis: sunt qui quotannis vomica minori ruptâ pus cum febre expectorant, & convalescunt in intervallis: sunt qui subitò pus & sanguinem confestim expectorant ad plures libras, & tunc phthisici evadunt, ex quâ tamen phthisi speciali evadunt, si folliculum expectorent, imò non expectorato sensibili folliculo, ut Willisii observata docent, & ipse vidi. Qui suadent emetica ad rumpendam vomicam, minimè timent ne æger ruptâ subitò vomicâ suffocetur, ut accidit Vaugelasio aliisque.

7. *Dyspnœa à phisconiâ.* Vide *Sepulchret. Bonet. titulo de dyspnœâ ob molem hepatis, ejusque protrusionem versus diaphragma, obs. 12. & 172. ob renis molem nimiam, obs. 141.*

A massâ carneâ crinitâ in abdomine, obs. 143.

Ab omento crassiori, obs. 158.

Ab insigni mesenterii tumore, obs. 156.

8. *Dyspnœa à graviditate* Bonet. *Sepulchret. obs.*

9. *Dyspnœa tympanitica* Bonet. *Sepulchret. obs. 147. 148. 150.*

A flatu in intestinis, abdomine, &c.

10. *Dyspnœa rachitica* Bonet. *Sepulchret. ob.* 116.
A costarum extremis ossibus Plater. *pr. lib. 1. cap. 4.*
A sterni pravâ conformatione Riolan. *Enchirid.*
A cartilagine ensiformi, ossæ, longâ Diemerbroeck. *lib. 9. cap. 14.*

A gibbo latente Hildan. *obs. 74. cent. 6.* Bonet. *Sepulchret. obs. 25.*

Ab ossificatâ plevrâ Theod. Schenckii.

Ab ossificatis bronchiis D. Deidier. *observ.*

11. *Dyspnœa à corde* Boneti *Sepulchret.*

A corde capitis magnitudinem adepto Ballon. *epidem. libr. 2. p. 144.*

A corde polypis facto Ballon. *ibid.* Willis. *tract. de hysteria.* Tulpus *lib. 1. obs. cap. 17.*

A corde adiposo nimis amplo Bonet. *Sepulchr. obs. 103.*

A pericardio indurato, incrassato ejusd. *obs. 97. 99.*

Ab auricularum aneurismate Horstii. P. de Marchettis.

12. *Dyspnœa à pneumatiâ* Riolan. *Enchirid.*

Pneumatia Hippocratis est flatuum collectio intra thoracem, vel tympanites thoracis.

Ab emphysemate pulmonis Boneti *Sepulchret. obs.*

132. *Vide asthma equinum Floyeri appendic.*

13. *Dyspnœa ab stomacho* Bonet. *Sepulchret. obs.*

141. 142. 143.

Ab ægagropilâ in ventriculo Charleton. *de lithiasi.*

Ab abscessu ventriculi Pison. *de morbis à colluvie serosa 3. C. 4.*

14. *Dyspnœa à liene* Bonet. *Sepulchret. observ.*

154. 155.

Ab abscessu juxta lienem.

A lienis mole adauctâ, duro, luxato, &c.

15. *Dyspnœa traumatica* Tulpus.

A læso magno pectorali musculo Mery. *Ad. Acad.* 1713.

A contuso, iđo thorace.

A vulnere pectus subeunte, & infuso cruore intra cavum thoracis. Vide Heister. Vulnus thoracis; Empyema sanguineum Chirurgorum.

16. *Dyspnœa scorbutica* Lind. *de scorbuto.* Sennert. *de scorbuto.*

17. *Dyspnœa Galenica*; est ea quam inducere per elegans experimentum Galenus tentavit in brutis; ligatis scilicet aut resectis nervis diaphragmaticis, vidit ille dyspnœam supervenire; cum enim sic debilitato diaphragmate totum respirationis opus incumbat exsequendum ab aliis musculis, isti fociis destituti difficilior opus exsequuntur.

Idem accidit intactis nervis, si minor sit fluidi nervei quantitas, ut in convalescentibus; actionis enim difficultas crescit, prout potentia motrix minor est sub eadem resistantiâ; hinc fit ut convalescentes non possint solitæ amplitudinis respirationem perficere, minores, sed tantundem frequentiores respirationes instituunt.

18. *Dyspnœa à gastrocele* Vandermonde *Novembr. 1758. pag. 518.* D. Bonnet *Chirurg. à Limoux. Collect. Acad. tom. 3. pag. 697.*

Monialis à quindecim annis laborabat dyspnœa post pastum recrudescente, & sæpè assumptorum vomitione.

Inventus est post mortem stomachus intra cavum pectoris.

In adolescente qui à sumptâ liberalius cerevisiâ turbidâ multum ejecerat materiæ pici similis, & obierat, inventus est stomachus ab ortu in cavo sinistro pectoris locatus, ita ut pilorus ad claviculas usque ascenderet; mirum autem quod respiratione liberâ gavisus esset, nec nisi post libe-

raliorem potationem momentaneâ suffocatione premeretur.

Vide hujus historiam apud Thom. Bartholinum, centur. 6. hist. anat. 55.

Civis Monspelienfis - *Rat* dictus ab ortu etiam gerebat stomachum in pectoris cavitate sinistrâ, licet exiguâ difficultate respirandi oppressus, ita ut militiam satis commodè exercuisset; in eo vero pectoris cavo pulmo deerat. *Riverii obs. 67. centur. 3.*

Alesiae similis gastrocele observata est in prægrandi muliere, quam rectè valentem vidi.

19. *Dyspnœa scorbutica* Sennert. *de signis scorbuti*; *Eugalen. obs. 6. 7. 8. &c.*

Difficilis respiratio & pectoris angustia, frequens scorbuti symptoma est, cujus principium ipsi ægri in abdomine indicant quasi flatus diaphragma fursum pellerent, tanta est illa angustia, ut ægri unice de hac conquerantur, lipothymiamque ex eâ metuant, necnon visus obscurationem jam patiantur, & animam statim reddituri videantur: ea dyspnœa brevibus intervallis recurrit, dein augetur, vel remittit; nulla tamen adest tussis, nullus stertor, sibilusve; post validum exercitium illa dyspnœa augetur ad lipothymiam, & visus obnubilationem, ita ut ægri non agnoscant astantes. Lindius addit ab hac dyspnœa scorbuticos quandoque subito è medio tolli sine ullo pectoris dolore.

VIII. *Asthma*, *Asthme*, *Pouffe*; dicitur ab *aazo* Græcè, *anhelo*; *Suspirium* Celsi & Senecæ.

Est chronica, periodica respirandi difficultas asthmatis præcipuum symptoma.

Differt à dyspnœâ, quod ista continua sit; ab orthopnœâ, quod ista sit acutus morbus.

Asthmatici dicuntur Gallicè *Asthmatiques*; de jumentis verò dùm agitur, *pouffifs*, Anglicè *Broken-Winded*.

Asthmatis in genere principium morbificum & proximum est obex periodicè recurrens pulmonum alternæ dilatationi & constrictioni oppositus, circulationi verò sanguinis vix noxius; hunc obicem natura fortioribus respirandi conatibus remove, corrigere, sputum sæpè viscidum tussis interventu expectorare contendens paroxysmos efficit principii morbifici, & conatuum eorum naturæ concursus causam morbi constituit; cùm conatus naturæ pacati vel interpolati sunt, nec ita vehementes ut virium vitalium magna jactura ac diversio subsequatur, morbus diuturnus esse potest, non verò acutus; morbus verò diuturnus est potius asthma quàm chronicus, cùm in genere vix vitæ periculum portendat, saltem asthma vulgare, quod ut plurimum cum ægro consenescit.

1. *Asthma humidum*, Riverii *praxi*; *asthme ordinaire*; *asthma flatulentum* John. Floyer. *treatise of the asthma*; *asthma spitting or humid* ejusdem; *asthma pneumaticum* Willisii; *humorale* Baglivi.

Floyerus Medicus Anglus cum triginta annos hoc morbo laborasset, de eo scripsit librum eximium ex quo morbi descriptionem eruere consultum duxi.

Præludium. Pridiè accessus stomachi plenitudo, ructus insipidi, præcordiorum angustia, flatibus stomachi expansis tribuenda, succedit fervor sanguinis, calorem enim lectuli angitur æger, vino, igne, tabaco se incalescere percipit, frigido potu stomachus ejus sublevatur, cauterium si adsit,

dolet, calet, cruentatur, caput stupet, leviter dolet, somnolentia, pandiculatio, oscitatio, & noctu copiosæ urinæ aquosæ mictio, quæ intense colorata post accessum cum sedimento; accedit artuum gravitas, anxietas, caput veluti fumo plenum videtur; inspiratio difficilis perſentitur, raucescit vox, diaphragma ægrè descendere videtur, laborem in aëre inspirando exerit æger, tussis convulsiva sicca, vel quid paucum viscidum extrudens, in fine verò accessus multum.

Invasio. Horâ circiter secundâ matutinâ, pectus constringi, diaphragma sursum trahi, rigescere videtur, non nisi cum labore deprimitur, ast multò major est difficultas costas elevandi pectusque dilatandi, ad quod concurrere opus est musculos lumborum & scapularum, æger è lecto surgere cogitur, inspiratio difficilis est, multò magis quam expiratio, quæ ideò lenta & tarda; asthmaticus vix potest tussire, expuere, nares emungere, aut loqui; stertor vel raucitas in expiratione apparet; alterutri lateri difficiliter incumbit, & dein ex eodem pulmonis latere sputa procedunt; flatulentia stomachi crescit, & inspirationi partim obstat; si accessus sit intensus, vomitio biliosa concurrit; frigida appetuntur, calida ut vinum flatulentiam augent, sæpius accessus invadit vacuo ventriculo post catharsim, jejuniumve; si verò stomacho benè pasto accidat, diutius durat, & intensior est. Asthmaticus incalescit ad sudorem usque cum pulsu celeri licet inæquali; febricula illa à lacte intenditur; surgens è lecto alvum pluries dejicit cum flatibus.

Accessu perseverante pulsus debilis & intermittens est, manus & pedes frigescunt, facies livescit, accedunt cardialgiæ & palpitationes, deglu-

titio difficilis evadit & sonora, ructuosa. Labia fugentis instar disponuntur, oculi prominent, & lacrymas profundunt sine mærore; oculorum ambitus cutaneus livet, muscoli subsident, motus artuum languet, dein caput dolet, turgidum est, & phantasmatis ut in infomnio delusum, somnolentia ægrum invadit, sed erectus vel in sedili sedens vix somno indulgere valet, in alterutrum latus vel antrorsum inclinato capite, non verò retrorsum. A cubiculo angustiore ab igne, à pulvere multum læditur, nec non à pravis odoribus, à vino, ab illis quæ pectori incumbunt, dantur accessus ephemerī seu qui intra paucas horas sputo viscido terminantur, quales accidunt initio morbi antequam periodos stabiles acquirat; accessus ut plurimum tres, quatuor, vel quinque dies dixerant, quibus elapsis æger expectorat usque ad sequentem accessum; accessus sexaginta hieme, viginti circiter æstate patiebatur Floyerus, æstivi accessus intensiores erant, & longiores hibernis, quò longiores accessus fuere, eò intervalla longiora & reciprocè; ad phases lunæ nunc has nunc illas intenduntur accessus, regelascentibus aquis nec non vento orientali flante, revertuntur quibusdam.

Cura asthmatis humidi seu flatulenti juxta Floyerum alia in paroxismo, alia extra paroxisum.

1. In paroxismo, clysmate præmissio, vomitorium lene ex oxymelitis scillitici semiunciâ cum oleo amygdalarum, vel ex feminum raphani drachmâ semisse, ventriculum exonerat, & accessum asthmatis sæpè fugat; fortiora emetica anhelationem intendunt. Phlebotomia mirè levat, sed in extremâ anhelatione est adhibenda, non in vulgaribus accessibus, ne successu temporis hy-

dropem accersat. Potus refrigerans & diluens adhibeatur, ut infusum panis tostī, aqua levissimè acidulata sale prunellæ, vel nitro, vel sale ammoniaco, vino, limonata, serum lactis, decoctum hordei; vesicatoria humeris, tibiisve apponunt Angli ad serum derivandum. Hora somni vel syrupus papaveris vel laudanum liquidum parvâ dosi propinetur: primâ saltem die jusculis aut cremoribus tantum utatur imò duabus sequentibus diebus, si vehemens sit anhelatio, dein offis, ovis cum multo aceto, pane, vino aquato utatur. Linctus sit ex oleo amygdalarum & syrupo papaveris ana unciâ, oxymelitis scillitici semiuncia, sacchari candi drachmis duabus, capiat cochlear bis vel ter in die, pro syrupo asthmatico misce syrupi de althæa, de erysimo, de prasio ana uncias duas, oxymelitis scillitici, & aquæ bryoniæ compositæ ana unc. unam, balsami peruviani drachmam semissem, sumat manè hujus cochlear. Copiosus usus aquæ cum pauxillo nitri & salis ammoniaci atque vespere semicochlear aceti scillitici cum oleo amygdalarum pectus ut plurimum sublevat.

Zechius in vehementi accessu laudat croci grana decem, moschi granum unum in cyatho vini optimi.

2. Ad paroxysmos prævertendos.

Vomitio opè aceti scillitici cum oleo, vel decocti seminum raphani, vel cardui semel in mense, si accessus frequenter recurrant, secus semel vel bis in anno; sed vespere emetici vel cathartici paregoricum non est omittendum; clyisma semel in hebdomada iteretur; catharsis vulgaris est in usum semel, bisve post vomitorium vocanda, vel semel intra quatuordecim dies, si intra illud

tantum intervallum recurrat asthma; si asthma catarrhale fuerit, decoctum sudorificum leve adhibeatur. Diuretica minus videntur indicata cum asthmatici in diabetem sæpè vergant; ad corrigendam mucosam & flatulentam cacochymiam potus sit ex decocto hordei, sero lactis pro junioribus; lac asininum sputa sæpè increasat; rari sunt, quos potus aquarum bathensium juvet. Optimus victus est ex carne elixâ vel assâ, potus ex aquâ, addito pro senescentibus vini pauxillo; vestimenta densa calorem intendunt, frigus sputa increasat, moeror accessus excitat, exercitium minimè negligendum. Amara stomacho profunt, sed levissima usurpanda sunt. Plures urinæ suæ potus asthmaticos juvat, satius est sal ammoniacum adhibere multâ aquâ dilutum; chalibeata, vitriolica omnia astringentia nocent asthmaticis. Galenus laudat aloem in aceto solutam, & recte monet morbum esse potius in paroxismo blandiendum quam curandum; ita ut abstinendum sit juxta Septalium ab emeticis, ne ægrum suffocent, à catharticeis, imò ab enematis: ipsemet Floyerus tentatis omnigenis remediis minimè convaluit.

Asthma vulgare quod in scholis humidum dicitur minimè pendet à laxitate pulmonum ut vulgò dicitur, & ratione temperamenti ægrotantis potest dividi in pituitosum, & in sanguineum; ast in pituitoso ipso, calefacientia, exsiccantia sæpè nocent, ut patet ex historiâ asthmatis Floyeri.

2. *Asthma Convulsivum* Willisii de *asthmate* cap. 12. Baglivi lib. 2. pag. 203. *asthma occultum siccum* Ettmulleri pag. 162. Aretæi lib. 3. cap. 11. ex Frider. Hoffmanno.

Distinguitur ab humido 1º. quod subito accessus ægrum corripiat; 2º. quod à dolore seu cram-

po cujusdam partis pectoris ineat, maximè si quædam pars pectoris olim vulnus vel ictum passa fuerit; 3°. quod violenta sint symptomata; sed nullum est certius signum quam si aliarum partium convulsio adfit, aut præcesserit; illud verò asthma vix ullam anacatharsim accersit. Willisius putat materiem hujus morbificam non esse in pulmonibus, sed in nervis musculos thoracis adeuntibus, unde illud asthma non esse pulmonare contendit.

Hanc speciem Helmontius vocat *caducum pulmonis*, id est *epilepsiam pulmonis*, ut ait Baglivus. Vide Helmontium de *asthmate* n°. 14. Vide descriptionem ab Aræteo traditam. Vide crampum diaphragmatis Lindani.

3. *Asthma hystericum* Baglivi lib. 2. pag. 202. & 204.

Ea species afficit mulieres hystericas, de salute recuperandâ desperantes; resistit remediis vulgaris asthmatis, stipatur sensu frigoris in vertice capitis cum aliquali dolore. Illam speciem sanavit Baglivus sale jovis in aquâ melissæ, nec non apposito emplastro matricali Mynsichtii, sal jovis recipiente in regione umbilici.

Vide Hortium libr. 5. obs. 32. Floyerum de *asthmate* pag. 113. vocatur *asthma muliebne* Ettmulleri.

4. *Asthma hypochondriacum* J. Rhodii, Ettmuller. pag. 162. *asthma nothum* Riverii. *hypochondriaco - spasmodicum* Frid. Hoffmanni obs. 3. E. Wolfii *dissert. de hac specie* anno 1754.

Illâ species ex hypochondriorum vitio primam trahit originem, hæmorrhoidarios, flatulentos, suppressis solitis sanguinis effluxibus, aggreditur.

Exigit lenia laxantia, clysteres, catameniorum aut fluxûs mariscarum revocationem; juvant ther-

males aquæ leviores ut *de Cauterets*, *de Bagnauls*, nec non æstate acidulæ cum lacte mixtæ, quales sunt Vallenfes; in inveterato afthmate, fuperveniēte œdematiâ, mira præftant grana duo vel tria fcillæ cum nitro contritæ & intûs fumptæ; fluxum marifcarum revocant pilulæ balsamicæ ut de gummi ammoniaco, fagapeno.

Vide de hac fpecie Baglivum pag. 214. River. prax. cap. 1.

5. *Afthma arthriticum* Muſgrave, Zelft p. 42. Dureti in Holler. *afthma convulfivum à materie podagrica* Frid. Hoffman. *de afthmate artic.* 13. & *obf.* 1. *Orthopnœa* Dodon. *obf.* cap. 20.

Eft ea fpecies quæ arthriticis, rheumatifmo obnoxiiis, ſcorbuticis, ob repulfam podagram, aut retentam materiem arthriticam accidit; affinis eft convulfivo & hypochondriaco; primas regiones afficiunt flatus, moleftiæ, anxietates; ſcapulas moleftant pungitivi dolores, cor constringitur.

Conducunt præter auxilia generalia pulveres ex bezoartico & nitro, cum cinnabari, camphorâ, croco; pediluvia extra paroxifmum poſſunt revocare materiam morbificam ad pedes, nec non finapiſmi, veſicatoria furis, femoribusve applicanda, uſus thermarum Bagnolienfium etiam in prophylaxi confert.

Afthma orthopnoicum obſervavit Dodonæus in juvene mercatore qui per intervalla & multos annos ſuffocatus fermè erat, fublevabatur multis phlebotomiis, catharticis, aquis acidulis, ſed demùm obortis doloribus podagricis & nephralgiâ calculoſâ illicò ab afthmate immunis fuit. *Vide* *Orthopnœam* apud Schenckium.

Duretus in afthmate arthritico putat cauſam eſſe adhæſionem majorem diaphragmatis cum hepate,

observatam in cadavere Polemarchi de Thermes.

6. *Asthma à Polypo cordis.* Diemerbroeck; Floyer. *de asthmate*; Pezoldus *obs.* 58. Ephemer. natur. curios. Carol. Pison. *de morbis à colluvie* pag. 214. Scultet. *in append. obs.* 31. Vide orthopnoeam à Polypo cordis.

Cognoscitur autem ex vehementi palpitatione, pulsûs intermissione, aliisque, sed potissimum cadaveris sectione, tunc enim frequenter satis concreciones polyposæ in auriculis, ventriculisve cordis, illæsis omninò pulmonibus ostendunt asthmatis principium, in quo certe casu quàm periculosa sint emetica, inutilia cathartica, necessaria verò quies, phlebotomia, &c. quisque videt.

7. *Asthma pulverulentorum* Ramazzini *de morbis artificum.* Ephem. Germanic. Vide Synopsim Buchneri.

Lapidæ, gypfarii, muratores, granorum cribratores, molitores plures huic asthmatis speciei sunt obnoxii ob haustum copiosum singulis diebus pulverem, in aëre volitantem, quo bronchia eorum infarciuntur, unde anhelosi, tussiculosi, pallidi evadunt, & sæpe phthifici. Signa & remedia inquirent quibus dabitur otium & occasio.

Vide Hecquet *Maladies des Artisans*, tom. 2.

Vide Frid. Hoffmann. *lib.* 3. pag. 106.

8. *Asthma stomachicum* Baglivi *appendic. de asthmate.*

Magnam asthmatum humoralium crudorumque partem à stomacho pendere observat Baglivus; hinc uti solebat pilulis de hiera cum agarico, & sale vitrioli initio accessûs à scrupulo uno ad drachmam cum aquæ hordei unciis sex ad vomitum ciendum singulo manè præscribebat: in hac specie quæ humoralis est, & non multum discrepat ab

ab humidâ , cochlear oxymelitis scillitici edulcoratum succo malorum , superbibendo jusculum ex cichorio cum pauxillo saffrafras cocto , vel granis fex ligni aloës. Gummi ammoniacum , oxymel scilliticum , sperma ceti , & julepus tabaci quatuor sunt quæ in asthmate humorali & stomachico cæteris omnibus antecellunt : Baglivi. Syrupus de althæâ conjungi debet julepo tabaci , qui ad drachmas duas datur : gummi ammoniacum ad drachmam dissolvitur in pauxillo vini albi , & calidè bibitur cum aquâ hyssopi in gravissimis & desperatis casibus ; nos calidissimo jusculo dissolvimus sperma ceti cum aliquot granis Benzoini.

9. *Asthma à gibbo* Hippocratis , Floyer p. 109.

Non solum gibbi ex asthmate fiunt quidam , quod si accidit , illi ante pubertatem moriuntur , verùm ex gibbositate multi in asthma deducuntur præterquam quod ferè omnes gibbi dyspnœa laborant. *Vide dyspnœam.*

10. *Asthma equinum* , Soleyfel. *La pousse.* Floyer. *appendic.*

Equi cognominantur *Poussifs*.

Illi identidem tussim profundam pectoralem patiuntur , & illa ducunt ; species verò ista in eo ab aliis discrepat quod textus cellularis pulmonis sit omninò emphysematosus , ut in equæ asthmaticæ cadavere observavit Floyerus. Idem observavi in pulmone vaccæ asthmaticæ ; pellucebant interstitia lobulorum pulmonis , & tusâ membranulâ illâ aër copiosus exhalabat.

Nonne illa violenta aëris intrusio per vesiculas in textum interlobularem fit cum equi magno impetu currunt , in illis enim violentis conatibus magnâ vi aër in pulmonibus compressus , in vesiculas reagit , easque disrumpere valet.

Potius ea species asthma emphysematosum vocanda foret, nec enim existimandum eam solam equos afficere, & ab eâ homines immunes esse. Desiderantur ejus signa & remedia, quod fermè de omnibus morborum speciebus dicendum est.

11. *Asthma exanthematicum* 13^a. species Frid. Hoffmanni f. 2. c. 2.

A Scabie Junckeri ; ab erysipelate , variolis , maximeque morbillis , purpurâ , seu miliari , maculis , pustulisque scorbuticis ad corporis superficiem pulsâ , & crasso astringentium usu retroactis , à scabie , tineâ , vel achoribus capitis , crustâ lacteâ per oleosa pinguiâ , aut linimenta sulphurata præposterè exsiccatis , à pedum foetore suppresso , à perspiratione subito cohibitâ , ab ulceribus chronicis , vel fonticulis inopportunè consolidatis.

Illa species est vel varietas asthmatis convulsivi, quod non à motu inordinato fluidi nervei, sed à materiâ acri, causticâ, subtili, sæpè virulentâ, quæ originem suam repetit ab exanthematum, impetiginum ex quacumque feri acris excretionum impedita, non sufficienti evacuatione, in cutem depositione aut improvidâ repressione.

Atque ex illâ historiâ facile est intellectu quænam indicationes ad ejus morbi curationem sint adimplendæ; illa enim acris materies est eliminanda per fonticulos, diuretica, cathartica, sudorifica; modo tamen sanguinis æstum non intendant, quod asthmaticis perniciosum est; illa materies simul est edulcoranda per diluentia, thermas sulphureas, lacticinia, serum lactis, ptisanas bechicas; formulas verò ac processus integros in hac specie curandâ videsis apud Hoffmannum, nec non in tabula 31^a. Junckeri de *asthmate* p. 274.

12. *Asthma metallicum.* Vide Etmullerum de

asthmate; Ilseman de colicâ saturninâ.

Est species spasmodica sicca, quæ à fumis metallicis, saturninis, sulphureis, venenatis, arsenicalibus, carbonum fossilium, aquæ fortis, antimonii exhalationibus oriuntur, quo quidem morbo in præparando antimonii clisso tactum se fuisse narrat Etmullerus. Eo laborant sæpius metallica & plura fabrorum genera. *Vide metallurgicam morbiferam Frid. Hoffmanni.* Tetri hujusmodi vapores inspirati constringunt, vellicantque tenebras pulmonum vesiculas quibus adhærent, & sic hanc speciem producant.

Curatio aliquatenus convenit cum curâ Rachialgiæ metallicæ, colicæ saturninæ, tremoris metallurgorum &c. Vinum lithargyrio dulcificatum induxit hoc asthma.

Vide Ephem. Nat. cur. dec. 3. ann. 4. obs. 30.

13. *Asthma cachecticum* Frid. Hoffmanni *spec. 16.*

Est illa asthmatis spasmodici varietas, quod in cachecticis à sero acri pectoris organa exundante proficiscitur absque tamen hydrothorace, quale vulgò vocatur œdema pulmonum, tale supervenit ab œdemate pedum repulso, maximè sub frigore febris intermittens; illud asthma ingentem spirandi difficultatem infert, quæ per intervalla decrescit, aut obortâ copiosâ diuresi intermittit. Historiam vide *in casu 62. consultation. Frid. Hoffmanni tom. 1. sect. 2.*

14. *Asthma venereum* Junckeri *consp. med. tab. 31. n.º. 15.* sanatur hydrargyrosi.

15. *Asthma plethoricum* Poweri à Physician, S. Legacy &c. *Asthma sanguineum dictum* Frid. Hoffmann. *libr. 3. pag. 95.*

Cognoscitur ex signis & causis plethoræ, faciei rubore, febre ephemerâ illius primos accessus

comitante, suppressis evacuationibus sanguineis; varietas est asthmatis humoralis, in quâ potius phlebotomiæ conveniunt quàm emetica; cum ventus orientalis flat, illud mitescit & ægri expectorare incipiunt, ait Power.

16. *Asthma catarrhale* Scholtzii.

Ambigit inter rheuma & asthma humidum, dignoscitur per coryzam, raucedinem, anginam, sternutationem, dolores catarrhales ipsum initio potissimum comitantes, & curatur ut rheuma à quo differt per periodos &c.

17. *Asthma pneumodes* Aretæi lib. chr. 1. c. 12. *Pneumodes* Mercurial. prax. de difficultate anhelitus pag. 250. *Pulmonaria* Hippiatorum.

Est asthma in quo humor excernendus è pulmonibus mutatur in grandinem, vel veluti lapidescit; de quo egerunt Galenus & Alzaravius. Hic affectus rarissimè accidit hominibus, ast frequenter in brutis, quæ rarissimè tussunt, & idcirco retinent humorem bronchiale, qui ideò juxta Aristotelem in gypseam materiem abit.

Aretæus ait hunc morbum esse asthmatis speciem, nam spirandi angustia & tussis & vigilia & caliditas utrumque comitatur morbum, item in cibos odium & totius corporis extenuatio; id malum anni spatium non excedit, pulsus parvi, crebri, infirmi sunt, ut in asthmate, privatim verò pulmonarii seu pneumodes tussunt tanquam aliquid expulsuri, cum tamen irritus eorum labor sit, nihil enim rejiciunt, aut tantummodò quid exiguum, album, rotundum, grandinosumque; pectus in his latius utique est, non obtortum, non ulceratum, tametsi verò pulmo non suppueret, humorum tamen veluti concretorum plenus est. Temporis intercapedines inter hujusce morbi

accessiones, longiores sunt; nonnulli suffocantur citò, alii in ascitem, aut anasarcam labuntur. Hæc Aretæus. De grandinatione brutorum ut porcorum, *Vide Chalazosim class. 10.*

18. *Asthma hypochondriacum* Leopold. Wolfii *dissertat. Argentinae 1754.*

Est difficultas inspirandi, quæ ab hypochondriacorum viscerum, hepatis potissimum resistentiâ & infarctu procedit.

Consulatur de ea specie Riverius *lib. 7. cap. 1.* Vosterdyk Schacht. *institution. Juncker. tabul. 32.* Helvetius *Traité des malad. pag. 177.*

Signa specifica sunt regio hepatis renitens, elata, tensa cum faciei flavedine & alvi constipatione, nec non tussi siccâ, hepaticâ dictâ.

Quamvis ejus morbi principium constans videatur, interea paroxysmos patitur æger cum tempestas mutatur, quoad hygrometrum & barometrum.

Curatio verò minimè exigit bechica, edulcorantia lenientia, sed efficacia, aperientia, martialia, resinosa, aloëtica, laxantibus interposita.

Differt ab asthmate flatulento per obstructiones hepatis, licet pluries hæ duæ species combinentur.

Fusam hujus morbi theoriam & praxim vide in *dissertatione L. Wolfii de asthmate hypochondriaco*, quod rectius *hepaticum* dicas.

19. *Asthma convulsivum* Boerhaavii *consult. 3.*

Adolescens illustris, dives, caseo tosto ad coenam uti solitus, à coenâ lectum petens, post primum somnum expergefactus immani dyspnœâ & anxietate correptus, moriturus statim videbatur, intra horam sine medicamine, sine evacuatione immunis evasit; multos tales paroxysmos

quotannis sub autumnii initium patiebatur: hæc Londini passus, Belgium reversus, ibi paroxysmi, frigore suscepto, revertebantur, ast expectoratione superveniente levabatur, usus exercitio & medicamentis pectoralibus; paroxysmus typum fixum induens per octo vel decem dies perseverat intervallis omninò variis; phænomena paroxysmi sunt ingens coarctationis sensus circa scrobiculum cordis, inflatio per reliquum abdomen, syncipitis artuumque dolor gravativus, præcordiorum anxietas, tussis arida, febris, alvus constricta, urina solito paucior, rubicundior, pulsus frequens, inæqualis, calor, aliquando rigor paroxysmum pejorem denotans; hæc persistent symptomata; tandem tussis evadit humida, phlegma viscidum copiosè ejicitur, urina copiosior, sedimento lateritio copioso, ex anacatharsi & diuresi copiosis, majus levamen, à paroxysmo brevior phlegma dilutius, extra paroxysmum hilaris est æger, appetitus viget, facillimè spirat, ultimis sex annis asthma evasit hypochondriacum, animi scilicet ingenti dejectione symptomatis prægressis in paroxysmo adjunctâ.

Curatio Boerhaaviana.

Diaphragma convulsum ob irritationem nervorum ventriculi à caseo tosto suffocabat ægrum, ast debilitas orta ex hoc malo mortem suffocativam avertit, laxatis nervis, musculisque tensis, dum vis vitalis urgebat, dein viscera chylopoetica debilitata infarctui suscipiendo apta facta sunt, horum actio vitiata, atrabilis genita, hinc suadeo 1°. ut omni manè jejuno, omni vesperè horulâ ante coenam abdomen, præcordiaque pannis ficis calidis per horæ quadrantem perfricentur; 2°. quotidie ante prandium jejunos, & vesperi biho-

rio ante coenam equitet; 3°. manè à frictione deglutiat pilulas ex saponis veneti drach. III. & sem. m. f. pilulæ gran. IV. harum sumat V. & id repetat quinquies interpolans semper decem minutorum spatio; tum superbibat de potione sequenti unciam, scilicet herbæ acetosæ, bellidis prat. chærophylli, cochleariæ, hederæ terrestri, nasturtii aquat. taraxaci, ana q. s. ut lotis, scissis, tufis, expressis succi puri unc. VI. exprimantur, quotidie recentes horâ VI. exhibeantur, interim deambulet; 4°. ante decimam vesperè cubet, matutinus surgat; 5°. cibum sicciorem coctu facilem, perfecte maturos fructus præcipue vacuo ventriculo, cum paucis panis biscocto, laudo, æstate præsertim; carnes recentes assæ, pisces assati, olera cichoracea, lactucæ, proderunt; 6°. his sedulo factis bimestri spatio, æstate de acidulis ferratis cogitandum una cum exercitio corporis assiduo, & vacatione animi à severioribus studiis.

IX. *Orthopnoea*, Suffocation, orthopnée. *Catarrhus suffocativus* Auctorum; *Suffocatio* Ettmulleri; *Meteorismus* Hippocr. *Coac.*

Est morbus acutissimus subitanè anhelatione sublimi & ferè suffocatoriâ stipatus.

Differt ab asthmate, cujus paroxismos vehementes mentitur ex eo quod per periodos non recurat.

A dyspnoeâ, quod sit morbus acutus, dyspnoeâ verò chronicus vel diuturnus nec subito suffocationem intentans.

Perperam hæc tria genera confuderunt Auctores, iisque etiam anhelitum addidit Ettmullerus, quasi anhelitus, dyspnœa, asthma & orthopnœa forent diversi gradus ejusdem morbi; quod si ita sit, quidam omnium aliorum morborum gradus nominibus genericis insigniantur, quod numerum generum quadruplo majorem sine fructu faciet. Sic plebs incassum multiplicat nomina generica plantarum, piscium, quadrupedum; sic vaccam, vitulum à bove mare, adulto, genere distinguunt rustici; sic idem sparus prout major, minorve est, apud Occitanos diversa nomina sortitur auratæ, *Mejane*, *Sauquene*, &c. quod à sanâ ratione & legibus Ichthyologiæ quàm alienum sit, facile percipiunt Methodici.

Hujus generis species determinare perarduum est; suffecerit indicasse observationes individuas, ex quarum pensitatione quondam sagaciores illas eruere valeant.

1. *Orthopnœa peripneumonica*; *Catarrhus suffocativus* Baglivi, Ettmulleri pag. 155.

Maxima de nihilo facta est historia, ait Hildanus, & reapse Veteres eâ opinione occupati omnes ferè morbos fieri à destillatione feri ex capite, seu à catarrho omnem morbum qui subito ægrum suffocando enecaret, catarrhi suffocativi nomine salutabant. Insulsißima est sententia oriri catarrhum suffocativum ex illapsu feri vel lymphæ, non dico à cerebro, quod absurdum est, sed ne etiam à vasis pectori vicinis lymphaticis; quippe non nisi gradaria fieri potest congestio, non verò morbum illicò præfocans, unde Helmontius Scholasticos meritò deridet in capitulo cui titulus est, *Catarrhi deliramentum*.

Oleum sulphuris injecit Ettmullerus in venam

cruralem canis, qui per semihoram admodum anxie respiravit, sensim difficilius, & demum suffocatus spumam ex ore & auribus copiosam emit; aperto cadavere omnes viæ aëreæ erant tumidæ simili spumâ sanguinolentâ, pulmones verò sanguine nigro farcti. Hæc est idea catarrhi suffocativi.

Michaël refert exemplum catarrhi suffocativi, qui ferè strangulavit coquum, qui ab igne calens subito frigidissimam cerevisiam hausit, unde tamen evasit ope succi expressi ex Bellide, qui sanguini resolvendo est aptissimus.

2. *Orthopnoæa cardiaca*; *Syncope cardiaca* Caspar. Hoffmanni.

Ea est species orthopnoææ, quæ vulgò pro apoplexiâ habetur, quia satis subito cum stertore suffocat & enecat ægrum, quæ tamen ab infarctu ventriculorum, vel auricularum cordis procedit; quippè si quâvis de causâ, ut polyposâ concretione, grumo cruoris obturetur alterutrum, potissimum verò sinistri cordis orificium, illicò sanguinem continuò in pulmones appellentem in ipsius venis, arteriisque aggeri necessum est; quod fieri non potest, nisi arctatis viis aëreis, illicò difficultas respirandi continuò, subitoque crescens, & cordis palpitationes, & pulsûs intermissiones, & extrema naturæ adversus mortem luctantis conamina convulsiva ægrum in extremum discrimen conjiciant; hinc mors repentina, quæ catarrhus suffocativus apud multos vocabatur. Vide Asphixiam; vide Bartholini centur. 2. epistol. p. 683.

3. *Orthopnoæa spasmodica* Baglivi; *Orthopnoæa sicca*, Ballonii epidem. pag. 198. *Convulsio laryngis* Bartholini centur. 4. epist. 454. Solenandri consil. 14. est illa suffocatio quæ à convulsivâ pul-

monum, aut potius laryngis constrictione, aut diaphragmatis spasmo accidit, citra tamen hysteriam.

Sic refert Platerus *observ. pag. 182.* virum robustum quoties coitu uteretur, toties suffocationem expertum esse, quâ demùm obiit; coitus autem meritò ab Avicennâ dicitur parva epilepsia; sed ille morbus gradu tantùm videtur differre ab asthmate convulsivo.

4. *Orthopnœa hysterica* Willisii *de nervis cap. 26. à terrore* Foresti *lib. 6. observ. 10. Præfocatio uterina* Auctorum, vel *Strangulatio uterina; Suffocatio hysterica* Frid. Burlen *dissert. 1698. Asthma uterinum* Helmontii *de asthmate; Caducus matricis* Paracelsi; *Hystericepnix* Græcor.

Hoc nomine intelligo non hysteriam in genere, in quo multi Veteres errarunt confundentes sub eodem nomine generico diversos morbos hystericos, sed tantùm symptoma hystericis familiare, quod sæpè pertinax est, & in præfocatione consistit, siue anginam hystericam vehementem, siue cingulum hystericum simulet; prima varietas à convulsione tonicâ musculorum laryngis, altera verò à diaphragmatis tensione spasmodicâ dependet.

Discrepat à carò hystérico, ex eo quod in caro nullus sit respirandi conatus; econtra ægræ velut in aspnœâ constitutæ vix respirare videantur; ast in orthopnœâ respiratio fit velox, laboriosa, præceps, frequens, cum spasmodicâ pectoris agitatione, voce raucâ vel obscurâ, & summo suffocationis metu. Mulieres à veteribus Medicis hausere absurdam opinionem, quod uterus in gulam ascendat, ibique ægram suffocet; mirum quamdiu hæc insulsa fabula apud Medicos

MORBORUM, CLASSIS V. 187
viguerit. Dysphagia hysterica ab hoc symptomate
diversissima est. *Vide Aretæum de vulvæ strangulatu.*

5. *Orthopnœa ab hydrothorace Rhodii observ. 27. centur. 2.*

Mirum quandoque quàm cito aquæ in cavo pectoris colligantur, illas vidi tantâ mole collectas, ut secto cadavere sursum è vulnere pectoris exilirent. *Vide Hydrothoracem, & observ. 15. Sepulchreti.*

6. *Orthopnœa à pinguedine Theodor. Kerckringii obs. 66.*

In puero trienni qui suffocatus perierat, invenit Kerckringius copiosissimum adipem extus & intus; sed adeps exterior mollis erat, & quasi œdematosus; cor erat ita adipe obvolutum, ut deficere videretur; venter non nisi adipem purum continere videbatur, intra quem exigua immerfa erant viscera, cæterum sana; cerebrum erat flacidum, aquam inspidam continens in sinubus cum hydatidibus juxta plexum choroideum. Similem orthopnœam in muliere vidit Fabricius Hildanus, *centur. 6. obs. 97. à pinguedine monstruosâ oriundam; itidem Bartholinus anno 1671. obs. 74. Vide plura in Sepulchreto Boneti appendice de suffocatione.*

7. *Orthopnœa à vomica Boneti Sepulchret. de suffocatione, obs. 40. 37. Dodonæi obs. cap. 19.*

Abscessus in ipsis pulmonibus juxta diaphragma, in abdomine diaphragma sursum pellens, in axillis, aliisque pectoris locis aliquoties observati sunt apud eos qui orthopnœâ extincti fuerant, natura hisce conatibus spasmodicis vomicas illas rumpere contendente. Sæpius Auctores tribuunt orthopnœam causis minimè illam per se producentibus, ut jecoris moli adauctæ, adhæioni pulmonis cum

costis, cum ea sint principia naturam ad validos; eosque suffocatorios conatus edendos incitantia.

A vomica suffocationem refert Guillemau, &c.

8. *Orthopnoea ab aneurismate* Bonet. *Sepulchret. obs.* 28.

Ab aneurismate aortae ortam vidit Petr. de Marchettis; Horstius cor duplo vel triplo majus sanguine distensum, & cruore grumoso turgidum in suffocato invenit; *Zacutus prax. admirab. lib. 2. obs.* 63. *Fontanus respons. pag.* 59. Plura vide apud *Lancisium de cordis aneurismatibus*, *Horstium obs.* 1. *libr.* 9.

9. *Orthopnoea à deglutitis* Bonet. *Sepulchret. pag.* 579. & *obs.* 1. 483. *Ettmuller. pag.* 157. *Marcell. Donatus histor. Forest. libr.* 15. *obs.* 28. *Bartholin. cent.* 1. *obs.* 11.

Ea est quam corpora duriora aut crassiora, vel semideglutita, & in oesophago hærentia, vel quod pejus est, in glottidem illapsa, & bronchium alterum obstruentia inducunt; prostant de his nuper recensitæ historiæ in *Actis Academ. Chirurg. Parisinæ*, lectu dignissimæ; videatur etiam *Morton. de phthysi ab hæmoptysi*; Boneti *Sepulchret. de suffocatione*, *obs.* 6. 7. Vidi duos convalescentes in *Nosocomiis* frusto panis suffocatos.

10. *Orthopnoea à bronchocele* Boneti *Sepulchret. de suffocatione obs.* 9. Exempla prostant apud *P. de Marchettis* & *Thom. Kerckringium*; idem à thymo intumefacto ortum *Fr. Plater. obs.* 1. 1. *pag.* 184.

11. *Orthopnoea à gastrocele.*

Equi nimium in cursum concitati non raro patiuntur gastrocelen, quâ ventriculus scisso diaphragmate intra thoracem adigitur. Similem olim casum vidi in muliere quæ hinc suffocabatur,

dein verò vomitu habituali absumpta est; orthopnoeam memorat Bonetus in *Sepulchreto de suffocatione obs.* 41. in quâ per vulnus diaphragmati inflictum à cultello intestina tenuia intra thoracem irrepere, & pulmones ac cor suffocavere.

12. *Orthopnœa ab hydropneumoniâ* Barrere *observ. anatom* 1. pag. 109.

Miles viginti quinque annos natus magnâ oppressione, tussi violentâ, & febre detentus Nosocomium appulit, septies in triduo phlebotomiam passus, sublevabatur; ast recidivante morbo, orthopnoicus sudore frigido, asphyctos ferme, huc & illuc anxie se jactans obiit, frustra tentatis pluribus auxiliis.

Aperto cadavere, pulmones tumidi, pleuvræ agglutinati, maculis roseis hinc inde notati, à pressione digiti fluctuatio, remoto digito, fovea evanescebat illicò, sectis diversis pulmonis locis aqua copiosa effluxit; nulla tamen erat in thorace effusa, nullum ullibi vitium, nec in corde, nec in pulmone ullum tuberculum.

13. *Orthopnœa ab empyemate.* Vide Empyema.

14. *Orthopnœa traumatica* Bonet. *Sepulchret. obs.* 31. *de suffocatione.* Frid. Hoffman. *de asthma* n. 15.

Ictus vehemens in pectore juvenem humi prostravit attònitum, cum anhelitu gravi, vomitu frequenti, voce suppressâ, spumâ confertim ex ore emanante.

In cadavere pulmo habebat plurimas maculas lividis maculosas, à lapsu fractum erat cranium. Tulpius *lib.* 1. *obs.* 6.

Orthopnoeam etiam inducunt vehementes costarum, aut sterni contusiones, luxationes, vel fracturæ, cartilaginis xiphoideæ intropressio.

15. *Orthopnœa ab antipathia* Zacuti *prax. obs.* 103. *lib.* 3.

Condiscipulus Zacuti caseum ita averfabatur, ut syncopem ab ejus odore sæpè incurreret; à fociis per jocum oblato hoc cibo, statim cum livore faciei, stertore superveniente cum pulsu parvo, mortis imaginem repræsentabat; at spumâ excretâ ex ore more epilepticorum, ad vitam revocatus est.

16. *Orthopnoëa à vaporibus* Ettmuller. *de suffocatione* pag. 159.

Ex fumo sulphuris vehementer constringuntur pulmonales vesiculæ, unde suffocatio. Idem præstant vapores vitriolici, pulvis lycoperdonis, seu crepitûs lupi, si inspiretur, calcis & similium.

Longè verò alium effectum producant vapores mephytidum, vini fermentescentis, cellarum diù clausarum; illa verò nullam orthopnoëam excitant, sed subitò enecant, quasi homo fulmine perculsus foret, adeòque ad asphixiam pertinet ille morbus.

17. *Orthopnoëa à vermibus* Ephem. nat. cur. dec. 3. ann. 3. & 8. obs. 188.

Suffocatio à vermibus in ventriculo, & in œsophago potissimum.

Differt orthopnoëa à cynanche & ab *anginâ*, quia deficit in orthopnoëâ sensus strangulationis in gutture; ab *asphixiâ* suspensorum, submerforum, mephitide infectorum per anhelationem præcipientem, cum in asphyctis nulla respiratio, aut vix conspicua; ab *apoplēcticiis* differunt orthopnoici, quod sentiant; à *peripneumonicis*, quod subitò præfocati videantur.

18. *Orthopnoëa à lipomate* Philosophical. transact. Abridg. tom. 3. pag. 157. Vanswieten. aphor. 75.

Steatoma ultra sex libras pendens in cavo pectoris repertum, post enormes calamitates, tandem suffocavit ægrum.

Vide similem casum in obs. 4. Boneti Sepulchret. de suffocat. pag. 591.

19. *Orthopnœa ab inanitione* Platner. *instit. chirurg. Asthma convulsivum* Gernhardi *diff. de spasmo ab inanitione*, Lipsiæ 1755.

Puerperæ magnam sanguinis jacturam passæ, aut quarum statim à partu non vincitur fasciis abdomen; necnon hydropici quibus citra hanc cautelam aqua tota simul detrahitur, quandoque suffocati, & convulsi pereunt, teste Platnero, Heistero, Lamotte, quod accumulato in pulmonibus sanguini tribuunt Lipsienses, & asthma convulsivum vocant.

20. *Orthopnœa febricosa* Mortoni *de febris*, pag. 139. *hist. 7. & pag. 74.* est paroxysmus febris tritaëphiæ aut tertianæ duplicis, simplicisve, sed larvatæ & proteiformis, qui inter dira symptomata cardialgica, spasmos pectoris & suffocationem infert, quovis die repetentes; non ideo asthma annumerandus est morbus acutissimus, cum asthma chronicum sit.

Mortonus ad similem ægram advocatus, eam invenit vomitione perpetuâ penè confectam, atque præ spasmis thoracis & abdominis perpetuò ejulantem, & tantum non suffocatam, febre nullo modo se prodente, præ vehementiâ symptomatum; urina etenim erat clara & tenuis; temperies mitis extrema frigescebant, pulsus erat celer, sed debilis & inordinatus.

Præscripto leni emetico, aqua pulli copiosa offerebatur, bolus ex theriacâ & pulvere absorbente sequebatur cum antiemetico Riverii; in remissione urina erat lateritia, kinkina non poterat assumi propter vomitionem; die sequenti missella virgo suffocata penè, & delira præ atroci

dolore totum thoracem & abdomen occupante ; sese jactabat , & perpetuò vociferabatur , nec vomitio cessabat.

Præscriptâ phlebotomiâ , & clysmate , febrifuga narcoticis junctâ quâque horâ quartâ adhibita sunt , decocto albo Sydenhami , julapiis perlati , anodynisque suppressi sunt illi horrendi paroxyfmi.

21. *Orthopnæa pseudoperipneumonia* , fausse *Péripneumonie* ; *Peripneumonia hiemalis* Sydenhami *process. p.* 656. *Peripneumonia notha* Vanfwieten. *aphor.* 867. Fortè *Peripneumonia catarrhalis* class. *tertiæ*.

Morbus hic à solo Sydenhamo & Boerhaavio ferè descriptus , differt à peripneumoniâ , cujus imaginem refert ex defectu febris acutæ ; differt juxta Sydenhamum ab insultu asthmatis sicci , quod in isto nusquam comparent febris indicia ; in hac verò dyspnœâ , manifestè se prodat febris , licet longè minor , & magis obscura quam in peripneumoniâ verâ.

Hic morbus primo fallaci lenitate opprimit , nec opinantes ; quippe levi defatigatione , debilitate , prostrato ferè omni motu , anhelitu , oppressione pectoris incipiens , adeò leves motus excitat , ut vix caloris , febrisve indicia moneant periculi ; mox vagæ horripilationes , leviusculi febris insultus adsunt , unde subito crescente anhelitu & debilitate , mors , cujus in urinâ & pulsu vix ullum adfuit præsagium.

Ingruente hieme , & sæpè initio veris emergit , insultu primo nunc incalescit , nunc friget æger , ex motu quolibet vertiginosus est , rubent & calent genæ , oculique ; tussit & inter tussendum capitis dolor lancinans premit , perulenta vomitu rejicit ,

reijcit, urina turbida est, & intensè rubet, sanguis pleuriticorum æmulus, anhelus crebrò & celeriter spiritum ducit dolente thorace.

Morbus ille senibus pituitosis, frigidis, catarrhosis frequens in borealibus præsertim regionibus; orthopnoëis adscribitur, quia acutus est morbus; non peripneumonix accensetur, quia febris non est acuta, ut in verâ peripneumoniâ; ad rheuma accedit quam proximè, & *fluxio in pectus* vulgò vocatur, nobis peripneumonia catarrhalis, à quâ tamen differt defectu coryzæ, sternutationis, aliorumque rheumatis characterum.

Curatur juxta Sydenhamum duabus, tribusve phlebotomiis, & præscripto alternis diebus cathartico quod ingrediatur fenna, agaricus; verum qui in hisce regionibus acrior videretur; deinde diebus vacuis, decoctum pectorale, eclegma & oleum amygdalarum usurpantur.

Boerhaavius verò phlebotomiam unam tantum suadet; dein quotidie repetitum clyσμα, victum tenuem ex jusculis, potum tenuem, subacidum, mellitum, vapores & suffitus emollientes; demùm balnea crurum pedumque, & ampla vesicatoria cruribus admovenda: quam diversa à Sydenhamianâ curatio!

22. *Orthopnoëa scorbutica* Eugaleni obs. 11. 41. *Strangulationis metus in scorbuto* Sennert. de signis scorbuti.

Plurimi scorbutici conqueruntur de obstructione ventriculi ad os usque instar pali totum oesophagi meatum obturante, & suffocationem minante: id imprimis cibum sumpturis accidit, qui cum primum bolum deglutituri sunt, in præsentissimo suffocationis periculo versantur; Sennertus vidit qui hoc non minùs metuebat quàm si carnifex

laqueo eum suffocaturus præsto esset; is ut ab hoc morbo se liberaret, januæ parte superiori manibus prehensâ, pedibus pendulis totum corpus concutere necessum habebat.

Hanc orthopnœam in ultimo gradu scorbuti vidit Lindius.

23. *Orthopnœa ab hydrocephalo* Ballonii, Boneti *Sepulchret. de catarrho suffocativo obs.* 14. 15. 16.

Illum morbum esse convulsivum verosimile est, atque huic convulsioni subito lethali ansam præbere subitam feri in ventriculis cerebri exundationem.

Barbeyracius qui vidit hanc speciem, pro apoplexiâ habuit, eâque pituitosâ; quæ cum stertore stipatur, pro catarrho suffocativo habebatur. Veteres aquas è cerebro in pectus delapsas ægro suffocando pares esse putabant; hinc nata fabula.

24. *Orthopnœa variolosa* Sydenham. *pag.* 595. Baglivi *pag.* 569. ea est quæ undecimo die, rarius 14. vel 17. in variolis confluentibus accidit, cum febris secundariæ exacerbatione, jactatione, &c.

Vena illicò in pede secanda, dein emeticum præscribendum, vesperè paregoricum, imò narcoticum; sequenti mane lenis catharsis adhibenda.

Hæc orthopnœa à materiâ variolosâ retenta accidit.

X. *Angina*, Mal de gorge, Angine, ab *angendo* dicta; *Paracynanche* & *Parasynanche* Græcis.

Est difficultas respirandi, cum sensu obicis in gutture, & sæpè deglutitione difficili, sine phlegmasiâ.

Differt à cynanche, quia nullâ febre inflammatoriâ stipatur angina; à cæteris anhelosis morbis, quod sensu strangulationis, aut dolore gutturis stipetur.

Differt à dysphagiâ, quia angina comitem sæpè habet difficultatem deglutiendi; sed dysphagia nunquam habet notabilem respirandi difficultatem quam habet angina. Si confundatur angina cum cynanche, pari jure sub eodem genere confundi debent mania & phrenitis, hæmoptysis, & peripneumonia, nephralgia & nephritis, seu morbi classe distincti.

Falsum est angustiam laryngis semper esse essentialem anginæ, cum non sit essentialis difficultati respirandi ad guttur relatæ; si etenim quoquo modo resistant organa respirationis in gutture posita, seu si doleant, rigeant, cum ad respirationem sive tacitam, sive velocem & loquelam moveri debeant, inde difficilis erit respiratio cum sensu molesto in gutture; sic anginæ frequentissimæ sunt in tonsillis, & velo palatino, intactâ larynge.

Anginam non semper comitatur respiratio frequens, quandoque pacatissima est, nisi quod doleant organa inter loquendum, clamandum, ridendum, aut fortius respirandum.

Cum Scholastici clarioris doctrinæ gratiâ, ad unum principium simplex volunt referre plures species ejusdem morbi, necessum habent species multas ab eo genere procul amandare, oblivioni tradere, & historiam infidam, mancam tradere; ast historia morbi cujusvis debet scribi, sepositâ omni theoriâ, & fatius est ignorari specierum theoriam quàm earum historiam.

1. *Angina bronchus, Angine catarrhale, fluxion.*

sur la gorge ; *Angina pituitosa* ; *Catarrhus ad fauces* ; est ea species quæ à lymphâ intra organa gutturis congesta dependet , atque cognoscitur ex raucedine , tussi , sternutatione , coryzâ , vel prægressis , vel concomitantibus , cum tumore & dolore colli , tonsillarum , parotidum , aut maxillarium glandularum sine febre acutâ , & à frigore suscepto , dum potissimum corpus æstuat.

Hæc species *Bronchos* Græcis dicitur , vulgò dicitur fluxio in fauces , à Boerhaavio *angina catarrhosa tenuis* , aph. 791. Etiam si verò tumor externus colli , si adsit , cuti concolor sit , & vix acutè doleat , tumor tamen tonsillarum , gargareonisque rubet , quia hic est nativus ferè harum partium color ; Boerhaavius existimat affici in hac specie membranam mucosam , quæ nares internas , fauces , œsophagum investit , & muco illo infarciri , quod dein maturescente anginâ , plorat , ubertim exprimitur , sub formâ viscosi phlegmatis , quandoque acris , vicina excoriantis , & quamvis , addit illustris Vanswieten , in catarrho sit levis , & superficialia hujus membranæ phlogosis , ad hanc anginæ speciem , non verò ad cynanchen , hic morbus pertinet , cum cynanche longè gravioribus stipetur symptomatis , iisque diversis.

. Cura exigit unam ad summum phlebotomiam ; dein verò potum calidum , leviter sudorificum ex theâ , capillis veneris , decocto scorzonæ , scabiosæ , fomenta calida , aërem siccum , calidum , diuretica , diætam tenuem , vel mediocrem , gargarismata resolventia ex aquâ vitæ , uvulæ , aut tonsillarum scarificationem , si nimis tumeant. De his vide illustr. Vanswieten. 796.

2. *Angina Loweriana* , *Angine edemateuse* Boerhaav.

Anginæ est species artificialis à Lowero instituta *lib. de corde cap. 2. pag. 123.* quæque ad theoriam hujus morbi illustrandam multum confert; venas scilicet jugulares filo ligabat in cane vivo, post aliquot horas partes omnes supra ligaturam mirè intumuerunt, & intra biduum canis anginâ suffocatus est; per totum illud tempus lacrymæ, saliva ubertim effluebant, ptyalismus mercurialis instar; post mortem canis cutim à partibus tumefactis separans miratus est Lowerus minimè rubere partes turgidas, & tumidas, sed musculos & glandulas sero pellucido tantum esse distensas.

Hoc experimento docemur quid agendum sit in anginâ, quam excitat venarum collo vicinarum compressio facta ab skirro, steatmate, strumâ, hygromate, calculo adnato, quorum exempla videsis apud illustr. Vanswieten *n. 793. de anginâ aquosâ*; ea enim agunt uti ligatura Loweri: cum enim in venis sanguis liberrimè fluit, tunc vix agit in oscula venarum lymphaticarum ex venâ oriundarum, parciusque lymphæ ea subit; ast retardato motu progressivo cruoris, tunc ille cruor latera versus quæ disfluit, fortius distendit, oscula lymphaticorum diducit, unde & lymphæ ea uberius subit, distendit, quæ omnia, sublata ligaturâ aut resistantiâ, solent evanescere; angina autem illa dicitur œdematosa, cum œdemate tumant partes externæ, membranâ scilicet adiposâ cutis loco adipis copiosam lympham, aut serum perspirabile retentum excipiente; ideò verò fiunt illa œdemata, quia retardato motu progressivo cruoris, ut accidit chloroticis, pressio lateralis sanguinis in parietes venarum & arteriarum adaugetur, ut in anginâ Lowerianâ, atque ut ea œdemata prævertantur, nihil est aptius quam ut mar-

498 GENERA ET SPECIES;

tialibus, millepedibus & exercitio sanguinis viscositas solvatur, fluxilitas ei concilietur, roburque vasis restituatur; sudorifica, fomenta resolventia, spirituosas, fumi aromatici extus in eundem finem conspirant.

3. *Angina calculosa* Riverii *obs.* 7. *pag.* 127.

Similes calculos aut concrementa dura in faucibus, tonsillis, initio tracheæ, in larynge observarunt Felix Plater, *obs.* 1. 1. *pag.* 180. Ballon. *ephemer. libr.* 2. *pag.* 197. & 201. Kerckring. *obs.* 27.

Sexagenarius gutturis inflammatione frequenter corripiebatur præcipuè à cantu, sedabatur hic morbus phlebotomiâ & gargarismate ex exycrato; demùm Medicus quoddam extraneum juxta finem mandibulæ dextræ in faucibus imis infixum vidit, globulum sclopeti referens, quod extractum nihil aliud fuit quam lapis durus & compactus ad pyri formam compositus, caudâ suâ musculis masticatoribus infixus; ulcus, quod superfuit oenomete detersum & consolidatum fuit. Pomaret Chir. Monspel.

4. *Angina à deglutitis* Tulpîi *lib.* 2. *obs.* c. 7.

Ab infixo asperæ arteriæ ossiculo Bonet. *Sepulchret. de dyspnæa obs.* 1. *Angina à spinâ piscis in faucibus hærente* Schenck.

Vidi & dolores gutturis cum difficultate canendi, loquendi, tussi, dysphagiâ ab aciculis intra guttur hærentibus, modò nulla febris inflammatoria enascatur, hic morbus intra anginae aut dysphagiæ limites continetur.

Vide Dysphagiam.

Curam hujus speciei & historiam *Vide* apud Forestum *obs.* 27. *libr.* 15.

5. *Angina à laqueo; Strangulatio suspensorum.*

Vide Forestum *obs.* 25. *libr.* 15.

Frequens est observatio melancholicorum, maniacorum furore percitorum, qui se laqueo suspendunt, ita & in bello non rarò ab hostibus milites capti, quandoque ad ramum arboris fune suspenduntur, nec strangulati relinquuntur, illis omnibus opem ferre non est inutile, etiam si aliquandiu suspensi jam demortui videantur; verùm nulla spes est ad vitam revocandi eos quibus tortor ita pede caput detorsit ut vertebam colli luxaverit.

Ipse opem tuli quondam misero, qui vitam æris defectu redimere non potuit à publicanis, resecto à pœnitentibus fune delatus est in ipsorum facellum, ubi intra duas horas tres phlebotomias passus est, pulsus ante primam nullus micabat, ast fluente sanguine præsertim post alteram sensim sese explicuit, ita tamen ut rarissimus esset, & vix quadragesies intra minutum perciperetur; vitæ restitutus miser caput erexit, raucissimâ voce aquam petiit, multa sputa cruenta rejecit, aquam ex urceolo affatim bibit, tunc paulò clarius locutus, antea altero pede feretrum, in quo jacebat invitatus percutiebat convulsione repetitâ, tunc verò pacatus fuit, pulsus ad frequentiam sanis ordinariam pervenit, respiratio nunquam frequens fuit, ast collum prius ad pollicem laqueo depressum intumuit, & cum nullus Chirurgus metu frivolo deterritus vellet venam juguli supra tumorem tundere, miser placidè obdormivit sine ullâ dyspnœâ, pulsu sensim rariori & depressiori facto ob impeditum sanguinis à cerebro reditum, & sic obiit; pulsus vix trigesies sexies in minuto micabat, & respiratio raritate, & parvitate erat vix conspicua paulò ante mortem.

Auctores in hoc casu præscribunt emetica &

cardiaca, verum multò præstantius est phlebotomias largas promptas instituere, frigidâ sitim horrendam sedare, & earum à jugularibus compressis per inflammationem sulci à laqueo effecti prævertere, nam caro reapse pacatissimè & sine dyspnœâ moriuntur, quibus, laqueo resecto, vita restituta est.

6. *Angina Skirrofa* Boerhaavii aph. 797. *Dyspnœa à tumore carcinomatoso asperæ arteriæ adnata*, Boneti *Sepulchret. obs. 5. à sarcomate in posticâ parte palati*, Ruyschii *obs. 48. pag. 45. Galen. de locis affect. lib. 5. cap. 5. Tulp. obs. lib. 1. cap. 44.*

Skirrosus tumor sæpè sequitur cynanchem non resolutam, scrophulosus, bronchocelosus sine cynanche prægressâ sensim oritur, dantur etiam excrescentiæ seu sarcomata, quæ jugulo adnata anginam excitant.

Rarò verò nisi recentes skirri resolventibus sanantur, adeoque superest tantum ut cultro excindantur, cum vix erodi possint cathetericis.

7. *Angina suppuratoria* Boerhaavii aphor. 814. de la Mothe *Chirurg. tom. 1. pag. 193.*

Est duplicis conditionis, vel scilicet apostematosa, de quâ Boerhaavius & illi Vanswieten fusè egerunt, quæque cautè lanceolam admotam exigit ut pus foras effundat præmissis emollientibus intus ore detentis, extus cataplasmatibus forma admotis, & illa ut plurimum faustum fortitur eventum.

Vidi nuper abscessum intra quatuor dies efformatum & spontè ruptum in textu veli palatini; qui verò plures cynanches passi sunt, illi posteriores habent mitiores, & non ita constringitur via aëris, imò ferè sine febre abscedunt tumores.

Si verò exulcerentur fauces, ulcus illud modò non sit venereum, nec cancrosum, detergentibus sanatur, exiguam difficultatem loquendi, & respirandi secum infert, cum anhelitùs fetore, copioso ptyalismo; nunquam vidi ulcus ibi profundum, sola epithelis seu membrana mucosa excoriata est, & locus excoriatus est coloris grisacei.

8. *Angina venerea, Ulcere vérolique au gozier, Chancre au gozier.*

Nihil est frequentius in venereorum praxi quam ulcuscula superiùs descripta, levissimè exesa, grisea, sed circa laryngem, pharyngem, uvulam serpentina cum voce raucâ, nasali, ptyalismo aquoso, mucoso, foetido, exiguo dolore, nullatenus frequenti respiratione, sed cum sensu impedimenti inter deglutiendum, inter loquendum, clamandum. Mitto loqui de cynanche mercuriali seu quam hydrargyrosis excitat, quæque non est hujus loci.

9. *Angina hysterica, Riverii obs. 26. centur. 2. Frid. Hoffmann.*

Ea species periodicè singulis diebus revertitur, cum sopore, nausèâ, suffocatione, doloribus vagis, difficultate deglutiendi, quæ omnia symptomata post aliquot horas evanescent, an febris intermittens licet sine pulsûs frequentia eum morbum foveat, qui complicatus est cum hysteria, suspicatus est Riverius, & non obstante sopore magnam laudani dosim ante accessum exhibuit, quo morbus sanatus est. *Vide dysphagiam hysterica, & orthopnoeam hysterica.*

10. *Angina hydrophobica.*

Puerulus Monspelienfis à fele rabidâ demorsus in tibia, benè se habuit per duos menses, demùm febriculâ cum difficultate deglutiendi & respiran-

di, ac aquæ horrore correptus, paçatus & minimè furens languit, nec ullum cibum capere voluit, sicque intra undecim dies obiit. Rusticus ante quadraginta dies à cane rabido demorsus, quem memorat in act. Acad. Monspel. D. Haguénót, querebatur tantùm de anginâ antequam furor, & mordendi cupiditas eum invaderent, hætenus nulla, aut exigua febris. In cadavere hydrophobicorum vidi summam rubedinem in posticâ parte tracheæ arteriæ juxta glottidem; caveant Medici ne digito in guttur ægri adaçto malum explorent, ut accidit peritissimo Chirurgo.

11. *Angina nasalis.*

Est ingurgitatio catarrhalis membranæ pituitariæ, quæ nares posticas succingit cum difficultate loquendi, deglutiendi, & per nares respirandi, nec non doloribus noctu adauctis velum palatinum ejusque columnas, nec non tubas Eustachianas distrahentibus, pervigilio, odore singulari cupri in naribus. Terminatur intra aliquot dies per excretionem & emunctionem copiosi muci albi, flavescens, insipidi, qui non ex supremâ narium parte, sed tantum ex naribus posticis juxta fauces procedit. Hanc passus sum & in aliis observavi; Auctores verò minimè recensent.

Distinguitur à coryzâ 1º. sede in paristhmiis; 2º. odoratu superstite; 3º. dolore ad aures externas protenso, vivido; 4º. continuâ exspuitione muci faucium viscidis; 5º. deglutiendi difficultate; 6º. veli palatini rubedine; cùm solvitur morbus mucus viscidus & sanguinolentus ex naribus & ore circa sextum, septimumve diem affatim rejicitur, adest ut in coryzâ vox nasalis, sternutatio & sensus obstructionis in naribus ita ut æger noctu, ore aperto dormire cogatur ad respirandum.

12. *Angina exanthematica* Frid. Hoffmann. *symptomata* dicta n^o. 8. *variolosa* Sydenhami. pag. 661. 659. & 96. *Morbillosa*. Vide Hist. Rubeolæ.

In variolis confluentibus apud adultos non raro circa undecimum diem saliva gutturis eousque viscida est, & excocta ob calorem præcedentem & pustulas adnatas, ut tantum non suffocetur æger, gargarisma necessario in usum trahatur, & syringâ in fauces sedulò sæpè die, noctuque injiciatur, quod componatur ex aqua hordei cum melle rosarum, sed si æger eo redactus fuerit, ut singulis momentis à suffocatione periclitetur, stupore obrutus, & spiritu ferè undique præcluso, non satis est si ptyalismus accedat ægro ad has incitas redacto, feliciter nonnunquam exhibetur dosis emetici stupori proportionalis, interea quotquot undecimâ die in hac specie variolarum intereunt, ferè hoc symptomate jugulantur.

Angina verò rubeolosa potissimum in morbi initio ægros divexat, cum tussi, dolore faucium, sternutatione, sed factâ eruptione cessat: succedit etiam angina erysipelati repulso, arthritidi.

13. *Angina scorbutica* Frid. Hoffmanni n^o. 6. Bartholin. *Med. Dan. Die bosen halse* Germanorum.

Est levior colli & interiorum faucium phlogosis cum tumore & dolore glandularum, quæ frequens admodum est scorbuticis.

14. *Angina tymica* Boneti *sepulchret. obs.* 2^a. Simon. Paulli.

Videtur pertinere ad dyspnœam, procedit à thymi intumescentiâ.

15. *Angina polyposa* Albuchasis *Chirurgiæ lib.* 2. cap. 36. Baglivi *prax.*

Est difficultas respirandi ac deglutiendi à polypo

narium in gulam usque protenso, hujus observatio & curatio apud Albuchasim, nec non in Schenckio & apud Baglivum reperitur. Vide Schenckium pag. 223.

16. *Angina anevrismatica* Boneti *sepulchret.*

Est angina orta ab anevrismate arteriæ majoris laryngem aut tracheam prementis.

17. *Angina bronchocelica* Petri de Marchettis & Fel. Plater. à *strumâ interna circa jugulum.* Vide orthopnoëam, nec non dysphagiam.

XI. *Pleurodyne*, Douleur de poitrine. *Pectoris, laterum, vel dorsi dolor* Boneti *sepulchret. lib. 2. sect. 4. Pseudopleuritis*, Nouvell. classes des maladies. *Pleuritis spuria* Auctorum. Vide Vanswieten *comm. aph. 875.*

Est genus morbi cujus præcipuum symptoma est pectoris, laterisve dolor pungitivus cum difficultate respirandi citra phlegmasiam acutam.

Non minus differt à morbis inflammatoriis ut pleuritide quam mania à phrenitide, & hysteralgia ab hysteritide; præterea hoc genus includit species, quæ à pleuritide, quam vocant falsam, alienæ sunt, nec ad aliud genus aptius referri possunt.

1. *Pleurodyne plethorica, pseudopleuritis* Zacuti *prax. Pleuritis spuria* River. *centur. 1. obs. 73.*

Species illa dolore lateris pungitivo, tussi & sputis raro cruentis, cum difficultate respirandi sine febre acutâ cognoscitur; oritur à plethorâ ut plurimum frigore suscepto aut simili errore concurrente.

Curatur vel spontè obortis catameniis, aut sudore adjuvante, diætâ tenui, resolvente; vel curatur phlebotomiis, potu diaphoretico, litu partis affectæ cum unguento de althæâ, fotu ex linteis calidis, ex ovorum intritâ, cataplasmate ex avenæ granis frixis cum foliis petroselini, cicutæ &c.

2. *Pleurodyne verminosa* Quercetani *pharmac. lib.* 4. Vernæ de *pleuritide* pag. 89. *Dolor pleuriticus ex lumbricis* Riverii *centur.* 1. *obs.* 75.

Illa species cognoscitur ex febre vagâ, continuâ vel remittente, sed non inflammatoriâ, cum tussi siccâ, dolore lateris pleuritico, lumbricorum excretionem, singulari oris fetore, in infantibus potissimum.

Curatur catharticis & emeticis nec non vermifugis, licet phlebotomia una ob vehementiam febris sit quandoque præmittenda; cathartica tamen mitia sint, julepi ex aquâ portulacæ, decocto graminis canini, infuso seminis fantonici; foliorum tanacetii, oleum amygdalarum &c. cæteris præstant.

3. *Pleurodyne rheumatica* Ballonii; *dolor lateris* epidem. *lib.* 1.

Est dolor qui à rheumatismali materie fovetur, quique stipatur crustâ albâ, crassâ, sed molli supra sanguinem in patellâ effusum. Sanatur ut rheumatismus potissimum phlebotomiâ, & ptisanis sudoriferis: æger in latus affectum jacere non potest.

4. *Pleurodyne flatulenta* Ballonii *epidem.* pag. 7. & 8. 18. 54. *Dolor lateris à flatu* Bianchi *p.* 235.

Est ea species quæ subito partem pectoris corripit & diro dolore excruciat, dein verò subito recedit, nec per plura minuta tolerari posset, quippè præfocat, crampum pectoris merito dice-

res, & reapse Veteres crampum à flatu omnes deduxere; utrum verò flatus in carniū interstitiis geniti id producant, valdè dubium est, potius spasmus incusarem; hic dolor melancholicos, hypochondriacos, studiosos, sæpius à frigore suscepto corripit, pulsus lentus & contractus est, nulla tussis urget, sed oppressio in loco dolente quæ respirationem intercipit. Rarò eatenus durat, ut remedia queant adhiberi præter lintea calida. A potu frigidæ sub noctem, à crudis fructibus excitatur.

5. *Pleurodyne venerea* Ballonii, *lateris dolor epidem.* lib. 1. pag. 8. Moroni Direct. *Gallicus morbus.*

Sunt dolores lateris perpetui, sed qui de nocte urgent magis, nullisque cedunt remediis, præter hydrargyrosim; illi verno tempore recrudescent cum febriculâ.

Similem tamen dolorem noctu recrudescentem memorat Riverius* *obs.* 8. *centur.* 2^a. Dolores erant vagi circa thoracem, qui post primum somnum in quinquagenario recurrebant, tantâ vehementiâ ut nullo decubitu consistere posset, sed surgere cogeretur; Riverius eum dolorem à caco-chyliâ deduxit, & decocto chinæ per quindecim dies, præmissis phlebotomiâ & apozematis eum abstulit.

6. *Pleurodyne hysterica* Vanswieten *comm.* aphor. 633. & 675. *Hypochondriaca Vernæ c.* 11. pag. 87. *de pleuritidis nothæ signis.*

Ea est quæ etiam flatulenta Veteribus dicitur, & quæ hystericas vel hypochondriacos afficit.

Phlebotomia minimè competit, observante Ballonio *epidem. libr.* 1.

7. *Pleurodyne à caco-chyliâ Vernæ cap.* 11. *de pleuritidis nothæ signis* pag. 90.

Ea à cacochyliâ primarum viarum sanguinem inspissante, & pleuram infarciēte procedit, & licet fynochum aut febrem mesentericam comite-
tur, tussi, abdominis tensione, genarum rubore,
dolore ad hypochondria extenso, purgare po-
tius oportet quàm sanguinem mittere. *Vide Hip-
pocratem libr. de diætâ acutor. n°. 12. & libr. præ-
notion. n°. 25.*

8. *Pleurodyne phthisica* Guarinonii, Vernæ
cap. 11. pag. 92. Dodonæi obs. cap. 22. fol. 40.

Ea est pleurodynes species quæ in pulmonis vo-
micâ, empyemate, tuberculo, cum febre miti,
identidem exacerbat, quoties novum tubercu-
lum inflammatur, ita ut tussis acrior, sputa cruen-
ta, pectoris oppressio major accedant, ita ut
venam tundere non rarò necessum sit ad suffoca-
tionem avertendam, deinde narcotica vespere
sunt exhibenda; in illis verò casibus insula cruoris
crustâ albâ, sæpius flavâ tegitur, & serò copioso
subluteo innatat; illa species mitigatur obortâ no-
vâ puris anacatharsi.

9. *Pleurodyne à spasmate* Vanſwieten. *Comment.
in aphor. 675.*

Spasma non est spasmus, sed distractio, divulsio,
qualis accidere solet à vehemēti musculi nisu,
contractione, extensione, ut inter luctandum,
onera gestanda, currendum; illos autem vehe-
mentes nifus sequuntur postridie dolores pectoris
cum sensibilitate partis affectæ, ita ut tactum recu-
set, non secus ac si pars contusa fuisset.

Curatur autem phlebotomiâ, fomentis, humec-
tantibus, linimentis oleosis, intritâ ex ovis frixis;
ea species est ut plurimum sine tussi.

10. *Pleurodyne ex aneurismate* Riverii *prax.
lib. 11. cap. 5. Paræi lib. 6. cap. 18.*

Ab anevrismate aortæ, arteriæve pulmonaris aut auriculæ dolore, quandoque pectoris pulsatione & palpitatione cordis dignoscuntur.

Pleurodyne verò symptomatica observatur in multis morbis, quos vide suo loco, ut dyspnœa, empyema, phthisis, orthopnœa, palpitation, hepatalgia, rachialgia, lumbagines, nephralgia.

11. *Pleurodyne scorbutica.* Vide Lindium de scorbuto pag. 367. *pleuritis scorbutica* Sennert. de scorbuti signis.

Adest tussis cum anacatharsi viscosâ, dolor locum mutat, crescit à tussi; ast progrediente morbo figitur in alterutro latere; tunc vividissimus evadit ad sternum & respirationem prepedi, cum periculo vitæ; si accedat diarrhœa, lethalis est; vesicatoria quæ multis aliis speciebus pleurodynes utiliter parti dolenti applicantur, hic tuta non sunt.

Juvant potus sudorifici ex aceto theriacali, ipsâ theriacâ, spiritu Mindereri, maximè verò repetitus usus aceti scillitici, parvâ copiâ; phlebotomia verò nocet.

Acetum scilliticum præscribitur ad drachmas duas ter in die, cruor extractus omninò dissolutus est, sudor feliciter proritatur sumpto scrupulo semisse nitri & camphoræ, superbibendo infusum salviæ. Vide Bartholini Medicinam Danorum.

12. *Pleurodyne arthritica* Baglivi pag. 43. Stahlii de morbis ætatum, VanSwieten aphor. 875.

Salia volatilia cornu cervi, & narcotica suadentur, nec non synapismi pedibus admoti.

13. *Pleurodyne rachitica* Buchneri de rachitide.

14. *Pleurodyne catarrhalis.* Vide Catarrhum.

Differt à rheumaticâ per coryzam, raucedinem, sternutationem, &c.

15. *Pleurody. e febricosa* Mortoni *de febrib. p. 93.*

Febris intermittens sub larvâ doloris punctorii lateralis. *Vide curationem, & historiam loco citato.*

16. *Pleurodyne miliaris* Allonii *de miliari. Vide pleuritidem.*

17. *Pleurodyne ex abscessu* Willisii.

Vir quidam Monspeliî laborabat à duobus annis dolore lateris cum febre lentâ, tussi ficcâ, decubitu in latus dolens impossibili, demum sub mammâ inter costas apparuit tumor, qui ad pomi aurantii molem excrevit; hoc secto fluxere puris libræ plurimæ, & æger convaleuit, observante Barbeyracio.

Willisius vidit etiam similem morbum ex abscessu inter musculos thoracis.

18. *Pleurodyne ab officulo* W. Giffard *transf. philos. n^o. 395. anno 1726.*

Tussis, dyspnœa, magna inspirandi difficultas, cum sensu ponderis & doloris in latere dextro pectoris, diù defatigaverant ægram, quæ demum peripneumoniâ occubuit. Inventa sunt in pectore officula, quorum unum sex pollices longum, tres latum, costarum dextri lateris periostræo annexum, ubi dolor & pondus.

Multas alias pleurodynes hujusmodi rariores videtis in Boneti *Sepulchreto*, titulo *doloris pectoris.*

XII. *Rheuma*, Rhûme de poitrine; *Raffreddatura* Italis; *Romadizo* Hispanis; *Cattarrhus ad pectus* Capivaccii. *Vide Schneider. lib. 1. cap. 5.*

Est difficultas respirandi aëris quoad frigus &
Tom. II. Pars II.

calorem vicissitudinibus superveniens , tussi , raucedine , sternutatione , coryzâ , doloribus vagis , intumescentiâ partium aëri expositarum , &c. stipata.

Per hanc syndromem distinguitur rheuma ab omnibus aliis pectoris morbis , & à morbis aliis catarrhalibus , ut tussi catarrhali , quia in rheumate pectoris , oppressio & difficultas respirandi sunt præcipua symptomata ; à peripneumoniâ catarrhali , ex eo quod non sit febris inflammatoria.

Veteres ineptè definierunt rheuma & catarrhum , alii per *destillationem* , aut *defluxionem* ; alii per *decubitum* humoris ; cùm illa destillatio foret imaginaria , hypothetica , *decubitus* nomen absurdum , & morbi omnes definiri tantum debeant per phœnomena. Immensa verò disputatio Schneideri de horum verborum significatu integrum librum comprehendens , est opus hominis suâ eruditione , suo otio abutentis.

In rheumate membrana mucosa , quæ vias aëreas pulmonum obducit , levi phlogosi afficitur , tum quia frigore constrictis ejus poris , perspiratio acris & copiosa , quæ ex his continuò exhalare debet , retinetur , & sensibile illud organum irritat ; tum quia frigore coagulata lymphæ , quæ illac fluit , obicem aliqualem ponit lymphæ retro secuturæ , unde congestio , ipsi sanguini per vasa minima circulanti resistens ; natura verò tum tussi repetitâ hoc coagulum resolvere , tum febriculâ excitatâ obicem tollere conatur ; hinc calor qui sensim crescens , diù applicatus oscula excretoria diducit , lympham ad excretionem disponit ; tum demùm fit muci illius viscidus quandoque acris anacatharsis morbum solvens.

MORBORUM, CLASSIS V. 211

Perspirabile quod è pulmonibus quotidie exhalat, ad uncias circiter viginti duas affurgit, experimento Halefii; hoc ergo suppresso, infarciuntur vasa excretoria, secretoria pulmonum, tumet textus cellularis, imminuitur viarum aërearum capacitas; inde verò respirandi difficultas, angustia, dolor.

Cura est potissimum opus naturæ, quæ debito caloris gradu per longum tempus continuato fovet, coquit, & demum resolvit hanc pituitam quâ membrana interna viarum aërearum turgescit; huic Medicus ferens suppetias, præscribit victum parcissimum ex jusculis, panatellis, offis, cremoribus, potum calidum diaphoreticum ex infuso capillorum veneris, florum papaveris rhæados, decocto furfuris cum melle, vel saccharo, vel syrupo capillorum veneris.

Si tussis acris, sicca, dolor vividus, pyrexia, pervigilium, ætas florida sint, phlebotomia utilis est, potus magis emolliens imperandus ex decocto radicum althææ, infuso florum malvæ, violarum, julapia sint ex syrupis de althæa, de violis, & ad somnum conciliandum vespere ex syrupo de nymphæâ, papavere albo, aquâ liliorum.

Si tussis facilior, dolor gravans, pyrexia nulla, sputa viscida, sensibilitas pulmonis minor, sensus frigoris &c. ptisanæ sint diaphoreticæ ex floribus papaveris rhæados, foliis scabiosæ, radice scorzonæræ, addantur deterfiva ut ficus, mel, syrupus de hyssopo, tussilagine, pede cati, erysimo, potentur calidè infusa horum florum, salviæ; jusculis incoquantur cæpæ, porra; noctu grana pauca theriacæ assumantur.

Interea frigus, aura ex rimis illapsa, loquela;
O ij

cantus, vespertinus potissimum ros, fugiantur; morbi omnes catarrhales vesperè intenduntur; proindeque aëris humiditas lucido igne dissipetur, caput & pectus paulò curatius tegantur; perspiratio potissimum capitis cautâ pectinatione, laneis tegminibus, pectoris calor similibus indusiis, foveantur; quæ dum calida sunt & sicca humiditatem combibunt, perspirationi proinde favent; abigenda verò vestimenta & indusia quæ frigori & humiditati auferendis non conducunt, ut pellicea.

XIII. *Hydrothorax*; Hydropisie de poitrine; *hydrothorax* Gorteri *compend. prax. hydrops pectoris* Auctorum; *hydrops pulmonis* Hippocrat. *lib. 2. de morbis.*

Genus est anhelationis seu difficultatis respirandi, quæ crescit pro gradu inclinationis trunci, cum faciei pallore, manuum & pedum phlegmasiâ, subitâ in somno suffocatione, alterutrius brachii stupore, & ægritudine chronica non intermittenti.

Cum dyspnœa ab hydropneumoniâ facilè confunditur, nec distingui solet nisi per eventum infustum in hydrothorace, quandoque faustum in hydropneumoniâ seu œdemate pulmonis. Si tamen aquarum fluctuatio percipiatur, commoto ægri humeris prehensi pectore hydrothorax certius cognoscitur.

Signa ex Hippocrate sunt febris, tussis, respiratio frequens, pedum tumor, unguium contractio, symptomata empyematis, cum majori diuturnitate, minori que intensitate, sonus quasi

ebullientis fluidi in pectore, dein diarrhœa quâ æger aliquandiu sublevatur, sed dein in pejus, ruit; ascites, hydrocele, faciei œdema subsequuntur.

Empyema distinguitur à prægressis signis peripneumoniz vel pleuritidis suppuratæ.

In utroque affectu si latus dextrum aquâ turgeat, æger cogitur decumbere inclinando versus latus oppositum: si utrumque afficiatur, in neutrum latus inclinare potest, quin tussi & dyspnœâ majori, imò si paulò celerius inclinet, cordis palpitatione, tremore corripiatur; tussis ut plurimum sicca est, febricula anomala; cum omnia symptomata hydrothoracis absque effusione feri in thorace quandoque observata sint, malè in ejus morbi definitione reponitur hæc effusio, cum enim ipsa effusio feri est reapse hujus morbi principium morbosum, malè in definitione hujus reponitur, cum nullâ notâ innotescat, & si quâ innotescat, ea nota in definitione reponenda est. Is erat pravus mos Veterum causam in morbi definitione reponere, sic satis ridiculè definiebatur syphilis per intemperiem occultam hepatis hærentem, illiusque sanguinem, ac spiritus nativâ quadam antipathiâ inficientem &c. ut aiebat Varandæus.

1. *Hydrothorax chilosus.* Vide Willisii cap. 13. de hydrope pectoris pag. 113. tom. 2.

Adolescens immodicis deditus exercitiis tandem in thorace velut inflationem quamdam per sensit, ut tumescere pulmonem sinistrum, & cor extra locum protrudi ipsi videretur cum maximâ pulsatione. Deinde quasi vasis ruptionem & feri cuiusdam stillicidium in pectore percepit, quod ab

astantibus audiri potuit, attonitus statim rei novitate, interea, quia aliunde quoad vires, somnum, famem benè se habebat, securus vixit; postmodum à quovis corporis motu fluctuationem in corpore persensit; crescente morbo illustr. Willisius & Lowerus paracenthesim pectoris suaserunt, interventu cauterii inter sextam & septimam costam applicati, postridiè foramini facto canalis inditus est, ex quo statim uncia sex liquoris crassi, albidi, chilosì extractæ sunt, postridiè tantundem, & sic per longum tempus, relictâ cannulâ, æger identidem fluere sinebat humorem deinde serosum, interea vegetus vultu & viribus valens ambulabat; equitabat adolescens, decocto vulnerario utens.

Numne verosimiliter ruptum est quoddam vas chiliferum ex ramis canalis thoracici?

2. *Hydrothorax ab omento Rhodii observ. 24. cent. 2.*

In hoc morbo sunt hydrothoracis vulgaris symptomata, nulla verò effusio in pectoris cavo, sed omentum mole suâ, & convoluzione diaphragma premens & dyspnœam inducens, quæ pro hydrothorace vero imponit.

3. *Hydrothorax vulgaris; Carol. Pison. de morbis à colluvie serosâ, hydrops thoracis pag. 215.*

Vel succedit morbis acutis ut pleuritidi, peripneumoniæve, de quâ varietate infra.

Vel obstructionibus pulmonis, hepatis supervenit, vel ab asthmate, dyspnœæve procedit, verbo à causis morbi chronici, & ista varietas non ita citò ægrum jugulat. Plures observavit Piso, qui per annum unum aut alterum hoc laborabant, & dubium erat inter Medicos, num la-

borarent ephialte, quippe solemne est in hydrothorace circa horam unam aut alteram ab ineunte somno subito expergeferi, & aëris captandi gratiâ fenestram aperire, quæ difficultas respirandi manè remittit, & vespere revertitur; ita ut in noctes suspiriosi, anhelosi, animam agere videantur; ægri ut plurimum præcedente morbo minimè possunt in lecto decumbere, sed in cathedrâ sedent & dormiunt capite paululum ad antica inclinato, pedibus oedematosis, sitibundi.

Cavendum est à fortibus catharticis ne suffocentur; præmissis levibus hydragogis, diuretica adhibenda sunt, qualia sub formâ jusculem ex balneo mariæ paratorum adhiberi solent, potissimum cum facultas ægri est fracta à morbis prægressis, in quo etiam casu vix potest suaderi sectio pectoris, cum viscera sint prius labefactata, nec principio mali obviam ire possibile sit.

Ubi vires integræ, morbus recens, color ægri bonus, nulla labes vetus in visceribus, lateris sectio faustos successus fortiri potest, & laudatur à multis; profunt etiam cauteria tibiis inusta, vel leves, & cutaneæ scarificationes ex suavis Hecquetii, sed curativum præcessum fusè delineatum videtis in curationibus ill. D. Lazerme.

Riverius hydrothoraces aliquot sanavit tum usu calomelanî, tum decocto sudorifico.

Baglivus decocto plantarum aperientium, & oxymelite scillitico inveteratum hydrothoracem abstulit.

Paracenthesim ope acûs tricuspidis maturè instituendam suadent eximii Auctores, modò nulla labes prævia & insanabilis visceribus insideat, inter quos illustrissimi Senacus, Bourdelinus,

Bergeron, Morand, Duverney felices ex hac operatione eventus observarunt.

Signa hydrothoracis juxta eruditum D. Bouillet sunt primaria, difficultas respirandi, difficultas in hoc vel illo situ jacendi, tussis sicca vel humida, pondus supra diaphragma, pulsus depressus, urinæ paucitas, & oedema vel palpebrarum inferiorum vel extremorum: signa secundaria sunt anorexia, vigiliæ, anxietates, syncopes, vox debilis, orthopnoea, urinæ lateritiæ, tumor hypochondrii, cingulum dolens in imo pectore, sputa cruenta &c.

4. *Hydrothorax acutis succedens* D. Varnier. D. M. M. *diar. Med. Octobr. 1757. pag 261.*

Crandalius Nosocomii Velencianarum Medicus plures pleuriticos inter 6. & 11. morbi defunctos disseccuit, inque omnibus hydrothoracem, ac pleuræ cum pulmone adhærentias invenit. Ejus *tract. de morbis pectoris*, Paris. 1739.

Duo fratres circiter novennes syncho levi cum parva pectoris oppressione & tussiculâ, misso bis vel ter sanguine obiere.

Pectus sero limpido plenum repertum est, pulmonibus sanis. Ego verò in infantibus Nosocomii generalis multoties minimè prævisum hydrothoracem inveni, licet cadavera fere calentia exenterassem, unde apud eos rarissimè phlebotomiâ utor.

Signa imminentis hydrothoracis ista proponit D. Varnier. Si pleuriticis, peripneumonicis, catarrhosis, febris valdè remittat, nec sudorifica adhibeantur, aut quod pejus, phlebotomiæ iterentur, si sanguis in patellâ non est sebaceus, sed multo sero circumdatus, si lingua humida,

calor exiguus, tussis parva, sicca, inutilis, oppressio etiam parva, quæ tamen in quovis pectoris motu crescit, continua, sensus fluctûs aquæ pulmonem prementis &c. in his casibus timendus hydrothorax, adhibenda sudorifica somniferis juncta.

In hac specie cum vires non sunt fractæ, nec est ulcus, skirrus, vel suppuratio in visceribus, cathartica hydragoga possunt adhiberi, ut succus iridis, syrupus de rhamno, item optimè conveniunt diuretica, ut succus copiosus cherophylli juxta methodum Geofrœi, decoctum fructuum paliuri, vel semina ad drachmam unam deglutita, juscula aperientia cum millepedibus, acetum scilliticum ad drachmam pluries repetitum, vel ejus radices pauca grana, ut duo vel tria.

5. *Hydrothorax hydatidosus* Carol. Pison. *hydatides pulmonis* pag. 226. *observ.* 53. Lælii à Fonte *consult.* 8.

In adolescente anhelatione sublimi à multis annis laborante cum febre, dein repente suffocato, inventus est hydrothorax in uno tantum latere, & pulmo ejusdem lateris refertus erat vesicis humore pellucido viscoso plenus.

Ideò æger in hydrothorace truncum erigere cogitur ad facilè respirandum, quia in hac positurâ, aqua proprio pondere deprimit magis diaphragma, quàm in alio quocumque situ, adeoque cavitatem pectoris tantumdem ampliat; econtra in situ horizontali pondus aquæ sustinetur à costis & in longum spatium diffusæ aquæ minori ex altitudine ponderant in diaphragmatis ambitum, non verò in centrum, adeoque in eam partem, quæ minus deprimi potest, ergo

capacitas thoracis non ampliatur, & aquæ in pulmonem gravitant, unde oppressio; jam verò si hydatides amplæ, molles, flaccidæ sint, & in thorace pendulæ, eæ debent pari lege gravitare ac si fluidum constituerent, proindeque hydrothoracis phænomena exhibere.

6. *Hydrothorax mediastini* Riverii cent. 1. obs. 60. Columbi anatom. lib. 2. cap. 3. D. Bouillet dissert. 1758.

Morbus est qui conjuncta habet symptomata asthmatis, peripneumonix & palpitationis. Vidua, cujus historiam refert Riverius, intra mensem hoc morbo obiit; initio patiebatur paroxysmum asthmatico similem, tussi magnâ difficultate respirandi, sed cum febre, sputo cruento, faciei rubore, quæ phlebotomia sedabantur, accessit pondus grave in medio pectoris, ardor internus, pungitivus in diversis thoracis locis; intra quatuor dies quatuor phlebotomiæ cum levamine celebrantur, vespere febris crevit, ast in regione cordis violenta percussio instar mallei, seu palpitatio vehemens, pulsus depressus; medicamina antihysterica præscribuntur catamenia copiosa accedentia sublevant, levis alvi fluxus, vomitioque spontanea accedunt, juvant; ægra vigesimo die convalescere videtur, vigesimo nono subito moritur; aperto cadavere, mediastinum fuit plenum sero sanguineo, pulmoque purulentus, ovaria nigra: Ranchinus optimè judicavit initio hujus ægritudinis adfuisse pleuritidem mediastini.

Hydrothoracem mediastini ab hydrothorace pericardii distinguere difficillimum est, in pericardino tamen, si fides Vieussenio, æger sedens

caput ad anteriora inclinat, & ratio est quia in hoc situ diaphragma horizontale evadit, adeòque pressio superincumbentis pericardii fero turgidi est ipsi perpendicularis, proindeque ad illud deprimendum & thoracis cavum ampliandum efficacior, unde levatur difficultas respirandi.

7. *Hydrothorax pleuræ* Frid. Hoffmanni c. 14. de hydrope; Bergeron dissert. de hydrope pectoris.

Est morbus quem censent pendere à collecto fero inter laminae pleuræ & costas, vel diaphragma; sed qui nullis signis certis ante cadaveris sectionem se prodit.

In adolescente sanguineo, minimè abstemio dolor fixus in latere sinistro pectoris, difficultas respirandi, cum tussi, quæ in dies crescebant ita ut asthmatici instar fenestras aperire cogere-tur, accessit oedematia pedis, crurisque sinistri cum hydrocele, pulsus debilis, inæqualis, tussis cruenta, cita mors. Secto cadavere septem circiter feri libræ in latere sinistro pectoris, quas rupta vesica facciformis parti posticæ adhærens continuerat; hæc Hoffmannus.

Dolores punctorii in latere dextro pectoris cum tussi siccâ notabili, febre hæctica, & macie successivâ, post triduum difficultas respirandi crescens à decubitu in latus sinistrum, nullum pondus in diaphragmate, levis tumor dextri lateris, & dolor à pressione inter sextam & septimam costam, crescente admodum anhelatione & debilitate, tricuspide acu in partem dolentem adactâ, quatuor feri libræ eductæ sunt; unde stillante continuo fero sublevatus plures menses supervixit, hæc D. Bergeron, qui sectione cadaveris pleuram à costis in tota lateris dextri longitudine sejunctam invenit.

8. *Hydrothorax pericardii*, *Hydropisie du pericarde*. *Hydrocardia* Hildani *obs.* 19. *Hydrops pericardii* Zacuti Lusitani *centur.* 3. *obs.* 19. Vieussens *Traité du cœur*. Illustrissimi Senac *de corde tom.* 2. *pag.* 361. D. Bouillet *dissert.* 1758.

Signa hydrothoracis simplicis.

1°. Eadem principia prægressa, quæ in hydrothorace pectoris, pallor, palpebræ infimæ, manuumque tumor oedematofus, urina pauca, lateritia, sitis, tussis sicca.

2°. Pulsus juxta ill. Archiatrum duriusculus parvus, inæqualis, intermittens.

3°. Palpitatio cordis cum sensu ponderis, doloris, unctionisve.

4°. Syncopes frequentes maximè erecto capite.

5°. Oppressio pectoris cum decubitu tamen horizontali usquequò in thorace facta fuerit effusio.

6°. Motus pectoris tremulus vel undulatorius inter costam tertiam & quintam conspicuus pulsationi cordis respondens.

Accedit difficultas deglutiendi, tussis, oedema inferiorum artuum crescit, striæ sanguinis expectorantur, summa debilitas, necessitas pulvinarium ad erigendum caput, decubitus supinus, anxietas, orthopnoea, mors; sub finem autem aquæ in pectoris cavum exundant.

Hydrothorax alius est acutus, seu qui intra mensem ægrum trucidat, alius verò chronicus, in quo mitiora sunt symptomata, & juxta observata non pauca æger sedens caput ad anteriora inclinare cogitur.

Vidi hydrocardiam in adolescente prægnante ortum à rheumate pertinacissimo neglecto, re-

cidivo, ægra continuis animi deliquiis per multos dies continuò jacebat supina horizontalis, erecto paulisper capite, animo linquebatur, pulsus erat intermittens, subdurus initio, inæqualis, parvus, cum ægra foret hysteriæ obnoxia, ea non multum terrebant, nec œdematia pedum & tibiærum; interea peperit, & post biduum lochia evanuerunt, œdematia subito increvit cum siti, urinâ paucâ lateritiâ, tunc pulsatio tremula pectoris & palpitatio cordis accessere, syncope frequentiores evasere, pallor maximus, nulla tussis interea, quæ in rheumate tandiù defatigaverat, quæ tamen deinceps accessit fuitque cruenta, tum pulvinaria adhibita sunt; livor sub axillâ apparuit inter costas, difficultas deglutendi, ardor & dolor in regione cordis, nausea, abdomen tumidum, delirium obscurum, dyspnœa major, mors. Cadaveris apertio denegata fuit, an aneurisma cordis vel auriculæ simul adfuerit dubium est.

Pluries inveni hydrothoracem, & hydrocardiam maximè apud infantes cachecticos, sine prægressa difficultate respirandi, sed effusio illa feri in cavum pectoris sæpissimè accidit paulò ante & post mortem; imò quò ferius à morte referatur pectus, eò major est feri copia.

Paracenthesim in hoc morbo suadet illustriss. Archiater, vulgo diuretica, catharticaque adhibentur & semper incassum.

XIV. *Empyema*, Empyeme.

Est difficultas respirandi à pectoris reclinazione crescens, quam præcessit phlegmasia non

resoluta , sed suppurata , & comitatur febris hectica , macies , decubitus in latus sanum difficilis , gravitas supra diaphragma cum plurimis denique hydrothoracis signis.

Principium materiale morbificum est copia puris in cavo thoracis , sive sacco pleuræ , sive mediastini , sive pericardio includatur , sed ut plurimum pus illud in cavo thoracis effusum est , diaphragma premit , respirationem difficilem , & in dies crescente puris copiâ , difficiliorem reddit.

Initio morbi facies minimè pallet in empyemate , at pallet in hydrothorace , latus pectoris affectum sæpè sub finem tumet , remollescit in empyemate ; in quibusdam casibus , anacatharsis datur , purulenta , sæpiùs puris confectionem renovata febris , cum horroribus vagis , paroxysmis vespertinis comitata fuit.

Apostema quo rupto fit collectio puris in cavo thoracis quocumque sequitur , vel 1^o. peripneumoniam , hæmoptysim , rheuma ; vel 2^o. pleuritidem vel paraphrenitim , contusionem , vulnus , vomicam latentem , quæ sine prægressâ inflammatione à steatomate incipit , dein foris , vel intrò crepat , & in hoc casu signa ferè desunt , quibus cognoscatur vomica & dignoscatur empyema subsequens. Puriformem pultem in steatomatis seu vomicis hujus generis produci citra inflammationem haud dubium est.

Si inflammatio pulmonis pleuræ , mediastini , diaphragmatis , pericardiive duravit per viginti dies absque anacatharsi vel metastasi materiæ purulentæ , tunc hîc pus latere certi sumus , maximè si signa suppurationis simul adfuerint ,

rupto apostemate, symptomata sublevantur; dolor, febris minuuntur, remanet tussis, dyspnœa, quæ crescit in dies, decubitus in dorsum erecto sensim magis capite, & pectore, illis est commodus; si latus dextrum pure turgat, illi insident; in opposito, citò tussunt, suffocantur. In corporis circumversione, quandoque fluctuatio puris persentitur, imò strepitus auditur; febricula hæctica, pulsus frequens, rubor genarum, sitis, anorexia, tabes, sudor nocturnus, diarrhœa colliquativa, mors.

Certè distingui debent tanquam tōtidem species empyema thoracis à phlegmasiâ & à vomicâ pulmonis; empyema pleuræ pure intra ejus duplicaturam contento; empyema mediastini; empyema pericardii; verùm non satis adhuc dum provecta est harum specierum historia diagnostica, prognostica, nec specialis curatio. Interea

1. *Empyema à peripneumoniâ* VanSwieten; aphor. 1183.

Designant symptomata peripneumoniæ prægressæ aut pleuritidis cum pectoris gravitate, sputo cruento.

2. *Empyema à vomicâ* VanSwieten aphor. 1183: &c.

Inquirenda sunt^o ulteriùs illius signa.

3. *Empyema pleuræ* Boneti *sepulchret. p. 619. tom. 1.*

Vidi in cadavere pleuritide extincti magnam puris copiam inter pleuram & costas lateris sinistri, minimè effuso pure in cavo pectoris.

4. *Empyema mediastini* Boneti *sepulchr. p. 609. tom. 1.*

Sequitur pleuritidem mediastini suppuratam ,
cujus signa vide suo loco , & curam in *Enchi-
ridio* Riolani.

5. *Empyema diaphragmatis* Bonet. *Sepulchret.*
tom. 1. pag. 619.

Præcessit paraphrenitis , aut pus ex pleura
costas succingente repsit inter diaphragma &
ejus tunicam superiorem , ut mihi videre con-
tigit.

Harum specierum historias videbis in *sepul-
chreto* Boneti *tom. 1. libr. 2.*





CLASSIS SEXTÆ SYNOPSIS.

DEBILITATES.

CARACTER. Impotentia clarè & distinctè sentiendi, appetendi, consuetâ vi artus organave movendi nec non imaginandi, vigilandi, &c.

ORDO I. *DYSÆSTHESIÆ*, impotentia clarè ac distinctè sentiendi.

- I. *CAtaracta*, visus debilitas ob maculam opacam pone pupillam.
- II. *Caligo*, visus debilitas obicibus opacis citra pupillam positis
- III. *Amblyopia*, visus debilitas respectu ad situm, gradum lucis, distantiam objecti, oculis pellucidis.
- IV. *Amaurosis*, visus debilitas absoluta sine ullâ organorum opacitate inassuetâ.
- V. *Anosmia*, odoratus debilitas aut olfaciendi impotentia.
- VI. *Agheusia*, gustus debilitas aut gustandi impotentia.
- VII. *Dyscœa*, auditus debilitas, obicibus extra labyrinthum positis.
- VIII. *Paracusis*, voces articulatæ distinctè audiendi difficultas vel impotentia.
- IX. *Cophosis*, sonos etiam simplices percipiendi vel audiendi difficultas vel impotentia, obice intra vel ultra labyrinthum posito.
- X. *Anæsthesia*, tactus in toto corpore debilitas vel obsecuritas sine stupore, & sopore.

ORDO II. *ANEPITHYMIÆ*, appetituum sensitivorum debilitas notabilis, vel suppressio insolita.

- XI. *Anorexia*, appetitus esculentorum suppressio seu famis feratio.
- XII. *Adipsia*, appetitus potulentorum suppressio seu sitis feratio.
- XIII. *Anaphrodisia*, appetitus venereorum, motuumque ei famulantium, seu libidinis suppressio.

ORDO III. DYSKINESIÆ, aut impotentia motûs ac sæpè sensus in organis libertati subditis ut lingua, larynge, artubus.

XIV. *Mutitas*, voces articulatas edendi impotentia.

XV. *Pfelliismus*, quasdam syllabas pronunciandi impotentia.

XVI. *Paraphonia*, vocem solitam edendi impotentia.

XVII. *Paralysis*, motûs aut tactûs vel utriusque debilitas in artu alterutro cum hujus laxitate.

XVIII. *Hemiplegia*, debilitas motus aut tactus vel utriusque in alterutro corporis latere dextro vel sinistro.

XIX. *Paraplexia*, debilitas motûs ac tactûs in utroque latere corporis, exceptis partibus superioribus.

ORDO IV. LEIPOPSYCHIÆ, motuum, viriumque vitalium debilitas.

XX. *Asthenia*, totius corporis gradaria seu successiva debilitas sensibus integris.

XXI. *Lipothymia*, virium muscularium totius corporis subitanea imminutio, pulsu superstiti.

XXII. *Syncope*, motuum vitalium subitanea debilitas cum frigore, pallore, sensuumque obscuratione.

XXIII. *Asphyxia*, omnium motuum & sensuum apparens cessatio mortem ferè referens.

ORDO V. COMATA, sensûs omnis, appetitûs, motûs liberi, phantasie, memoriæque feriaciones seu morbi soporosi.

XXIV. *Catalepsis*, status soporofus cum artuum flexilitate & ad quosvis novos situs retinendos aptitudine.

XXV. *Extasis*, status soporofus à gravi pathemate subito ortus ægrum in eodem situ quo prehensus est retinens, sine aptitudine cataleptica.


XXVI. *Typhomania*, status soporofus facilè excitabilis cum frequenti miffitatione, seu somnio, & vividitate imaginationis ac memoriæ.

XXVII. *Lethargus*, status soporofus facilè excitabilis cum summo imaginationis & memoriæ torpore, ac febre.

XXVIII. *Cataphora*, status somnolentus facilè excitabilis sine febre, delirio & oblivione.

XXIX. *Carus*, est sopor profundus sine stertore.

XXX. *Apoplexia*, est sopor profundissimus cum stertore, vel sonorâ respiratione.



CLASSIS SEXTA.

DEBILITATES,

SEU

MORBI PARALYTODÆI.

DEBILITAS est vires solitas exerendi impotentia; Græcis *Adynamia* vocatur, ut facultas seu potentia agendi *Dynamis* dicitur.

Ad sanitatem requiritur non actio quæcumque; sed cuique generi animantis, cum adolevit, vigor acticum proprius; qui vigor sub eadem ætate & eodem sexu respondet circiter corporis moli & animæ activitati, seu audaciæ.

Duplex est facultas; alia *animalis*, seu cuius actiones ad animam referuntur, seu sunt animæ meræ modificationes, ut facultas cognoscendi & appetendi; altera ad corporis mutationem refertur, & est facultas motrix aut *loco motiva*.

Facultas cognoscendi seu ideas excitandi est eò fortior, quò sæpius, diutius, tenacius, ideas simul clariores & distinctiores producere potest anima; quò verò ideæ sunt obscuriores, magis confusæ, rariùs, brevius, fugaciusque excitantur, refricantur, eò debilior est facultas & ea animæ actio.

Anima diutius actionibus delassata vires somno & quiete refarcit; somnus verò idem præstat quoad vires animæ, quàm quoad vires motrices,

quas restituit; somnus itaque est tempus quo minimas vires impendit facultas cognoscens & movens, seu quies utriusque; involvit itaque actua-lem debilitatem, eoque majorem, quò somnus est & altior & pacatior, intereadum facultas utraque majores vires recuperat, & ad fortiùs agendum, discussio somno, disponitur. Facultas *appetendi* semper proportionem respondet ideæ bonum repræsentantis vividitati aut acumini, ita ut quò idea boni fortior, eò cupiditas intensior; quò idea mali vehementior, ita ejus aversatio validior.

Ergo debilitas actionum animalium repetenda est ex impotentiâ cognoscendi & appetendi, & ex obscuritate, & confusione tum cognitionis tum appetitus, proindeque ex sopore tum totius, tum artuum & organorum.

Jam intelligitur in amaurosi esse majorem visus debilitatem, quàm in barycoiâ. Ita in anorexiâ datur debilitas facultatis, quæ alimenta appetit, & in anaphrodisiâ, libidinis feratio.

Appetitus determinat motum, nec enim ulla musculi actio fit sine motivo animam ad agendum excitante; motus autem sunt *liberi vel naturales*, prout anima determinatur ad agendum à voluntate, seu, ut aiebant Duretus Dulaurentiusque *cata proairefin*, ex electione; vel determinatur à cupiditate, seu *cata ormen*, ex instinctu. Voluntatem scilicet movet intellectus, seu cognitio distincta, proindeque clara boni vel mali; cupiditatem verò instinctus seu cognitio confusa aut obscura boni vel mali.

Motus muscularis supponit vim impressam ab animâ fluido nerveo sufficientem, hujus fluidi debitam copiam, nervorum permeabilitatem,

musculorum flexilitatem, structuram sanam, artuum nexum, figuram, molem, quales à sapienti architectonico creatæ sunt, ita ut non resistent viribus fluidi neryei ultra quam par est.

Debilitas motûs muscularis pendet itaque vel à debilitate cupiditatis eum determinantis vel à fluidi nervei defectu, nervorum immeabilitate, musculorum & artuum majori resistentiâ.

Cum penes animam sit regimen corporis seu œconomia animalis machine, cujus conservatio- ni seu tutelæ, ac medelæ invigilare amat illud principium movens & cognoscens, illa debet vires suas juxta quasdam leges distribuere, & diversis organis ita erogare, ut urgentiori necessitati occurrat; cum itaque primum sit vivere, nec vita sine cordis & pectoris motu possit servari, cordis & pectoris motibus primum ea prospicere debet continuò & omni tempore quamdiu ad vitales motus sustinendos ipsi penus virium superest. Hinc fit ut cum languent, imò abolentur fermè actiones organorum sine quibus vita sustineri potest, ut artuum, interea motus cordis & respirationis, pro ratâ necessitatis & vigoris superstitis ratione, exerceantur.

Aisthesia Græcis dicitur facultas cognoscendi per organa visûs, auditûs, tactûs, olfactûs, & gustûs, eo fine ut quæ jucunda hisce sensibus videntur, sectari possimus, quæ ingrata removeamus: horum sensuum obscuratio, confusio, debilitas *Dysaisthesia* est; si nulla est cognitio, reminiscentia colorum, sonorum, saporum, odorum, nulla pariter est corporum, quæ ab his repræsentari solent, cupiditas; adeòque *Dysaisthesia* secum inducit sæpius imminutionem aut abolitionem appetitûs horum objectorum. Præcipua

objecta quæ vehementius appetimus sunt objecta famis, sitis, libidinis; horum appetituum debilitas videtur ideò accensenda inter appetituum debilitates, Græcis *Anepithymias*,

Kinetiche dynamis dicitur Græcis loco-motiva facultas, hujus debilitatem *Dykinesiā* vocabimus, & in hoc ordine referemus morbos qui tollunt facultatem artus movendi, qui simul combinati sæpius sunt cum obscuratione sensus & appetitus, à quibus illa facultas ad agendum determinatur; sic anaphrodisia cum atechniā vulgò conjungitur, & amaurosim mydriasis, & imobilitas pupillæ sequitur; & agheusiā mutitas non rarò comitatur. Genera itaque morborum ne frustra multiplicentur, debent quandoque involvere & anæsthesiā & dyskinesiā ejusdem organi.

Graviores sunt morbi qui universi corporis debilitatem important, proindeque à partialibus prius indicatis diversi, quorum alii soporosi sunt, seu feriatiōem sensus omnis, motusque arbitrarii inferunt: alii verò sine sopore totam machinam, imò ipsum cordis motum debilitant; prioribus soporis vel *comatis* nomen tribuimus, posteriores animi deliquiis seu *lipopsychiis* accensemus; quippe docet experientia animam à tanto vitæ periculo perterritam & veluti dejectam ita prosterni ut vitæ regimen desperabunda abjicere videatur, quod in negotiis moralibus, extremis scilicet ærumnis, quandoque facimus; à quibus, defectu spei & animi, attentionem avertimus, cum maximè attendendum, & invigilandum esse suadet ratio.

Lypopsychia, Gallicè *Découragement*, animi debilitatio, est remissio illius facultatis quæ ad la-

borem utcumque improbum viriliter sustinendum nos excitat, illa verò animi abjectionis accidit, vel cum post iteratos conatus successum nullum aut spem frustratam percipimus, vel cum resistentias tantas & improvisas viribus nostris majores fore timemus; seu nostris viribus indubitemus; metus itaque qui obices & mala exaggerat, pusillanimitas quæ diffidentiam suarum virium auget, hanc lypopsychiam inducunt.

Exemplum abjectionis animi à causâ morali nobis exhibet historia ab illustri Nicholls relata, inter bene multas à Berrichio, Pechlino, aliisque traditas. Calista scilicet pulcherrima mulier, cum in adulterio deprehensa fuisset, tanti, tamque excelsi animi erat, ut repudii ignominiam spontaneâ vitæ derelictione commutaret; hæc cum præ dolore & sollicitudine ita febre opprimeretur, ut de morte nemo dubitaret, à nobili marito impetravit promissum ut morienti condonaret; cum autem spe plena, Medici curâ, convalesceret, non dubitans quin suis gratiis, suæque pulchritudine & poenitentia commotus maritus exorari se pateretur, & ipsa domi retineretur, rus abiens maritus ipsi nunciavit se satis egisse, qui, promissâ veniâ, vitam conservaverat & præter repudium nunc nihil velle; ad hæc mulier respondit, *sibi itaque moriendum esse*, & pulsu per gradus concidente, supervenienteque pectoris oppressione intra paucas horas vivere desiit. Nicholls *oratio de animâ Medicâ pag. 17.*

Qui malè intellectâ hominis definitione, quod scilicet sit *animal rationale*, inferunt animam nihil nisi juxta rectæ rationis leges acturam esse, illi mehercule ineptire mihi videntur, quippe nulla est insania, protervia, ineptia, quæ in animam

rationalem non cadat ; homines siquidem non corpore sed animâ sunt obstinati , superbi , iracundi , ultionis cupidi , iniqui , leves , morosi ; hæc vitia non corpori sed animæ à Theologis & jurisperitis imputantur , atqui tamen his pathematis excæcata anima pro bono & malo reali , apparens sumit , errat millenis modis , allucinatur , & contra rectæ rationis leges peccat quotidie ; qui itaque *Animistas* derident quod animæ errores in regimine vitæ tribuant , seipsos ignorare , quid sit anima nescire videntur , & ipsi primi deridendi veniunt. Numquid verbis opus est ut probetur humanæ animæ fragilitas , morositas , protervia , inconstantia , error multiplex ? Si verò in rebus ad intellectum pertinentibus erret , quid mirum si in negotiis vitalibus , seu regimine penetralium corporis sensibus abditorum & instinctui tantum perviorum à rectâ viâ recedat ? » talis profectò
 » videtur anima , quæ hominis corpori præpo-
 » nitur , quæ , si penitus saperet , si rejectis nu-
 » gis & ineptiis , soli corporis conservationi in-
 » vigilaret , venientibus malis occurreret , se-
 » nequitiam diù retardaret , vitamque quatenus
 » ab internis causis tolleretur , in millesimum for-
 » tè annum produceret ; quæ si ab officio deesset
 » moderatrix , non millesima hominum pars
 » unius anni damna & incommoda perferret , ut
 » navis sine rectore procelloso mari jactata inter
 » scopulos. Tali dominæ inservit Medicus , quæ
 » si molliter , si timidè res suas , & segniter ge-
 » rat , Medicis artibus allicienda , excitanda at-
 » que provocanda est. » Nicholls.

Ea sæpè est naturæ infirmitas atque imprudentia ut ab externis rebus perturbata corporis curam vel remittat vel deferat ; ea ait Galenus

*libr. 3. de crisi*bus, cùm à morbo superatur, ne pugnare quidem adversus eum aggreditur: sic cum in abdomine gangrænam resolvere aut prævertere non potest, subito à febrili motu abstinet, & æger, nullo dolore laceffit, torvo tamen atque perturbato vultu, sollicitam animam, atque inevitabili corporis ruinâ, perterritam, indicat, hinc accidit etiam ut pridie mortis fontanellæ, antiqua ulcera, quibus natura se à pravis ichoribus exonerabat, exsiccentur.

Qui debilitatem motûs cordis, soporem, aliaque symptomata funesta semper existimant, nec à remissione spontaneâ facultatis sentientis oriri posse putant, attendant ad sequentia. Mulierem horrendis doloribus in abdomine cruciatam curabam, eò vehementiæ devenerunt illi, ut subito ægra animi deliquium passa sit, & paulò post sui compos facta omninò à dolore immunis evasit absque ullo medicaminis aut evacuationis spontaneæ auxilio, felicem judicavi hanc syncopem instantaneam, quæ tanti doloris finem fecit.

Soporem in variolæ, aphtæ, rubeolæ, miliaris præludio pertimescimus, quia malum malo additum putamus, interea nunquam felicius in pustulas prorumpit materia morbigica, quàm cùm laxatâ per somnum cute, libenter huic veneno paratur exitus.

Symptomata terrifica sunt quandoque naturæ salutis nostræ prospicientis conamina vel artificia, sic ineuntibus variolis, si somno foras extrudi non possit venenum, per vim natura illud ejicere tentat, febre adauctâ & convulsionibus etiam adscitis, atque postridie summo manè eruptio felix est expectanda, observante Sydenhamo.

In negotio partus, fetus maturus semper præ-

234 G E N E R A E T S P E C I E S

sens est, utrumque pondere premit, verum quàm impar foret ea vis ad superandas resistentias! natura, quasi intelligeret fibras uteri sensim distractas sine rupturâ extendi posse, identidem conatus edit, successive vegetiores, atque cùm quod caret alternâ requie, durabile non sit, illa identidem conatus omninò intermittit, ut suas & fetus defatigati vires reficiat, quod somnus interpolatus exsequitur: suspendit itaque, ubi id res postulat, omnem in corpore sensum, auctoque dein ad summum impetu, fetum extrudit, peracto opere, rejectis secundinis, anima rursus somno se recondit, ut suis rebus attentius incumbat, stagnantia dissipet, contusa refarciat. Nicholls p. 26. Anima enim, ut ait Hippocrates, etiam dùm corpus quiescit, vigilat, & habitaculo suo prospiciens cuncta vitæ obit munia.

Nuper & antea pluries observavi in febribus malignis statim à morte abdomen portentose intumescere antequam novæ putredini flatus rarefacienti id adscribi posset, cum frigus mortiferum hanc putredinem subito nedum intendat, potius cohibeat, ergo cum nulla alia hujusce subitæ intumescentiæ sit ratio quàm quod anima non amplius obnititur adversus materie putrescentis expansilitatem, jure infertur quod, durante vitâ, anima, nobis etiam insciis, tonum partium, ut sphincterum, aliorumque muscutorum vim, contractionemque sustinet, quâ cessante, intumescit abdomen, feces è recto elabuntur, mucus sæpè spumofus è bronchiis exundat.

In somno itaque ut ut anima otiosa videatur, non minus illa negotiis vitalibus incumbit, ut cordis & respirationis motibus, quin etiam impressionum externarum satagat, sic sani somno

oppressi sentiunt obscure muscas faciei incumbentes, easque manu abigunt, incommodum situm percipiunt, & commodiori mutant, quin evigilent; sed si interiora corporis gravissimè & periculosissimè lædantur; tunc ea iis solummodò intenta, externas impressiones non curat, nec percipere videtur; hinc sopor apparens.

Verum quidem est quod dormientes etiam gravibus morbis oppressi, licet quandoque somnient de illis quæ cum statu suo affinia sunt, ut plurimum à suo morbo longè aliena, mente revolvunt; unde quis facile concluderet animam regimini vitali non incumbere; sed advertant, quæso, animam consueta munia obire, licet se obire non percipiat, & de aliis cogitet, aliaque negotia tractet; quoties enim accidit cuique, ut dùm consueta ad Deum fundit preces, & labiis pronunciat, tamen de diversissimis rebus meditetur, & se preces fundere non advertat? Ergo nil mirum, si dùm somnio destinatur imaginatio, natura, quæ altera est animæ facultas, operi non animadverso incumbat; quippe ut multa agimus quæ visu, auditu, memoriâ non novimus, ut nictare, deglutire, in somno ambulare, ita facultas motrix independentè à pluribus animæ aliis facultatibus operatur.

Aliæ sunt intermissiones motuum quæ *coactæ* sunt, aliæ verò quæ *spontaneæ*; intermittit motum & sensum anima coacta, cum organum, quo utitur, vitiosè se habet; sic obstructo, resecto, compresso nervo optico, coacta est cœcitas, nervis linguæ resolutis, coacta est mutitas; verùm aliquando spontanea est visûs & tactûs intermissio, ut apud illum Sacerdotem Hypponensem, qui, teste Divo Augustino, omnes

suos sensus pro lubitu suspendebat, & Chiliarco Townschend, qui, teste Cheynæo, omnem sensum & vitalem motum in se pro lubitu supprimebat: plura *vide* in historiâ catalepseos.

Mirum est quod narrant de anaphrodisiâ magicâ, sed quotidianâ observatione firmatum; ita inepta est anima eorum qui hisce vanis maleficorum præstigiis fidem adhibent, ut ex eo quod ob præjudicium, metum, pudorem primâ vice debitum reddere nequiverint, dein id sibi minimè licere & impossibile reputent, atque ex eo maleficiati, frigidi, & reapsè veneri inepti fiant.

Vidi hominem qui præ singulari morositate, aliunde vegetus & sanus, per mensem nullum cibum deglutire voluit, nec hujus anorexiæ unquam ullam rationem protulit; pridie mortis mihi obsequiosus jusculum facilè deglutivit; ast paulò post cum me recessisse putabat, sedens in lecto illud ad sex pedum distantiam ridens, & uno filo evomit, placidèque sequenti die expiravit; quare verò id ageret, & interrogatis nullis unquam responderet, nunquam devinare potui; cerebrum verò firmissimum, & veluti exsiccum, aperto capite deprehendi.

Cùm itaque facultas motrix animæ sit primum virium omnium hominis principium movens, illius adynamia, exhaustio, infirmitas, naturæ à motibus feriatio, pigritia, stupor, non rarò in morbis hujus classis, incusanda sunt.

Deinceps fluidi nervei defectus, exhaustio, ineptitudo inter principia morborum potest accenseri; unde debilitas senilis, convalescentum, longis, vel acutis morbis potissimum evacuatoriis exhaustorum, longo jejuniò, anginâ, vomitu inanitorum; unde etiam debilitas eorum qui me-

phyticos halitus haufere, & qui fubitò, velut fulmine tacti, viribus deftituuntur, ut patet ex hiftoriâ Afphixiæ.

Alterum debilitatis principium eft nervorum immeabilitas, cerebri, medullæ fpinalis obftructio, compreffiove, ut intelligitur ex hiftoriis apoplexiæ, paraplexiæ à cafu, lapfu, luxatione ortæ; demùm in ipfo mufculo movendo vitium hæere poteft, fi obftructus, rigidus, fluido nerveo, vel cruori impervius fit.

Si tamen impotentia movendi non fit præcipuum fymptoma ægritudinis, tunc morbus ad alteram claffem eft referendus. Sic in febribus acutis tum continuis, tum remittentibus, maximè verò in typho & fynocha, in hemitritæis, & tritæophiis, delirio, fomnolentiâ ftipatis, necnon in phlegmafis verfus morbi finem, fumma eft debilitas.

Eft etiam impotentia movendi fymptomatica; ut aiunt, in morbis dolorificis, fracturis, luxationibus, fed ea à dolore ipfo dependet; quippe natura & libertas abftinent à motu, quoties motivum ad agendum debilius eft, quàm detrimentum à motu metuendum.

Auxilia in debilitate requifita funt vel moralia, vel phyfica, vel mechanica.

Moralia funt quæ agunt in animam, ejufque vitiofum ftatum mutant; animam effe omninò mutationis expertem docent Cartefiani; eam verò in continuo ftatûs fui mutandi conatu verfari docent Wolfiani, quibus experientia adftipulatur, licet ignoremus, aut imaginari nequeamus unde pendeat diverfitas ftatûs inter animam mœrore, pudore, poenitentiâ, defiderio proftatam, lætitiâ excitatam: fcimus apprimè non omnes ejus

diversos status à machinæ prævio statu determinari, qui Materialistarum error est; sed partim semetipsam mutare, partim corporearum mutationum occasione, diversimodè affici, sunt verba & voces quibus lenire dolores animæ vel, eam exhilarare, spem ejus erigere, vires addere, stuporem excutere possunt amici, Philosophi: non inanis est mos jubere ut bono animo sint illi, quibus à mœrore impendet syncope; pauper in lectulo suo æger, derelictus, omni solatio destitutus, sæpè ita animo despondet, ut nec cibos appetat, nec è loco ad victum sibi parandum & vitam sustinendam se movere queat, pulsus deficiat, mors impendeat; at si quævis externa impressio, si sonus, tactus eum moneant, præsto adesse manum auxiliatricem, amicum qui ejus misereat, illicò sensus, motus, pulsus redeunt. Sic ad nomen Thysbes oculos jam morte gravatos Pyramus erexit; sic adolescens, cujus historiam narrat Tullius, omni sensu, motuque destitutus, jacebat morti proximus, & mœrore repulsæ ferè exanimatus; sed ad vocem Amasiæ à quâ repulsam passus erat, subitò revivixit. Sic non dudum mulier, cujus maritus ære alieno obrutus effugerat, cum sola domi, apparitores residuam suppellectilem, Magistratûs auctoritate, correpturos cernebat, concidit velut exanimis; recesserunt apparitores, accersitus Chirurgus frustra cardiacis eam servare conatur, phlebotomiam non admittebat pulsus depressus vix conspicuus, nec ullum potum dentes invicem appressi; frigebat misera, cum accersitus accurro; ea vocem meam cognoscit, aureum offero, & statim, spe redditâ, vitales motus redierunt.

Ea sunt itaque auxilia moralia, quorum actio-

nem ex motûs legibus explicare velle superfluum est, forte impossibile, nisi animam cum omnibus antiquis dicas esse principium quo vivimus, sentimus, & loco movemur, penes quod est vitæ & vitalium motuum regimen.

Auxilia mechanica sunt ea quæ frictionibus, percussionibus, gestatione fluorem & motum sanguini fluidoque nerveo conciliant, & sic vires restituunt, & anæsthesiam ab horum fluidorum quiete dependentem tollunt, in quo sensu quandoque phlebotomia quatenus resistantiam cordi oppositam tollit, est reponenda; succussiones etiam corporis vulgò adhibentur.

Auxilia verò physica sunt ea medicamina, quæ principium debilitatis tollunt, analeptica inanitione, cardiaca, cephalica in sanguinis tarditate, spissitudine, organorum atoniâ, stomachica omnia agunt, ut auxilia physica simul, & ut moralia, vel ut mechanica, qui omnes agendi modi ex singulorum morborum curatione patebunt.

ORDO PRIMUS.

DYSAISTHESIÆ,

Pertes de sentiment, ou Foibleffes des sens.

AISTHESIS, seu *aisthetica dynamis* est facultas quâ anima percipit objectorum impressiones sensuum organis illatas, seu *sensus* est; inde *dysaisthesia* intelligitur difficultas, vel impotentia sentiendi.

Duplex est percipiendi modus, alter per *instinctum*, alter per *intellectum*; instinctus brutis

hominique communis comprehendit sensum & phantasiâ, illius actio *sensatio* dicitur; istius verò *imaginatio* nuncupatur.

Sensatio supponit ex parte *materialis* motum impressum fibris nerveis organorum, qui interventu fluidi nervei, seu vaporis electrici nervos pervadentis illicò ad *aistheterium*, seu *sensorium* transferatur: ex parte verò *formalis* supponit animam fortiori ideâ, aut cupiditate non detentam, & quò magis est ab alienis cogitationibus immunis, cæteris paribus, eò vividior sensatio.

Imaginatio supponit vel actualem sensationem, seu impressionem forinsecus accedentem ad sensorium commune, ubi fibræ medullares cerebri in motum aguntur; en novæ ideæ à sensatione diversæ, & phantasmata inde in animâ exsurgunt occasione sensationum externarum; vel absque externis impressionibus, ut in somno, delirioque ab arteriarum pulsu, capitis ictu, feri illapsu moventur fibræ medullares emporii. Demum penes nos est jure libertatis, absque ullâ præviâ corporis mutatione, quasdam ideas mente refricare & imaginari actualia, præterita, vel futura; inde imaginatio anamnesis & prognosis, quæ ultima in brutis *similium eventuum expectatio* dicitur.

Non omnis itaque imaginatio est *passiva*; datur etiam *activa*, quæ à libertate dependet, uti & *anamnesis*, seu reminiscencia, vel memoria; pendet scilicet à nobis, cum benè valemus, pro luitu Romam, Londinum, Cæsarem, Alexandrum imaginari, &c.

Intellectum quod attinet, is est facultas ideas distinctas, universales, abstractas formandi, quæ facultas supponit ideas à sensu & phantasiâ prius acquisitas: ex his sequitur ad dysaisthesiam attinere imminutiones

imminutiones & suppressiones non solum sensuum, ut visus, auditus, tactus, &c. sed etiam imaginationis, memoriæ, & prævisionis, quæ objecta visus, auditus, tactus, &c. nobis repræsentant veluti actualia, præterita, vel futura; atque etiam sequitur quod his quoad maximam partem læsis vel abolitis, intellectus inde suas ideas mutuans multum detrimenti fit passurus; inde summa affinitas inter dysaisthesias, & quasdam vesanias, ut dubium sit an ad has, an ad illas pertineat memoriæ imaginationisque immutatio, seu morosis, & oblivio.

Cum autem suppressâ sensatione & imaginatione supprimatur appetitus, seu nativa bonorum cupiditas, & malorum averfatio saltem sensitiva, dein etiam rationalis, alterum classis ordinem ingrediuntur illæ appetitus imminutiones, ut anorexia, adipfia, anaphrodisia.

Quò organa sunt magis utilia, magisque cognita, eò accuratius eorum morbi à Medicis investigati sunt, & eò major morborum illis insidentium numerus in medium prolatus, ut patet conferenti numerum morborum visus, cum numero morborum olfactus; genera itaque morborum omnia non sunt ita cognita & definita, quin nova in dies assignari queant, imò debeant, ut individuum morborum plenior notitia acquiratur.

I. *Cataracta*, Cataracte; *Glaucosis* Hippocratis; *Hypochisis* Galeni; *Suffusio* Kumphii, Jonstoni; *Glaucoma* quorundam; *Gutta opaca* & *Aqua Arabum*.

Definitur rectè à Boerhaavio visus abolitio, quæ sensibili opacitate pone pupillam conspicuâ stipatur.

Lis fuit inter opthalmographos an in membrana, an in cryftallino ipfo refideret illa opacitas, fed bona definitio ab omni theoriâ & opinione libera effe debet.

Differt cataracta ab *amaurofi* per labem pupillæ conspicuam, feu maculam subrotundam sæpius albam in regione & loco pupillæ; à *caligine*, quod obex visui oppofitus in caligine fit citra pupillam, ut in corneâ, palpebris, &c. cùm in cataractâ lens cryftallina quoad nucleum fuum, aut quoad alterutram capsulæ laminam anticam fcilicet, pofiticamve fit opacata, eaque proinde omnes reflectat, nullos ferè transmittat lucis radios, evidens est nullam objectorum imaginem in retinâ depingi poffe, proindeque visum fuppreffum iri, hujus obicis culpâ, licet optimè fe habeant retina, cæteraque visûs organa.

Lens cryftallina non ita arctè involvitur fuâ capsulâ, quin inter nucleum & capsulam guttula una aut altera humoris viscosi intercedat, cujus interventu, illa capsula figuram mutare potest, & convexior planiorve fieri per actionem coronæ ciliaris, quâ actione cessante, fortè capsulæ elasticitas nititur ad figuram sphæricam lenti cryftallinæ conciliandam, & reapse in extractis cryftallinis cataractosis hæc sphærica figura sæpius observatur.

Opacitas cryftallini rarò accidit subito à causis saltem internis, fed per gradus crescit, verosimile autem est pari passu laxatâ coronâ ciliari, lentem illam in corpus sphæroideum, proindeque magis convexum mutari simul & magis opacum.

Idem itaque accidit in cataractâ recenti, quod oculis trans lentem magis convexam objecta ref-

inspicientibus, illi scilicet non nisi propiora, & ad determinatam non ultra, citrave distantiam posita distinctè cernunt, seu visus in dies decurtatur, præterea quoniam crescit sensim opacitas illa maculæ, quæ initio nebulam repræsentabat in fundo oculi posita, sensim magis albescens corneæ propior, seu minus profunda videbitur ophthalmiatro illam inspicienti, objectum enim idem propius positum videtur quod majorem lucem reflectit; quâ ratione quò majorem lucem reflectit illa macula, eò minorem transmittit ad retinam, ergo successu temporis obscurior evadit in cataractâ visus, & cum non amplius crescit obscuritas, *cataracta matura* dicitur, quo quidem tempore lucem solarem à tenebris ægri distinguunt, sed corporum colores & figuras distinguere nequeunt. Sunt cataractosi, qui initio suffusione, seu muscarum, filorum in aëre suspensorum visione apparenti defatigantur ob vitium retinæ conjunctum; sed hæc suffusio quandoque cataractam minimè comitatur, nec inter ejus indicia reponi debet, errantque illi qui ex suppositis in crySTALLINO striis, vel punctis opacis similes apparentias deducendas esse supponunt, quos meritò deridet Deschales in opticâ; cataractosi illibatâ retinâ gaudentes vident objecta quasi uniformi nebulâ involuta, nulla verò vident objecta distincta, seu certis limitibus circumscripta in aëre volitantia.

Auxilia cataractosis afferenda sunt vel physica vel mechanica, eaque Chirurgica & dioptrica.

Auxilia physica sunt Medicamina intus sumenda quæ lymphæ crassitiem, spissitudinemque dissolvant, tum externa quæ fluxilitatem ipsi concilient, sic juscula & serum lactis, asellorum succo mixta, balneaque repetita plurimum profunt.

Auxilia dioptrica ante operationem Chirurgicam sunt vitra concava, ut plurimum parvi usûs propter opacitatem crescentem, licet indicentur à myopia seu brevitate visûs conjunctâ, post cataractosæ lentis detractiorem, elapsis tribus mensibus non antea, perspicilla, quæ conveniunt, sunt utrinque convexa, foci brevissimi seu aliquot pollices extensi, ut quatuor vel quinque.

Auxilia verò Chirurgica sunt crystallini 1^o. depressio, quæ fit ope acûs apice ancipitis juxta canthum temporalem ad unam à corneâ lineam immissæ pone uveam cujus ope crystallina lens desuper incidatur, & dein & crystallinus & capsula deorsum in imâ vitrei parte recondantur, & longâ quiete per novem dies servatâ, oculis fascia obductis etiam ambobus, detineantur; 2^o. ejusdem crystallini & capsulæ extractio, quæ fit incisa in orbem corneâ ad tres quartas circuli partes, ab imâ parte incipiendo, quod fit ope forficum curvorum præmissâ incisione ex lanceolâ, interea speculo sub palpebris posito fixus detinetur oculus, molliterque facta incisione premitur, atque illicò ferè crystallinus sese obviam offert foramini, aut si cataracta maturitatem non adepta sit, ope auriscalpîi vulgo *curette* foras educitur, dein lacinia capsulæ & flocci mucosi è capsulâ ruptâ elapsi per vices extrahuntur.

In primâ methodo expectandum donec cataracta perfecta, seu matura sit, timendum ne, ut aiunt, crystallinus depressus resurgat aut potius ne capsulæ mucus opacus supersit qui cataractam recidivam inducat; in altera methodo metuumdum ne fortiori pressione oculi, cum aqueo etiam vitreum foras prorumpat, & quod frequentius accidit, ne choroidæa graviter inflammetur, fortè

quia dum crystallina lens foramen pupillæ transit, aut auriscalpio educitur, uvea & corona ciliaris distrahuntur, illa autem ophtalmia per quindecim aut viginti dies perseverat, quâ superatâ, mira suffusio, sed fugax accidit, æger scilicet objecta omnia quasi nive respersa & in medio quasi nigram avem videre sibi videtur. Statim ab utraque operatione collyrium albuminosum, seu ex albumine ovi & aquâ rosarum commixtis oculo debet apponi, sed præterea in ultimâ methodo, re-tussi, vomitione aut sternutamento oculus sectus omnino vitreo suo evacuetur, oculus vinciri debet, saltem per quatuor dies.

1. *Cataracta vera* Maitrejan; *Cataracte vraie* S. Yves *des maladies des yeux* cap. 14. *Glaucoma* Wolhouffii *de cataracta* pag. 30.

Est species hætenus descripta & matura. Dividitur in virgatam, luscata, purulentam, exsiccata, & protuberantem.

2. *Cataracta virgata* S. Yves pag. 288. *Cataracte barrée*.

Est ea in quâ crystallinus opacus est intersectus unâ vel pluribus lineis coloratis quomodocumque dispositis. Rarò hæc varietas crystallinum gerit maturum ut possit acu deprimi, pertusa enim lens crystallina fundit mucum albidum, vel flavum, quo turbatur humor aquosus; unde visus obscurus remanet, nisi spontè resideat ille mucus, aut iteratâ operatione deorsum acu dejiciatur.

3. *Cataracta purulenta* Antonii Maitrejan, *Cataracte purulente, un abcès au cristallin*.

Est ea quæ producitur à crystallino intus suppurato; suppurationem illam præcedit dolor in ipso oculo, cum ophtalmiâ quandoque externâ, & hemicraniâ frontali, accedit nebula crystallini.

facto pure dolor sedatur, crystallinus albescit, inæqualiter tumet licet volumine minori gaudens, effuso pure turbatur humor aqueus, iridis color mutatur, pupilla multum angustatur, visus admodum obscuratur. *Vide ophtalmiam ab Empyemi, & caliginem à myosi.*

4. *Cataracta argyrias* Wolhouffii & Mauchartii.

Est ea in quâ supra crystallinum est tantum exigua macula resplendens instar argenti, quæ creditur à S. Yves fieri à partiali & exiguo abscessu, in superficie crystallini, interea illud punctum album quandoque per totam vitam perseverat & tantum paululum visum obscurat, æger quocumque versat oculum, umbram seu nubeculam objectis affusam videt, ait Maitrejan.

5. *Cataracta clavata* Wolhouffii de *cataracta* pag. 21. *albula & tophus* Veterum. *Perosiæ, calli & clavi* oculorum; an *Grando* Mauchartii.

Est species soli Wolhouffio cognita, quam canibus ad ignem diù assidentibus evenire observavit, & ea fit à fibris albis, quæ veluti clavi è conjunctiva proficiscentes, ubi nodum efformant, in oculum penetrant, & crystallinum veluti perforant, ac colligant.

6. *Cataracta luxata, Cataractæ déplacée* Maitrejan & S. Yves.

Est ea quæ pendet à crystallino opaco, sed à nativâ sede dimoto.

Cognoscitur 1°. à causa, ictu scilicet in oculum, cum cruoris effusione, seu hæmalope. 2°. A pupillæ immobilitate, & magnâ mydriasi. 3°. Crystallino albescente, & uveam quam premit extrorsum trudente. 4°. Exsiccatum dein illa lens & decrescit; tunc verò æger corporum luci & oculo interpositorum umbram cernit.

Hos cryſtallinos attingere inutile cenſet Maitrejan.

7. *Cataraſta à ſynchyſi*, Mauchart. *Cat. viva* Wolhouſii. *Cataraſte branlante* d'Antoine Maitrejan; *ſource & diſſolution du vitré*. *Glaucoma* Heiſteri,

Eſt viſûs abolitio cum maculâ albâ, vel luteâ à cryſtallino opaco & ſimul mobili, ad quemvis capitis motum, cryſtallinum illud mole minuitur, induraturque.

Procedit hoc malum à vitrei diſſolutione in ſerum ſubluteum, putre; præceſſit ophtalmia interna quæ in ſuppuratum abiit, cum diris doloribus, & tunc albescit initio pupilla, quandoque diſſolutio fit putredinosa ſine pure, initio dolet oculi fundus, & pars anterior capitis, dein viſus obſcuratur, vel omninò aufertur; cryſtallinus turbatur, albescit, & flavescit, pupilla dilatatur, iris ſuum colorem nativum amittit, corrugatur, & cum cryſtallino adhærens introrſum vel extrorſum ſeſtitur uvea.

Hæc autem diſſolutio putredinosa, malum eſt inſanabile viſum tollens, ſed nullum aliud damnum oculo inferens.

Wolhouſius hanc ſpeciem tribuit globulis hydrargyri in cryſtallinum deductis pag. 62. vel ſpumæ humoris aquei.

8. *Cataraſta antiglaucoma* Anton. Maitrejan *l'Antiglaucome*.

Differt à glaucomate quod 1°. cryſtallini moles major videatur, quæ minor etiam in glaucomate; 2°. quod pupilla dilatetur; 3°. quod cryſtallinus protuberet, & colorem cornu politi, ſplendentis, referat, licet inæqualis ſit ejus ſuperficies; 4°. quod pupillæ ambitus inæqualitatem cryſtallini referat; 5°. nulla demùm eſt viſio, nulla pu-

pillæ contractilitas; 6°. nullus dolor præcessit; vel comitatur, ut præcedit glaucomatis exortum.

Differt à cataractâ verâ; 1°. quia in cataractâ pars antica capsulæ crystallini dissolvitur, in antiglaucomate induratur & incrassatur; 2°. unde crystallinus major apparet; in glaucomate verò minor est; 3°. crystallinus in glaucomate variegatus profundus, in antiglaucomate coloris puri, ut cornu albidum & protuberans.

Morbus est insanabilis.

9. *Cataracta glaucoma* Anton. Maitrejan & S. Yves. *Le Glaucome* de Maitrejan, non de Wolhouse.

Differt juxta S. Yvesium à verâ, quod glaucoma sit stipitatum amaurosi seu guttâ serenâ.

Est cataracta exsiccata seu cognoscitur 1°. colore subcæruleo seu glauco, vulgò *Verd de mer*; 2°. volumine minori, amissâ diaphaneitate, auctâ duritie, visu penitus ablato, juxta S. Yves; 3°. rarò præcedunt dolores nisi ab ophtalmiâ internâ vel ab ictu cataractæ oriatur, quod frequentissimè fieri putat Saintyves; 4°. pupilla rotunda est & diametri nativæ: at juxta Saintyves adest mydriasis; 5°. visus initio nebulosus est ut in cataractâ, à cæntho tamen majori clariùs videt; 6°. colorem mutat, initio glaucus est, sed dein griseus, perlatus, vel viridescens, flavus, imò luteo nigricans crystallinus. Malum est insanabile, si combinetur cum amaurosi, seu cæcitate à retinæ paralyfi, ut putat Saintyves.

10. *Cataracta membranacea* Wolhouffii. *de cataractâ* 1719. Freitagii *thesis Tiguri* 1721. à tela hist. Acad. Paris. 1718. pag. 18. *cataracta vera* Veterum. *Cataracta membraneosfloccosa* Mauchart. *diff.*

Mucus ex margine pupillæ seu uveræ exudans

apud equos observante Lowero concrefcit quandoque in membranam quæ pupillam obturat. Num in homine talis cataracta membranosa detur, dubium est, licet eximii ophtalmiatri hanc se aliquoties invenisse aut acu depressisse putent.

Signa ejus diagnostica nondum sunt distinctè comperta.

11. *Cataracta secundaria* Hoin *Acad. Chirurg. tom. 27.*

Depresso crystallino cataractoso, nec deterfa capsula crystallini non rarò accidit, maximè si æger incuriâ suâ, vel Chirurghi ophtalmiam internam patiatur, ut pars capsulæ illius quæ adhæret vitreo opacetur & albescat, tum propter ophtalmiam quæ pariter corneam opacare consuevit, cum externa est inflammatio, tum propter mucum ipsi capsulæ adhærentem, & exsiccatum vel collectum, quippe ea cataracta secundaria non accidit cum crystallinus fuit methodo Davielis extractus, & capsula mucò suo deterfa, licet ophtalmia interna sæpius huic operationi superveniat. Similem cataractam secundariam Hilmero examinandam præbui, sed operationem minimè successuram recusavi; color hujus cataractæ est merè nebulosus, situs videtur profundus, sola operatio Davielis quâ auriscalpio detergeretur hæc capsula succedere posse videtur, sed nondum tentata est, quantum scio.

Si operationis Davielis usum respiciamus, cataracta in duas tantum varietates est dividenda, scilicet in *simplices* quæ extractione crystallini sanari possunt, hætenus autem vix quarta pars ab operatione visum distinctum recuperat; & in *complicatas* cum amaurosi, atrophîâ, ophtalmiâ &c. quæ operationem frustra aut minimè, patiuntur.

II. *Caligo*, Obscuriffement de la vûe.

Est morbus ejus præcipuum symptoma est visus imminutio partialis vel totalis propter repagulum opacum citra pupillam oculo inhærens.

In Amblyopia & Amaurofi nulla est opacitas.

In Cataractâ opacitas est ultra pupillam.

Repagula lucem intercipientia in caligine sunt vel vitia contentorum in camerâ anticâ, vel vitia continentium ut corneæ, palpebrarum.

Plura ad visionem distinctam requiruntur, 1°. ut radii ab objecto videndo emissi oculos ad retinam usque pervadant, quod repagula impediunt; 2°. ut coeant apices penicillorum lucis ab eodem puncto objecti proficiscentes in eodem retinæ puncto, non in diversis, nec ultra citrave retinam, ut accidit sæpius in amblyopiâ; 3°. ut ambo oculi conspirent & axes suos opticos ad idem punctum objecti, quod cernitur, dirigant, quod in strabismo fieri nequit, & in pluribus caliginis speciebus difficile est; caligo itaque nocet visioni, & intuitui objectorum; *intuitus* enim est directio amborum axium opticorum versus objectum videndum.

Opacitas est corporum ea dispositio, quâ fit ut vel radios omnes reflectant, unde albissima corpora opaca sunt, vel ut radios absorbeant, & non transmittant, unde corpora ex lamellis seorsim pellucidis conflata, si crassiora sint, vix pelluciditatem suam servant.

Opacitas pendet ab iteratis refractionibus radiorum in diversas plagas, & illæ iteratæ refractiones accidunt quoties moleculæ, vel laminæ quibus conflantur corpora sunt heterogeneæ seu

diversæ gravitatis specificæ, ut ostendit Newtonus.

Cornea eò plures in lamellas dividitur, quò industria anatomici major est, verosimile est fluidum lymphaticum, quo imbuta est, esse ejusdem cum ejus lamellis gravitatis specificæ, si verò actione caloris adaucti paulo rarior evadat illa lymp̃ha, pari passu non rarefcente partē solidā, opacabitur, & eò major erit opacitas quò albidior erit macula, & quò crassities membranæ major.

Qui caligine laborant illi obscuriùs vident in minori luce quàm in majori, nam quò major est claritas lucis, eò major est radiorum lucis numerus, adeòque cùm è majori radiorum corneam ferientium numero major pars subit interiora oculi, quàm cùm minor est numerus, fieri potest ut qui minimè videbat in luce minori, sufficienter videat in majori; adeòque ut caliginosus sit hemeralops seu indigeat luce meridiana ad videndum, & in crepusculo cæcus fiat.

Si macula vel repagulum luci oppositum sit è directo pupillæ, tunc æger tantum objecta lateraliter versus alterutrum canthum oculi posita visurus est; in utroque scilicet cantho magis recedunt limbi palpebrarum quàm supernè & infernè à pupillâ: ergo per hanc rimam radii ad oculum possunt accedere, cùm vix ullus desuper aut inferiùs illabi potest in oculum; si pariter ex alterutro cantho fuerit macula opaca, eò versus dirigì non poterit axis utriusque oculi, ut ad intuitum decentem opus est, unde strabismus orietur.

1. *Caligo à symblepharosi* Mauchart. *dissert.* inter Halleri disputat. *Chirurgicas. Prosphysis* Mauchartii.

Symblepharosis est palpebræ potissimum superioris coalitus cum oculi globo, nocet autem vel visui, vel intuitui; intuitui verò quatenus oculi mobilitatem tollit hæc adhæsiō, unde oculus huc & illuc converti non potest, potissimum nocet symblepharosis visui objectorum diffitorum, quibus cernendis maximè confert palpebræ superioris elevatio, ut docet experientia, cum econtra ad objecta proxima cernenda palpebræ conniveant ut scilicet majorem lucem à proximis objectis reflexam arceant.

Symblepharosis procedit à Græcis verbis *syn* cum, & *blephara* palpebra; ea est vel congenita seu ab ortu, vel acquisita, ut ophtalmiæ, ulceri gravi succedens ob oculum diutius clausum.

Curatur operatione Chirurgicâ ut Anchiloblepharum.

2. *Caligo ab Anchiloblepharo* Heister *Chirurgia.*

Anchiloblepharum est coalitus palpebræ superioris cum inferiori, unde connivent palpebræ & vel omninò vel partim intercipiuntur lucis radii.

Coalitus est vel à lemīs glutinosis, ut accidit in ophtalmiis humidis potissimum palpebris ulcerosis, & tollitur lacte tepido, pulvere absorbente, potissimum tuthiæ.

Vel coalitus est intima concretio palpebrarum inter se, & sæpè cum oculo, qui tollitur ope scalpri peritâ manu ducti, qui parcat potius palpebris quam scleroticæ, dein lamella plumbea tenuissima interponitur, cavendo ne rursus succedat coalitio.

3. *Caligo à blepharoptosi.* Vide S. Yves *ch. 9.*

Ptoſis est lapsus palpebræ superioris, ita ut corneam obumbret; tribuendus est ille lapsus vel

resolutioni musculi palpebram attollentis, & illa ptosis est vel continua, vel intermittens, ista sanata fuit Monspeliî irrigatione aquarum balnearum. *Vide Philosophic. transact. n°. 449. anni 1735.* In continuâ frustranea sunt medicamina exsiccantia, resolventia, ad excisionem cutis deveniendum est ut docet Heister. *Chirurg. cap. 45.* Methodus Bartischii crudelior videtur.

Intermittens nocte qualibet per duodecim horas durabat cum lippitudine; vel lapsus pendet à pacheablepharosi.

4. *Caligo à Pacheablepharosi. Pacheablephara Gorraei. Pachytes Zelleri. Ptilosis Græcis.*

Pacheablepharosis est incrassatio palpebræ à tuberculis, verrucis, & excrescentiis, grandinibus, hordeolis, vel atheromatis limbo palpebræ adnatis.

Si excrescentia interiori, ut mos est, palpebræ superficiei, aut verruca major ejus limbo adnascatur, modò lancinatio & durities nulla sit, quæ canceri suspicionem moveat, ea si petiolata sit, filo vincienda, si exigua, cathæretico absumenda, si seffilis, forficibus refecanda.

Si verò grando, si hordeolum leviter rubens & dolens adsit, illud resolventibus aut suppurantibus est diù fovendum, aut scalpello è suâ cystide avellendus ejus nucleus. Si majusculum sit atheroma, illud est aperiendum, dein capsula levibus corrosivis absumenda cum cautelâ, ne oculus lædatur. *Vide Heisteri Chirurg. cap. 43. & 44.*

Alii tumores palpebrarum pertinent ad ophtalmiam, ad anasarcam, erysipelas, variolam, carcinoma, &c.

5. *Caligo à nephelio. Nuage de la cornée.*

Macula corneæ subpellucida vocatur Latinis ne-

bula, Græcis *Nephelium*, *achlys*, & *ægis* quarum discrimina videtis apud Mauchartium *de maculis corneæ differt*.

Si nebula pendeat à guttulâ aquæ inter corneæ lamellas congesta, ea ope optimi perspicilli distinguui potest, & ope acûs inflicte aqua effundi, ea nebula vocatur *Aquula*.

Si à lymphâ opacata ut accidit post variolam, ophtalmiam, macula illa resolvitur sponte successu temporis, vel ope sacchari pulverati, tuthiæ in pollinem redactæ, addito dein vitrioli pauxillo, vel aquâ feniculi, succo expresso ex anagallide; vino emetico, &c. vel remediis leucomatis.

6. *Caligo à leucomate*, *Tache de la cornée*, *taye*.

Leucoma à *leucos* albus, est macula sæpius albescens & minimè pellucida in cornea, unde differt à Nephelio.

Vocatur *Paralampsis* seu *Margarita* macula albo-cærulea, crassa, opacissima & resplendens.

Albugo est propriè *leucoma* si alba, prominens, coloris cretacei ad margines sæpius inflammata & dolens.

Gerontoxon Mauchartii, seu *arcus senilis* est macula alba vel fusca arcuata in limbo corneæ, senibus familiaris, sed visui vix officiens.

Oule seu cicatrix est macula corneæ ab ejus cicatrice.

Albugo Saintyvesii est species ophtalmiæ.

Glaucosis Aetii est macula alba opaca totius corneæ sine phlogosi.

Differt ab exulceratione defectu excavationis, puris, doloris acris, &c.

Curatio, si sit dolor, calor, siccitas, præmittenda phlebotomia, fomenta emollientia, ano-

dyna, ex croco, albumine ovi, &c.

In leucomatè multâ humiditate stipato laudantur suffumigia ex aloë, myrrhâ, baccis juniperi, prunis injectis, fumo è longinquo ad oculum adducto, dein applicetur unguentum de tuthiâ, cum pauxillo gummi arabici.

Laudat Bidlous lambitionem oculi ope linguæ, feminibus anisi, feniculi, saccharoque prius mastificatis addito vitrioli pauxillo.

Mauchartius suadet vapores ex herbis hisfopi, cherophylli, chelidonii majoris, serpilli, origani, roris marini, baccis juniperi, coffeæ, radice valerianæ, mastiche, camphorâ in aqua, vino, aquâ calcis coctis, aut lavacro ophtalmico, ex horum decocto oculus immergatur.

Collyria ficca fiunt ex saccharo, testâ ovi calcinatâ; osse sepiæ, iride florentinâ, agarico albo, tartaro matularum in pollinem redactis.

Acriora sunt camphora, fel piscium, tauri, axungia viperæ, crocus metallorum, succus chelidonii, oleum buxi, carthæ, linteive cum melle mixta; cavendum à vitriolo puro, æruginè, alumine.

Boerhaavius præscribit repetitam catharsim ex aquilæ albæ & diagridii ana granis sex, cum pulte vorandis ab infante.

7. *Caligo à lupiâ* Saintyves pag. 119. *pladaro-*
tes Mauchartii.

Atheroma, steatoma, Meliceris, &c. sunt lupiæ succo pultaceo, sebaceo, vel melleo farta, quæ non rarò palpebris adnascuntur sine dolore, rubore, periculo, avellanæ aut nucis magnitudine; ast visui aut intuitui nocent, faciemque dedecorant.

Resolventia nil profunt, sola extirpatio sanat

256 GENERA ET SPECIES

præparetur itaque æger phlebotomiâ & catharfi ; dimidia pars cystidis juxta rugarum palpebræ directionem forcice denudetur ; dein hamulo perfossum atheroma ope cultri curvi à viciniis eximatur , radix forcicibus refecetur , curatur deinde vulnus ope digestivi , superimponatur emplastrum diapalma.

Si suppuratio capsulam non omninò auferat , lapide infernali tangatur pars & capsula sensim absumatur.

Lipoma seu excrescentia adiposa cantho temporali juxta glandulam lacrymalem nasci solet , id à pressione recedit , mox revertitur. Curatur excisione , dein vulnus recipit collyrium ex aloë , tuthiâ & saccharo saturni in aquâ rosarum.

8. *Caligo à sarcomate*, Saint Yves cap. 18. *Mures.*

Excrescentia carnea inter palpebram & oculum nascens , lævigata , *sarcoma* est , si sit granulosa & fungosa ac rubra vocatur *morus* , Gallicè *mure* , si sit coloris plumbei , *enchantis*.

Utraque maturè tractata periculo vacat ; duplici verò methodo tollitur *sarcoma* , excisione & causticis ; 1º. tangitur lapide infernali , cavendo ab oculis ; 2º. tumor filo trajicitur sericeo , interventu acûs , ut extirpatio cultro vel forcice fieri possit ; 3º. levia corrosiva vulnere dein admoventur , talis est pulvis ex unâ aluminis usti parte , & octo sacchari partibus ; pulveris hujus semigranum serò & manè radici sarcomatis applicatur.

9. *Caligo à cancro* , S. Yves. Vide ophtalmiam cancrösam.

10. *Caligo ceratocele* , *staphyloma* Gunzii *dissert.*
Ceratocele seu hernia corneæ , est tumor exiguus corneæ

corneæ, ut caput aciculæ, qui rectâ inspectus, in medio pellucidus, sed subobscurus videtur ac subrotundus, obliquè inspectus, opacus est, & anulum opacum suâ peripheriâ refert. Fit ab exesione seu exulceratione puncti in tunica interiori corneæ, unde lamina externa paululum prominet ab aqueo pressa. Curatur vel tonicis astringentibus vel laminâ plumbeâ appressâ.

11. *Caligo ab staphylomate Mauchartii.*

Melon quasi parva bacca, *Myocephalum* quasi caput muscæ, *Elos* quasi clavus vocatur staphyloma pro diversa mole, tumor in corneâ enatus, à prolapsu uveæ intra fistulam vel foramen ipsius corneæ, qui tumor est subrotundus, rubro lividus. Hujus verò existentia negatur à Gunzio qui contendit uveam prolabi non posse eatenus ut foramen illud subire queat.

Illius verò tumoris basis filo vel crine vincitur, usquequo excidat tumor.

Sclerocele admittit Saintyves, seu tumorem conjunctivæ prominentis ab humore aqueo, per rupturam scleroticæ subtus effuso, in parte albâ oculi, unde tumor ejus sphaericus, qui pressione recedit.

12. *Caligo à pterygio. L'Onglet des yeux, le Drapeau.*

Pterygium quasi ala, quibusdam *onyx*, sed malè, necnon *unguis* & *ungula*, est membrana sæpius ex oculi cantho nasali, vel aliunde enascens, & supra corneam sensim se extendens, in quâ vasa sanguifera, nec eminent nec distincta sunt.

Pannus verò dicitur congeries vasorum sanguineorum supra album oculi, ipsamque corneam expansorum, non membranam uniformem, ut in

pterygio efformantium, qui pannus sæpius pterygio observatur & ophtalmiâ initio stipatur.

Utrumque pterygium, scilicet unguis & pannus, sanatâ prius, si sit, ophtalmiâ, absumitur, vel refecatur: huic absumendo confert pulvis ex sacchari drachmâ & vitrioli vel aluminis granis sex, insperge semel in die; vel adhibeantur collyria acria de leucomate indicata, fel squali, anguillæ, oleum chartæ, os sæpiæ, lapis divinus Saintyvesii, succus chelidonii, &c. His incassum tentatis, cautè forficibus refecetur pterygium, dein per quadriduum foveatur oculus aquâ vitæ & fontanâ mixtis, deinde verò collyria ex aquæ rosarum & plantaginis unciâ unâ, matris perlarum scrupulo, sacchari saturni granis sex, & vitrioli albi granis tribus fiant.

13. *Caligo hyposphagma*, Jonstoni *Id Medic. Echymose*, *œil poché*, *meurtrissure de l'œil*. *Hæmalops* Hippocratis. *Hypopyon* Galeni. *Echymoma* aliis. *Sugillatio* Latinis. *Tarsen* Arabum.

Differt ab ophtalmiâ defectu doloris, caloris, inflammationis; cum eâ complicatur initio, si ab ictu procedit, sed quandoque hyposphagma fit à causis internis ut ab scorbutico viru: in quo casu sola antiscorbutica profunt.

Curatur hyposphagma ab ictu, seu contusione
1°. phlebotomiâ repetitâ, dolori, inflammationi, ictus gravitati, symptomatum numero, respondenti, nec non hyrudinibus palpebræ admotis.

2°. Oculo affundatur initio sanguis calens columbæ, pulli, lac croco tinctum calidum, collyrium ex ovi albumine cum aquâ rosarum conquassato.

3°. Deinde sedato dolore vinum calidum, aqua vitæ, feniculi, decoctum foliorum hyssop-

pi, folia parietariæ trita in vino, aqua vulnerariâ, ter in die renovato cataplasmate vel linteo.

Caligo venerea, Quelmate *Panegyris* 1750.

Est cœcitas infantium recens natorum quorum mater gonorrhœâ virulentâ laborabat. Ea caligo est cum atrophîâ oculi atque corneæ obliteratione. Plurimas verò hujus speciei caligines vidit Auctor celebri Taylora oblatas & prorsus insanabiles.

Caligo hypoœma Mauchartii de hypopyo. *Hypochysis hæmatodes* Græcorum. *Hypophthalmia* Galeni.

Est ea species quæ pendet à cruore effuso intra cameras oculi.

Hanc sanavit Mauchartius appositis facculis ex herbis resolventibus in vino coctis, dein cauterio brachio inusto, sed phlebotomia debet antecedere.

Utrum objecta rubro colore tincta videantur valdè dubium est.

Caligo lactea observ. D. Haguenot ill. Medic. Profess. Monspel.

Hypogala est lactis collectio in camera oculi anticâ vel mediâ; observata est in puerperâ cujus lac repressum fuerat.

Huic affinis est illa caligo quæ succedit operationi cataractæ lacteæ, vel purulentæ, quâ materie residente visus restituitur.

In hypopyo & empyesi est pus in alterutrâ vel utraque camerâ, sed ob gravissimos dolores, qui superveniunt, morbus ad ophtalmias referendus videtur.

Caligo à rhytidosi Mauchartii; à defectu humoris aquei Sennerti prax.

Rhytidosis est subsidencia & corrugatio corneæ. Humor aqueus facto corneæ vulnere statim

effluit, sed intra diem reparatur; spontè in fistula continuò effluit, unde flaccescit cornea & undulosa evadit, hinc minùs pellucida. Quandoque non generatur, ut in senectute, & tunc vitium est immedicabile, quandoque exhauritur, ut in tritæphia, causo, aliisque acutis febribus, & tunc sanata febre, caligo evanescit.

Si à siccitate & calore pendeat, curatur fomentis emollientibus, balneo oculi seu lavacro ophthalmico.

Sutor Agathensis subulâ sibi corneam tutudit, unde elapso humore aqueo visus obscuratus est; is votum vovit in templo, cujus parochus Beati, ut aiunt, Parisii pulverem oculo obscurato adpersit, & reparato humore aqueo visus rediit, quam medelam miraculi instar celebravit D. Mongeron.

Caligo ab ectasi Mauchartii, *Hyperauxesis iridis*.

Ectasis seu chalasis Mauchartio est obturatio pupillæ à fungosis appendicibus ad oras ejus enatis. Hoc vitium equis familiare, observante Lowero, illis amblyopiam meridianam seu nyctalopiam causatur, fortè & cataractam membranousam quandoque induxit. Curatur appendicum excisione ope acûs intra corneam adactæ.

Caligo à synisefi Mauchartii, Wolhouffii &c.

Synisefis est plenaria obturatio pupillæ à coalitis uveæ labris, hæc pupillæ imperforatio vel est nativa vel acquisita ut ab hypopyo, empyesi, cataractâ purulentâ, cephalæâ, ophtalmiâ cho-roidæ.

Curatur operatione chirurgicâ à Cheseldenio institutâ; foramen scilicet uveæ cuditur ope acûs trans corneam immissæ.

Caligo à myosi. Vide Amblyopiam & suffusionem.

III. *Amblyopia*, Amblyopie, vûë confuse, foiblesse de la vûë. Ab *opsis* visus & *amblys* hebes, obscurus; *visus debilis* Aetii; *visûs hebetudo* Boerhaavii de *morbis ocularum*.

Amblyopia est genus morbi ejus præcipuum symptoma est debilitas visûs vel absoluta, vel respectiva, sine ulla opacitate corneæ, vel interioris oculi.

Visûs obscuritas & confusio dicitur relativa, cum non in omnibus consuetis distantiiis objecti, ejusque posituris & in luce vulgari, sed tantum in quibusdam videri potest objectum; sic myopes confuse vident objecta diffita, proxima verò distinctè, ergo sunt amblyopes respectu diffitorum.

Visio *clara* est quæ ad objectum totum agnoscendum, & ab aliis distinguendum sufficit; *obscura*, quæ non sufficit.

Visio *distincta* est ea quæ ad objecti partes, & partium particulas agnoscendas & distinguendas sufficit; e contra est *confusa*; sic incipiente cataractâ hanc chartam si quis ita videat ut ab aliâ, aut à tabulâ distinguat, & chartam esse agnoscat, is eam clarè videt, sed si lineamenta nigra huic inscripta non distinguat, aut characteres qui sunt linearum partes & particulas cujusque characteris non agnoscat, nec litteram unam non nisi ratione loci quem occupat, distinguere ab aliâ valeat, is habet visionem claram sed confusam; qui verò & plures & minores tum linearum, tum litterarum partes & particulas cognoscit & distinguit, is visu distincto gaudet, eoque tanto magis.

distincto, quo minores sunt particulæ & major distantia ab oculis particularum quas distinguit, sub minori etiam lumine.

Limites visionis distinctæ sunt quatuor vel quinque pollicum pro objectis vicinis, quatuordecim pedum scilicet pro objectis remotis ejus magnitudinis quam litteræ majusculæ ut plurimum obtinent; quò majora sunt objecta & magis luce collustrata, eò major est distantia ad quam distinctè videri possunt.

Objecta nigra supra fundum album posita, ejus magnitudinis & distantia ab oculis nostris, ut axes optici versus illa directi includant angulum majorem triginta quatuor secundis minutis, cerni possunt, sub minori angulo evanescunt.

Viginti quinque candelæ in tenebris accensæ, & uno pede distantes ab oculo fundunt lucem æque fortem ac lux diurna reflexa seu ad umbram. Pro diversitate verò lucis visus acies est magis vel minùs extensa.

Claritates lucis sunt in ratione duplicatâ inversâ distantiarum, docet experientia. Terminus verò visionis in mediocri luce sequitur rationem subtriplicatam distantiarum lucis v. g. candelæ.

Ergo terminus visionis pro objectis solitariis erit in ratione subsextuplicatâ claritatis objecti. Sic si terminus visionis sit triginta secundorum ad lucem diurnam, ille erit pro quarta parte hujus lucis, 38^{to}. secundorum, pro nonâ parte hujus lucis 43^m. secundorum & sic deinceps. Mayer *Añor. Gottingen. 1754.*

Si verò objecta sint aleata, striata, cancellata, similia sibi invicem proxima, duplò major debet esse numerus secundorum anguli sub quo videtur objectum ut distinguatur, quàm si objecta

sint solitaria, ut punctum nigrum in chartâ albâ, vel album in nigrâ.

Lux mediocris ut diurna ad umbram est aptissima ad videndum; lux enim maxima, ut directa solis, non minùs offuscat visum quam lux debior, ut crepuscularis cum infirmat, vel obscurat.

Hinc patet cur cæteris paribus, distinctiùs videamus objecta mediocriter vicina, ut litteras vulgares ad septem pollices, cùm quò majora sunt objecta, eò ad maiorem distantiam posita illa distinctè videamus, confusè verò minora, imò non videamus, sic punctum nigrum unam quartam lineæ partem in diametro obtinens evanescit ad distantiam pedum duodecim; ast punctum idem, sed cujus diameter sit æqualis duabus tertiis partibus lineæ non evanescit nisi ad distantiam viginti sex pedum...

Quantitas lucis quæ oculum subit, cæteris paribus, est ut amplitudo pupillæ; sed pupilla in magna luce coarctatur, ita ut quandoque diametrum duplò minorem obtineat, seu amplitudinem subquadruplam, ergo non mirum si in magnâ luce quâ pupilla coarctatur, minus clare videamus, quàm intensitas lucis exigere videtur.

Amblyopia differt ab amaurosi ex eo quod in amaurosi omninò amittitur visus & pupilla immobilis evadit, si tamen unus oculus sit sanus, pupilla cæci movetur cum pupillâ sani, ast sano clauso, pupilla cæci omni motu destituitur. Præterea in amblyopiâ relativâ oculus clare & distinctè videt objecta sub certis circumstantiis ut myops proxima, nulla verò in amaurosi.

Amblyopiæ causa est confusio imaginis in retinâ depictæ; confusio verò adest in imagine quoties fasciculi radiorum ex uno puncto objecti venien-

zium non adunantur in retinæ uno, eodemque puncto, sed in diversis; aut plures fasciculi ex diversis objecti punctis radiant simul in unum imaginis punctum, talis est confusio quæ locum habet in myopiâ & presbitiâ.

Confusio etiam oritur ex obscuritate, ut in amblyopiâ, nam cum nulla imago distincta sit nisi sit clara, omnis imago obscura necessario confusa est: obscura est quoties non sufficiens est claritas seu radiorum quantitas propter turbam oculorum, aut non sufficiens eorum vis in retinam propter retinæ sensibilitatem imminutam.

1. *Amblyopia crepuscularis. Visus diurnus* Boerhaavii; Græcis *hemeralopia*; Neotericis *Nyctalopia*.

Ea est in qua visus ad crepuscularem lucem vel matutinam vel vespertinam hebes est & confusa, in eodem loco, ubi ætopes distinctè vident.

Ætopes (vel ætopes) voco ab *aetos* aquila, & *optomai* video, eos qui aquilarum instar distinctè vident proxima, remota, meridie & in crepusculo &c. uno verbo, visus perfectos vel omnium minimè imperfectos.

Gallinæ amblyopiâ crepusculari laborant, unde non nisi magnâ luce, minuta quibus vescuntur grana conspiciunt, & sic ad crepusculum otiosæ dormiunt.

Hoc vitium est planè oppositum amblyopiæ meridianæ, quâ noctuæ omnes laborant; quæ scilicet in mediâ luce cœcutiunt, noctu verò distinctè vident.

Hic morbus duobus ab hinc annis fuit in viciniâ Monspelii epidemicus maximè in oppidis flumini cuidam vicinis, ut juxta flumen quod Sauve, Somedrias, Sanctum Hyppolitum alluit, ubi, potissimum milites noctu sub dio excubias

MORBORUM, CLASSIS VI. 269
agentes in aëre humido, & nebuloso, hemeralopes evadebant.

Cum autem multiplex experientia docuerit eos sanari, quibus per cathartica, emetica, diuretica, vesicatoria, & similia, superfluum serum è massâ sanguineâ evacuabatur, præmissâ unâ aut alterâ phlebotomiâ; verosimillimum est hanc speciem processisse ex sero superfluo in massâ sanguineâ, quod organa visûs specialiter relaxabat, non certè difficile est conceptu quod ab aëre humido & nebuloso, autumnali tempore, perspirabile serum in massâ sanguinis retineatur, sicque exundet; nec cur per evacuantia superius recensita foras eliminetur, adeoque morbus sic sanetur; verùm cur illud serum quædam organa visûs afficiat, potius quàm organa auditûs, tactûs, aliave quæcumque, hoc intellectu arduum est.

Interea ex principiis à me traditis in dissertatione de medicamentorum specificorum actione, cum quælibet corporis humani pars habeat crasim sibi propriam, ut quælibet vervecis pars saporem suum delicatis palatis dignoscendum, ita dantur humores milleni à se invicem quoad crasim diversi, ob combinationes quas in diversis partibus patiuntur: cùm iterùm non omnibus indiscriminatim partibus adhæreant fortiter humores quilibet, sed ille tantùm agat humor in illam partem cui fortius adhæret, seu quocum ratione gravitatis specificæ & figuræ molecularum majorem habet affinitatem, facile conceptu est, cur humor serosus determinatæ crasis ex oculorum ambitu perspirandus, si retentus sit, fortius adhæreat retinæ quàm aliis partibus.

Si in vase simul agitentur & misceantur frustula panni, carnis, ligni, falis, cum aquâ, oleo,

hydrargyro, non singula fluida agent quælibet in ea corpora, sed oleum panno adhærebit fortius, aqua sal dissolveth, aurum ab hydrargyro emollietur, minimè attactum à sale, &c. jam verò cum actiones ejusdem fluidi in diversas partes sint valde diversæ, quippe hydrargyro vix lignum mutatur, nec aurum ab oleo; sic fieri potest ut retinæ filamenta, quæ à propriis humoribus non relaxantur, ab hoc alieno fluido seroso emolliantur; unde fiet ut minus sensibilis sit impressioni objectorum.

Quod autem in retinam potius quam in alias oculi partes agat hæc causa relaxans suadere videtur obscuritas visûs, quæ hanc relaxationem sequitur; quippè cum visûs obscuritas sit ex prædictis in ratione compositâ, ex inversâ sensibilitatis, & inversâ intensitatis lucis conjunctim, evidens est positâ sensibilitate minori retinæ, fore ut obscuritas sit in magnâ luce exigua, & in mediocri, ut crepusculari luce, magna; ita ut æger meridie sat distinctè videat, accedente vespere confusissima & obscurissima fiet visio; quippè debilitas lucis vespertinæ tunc temporis concurrit cum minori retinæ sensibilitate ad obscuritatem visûs augendam. In hoc affectu pupilla est magis dilatata quàm in cætopis; quippe si omnimoda foret insensibilitas retinæ, dilatatio ejus foret maxima; cum verò tantum sit imminuta retinæ sensibilitas, adaucta est pupillæ dilatatio sub meridiem; vespere autem cum lux minuatur, iterum magis dilatatur pupilla, siquidem natura eâ proportionem pupillam dilatât, quâ majori lucis quantitate indiget ut videat; cum autem indigeat in ratione insensibilitatis retinæ, & imminutionis lucis, dilatatio pupillæ utriusque rationem sequitur.

Alias species hujus vel potius varietates commemorant Auctores, in quibus alia phœnomena, imò diversa possunt esse, ut pupillæ angustia, retinæ rigiditas, & similia; verum an accuratè observatæ fuerint dubium est, & satius est eas omittere quàm assignare.

Curatio ex dictis patet; omni ope enitendum est, ut tensio pristina retinæ restituatur, atque in hunc finem, ut serum in eâ exsuperans per venas bibulas reducatur, & derivetur ad colatoria renum, intestinorum, cutis, ad ulcera vesicatoriis pone aures inusta, concurrente victu exsiccante diaphoretico; drastica, emetica, in certis casibus plus detrimenti possunt asferre quàm emolumenti, cum nullum vitæ periculum ex hoc morbo immineat, ex emeticis verò, nisi robusta & inertia subiecta, pituitosa curentur, non rarò metuendum sit.

Hujus morbi varietatem annumerat Boerhaavius, quæ pendet à pupillæ stricturâ immobili; interea dum retina sensibilitate consuetâ gaudet, in statu sano pupillæ apertura respondet reciprocè sensibilitati retinæ, adeoque repugnat pupillam non dilatari eadem proportionem quâ luminis intensitas decrescit; verumtamen fieri potest ut pupillæ apertura propter singularem uveæ insensibilitatem non eam legem sequatur, & tunc temporis vitium cui mederi opus est, seu principium progumenum morbi est rigiditas uveæ, non verò hujus insensibilitas; quare verò hoc asseram ratio est, quia, testante illustrissimo Hallero, si acupungatur uvea, ut vidi in operatione cataractæ, & ut ipse instituit in animalibus, ea minimè movetur, unde facile inferre liceret hanc nullis aut rarissimis filis nerveis ornatam esse. Huic autem speciei nullum remedium novit Boerhaavius, ma-

ximè si, ut fieri solet, ea uveæ rigiditas senibus accidat.

Quod autem addit summus ille Professor de juvene Britanno, qui optimè interdium videbat quandiū sol erat supra horisontem; ast ad ejus occasum nebulas præ oculis videbat, post occasum nihil omninò videbat, ne quidem in cubiculo candelis copiosis illuminato, nec ad lumen lunæ utcumque splendidæ, ad quod pupilla erat immobilis. Hujus phænomeni ratio non est nexus aliquis inter lumen solis, ut Boerhaavius censet, & oculi illius partes, nec vapor nocturnus ascendens, ut Brighius judicat; sed est immanis differentia inter splendorem & activitatem luminis solaris, & vim luminis candelæ & lunæ: luminis solaris vis est ad vim luminis candelæ 16. pedes distantis, observante D. Bouguer, ut 11664. ad 1. & ad lumen lunæ in plenilunio, ut 374000. ad 1. demonstrante D. Euler. *Act. Acad. Berolin. ann. 1750. pag. 299.* non mirum itaque si vis toties major sufficeret ad succutiendam retinam quam tantò minor non afficiebat.

2. *Amblyopia meridiana*; *Nyctalopia* Hippocratis prædiction. L. 2. *Visus nocturnus* Boerhaavii, de morbis oculor. pag. 161. *Vespertina acies* Fel. Plateri; Gallicè *Nyctalopie*, *Vuë de hibou*, de chat, &c.

Qui de die nihil cernunt, sed vesperi & noctu satis acutè vident, ait Hippocrates, illi *Nyctalopes* sunt: duas hujus varietates recenset Boerhaavius.

1°. A nucléo crySTALLINI opaco, pupillâ tamen remanente mobili; hæc vero species fictitia mihi videtur; verum quidem est quod si interdium pupilla coarctetur, nucleusque crySTALLINI sit opa-

eus, visus erit obscurissimus; & si vespere pupilla dilatetur, &, juxta observationem Boerhaavii, ejus diameter tripla diurnæ evadat, adeoque apertura noncupla prioris, tunc sufficiens lux limbum crystallini penetrabit ad visum clarum efficiendum; verum repugnat pupillam ita coarctari etiam in luce meridianâ, cum datur cataracta; quippè quò minus luminis accipiunt cataractosi, eò plus pupillam suam dilatant, docente quotidianâ experientiâ; ergo hæc varietas fictitia videtur.

2°. Varietas est quæ pendet à retinæ summâ sensibilitate, qualis in ophtalmiâ internâ datur, dum uvea solitam retinet mobilitatem, qualis est in pueris; quippe non secus ac in gravi ophtalmia natura claudit ita accuratè palpebras, ut ipse æger, manûs interventu, vix à se possit impetrare ut eas diducat, metu doloris quæra lumen infert; non mirum si dum retina valdè sensibilis est, ut in ophtalmiâ internâ, nihil possit determinare naturam ad pupillam aperiendam; verum quidem est quod accurata pupillæ clausura impossibilis sit, etiam in ophtalmicis, & si vel parum illa pateat, minimus lucis radius in oculo sensibili sufficiet ad visum; unde si hæc species datur, certè rarissima est, nisi accedat altera conditio quam multi equisones, monente eos Rich. Lowero, in equis observarunt; scilicet docent Aët. Londinensis Societatis, equos huic esse obnoxios, & ad marginem uveæ enasci excrescentias fungosas, quæ omninò obturant pupillam, dum sole lucente pupilla coarctatur; nequaquam verò impediunt ne noctu lux sufficiens admittatur; quippe pupilla apud equos, ut apud feles, ita est dilatabilis, ut noctu diametrum cor-

neæ obtineat; hujus verò curatio manum Chirurgi dexterrimi exigit: si verò *phlogosis* sit in oculo, curatur ut ophtalmia.

3. *Amblyopia diffitorum*; *Myopia* vulgò; Gallicè *Vuë courte*, *Myopie*; *Visus juvenum* Plateri.

Myopes sunt qui objecta paululum diffita confusè vident, sed proxima distinctè; dicitur *myopia* quasi *visus muris*.

Myopiæ valdè obnoxii sunt qui minuta tractant, ut Aurifabri, Horogarii, Cœlatores, Pictores in compendio, quibus cornea est valde convexa, seu respectu globi oculi est pars multò minoris sphaeræ.

Causa verò hujus est adunatio radiorum lucis, antequam ad retinam devenerint, seu radiorum coitus pone crystallinum.

Ideo autem pone crystallinum coeunt antequam ad retinam pervenerint; 1º. vel quia vis refractiva aquei & crystallini major est; 2º. vel quia cornea & externa facies crystallini nimis convexa est; vel 3º. quia retina à crystallino remotior; vel 4º. quia objectum est nimis diffitum; vel 5º. quia pupilla est nimis patula; & ut rectius loquar, *myopia* est in ratione composita ex his conditionibus, scilicet vis refractiva aquei & crystallini, distantia crystallini & corneæ à retinâ, distantia objectorum, & demùm aperturæ pupillæ.

1º. Cæteris paribus eò citius adunantur radii, quò vis refractiva corporum pellucidorum oculi major est; sed vis refractiva est in ratione differentia densitatis & oleositatis mediorum: ergo in eadem ratione crescit promptior radiorum adunatio, seu *myopia*; posita eadem mediorum oleositate, vis refractiva est ut densitas aquei,

dùm fit visus in aëre; supponamus v. g. crystallinum & aqueum adipisci densitatem vitri, quoniam ratio refractionis ex aëre in vitrum, est ut 3. ad 2. dùm ex aëre in aquam, est ut 4. ad 3. demonstrant Dioptrici focum in primo casu distare duplo. minùs à superficie refringente quàm in altero: ergo si densitas crystallini, aquei, aut etiam vitrei crescat, vis refractiva major erit, proindeque myops evadet homo intra aërem degens, qui intra aquam dissita distinctè videret.

2^o. Radii paralleli inter se & omnes qui ex objectis remotissimis procedunt, si incidant in corneam magis convexam, obliquiùs incidunt: angulus itaque incidentiæ radiorum cum perpendiculari è centro corneæ ad corneam ductâ major est, sed angulus refractionis est semper in ratione constanti ad angulum incidentiæ; ergo angulus refractionis erit major: sed quò major est sinus anguli refractionis, eò citiùs cum axi optico adunantur radii; ergo quò magis convexa fuerit cornea, eò radii ab objectis dissitis promanantes citiùs pone crystallinum unientur, unde myopia; quod de corneæ convexitate dico, de convexitate crystallini dictum sit, & myopia crescet in ratione convexitatis tùm corneæ, tùm crystallini, ita ut licet cornea non sit solito convexior, sufficit ut alterutra, vel utraque crystallini superficies sit magis solito convexa, ut myopia detur.

3^o. Quò retina est à crystallino & à corneâ remotior, eò longiùs à retinâ, & proximius crystallino sit radiorum adunatio, licet vis refractiva, & convexitas partium oculi sint eadem; in statu verò perfectò tam affabrè sunt proportionata, & accuratè ad leges sublimioris Geo-

metriæ composita hæc organa, ut ne millesimâ lineæ parte retina sit remotior à crystallino, in uno quam in altero homine; verùm si quâvis de causâ mutetur illa proportio, aut distantia relativa crescat, tunc fiet myopia.

Hoc autem multiplici modo fieri potest; 1^o. quidem si ligamentum ciliare contrahatur, adeòque corneæ ligamentum coarctet; inde enim oculus ovalis fiet, qui prius sphaericus, & cornea magis convexa; verùm hoc fieri vix concipitur, cum ligamentum ciliare minimè musculosum sit.

2^o. Si musculi obliqui simul agant, & veluti fascia globum oculi comprimant; inde enim oculi figuram ovalem evasuram existimant multi, quæ sphaerica est exceptâ prominentiâ corneæ.

3^o. Observare est etiam ab exostosi laterum orbitæ, aut alio tumore laterali pressionem illam fieri posse.

4^o. Quò objecta sunt magis distantia, eò radii ab illis promanantes, & in oculum incidentes magis ad parallelismum accedunt; sed radii paralleli cum axi optico citius uniuntur, quàm divergentes, quod experimento facillimo quisque probare potest; si enim candelam nunc admoveat ad lentem vitream, nunc ab eâ removeat, is videbit focum radorum pone lentem recedere quâ proportionem candela aecedit, & accedere quâ recedit. Inde autem facile intelligitur cur myopes confusè videant objecta diffusa, distinctè verò proxima, seu cur ea amblyopia sit relativa ad distantiam objectorum. Cum etenim focus incidat ante retinam, tunc punctum *A.* objecti non depingetur solum in puncto correspondenti *A.* retinæ, sed simul per radios focios divaricatos in singulis punctis maculæ, & sic unum in pluribus locis

locis videtur ; & pariter puncta ejusdem maculæ recipiunt radios ab aliis objecti punctis procedentes ; ergo & diversa objecti puncta in eodem imaginis puncto repræsentantur, unde confusio ; aut objecti ad oculum accedentis focus incidit tandem in retinam, & tunc omnes radii ab uno objecti puncto promanantes in unum imaginis punctum incidunt, quodlibet objecti punctum diversum in diversis retinæ punctis pingitur, unde visus distinctus.

5°. Dénique multis experimentis compertum habeo, quod in lente convexâ prout apertura pupillæ, vel, ut loqui amant Astronomi, diaphragmatis vitrum tegentis, major est, eò focus lentis proximior est, & decrescente pupillæ apertura, focus remotior est, ita ut decrescente illâ apertura secundum progressionem duplam, foci distantia crescat in singulis terminis unâ circiter vigesimâ sui parte ; itaque si pupilla fuerit subdupla prioris distantia foci, sit unâ vigesimâ parte minor ; si subquadrupla, unâ decimâ ; si suboctupla, unâ septimâ circiter ; si subsexdecupla, unâ quintâ parte, &c. Ergò cum pupillæ diameter, juxta assertum Boerhaavii, triplo quandoque major se ipsâ evadat, potest focus unâ decimâ parte removeri, adeòque efficere ut visus sit distinctus, quæ proprietas mirabilis ante La Hirium omnium hominum ingenia incassum torserat : quare verò focus recedat coarctatâ pupillâ, & dilatatâ accedat ad corneam, illud pendet ex eo quod radii in limbum crySTALLINI incidentes, dùm pupilla dilatatur, citius coeunt in axe optico, utpote magis obliqui, quam radii paralleli qui soli admittuntur, dùm pupilla coarctata est, ut docent Dioptrici.

Indicatio curatoria, alia *palliativa*, alia *radicalis*; palliativa causam morbi respicit, radicalis principium. Quodcumque sit principium sæpius ignotum, causa est radiorum, antequam retinam attingant, adunatio. Remedium itaque est retardare illam adunationem, usquequò radii retinam attingant. Docet autem experientia, & dioptrica demonstrat, admoto oculis perspicillo plano concavo, vel utrinque concavo radios ab objectis diffitis procedentes, proindeque sibi mutuò parallelos incidere in oculum à se mutuò divergentes; atqui tunc temporis incidunt eodem modo ac si ab objecto proximo promanarent, in quo casu, docente experientiâ, focus recedit à lente; ergo si proportionatæ concavitatis perspicilla ad debitam ab oculo distantiam adhibeantur, objecti remoti radii in oculum illapsi unientur in ipsâ retinâ, seu objectum diffitum distinctè videbitur.

Principium myopiæ proegumentum est, 1^o. vel convexitas corneæ, vel convexitas alterutrius, vel utriusque superficiei crystallini, quæ postrema vitia nulla sui signa distincta præbent; convexitas verò corneæ, præterquàm quod sæpè confunditur cum oculi prominentiâ, non est signum certum, quandiù ignoratur situs respectivus retinæ; ignoratur verò omnimodè. Ergò ex illis principiis nulla certa indicatio desumi potest, nec proinde certum adhiberi remedium; ut enim possibile tantum est morbum ex his principiis dependere, possibile pariter est ut pendeat ab aliis, quæ diversa, imò quandoque opposita remedia exigunt; ergò in hisce tenebris, cum sit periculum nocendi æquale spei juvandi, satius est nullum remedium adhibere ab hoc principio indicatum.

Alterum principium proegumenum myopiæ est contractio spasmodica, vel etiam contractura muscularum obliquorum oculi; imò juxta quosdam ipsorum rectorum, quos alii obliquorum antagonistas supponunt; verùm meritò dubitatur an myopia constans à tali principio, & an ab altero ex hisce pendeat: fatus verò emollientes; anodynæ vix quidquam præstant; ergò unica spes est in remedio prophylactico: idem dictum esto de opinione illustr. De Chales, Penbertoni, Porterfieldii, & aliorum. Si principia ab his assignata exigant emollientia, laxantia, aliunde metus est ne hisce medicamentis, si quid præstent, ipsa retina relaxetur, adeoque visus inde hebetior evadat; ergò satius est ab his abstinere.

Curatio individualis exigit, 1º. ut gradus morbi accuratè cognitus sit; 2º. ut perspicillum debitæ concavitationis inveniatur huic congruum: solvenda itaque sunt hæc duo problemata, antequam myopi prodesse possimus, nec unquam profuisset ipsi ars medica, nisi opem tulisset dioptrica.

Determinare gradum myopiæ in dato homine.
Quoniam distantia visionis distinctæ apud homines, qui minuta objecta, ut characteres respiciunt, est circiter octo pollicum; eò major est myopia, quò pauciores sunt pollices, ad quos myops legere consuevit; ita ut si legat ad unum pollicem, alter ad duos, prior myops habeat visum breviorē septem pollicibus, & sic deinceps.

Sed ut distantia visus distincti accuratiùs in myope determinetur, prætendat alterutri oculo chartam duobus foraminibus, ex aciculâ factis pertusam, quæ foraminula non distent invicem diametro suæ pupillæ, & trans illa foramina punctum nigrum parieti albo inscriptum respiciat,

chartam, oculumque ipsi conjunctum admovendo, vel removendo usquequò unicum punctum nigrum videat, non geminum; hæc distantia in pollicibus lineisque sumatur; hæc est mensura visus distincti in dato myope v. g. trium pollicum, si fides sit La Hirio.

Determinare diametrum concavitatis perspicilli plano-concavi, vel utrinque æqualiter concavi pro myope dato.

Resolutio. Quærat per experientiam dati myopis quanto intervallo debeat distare objectum v. g. liber ab oculo, ut sine incommodo distinctè liber legi possit ab ipso. Hæc ipsa distantia erit diameter perspicilli plano-concavi, vel semidiameter utrinque concavi oculo myopis applicandi.

Quoniam enim objecta remota radiant per radios parallelos, si perspicillum fuerit plano-concavum, focus virtualis radiorum refractorum distat ab eo, intervallo diametri concavitatis. Si verò fuerit utrinque concavum, idem focus semidiametro concavitatis intervallo distat à perspicillo. Enimverò in priori casu distantia objecti à myope distinctè videndi, diametro ejusdem æqualis est; ergò objectum remotum in casu priore distinctè videtur per perspicillum plano-concavum, in posteriore autem per utrinque concavum.

Objecta remota per radios ad sensum parallelos, vicina per divergentes in oculum radiant; Myopes vicina distinctè, remota non nisi confusè vident; iidem non vident distinctè nisi per radios divergentes, confusè per parallelos. Quare cum lentes tam plano-concavæ quàm utrinque concavæ radios parallelos per refractionem efficiant divergentes, ut perinde sit ac si ab objecto vicino venirent, myopes per cava perspicilla objecta

remota distinctè videre possunt; medetur itaque perspicillum hujusmodi morbo; ergo myopibus conveniunt perspicilla concava, vulgò bicava.

Magis myopi, seu illis qui non distinctè vident, nisi ad minorem distantiam, conveniunt perspicilla minoris diametri, & minus myopi perspicilla majoris diametri; perspicilla enim minoris diametri radios parallelas, adeoque ab objecto remoto advenientes efficiunt magis divergentes, quàm quæ sunt majoris diametri. Quamobrem cum magis myops ad minorem distantiam objecta distinctè videat, adeoque per radios magis divergentes cernat, perspicilla diametri minoris conveniunt magis myopi; per vitra concava objecta minora videntur, quàm oculo nudo, cum radii in oculum incidentes minorem angulum efficiant, quàm qui è vitro refringuntur ad latera; ergo myops ope perspicilli concavi objectum minus videbit, & quò magis perspicillum removebitur ab oculo, vel oculus à perspicillo, eò minora videbit objecta. Wolf. *Dioptric.* 293.

Ut autem inveniatur semidiameter perspicilli dati, seu ut eligatur perspicillum concavo-concavum dato myopi conveniens, illud luci solari in loco aliunde obscuro obvertatur, & per reflectionem foci distantia invenietur. Specillum utrinque æqualiter concavum majoris sphaeræ v. g. semidiametri quinque pollicum æquivalet specillo plano-concavo sphaeræ duplo minoris, nempe diametri quinque pollicum.

Symptomata myopiæ, licet morbus simplicissimus videatur, sunt multa, ita ut ex gestu, vultu, scripturâ, myops ferè cognoscatur; sic myopes non solum quod legunt veluti naso admovent, sed etiam limis oculis spectant, & unico

oculo, si proximior sit charta; sic characteribus minutis gaudent tùm scribendo, tùm legendo, ne caput ad prosequendas lineas continuò moveant, sic exiguâ luce indigent; pupilla enim apud eos est patula: visio illorum est tenebricosa, seu confusa in perspiciendis objectis ultra pedem diffitis, quæ cum sint multò numerosiora quàm vicina, ideò affuescit pupilla huic dilatationi à quâ non potest desuescere. Si myopes per foraminulum chartæ respiciant, illi distinctius vident objecta remota; idem ferè commodum præstat palpebrarum conniventia, unde ut objecta diffita cernant, palpebris connivent, non sine notabili faciei distortionem. Præterea myopes, secum alloquentes non respiciunt, & frustra respicerent cum non possint ex alloquentis oculis, facie, nutu ejus dicta melius capere, ut ætoptæ solent, at quod ex hoc deest intellectui, vindicatur majori attentione, oculis demissis; quia circumstantia non vident, in obvia non visa incurrentes se lædunt; sæpius etiam objecta multiplicata vident, ut videbimus dùm de suffusione, noctu dùm candelas remotas respiciunt, magnam flammam circularem, non conicam videre sibi videntur, & alia quàm multa à myope erudito De Chales recensita.

Verùm inter illa symptomata unum est optimum signum adjudicandum de myopiâ, cum etenim per geminum chartæ foramen candelæ flammam geminam respicit homo, si digitus dextro oculo admoveatur, & dextra imago flammæ evanescat, homo myops est; si verò sinistra, presbyta est.

4. *Amblyopia proximorum*; *Presbytia* aut *Presbyopia* vulgò, à Græco *Presbys* senex, seu *visus senilis* Latinorum; Gallicè, *Vuë longue*; est

illa species visûs quâ proxima confusè, remota verò distinctiùs vident.

Sic mulieres presbytæ ut filum per acum trajiciant, acum & filum ab oculis longè removent, senes etiam libros removent ab oculis ultra octo pollices ut distinctiùs legant.

Hujus theoria ex præcedenti facilis est, causa est serior radiorum ab objectis proximis advenientium adunatio quæ fit ultra retinam.

Principia sunt. 1°. Corneæ & utriusque crystallini faciei, vel alterutrius minor convexitas, ita ut illarum curvatura sit portio majoris sphæræ. 2°. Nimia distantia corneæ, vel crystallini, vel utriusque à retinâ. 3°. Vis refractiva corporum pellucidorum oculi solitè minor. 4°. Objectorum nimia proximitas. 5°. Pupillæ angustia quam Græci *phthisim* vocant.

Singulorum enim & à fortiori omnium conjunctim horum principiorum concursu fit, ut radii ex objectis emanantes proximis tardiùs adveniant, & focum ultra retinam exerant, unde visus distinctus esse non potest; quippè pyramis luminosa refecatur à retinâ radiis nondum in apicem constrictatis; ergò quodlibet objecti punctum depingit maculam in retinâ non secus ac apud myopes, eo solo discrimine quod macula fit à radiis nondum coalitis, & apud myopes jam coalitis & iterum expansis.

Magis presbytæ ad trium pedum distantiam minuta objecta distinctè vident, dum proximiora confusè: minùs presbitæ ad pedis distantiam libros legendos removent, aut saltem ultra octo pollices. Si ultra distantiam sui visûs distincti sint posita objecta, ea presbytæ non distinguunt, quia non sufficit ad objecta distinctè videnda, ut radii

ex illis emissi exactè uniantur in retinâ, quod apud presbytas accidit objectis etiam valdè remotis, sed requiritur ut quantitas radiorum ex objecto promanantium sit tantò major quò retinæ sensibilitas minor est; verum apud senes retinæ sensibilitas paulò minor est quam apud juvenes, & si objecta sint ulteriùs dissita minorem radiorum numerum dimittunt in oculum, ergò non sufficientem ad visionem claram. Radii qui ex objectis in datam superficiem irradiant, eò pauciores sunt, quò distantiae objecti quadratum majus est. Sic à duobus tribusve pedibus, quater, novies pauciores emittuntur quàm ab uno pede. Sic à quatuor pedibus idem objectum mittit ferè dimidio minorem radiorum numerum, quàm à tribus pedibus distantiae.

Si presbyopiæ prîncipiûm fuerit pupillæ angustia, quod frequens est, eò minorem radiorum copiam ab objectis accipiunt, quò quadratum diametri pupillæ minus est; ita ut si diameter pupillæ sit duplò minor & simul distantia objecti duplò major, numerus radiorum ingredientium pupillam sit sex decies minor. Coguntur ideò objecta ad certam distantiam non ultra remove, ne visio obscurior evadat, non citra, ne radii magis ultra retinam coeant, adeòque confusiùs videant. Presbytæ siquidem vident tantùm per radios parallelos aut convergentes in corneam immissos, minimè per divergentes; verùm quò objectum proximius est oculo, eò magis fiunt divergentes radii simul ac copiosi, ex eo quod radii ab objectis proximis copiosius intrent oculum, quàm à remotis: non ideò, saltem in eadem proportionem crescit claritas imaginis, quippè quâ proportionem objectum proximius est, eâ imago per retinæ for-

nicem diffusa amplior evadit; ergo eò sunt plures partes illuminandæ, verùm non exinde singula puncta magis illuminantur, intereà ex eo quod objectum sit proximius, magis ultra retinam removetur focus, ergò magis confusa evadit visio.

Presbytæ itaque ut distinctè videant objecta indigent magnâ luce, econtra myopes exiguâ luce indigent ut legant; presbytæ siquidem habent retinam magis rigidam ab ætate, pupillam angustiores, objecta remotiora, quæ omnia visionis claritatem minuunt; ergo illi defectus, majori objecti splendore, aut illuminatione, debent compensari.

Si presbytæ aliquod objectum valdè lucidum v. g. flammam candelæ trans foramen chartæ inspiciant, illud ipsis videbitur adauctum, vel uti capillitio radians & subrotundum. Etenim illud objectum repræsentatur in retinâ per maculam ampliorem quam foret imago, si focus caderet præcisè in retinam; ergò debet objectum ampliatum videri; prætereà ut objecta splendentia v. g. alba, in fundo obscuro ampliora videntur quam nigra in fundo albo, ut docet experientia, cùm objectum supponatur splendidum; & oculus sit camera obscura, eâ iterùm ratione ampliatum videbitur.

Jam verò ex radiis objectum illud delineantibus illi qui ad limbum crySTALLINI incidunt, paulò minus remotum habent focum, quàm qui axi optico sunt paralleli; ergo paulo vividius objectum in medio maculæ delineant, cæteri proinde confusius videntur, adeoque veluti coronam dilutionem referunt, quâ objectum circumdatur.

Curatio. Presbytis conveniunt perspicilla concava; presbytæ enim remota distinctè, vicina

confusè vident; quamobrem cum lentes convexæ radios à puncto vicino advenientes ita refringant, ac si è puncto longinquo emanarent, presbytis specilla convexa conveniunt. Pari verò ratione magis presbytas juvant perspicilla magis convexa, seu quorum convexitas est portio minoris sphaeræ.

Presbytae individuo invenire perspicillum conveniens, seu diametrum convexitatis perspicilli ipsi convenientis. Inquiratur distantia ad quam præsymta individuum objectum v. g. characteres libri, absque defatigatione legere aut distinctè videre consuevit; sit ea, v. g. viginti quatuor pollicum, distantia verò vulgaris ad quam ætophta distinctè vident, sed presbytae confusè sit octo pollicum; differentia harum distantiarum est sexdecim pollicum; instituaturs proportio ut 16. ad 8. ita eadem distantia octo ad quartum terminum, qui erit quatuor pollicum, & ille quartus terminus additus distantia visionis distinctæ ætophtarum, seu 8. facit 12. quod significat perspicillum presbytae conveniens illud esse eligendum utrinque æqualiter convexum, cuius semidiameter sit duodecim pollicum, vel plano-concavum, cuius diameter sit 12. pollicum.

Etenim si presbyta distinctè videre potest objectum octo pollices distans, ita inflectendus est radius vi refractionis in perspicillo, ac si è viginti quatuor pollicum distantia procederet, qui terminus est suæ visionis distinctæ, ergo (ex Dioptr. Wolf. 493.) convenit huic presbytae perspicillum utrinque convexum, cuius semidiameter sit duodecim pollicum, quo ut par est inflectentur radii; si quis fuerit magis presbyta, seu non videat distinctè, nisi ad maiorem distantiam v. g.

tres pedes, illi conveniunt perspicilla minoris diametri v. g. decem pollicum & trium linearum, si plano-convexum, aut semidiametri, si biconvexum.

Si verò ut quandoque accidit, presbyopia à vitio conspicuo oculi, eoque recenti ortum ducat, tunc auxilia etiam ad curationem radicalem, ex præcedenti theoriâ possunt indicari.

5. *Amblyopia luscorum. Lusciositas, vel Luscitas Boerhaavii, Gallicè Vue louche.*

Lusci dicuntur qui objecta è directo oculis obversa confusè, obliquè verò oculis oblata distinctè vident.

In praxi confunditur vulgò *luscitas* cum *strabismo*; ast strabones uno oculo vident distinctè objectum è directo oculis oblatum; lusci verò ad alterutrum latus inclinant faciem & oculum ipsum, quo respiciunt, ut objectum distinctiùs videant; *visus* dicitur *rectus*, cum linea ab objecto in faciem respicientis protensa, est perpendicularis plano ambas pupillas conjungenti, secus *visus* est *obliquus*; objectum visuri semper faciem ita versus illud convertimus, ut visus sit rectus, simulque oculos ambos ita dirigimus, ut incidant axes optici in medium objecti. Luscus verò dùm objectum respicit quod est v. g. ad dextram, oculum & faciem convertit ad sinistram. Strabo oculum quidem unum & faciem convertit ad objectum quod intuetur, sed non alterum oculum, qui huc vel illuc vagatur.

Visus rectus est clarior lusco, quia in visu recto major ingreditur pupillam radiorum numerus quàm in visu obliquo, ut patet ex Geometriâ. Nec non est distinctior visus rectus, quia facilius per radios æque perpendiculares judicabitur de objecti dis-

tantia & magnitudine, quàm per obliquos ut P. DeChales geometricè demonstrat *Optic. prop. 27.* adde quod in statu sano polus opticus, seu locus retinæ directè pupillæ oppositus, gaudet pluribus filis nerveis, & sensu exquisitiori quàm ejus latera, & demùm radii obliquè in pupillam illapsi focum habent magis diffusum in lateribus retinæ, quam qui in polum opticum rectè perveniunt.

Inde fit ut librum legendo, oculis quæque vocabula percurramus, distinctiùs enim videmus quæ sunt è directo oculis oblata, confusiùs verò quæ obliquè posita.

Luscitas ergò accidit vel 1^o. quia obliquè posita est pupilla, ita ut radios obliquos plures accipiat quàm directos. 2^o. Vel quia alterata est convexitas corneæ, aut ejus pelluciditas ita ut radii plures è latere alterutro admittantur, quam si directè accederent. 3^o. Vel quia obliquè locatus est crySTALLINUS, ejusque axis non idem est cum axi oculi. 4^o. Vel demùm quia polus sensibilitate nativâ destitutus est, unde cogimur aliorum dirigere visum, ut acutiùs cernamus.

Hisce principiis luscitatis originem præbent quandoque anchyloblepharum, seu palpebrarum partialis adhæsiō, synechia ac transversa pupillæ positio, quibus sola chirurgia mederi potest; strabismi variæ species sæpè cum luscitate combinantur; si à leucomate pupillæ partem tegente, à panno vel pterygio corneam hinc vel inde opacante fiat, auxilia his affectibus propria sunt adhibenda.

Si luscitas à strabismo pendeat utendum est vel 1^o. Perspicillis quorum vitra inæqualem habeant latitudinem, vitrum angustius oculo straboni est offerendum. 2^o. Si strabismus pendeat ex eo quod

alteruter oculus sit debiliior, vitrum fortius refringens oculo debili respondeat. 3°. Si à musculorum vitio conspiciilla vulgò dicta *Besieles*, *masques à louchette*, sunt usurpanda.

6. *Amblyopia absoluta*. *Amblyosmos* Hippocratis. *Amblytes* Aretæi. *Visus obtusus* Boerhaavii pag. 171. *visus confusus* ejusdem pag. 179. Gallicè *Vûë basse*, *foiblesse de vûë*, *mauvaise vûë*.

Myopes, presbytæ, cæterique Amblyopes supra memorati, in quadam objecti distantia vel positurâ distinctè vident, & eorum visus non est nisi relativè ad alias distantias, horas, posituras confusus; ista verò species absolutam in quovis loco, tempore, situ visus hebetudinem importat. Myopes, præsbytæ, &c. cum acutè cernant perspicillis tutò carere possunt, sed amblyopes absoluti non possunt.

Pendere videtur à retinæ minori sensibilitate qualis ferè omnibus hominibus post quinquagesimum annum accidit ac senescendo increfcit, maxime illis qui minuta opera tractant, noctu scribunt, oculis suis abutuntur. Illis Horopter seu terminus visionis distinctæ in dies decurtatur duobus, tribusve pollicibus intra quodlibet decennium, illis objecta attentè considerata confusa apparent, characteres librorum duplicari, moveri, decussari videntur; oculi defatigati identidem fricantur, clauduntur; objecta ab oculis removentur ut in presbytia, maxime si operationem cataractæ passi fuerint ægri. Pupilla, seu ut rectius loquar, uvea vix mobilis est, factò à tenebris ad lucem transitu subitaneo; quod signum est imminuti retinæ sensus.

In hoc morbo, quem plebs repetitis phlebotomiis, mulieres frequenti puerperio, pauci verò

ætati ingravescenti tribuunt, vana à variis proponuntur remedia, sibi invicem contraria; alii enim ocularii Medici spirituosâ resolventia laudant, alii meram aquam frigidulam extollunt, & ab spirituosâ retinam ulterius exsiccari contendunt. Usus verò perspicillorum, nemine contradicente, necessarius est. Perspicilla verò utrinque convexa seu biconvexa conveniunt, cum enim horum ope collecti radii fortius retinam afficiant, inde claritas visui restituitur, & cum ea distinctio, quæ sola commoda à perspicillis sunt expectanda.

Potissimæ regulæ in eligendis perspicillis sunt. 1^o. Ut vitra sint ad uniformem curvaturam elaborata, pura, perpolita. 2^o. Ut focus amblyopi convenientem habeant. Quæ focus habent brevior *seniora*, quæ longiorem *juniore* dicuntur, quæ longissimum ut 4 5. 6. pedum, *conservæ* Quæ verò brevissimum ut 4. 3. pollicum, *cataractæ*, Gallicè *loupes*, *biloupes* nominantur.

Focus seu distantia ad quam radii post duplicem refractionem uniuntur in biconvexis est semidiameter convexitatis. Detegitur autem si vitrum forâmini pollicati cameræ obscuræ applicetur, & chartâ excipiat imago objectorum externorum; ubi imago fuerit distinctissima, ibi focus est. Inde ad vitrum distantia pedibus, pollicibus, lineis expressa vulgò dicitur *focus*, rectius *distantia foci*.

Horopter, seu terminus visionis distinctæ, est minima distantia ab oculo ad objectum ubi distinctè videtur. Ea distantia eò major est, quò objectum majus & lumen intensius. Vulgò horopter sumitur pro distantia assueta inter oculum & characteres quos scribere solemus, & ea apud œtopias est circiter octo pollicum; sed horopter pro majoribus objectis, ut hominum facie distinguenda est aliquot pedum.

Qui assuescunt perspicillis senioribus, seu brevioris foci, illi quolibet decennio coguntur sensim seniores adhibere, quod valdè incommodum est, quippè visus tantò magis deeuratur; scilicet qui conservis utuntur v. g. sex pedum, illi optimè legunt in distantiis inter octo pollices, & sex pedes mediis; qui verò utuntur perspicillis sex pollicum, illi ultra sex pollices positos characteres distinguere nequeunt, nisi multò majores.

Hinc emanat summi momenti regula, ut scilicet perspicilla juniora primùm adhibeamus, seu conservas, & non nisi coacti ac sensim ad seniores transeamus. Perspicillis nondum assueti debent plura experiri, & illis uti; 1°. quæ objecta clara & distincta exhibent, non verò quæ ea sensibilibus adaugent, si biconvexa, vel minuunt, si biconcava myopibus necessaria; 2°. quæ visum minimè defatigant.

Præter perspicilla, vel *nasalia*, quæ commodiora, vel *manualia* (*monocles* dicta) amblyopes utiliter adhibent *tubos Hollandicos*, vulgò *Lunettes d'Opera*, ex objectivo biconvexo, & oculari biconcavo minoris diametri confecta; sed tubus sit brevior pro myope, longior pro presbytâ; omnes æqualiter oculi ab hisce tubis juvantur, cum objecta clariora, distinctiora exhibeant.

7. *Amblyopia hydrophthalmica; Hydrophthalmia; Mydriasis* quibusdam; *Hydropisie de l'œil*; est ea quæ cum oculi solito majori protuberantiâ conjungitur. Initio visus est myops, seu objecta proxima satis benè videntur, confusè verò remota; in progressu verò morbi omnia obscurè cernuntur.

Volumen oculi majus, turgida tensio, cornæ prominentia, iris profundius latet, pupilla est

immobilis, aliquando amplior, aliquando verò angustior; visus initio bonus aut myops, deinde obscurior, ut in amblyopiâ absolutâ, sæpè cornea obnubilatur, aqueus humor turbatur, accedit quibusdam dolor perpetuus, tensivus circa frontem cum hemicraniâ ejusdem lateris, stupore dimidiæ partis faciei, ejusque emphysemate; concurrunt etiam odontalgia, agrypnia, exophthalmia, epiphora, ectropium.

Si moles vitrei tantum increverit, vitreum in limbo crystallini extubérat, & strabismus errantem facit, visus imminuitur, bulbus induratur, obtusè dolet, accidit sæpè synchysis, seu confusio omnium contentorum in oculo; sed pupilla minùs est profunda, quam si aqueus humor exsuperet.

Principium est major affluxus humoris aquei, vel vitrei, quàm est resorptio, & corneæ, ac scleroticæ contractilitas.

Indicationes curativæ sunt, 1°. ut fluidi congestio avertatur vesicatoriis, setaceis; catharticis, diureticis humor maturè foras educatur paracenthesi oculi, acu in corneam, vel albugineam immisâ; 2°. Bulbi contractilitas augenda tonicis, sacculis aromaticis.

Accidit hic morbus melancholicis, à suppressâ quâdam evacuatione, gravidis etiam, & aliquot menses durat, dein sæpè spontè sanatur.

Distinguitur ab exophthalmiâ, de quâ vide ophthalmiam.



IV. *Amaurosis*, Goute serene; *Gutta serena* Arabum; *Cataracta nigra* Germanorum; *Offuscatio* Cornarii in Aetium; *Cæcitas* Moroni *Director. Amblyopia* Rumphii, *Compend. Medic.*

Est morbus cujus præcipuum symptoma est visus suppressio, & pupillæ immobilitas sine sensibili oculorum opacitate.

Dicitur ab *Amauros*, obscurus; *Gutta*, quia à destillatione lymphæ oriri putabant; *serena*, quia non obnubilat oculum, ut cataracta, & sæpe caligo.

Ab amblyopiâ absolutâ differt per integram visus suppressionem; si visus nullatenus revocari possit, *abolitus* meritò dicitur; secus, *suppressus*.

In amblyopiâ absolutâ & caligine æger saltem lucem à tenebris discernit, non in amaurosi inveteratâ.

Amaurosis principium est in cerebro ad thalamos nervorum opticorum, in horum nervorum tractu, vel in totâ retinâ; deest itaque sensibilitas in oculo, in cataractâ præpeditur lucis ingressus in oculum.

Amaurosis est accidens syncopës, & comatum, ex eo quod anima periculo cordis, aut cerebri graviter commota non percipit lucis impressiones: in aliis casibus principium amauroseos est nervorum opticorum inmeabilitas, sive in thalamis, sive in totâ retinâ, sive in tractu nervus sit obstructus, compressus, resectus, &c.

Si oculus sanus claudatur, & cæcus luci obijciatur, pupilla istius nedum constringatur, quandoque dilatatur, & hæc est sola mobilitas, quæ

supereſt, atque amauroſim perfectam indicat.

Quò minor eſt mobilitas pupillæ in amauroſi, eò major eſt viſûs imminutio, ita ut ſi ad lucem ſuperſit quarta tertiavæ pars motûs pupillæ, quarta vel tertia pars viſûs ſuperſit.

1. *Amauroſis traumatica*, vide Ant. Maitrejan.

A vulnere oculi Hildani, *obſ.* 17. 18. *centur.* 5.

A commotione capitis Hildan. *centur.* 5. *obſ.* 8. Schenckii, *obſ.* pag. 168.

Ex bombardæ exploſione Schenckii, pag. 168.

Ex vulnere capitis Marcell. Donat. *Hiſt. Acad.* l. 2. pag. 76.

Vel ſubitò accidit amauroſis poſt vulnus, ictumve, & tunc ab inflammatione, compreſſione, à ſanguine factâ oritur, aut diſtracto introrſum globo, vel nervi ſeſſione. Vide Heiſterum *de vulneribus oculi*.

Si verò deinceps ſenſim accedat amauroſis, pertinet ad paralyticam, quæ diverſam medelam expoſtulat.

A ſternutatione ortam vidit Hildanus *centur.* 1.

2. *Amauroſis pituitosa*; *Amauroſis à catarrho Saintyves*; *Ab aquâ in cerebri cortice ſinubus Boneti Sepulchret. de oculorum affectibus*, *obſ.* 9. 12. 15. 7.

Ea apoplexiam, paralyſim, hemiplegiam pituitoſam comitatur, ſequiturve.

Indicat cathartica, emetica, veſicatoria, ſectacea, cauteria nuchæ inurenda, excipiatuſ oculis vapor ſpiritus vini, electrificatio vehemens ad lachrymas fundendas.

3. *Amauroſis ſcrophuloſa* Philoſoph. *transact.* tom. 9. pag. 257.

Ex ſteatomate in cerebro Bonet. *obſ.* 10.

Ob veſicam nervis opticis incumbentem. Id. *obſ.* 2.

A tumore globoso nervis opticis inſidente. Id. *obſ.* 1.

Ipse vidi bis in puerulis scrophulosis amaurosim etiam subito ingruentem; secto cadavere inveni glandulam strumofam nervis opticis incumbentem.

A calculo juxta nervum opticum ibid. pag. 433. obs. 2.

4. *Amaurosis plethorica* Nenterii Tabul.

Gutta serena à menostasiâ Saintyves pag. 343.

Amaurosis gravidarum Saintyves ibid.

A suppresso hæmorroidum fluxu ibid. mēstruo, &c.

A Febribus acutis ibid. pag. 338.

Ea est stipata signis plethoræ, quandoque incipit à gravi dolore capitis, eoque profundo, vel gravitas dolorifica in oculi fundo residet.

Sanatur quandoque hæc species.

Judæus Medicus Burdigalæ plures sanabat sectâ venâ frontis, & effluxum sanguinis permittendo usquequò spontè sisteretur; profuit non rarò venâ jugularem aperire post febres acutas sanatas.

Phlebotomiam è pede, & medicamina menses moventia à Saintyvesio laudantur, deinde juscula viperina, millepedes, aquæ ophtalmicæ adhibentur. Huc referenda est species amauroseos, quæ apoplexiam sanguineam, febresque acutas sublequitur.

5. *Amaurosis congenita* Saintyves ch. 27. pag. 345.

Nascuntur etiam infantes cæci, quod procedente ætate tantum cognoscitur; singulare est in hac specie pupillam licet immobilem, non esse magis patulam quam in hac ætate est apud cæcotas; est itaque velut torpor organorum.

Sanati sunt etiam bimi usu aquæ ophtalmicæ, quæ partibus spirituosus tonum oculis restituit.

Synchyfis est confusio, seu dissoluti vitrei mixtio cum aqueo.

6. *Amaurosis à synchysi.**Ab uveæ phlogosi* Maitrejan.*Ab oculi internâ suppuratione ejusdem.*

Ea est quæ incipit à doloribus internis oculi vividis, pertinacissimis cum cephalalgia, vel hemicrania, pervigilio, febre, quandoque etiam exophthalmia; visus obtenebratur, vitreum dissolvitur: ille dolor quandoque plures menses perseverat, imò annos integros, nec visus restituitur, imò omninò aboletur.

Ea amaurosis insanabilis est.

Verum sæpè accidit ut sic unius oculi visu amisso, post alterum annum alter oculus doleat, rubeat, lacrymetur dolente capite, & sic idem infortunium alteri immineat oculo; quod vitari posse præsumit Saintyvesius, extirpato oculo cæco.

Hæc oculi extirpatio, seu excisio corneæ cum effluxu vitrei & crySTALLINI periculo minimè caret, & vidi bis inde ortam hemicraniam insanabilem, semel verò maniam.

7. *Amaurosis à myosi* Saintyves, pag. 346.

In omnibus aliis speciebus amauroseos pupilla est patens, imò dilatata & immobilis, excepto quod clauso oculo sano, pupilla cæci luci exposita dilatetur; ast in istâ amaurosi, quæ myosin habet comitem, pupilla est arctior solito, & simul immobilis, nec ad lucem arctatur, ut sanis, nec dilatatur altero oculo clauso, ut in aliis cæcis, sed eadem ad solem & ad umbram permanet.

Myosis enim est pupillæ constricção permanens; vocatur etiam *metosis*, necnon *phthisis pupillæ*. De myosi & mydriasi vide suffusionem inter vesanias.

8. *Amaurosis à spasm.*

Ea est quam excitat spasmodica aut dolorifica

constrictio annuli moderatoris Valsalvæ.

Notum est ex Anatomicis quatuor musculos rectos, & obliquum majorem enasci ex apice orbitæ circa nervum opticum, quem amplectuntur; illi verò spasmus constricti ita arctant nervum opticum, ut fluido nerveo immeabilis evadat, & hæc est species amauroseos, quæ 1°. subito accidit; 2°. à dolore violento incipit; 3°. quæ spasmodicos, hystericos affectus comitatur; 4°. quæ à læso nervo alterutro orbitari, & inde convulso annulo moderatore oritur, ut observavit Vassalva, *dissert. 2. n. 11.*

Gravis cephalalgia induxit hanc speciem Schenkii *de cæcitate obs. 5.* Calculosa sympathica nephralgia hanc excitavit. Adolph. *in Ephemerid. nat. curios.*

Dolorifici morbi etiam diversi concurrunt. Morgagni, *Epistol. anatom. 18. n. 4. 5.*

A morbis convulsivis Vieussens Neurograph. lib. 3. cap. 2.

Ab epilepsiâ Collect. Academ. tom. 3. pag. 261. Hildan. cent. 5. obs. 5.

Amaurosim quam unguibus suis in nervum ophthalmicum impactis excitaverat gallus gallinaceus sanavit Valsalva pressione nervi ipsius, unde resolutus est, seu laxatus annulus moderator, qui suâ constrictione nervum opticum stringens cœcitatem inducebat.

9. *Amaurosis foricariorum Ramazzini de morbis artificum, cap. 13.*

Qui latrinis expurgandis incumbunt, cum per horas quatuor in cloacis remansere, nisi domum suam repetant, ac oculis à luce omninò averfis, & clausis per viginti quatuor horas domi se recondant, & aquâ tepidâ oculos abluant, cœci

illicò evadunt; & cum hac cautelâ nihil est frequentius apud Patavinos quam foricarii sic excoecati; oculi quidem ipsis in cloacâ dolent, rubent, & paululum obnubilantur; sed nec odor ille teter nares ferit, nec nauseam movet, nec ullam aliam partem lædit præter oculos.

Ut hoc infortunium vitetur, perspicilla-concava oculis arte applicata prætendi debent, qualia adhibentur ad luscitatem & strabismum, sed vitris accuratè clausa.

10. *Amaurosis venerea* Zacuti *praxis cent. V. obs. 49.* Ballonii *paradigmate 7. vel Sepulchreti obs. 4. item Boerhaavii de morb. oculor.*

Illâ speciem vel inducit hydatides in retinâ, quibus visus tollitur, & eam litu mercuriali sanatam fuisse censet Boerhaavius; vel exostoses nervum opticum prementes excitat, quæ insanabilis; vel steatoma in cerebro procreat, ut Ballonii observatio fidem facit. Vidit Zacutus hanc speciem paucis post concubitum impurum horis supervenire cum ulcusculis & varis faciei, Anglus ope salivationis mercurialis ab amaurosi sanatus per aliquod tempus omnia objecta geminata vidit, Smith, *optic.* Dolore & pervigilio stipatur hæc species.

11. *Amaurosis exanthematica.*

A scabie suppressâ Baglivi *pag. 215.*

Ab achoribus repressis Hoffmanni *tom. 3. p. 229.*

A plicâ resectâ, vel retentâ Stabel. *hist. 6. 5.*

Est ea species quæ à morbis exanthematicis, vel repulsis, vel retentis exoritur.

In hoc censu reponi potest amaurosis, quæ pendet ab humorum falsedine, & acrimoniâ, in quâ proinde balnea, aquæ acidulæ, juscula diuretica & diluentia laudantur, ut serum lactis, millepedes, &c.

Ab herpete faciei suppresso ortam amaurosim discussit Saintyvesius, restituto herpete per iuscula aperientia, & sudorifica, ptisanas, &c.

12. *Amaurosis à narcoticis* Raii *synops. planzar. de stramonio.*

Succus, foliaque stramonii oculis applicata mydriasm & amaurosim creant.

In Moluccis insulis amaurosis est familiaris advenis, quod tribuitur esui hordei calidi, quod in hisce regionibus vaporem narcoticum gerere creditur. *Vide Bontium de Medicinâ Indorum*, qui in hac specie pro eximio medicamine topico laudat jecur squali lamiae dicti.

Notum est acida, ut acetum intus sumptum, esse eximia horum venenorum antidota.

13. *Amaurosis intermittens* Storch. *annus medicus pag. 75.*

A quotidianâ febre quotidie revertebatur amaurosis, & recedebat post aliquot horas.

Curatur ope kinkinae.

A febre intermittenti ardenti ortam vidit Felix Platerus.

Quæ verò pendet à synocho, ad plethoricam pertinet, cum phlebotomia curetur; raro tamen sanetur, teste Saintyvesio.

14. *Amaurosis rachialgica* Spangerbergii *de colicâ saturninâ.*

Est ea species quæ rachialgiæ metallurgorum & saturninæ supervenit, quæque pendet ab eodem principio ac paralytis ejusdem originis. In hac topica inutilia sunt; emetica verò profunt, etiam teste Saintyvesio, post præmissas phlebotomias, in pluribus speciebus, ut in serosâ, seu hydrocephalicâ, in intermittenti.

15. *Amaurosis hysterica* Saintyves *p. 347. ch. 28.*

Fugax est accidens in hysteria, quod vaporibus in caput ascendentibus tribuit vulgus, quia præ oculis nubem vel fumum videre sibi videntur hystericae, atque non semel vidi quod accedente illo phænomeno, subito convulsiones aliarum partium cessant; hæc species paucas horas, raro dies perseverat.

Nota. Ut judicemus de quantitate visus oculi, sanus claudatur, & invalidus luci oppositus inspicatur; si manu nunc prætensâ, nunc ablatâ, aut si nunc demissâ palpebrâ, eâque digito leviter confricatâ, nunc verò subito aperto oculo, uvea ita constringatur ad lucem, ut dimidio minor evadat pupilla, dimidia superest visus quantitas; si tertiâ parte minor evadat pupilla, superest triens facultatis visivæ; si omnino immobilis sit, ut plurimum, nullus superest visus, nisi in casibus rarissimis.

V. *Anosmia*, Perte d'odorat; *Olfactûs amissio* Sennert. *Chasemie* Haly-Abbatis.

Est imminuta, vel suppressa facultas percipiendi odores, hujus morbi symptomata præcipuum,

Ab *osme* odor, & à privativo.

Effluvia salino-sulphurea è corporibus exhalantia, si ope inspirationis in nares deducantur, illa humiditate membranæ pituitariæ soluta, agunt in nervum olfactorium, & inde nascitur perceptio odorum; multiplici itaque modo amittitur odoratus, ut siccitate membranæ pituitariæ, ejus mucositate nimia, ut in coryzâ; ejus infarctu, ut in ozænâ; obstructione narium, ut in polypo, aliisque circumstantiis.

1. *Anosmia catarrhalis.*

Est ea quæ coryzam vulgarem comitatur, quæ tamen, si coryza contumax fuerit, illâ sanatâ perseverat.

2. *Anosmia ab oxenâ.*

Qui foetent naribus, sive ab ulcere membranâ pituitariam exedente, sive ob putrefactionem muci & aëris ob fimitatem diutius in antris hygromi, sinubusque aliis retenti, necnon qui cadaveribus foetidis disseccandis incumbunt, qui latrinas, cloacas, macellâ, officinas alias foetidissimas incolunt, tam tetrâ, validisque odoribus percelluntur, & iis assuescunt, ut alios odores non percipiant.

3. *Anosmia à polypo.*

Quorum naribus accrescit polypus, cum ea excrementa eò devenit, ut rimam utriusque naris, vel vomere depresso, vel utramque narem subeundo obturet; aër nequaquam subire potest, nec proinde odorifera effluvia adducere, unde anosmia.

Vide curationem polypi narium apud Heisterum.

4. *Anosmia syphilitica Ballonii paradigma n. 7.*

Est ea quæ in tertio syphilidis gradu exesit & ulcerosis naribus interioribus supervenit; exeduntur autem non solum membranæ, sed etiam ipsæ cartilagine narium, destruiturque organum olfactûs.

5. *Anosmia verminosa Fernelii.*

A vermibus rhinariis nares obsidentibus & obturantibus sternutationem, hemicraniam, quandoque furorem, simulque anosmiam excitari docent observationes plurimæ. *Vide Hemicraniam sinuum.*

6. *Anosmia à siccitate.*

Notum est in febribus morbisque inflammato-

riis exsiccati ut plurimum membranam pituitariam, non secus ac ipsa lingua, maximè si summus calor adsit; non mirum si anosmia, simulque agheustia sint horum morborum accidentia.

Si quis adverso vento iter faciat, maximè æstivo tempore, tenuissimumque & aridum viarum pulverem inspiret, ille odoratum amittit, ita & qui pulvere tabaci potissimum Hispanici abutuntur; ea enim omnia fibrillas nerveas exsiccant, & percipiendis impressionibus impares reddunt.

Huc referatur anosmia à calculis rhinariis Bonet. *Sepulchret. obs. 4. pag. 443. tom. 1.*

7. *Anosmia paralytica.*

Ea est quæ morbos soporosos, paralyticosque comitatur, quæque ab contumaci nervorum olfactoriorum obstructione, compressione procedit.

VI. *Agheustia*, Dégout.

Est suppressio facultatis, quâ diversos sapes percipimus.

Diversa quidem est ab anorexiâ, cujus sæpè comes est, in agheustiâ lingua afficitur, ast in anorexiâ ventriculus; discrepat etiam ab cacosiâ, seu cibi fastidio; nam aliud est non percipere saporem alimentorum, aliud perceptos sapes fastidire & averfari.

Principium agheustiæ vel est in cerebro, vel in linguâ ipsâ, vel in tractu nervorum linguarum, qui quatuor sunt, utrinque scilicet *magnus*, qui inferior & internus ex pari nono, & *parvus*, qui superior vel externus & lateralis ex quinto pari procedit; hisce quatuor funiculis nervosis linguæ accedit etiam utrinque ramulus ex nervo sympathico medio, seu octavo pari.

An nervus noni paris solus sit gustatorius adhuc sub iudicè lis est.

Organum immediatum gustûs est in papillis villosis vel pyramidalibus; de semilenticularibus & capitatis non conveniunt physiologi.

1. *Agheusia febrilis.*

Suppressio gustûs vel comitatur febres ardentes & malignas duplici de causâ, vel scilicet ob summam linguæ siccitatem, & ariditatem, cum lingua scilicet arefcit, nigrescit & instar ligni aspera est, vel ob delirium & soporem quo ægri quandoque obruuntur.

2. *Agheusia paralytica.*

Est illa quæ vel linguæ paralyfim, vel morbum quemcumque soporosum comitatur.

VII. *Dyssecæa*, Græcis *dyssecoia* & *Hypocophosis*, Dureté d'oreille; ægri, Durs d'oreille, Latinis *surdastri*, *auditus difficilis*, Frider. Hoffmanni *dissert.*

Dyssecæa à Græco *Dys* difficulter, & *Acouo* audio, est audiendi difficultas ob obscuritatem sonorum.

Differt à cophosi incipienti ratione sedis; in *dyssecæâ* scilicet undæ sonoræ non possunt liberè transmitti ad labyrinthum alias benè constitutum: in cophosi nervus acousticus immeabilis est fluido nerveo. Desunt characteres distincti utriusque generis à longiori observatione & doctiori theoriâ expectandi.

Differt à paracusi quod soni sint obscuri, debiles & propter obscuritatem confusi, in paracusi verò non complicatâ soni clari sint, sed confusi.

Dyssecæa respondet caligini, cophosis amaurosi, paracufis amblyopiæ, fyrigmus suffusioni.

Ea organi vitiosa structura, quâ debilitatur, aut impeditur undarum soni transmissio ad labyrinthum est principium dyssecææ, quod ex specierum censu patebit; experimento Schelhameri etiam distinguitur dyssecæa à cophosi. *Vide experimentum in 8. dyssecæâ.*

1. *Dyssecæa Monoton* seu Malcorum. *Monotes*, Gallicè *Monauts* dicuntur illi quibus alterutra, vel utraque auricula deficit, sive quia præcisæ sunt ut Malco, sive quia ab ortu deficiunt.

Auricula colligendis radiis sonoris ita utilis est, ut monoti feliciter succurreret Boerhaavius effictâ ad auriculæ modulum cerâ expressum tubâ acousticâ, & ut monotes manu auri appressâ & in tubum inflexâ sibi consulant; acoustica organa parabolica vel hyperbolica ex argento vel aurichalco fabricata, infra cæsariem recondenda videsis delineata inter machinas Acad. Parisiens. Aliæ sedili, aliæ baculo inferuntur; tubus acoustici organi foco parabolæ respondens meatui auditorio inferitur, pars antica laminâ tenui cribrosâ obvelatur.

Cornua acoustica quæ manu tenentur auri inserta ex cornu nativo, argento, cuprove parantur pelle exterius obducta, orificio patulo versus loquentem directo, eadem verò organa cæteris dyssecææ speciebus utilia sunt.

2. *Dyssecæa à meatu obstructo*, Duverney, *part. 3.*

Meatus auditorius obstruitur multiplici de causa.

1°. Intumefactis glandulis alvearii.

2°. Collecto & indurato cerumine.

3°. Peregrinis corporibus in eum illapsis.

1°. A glandulis alvearii intumefactis observavit F. Hoffmannus, alias à parotidibus compressum meatum refert.

Alias à crustulâ excrementitiâ intus obductum Veslingius.

Quandoque excrescentiis fungosis post exulcerationem exortis obturatum.

De eorum vitiorum curâ consulatur Heisteri Chirurgia; is duplicem myringam observavit seu excrescentiam membranaceam in meatûs fundo.

2°. Cerumen incrassatum, induratumque in propriâ uxore cum lapillis & arenulis observavit Bartholinus. Lapideam duritiem ceruminis vidit Casserius. Ego gypseam & albescentem, partim auriscalpio extraxi, & residuum aquis thermalibus per aliquot dies injectis dissolvi: tales sunt surditates vulgò dictæ, quæ sæpiùs sanantur; huc conferunt injectiones oleosæ, saponacæ, ex aquâ fraxini, &c.

3°. Meatum subeunt lapilli, pisa, nuclei, in ipso generantur vermes seu larvæ insectorum, ingrediuntur insecta, quæ vel otalgiam, vel syrigmum creant, ast à pis, globulis vitreis, nucleis inducitur dyssecæa, quæ Chirurgicis artificiiis curatur.

Harum varietatum singulares curationes vide apud *Duverney Traité de l'organe de l'ouïe*, in-12.

In casu vermium laudantur olea & spiritus vini in meatum infusa.

3. *Dyssecæa à myringæ atoniâ.* Duverney p. 175. *Myringa* dicitur Sennerto tympani membrana. Ea verò peccat laxitate & atoniâ.

Atonia cognoscitur ex prægressis ut ab excepto vento humido, prægresso catarrho, otirhæâ ferosâ, observatâ à Platero, Langeloto, Stalpartio,

ad plures libras; cognoscitur etiam ex eo quod flante borea minuatur; eam atoniam præcessit quandoque catarrhus glandulas ceruminosas infarciens.

Curatur resolventibus exsiccantibus, formâ suffitus, injectionis adhibitis, nec non vesicatoriis pone aures excitatis, tempestate austrinâ, aures gossipio moschato, vel ambrato obturentur. Spirituosi liquores, aqua Reginæ Hungariæ ritè injiciuntur, necnon fumus succini, olibani, si otirhæa adsit; *vide obs. Plater. 735.*

4. *Dyssecæ à myringæ duritiæ Duverney p. 176. Bartholin. centur. 6.*

Illa induratio fit vel ob senectutem, & insana-bilis est, vel ob glandulas myringæ tumidas, quod asciticis accidere notat Bartholinus.

Vel ob virus syphiliticum quod ex squamulis & rubedine auriculæ aliisque signis habetur.

Vel à volatiliis & calidiorum injectionum abusu, ut notat *Hoffmannus.*

Illæ varietates lacte tepido, decocto althææ imminui possunt. Si syphilis adsit, remedia huic morbo propria advocanda.

5. *Dyssecæ à myringâ perforatâ, Duverney pag. 176.*

Rumpitur myringa ab auriscalpio fortius adacto, ab aëre fortiter expirato clausis ore & naribus, observante Duverneyo, à sternutatione, *Tulpio obs. 35.*

Eroditur à pure intra tympanum collecto observante Fabricio Hildano, Schenckio.

Cognoscitur hæc species ex facili emissionem aëris inspirati per aurem, ita ut candelas extinguat flatus. Auditus non nisi gradariè decrescit ob exsiccationem membranæ fenestellæ utriusque & mus-

culorum ac ligamentorum catenulæ offeæ. Si verò adacto stylo rumpatur myringa, ut tentavit Valsalva, sæpè auditus recuperatur sanato vulnere. Bombardarum explosores huic morbo sunt obnoxii, ut qui ad cataractas Nili habitant.

6. *Dyssecæ à tympani fistulâ*, Duverney p. 183.

A carie ossium tympani. *Vide* Historiam & curam loco citato. Cognoscitur fistula auris, fœtore, pure exëunte, ab otirhæâ purulenta in infante, spontè sanatâ. *Vide* Brassavolum & Stalpartium.

Si officula elabantur, sequetur necessariò paracusis; apophysim mastoideam in his casibus stylo aperiri suadet Riolanus, ast non consentit Morgagnius.

7. *Dyssecæ à tympani hydrope* Morgagni *epist. anat. VI. n. 6.*

Surditatem, gravem auditum in acutis morbis supervenientes, sæpè conjunctas invenit Valsalva cum aquâ utrinque in tympano redundante. Auditus hebetudo cephalalgia superveniens sæpè solvitur aqueis guttis, capite inclinato, per os, naresque destillantibus. Surdum ab ortu sanatum refert Fontenellius (*Histor. Acad. 1703.*) aquam ex aure emisisse. Steno & Morgagnius existimant quandoque congeri in tympano sanguinem, cujus effluxu liberatur cerebrum ab infarctu, congeri etiam serum, quod per tubam Eustachianam sibi viam parat.

Curatio specialis hujus morbi, ex quo & tinnitus & dyssecæ inducitur, repetenda est ab instrumento tubæ Eustachianæ injiciendæ apto, quod describit *Histor. Acad. Paris. ann. 1724. obs. anat. 6.* Fit ex fistulâ plumbeâ solerter inflexâ per nares immittendâ; hujus interventu medicamina

resolventia in tubam & aurem immittuntur, & hydrops referatur. In eodem morbo si sternutatoria, apophlegmatismi, cathartica, fonticuli ad occiput, similiaque non profint, aperiendam stylo apophysim mastoideam suadet Rolsincius.

8 *Dyssecæa à tubâ obstructâ* Morgagni *epistol. anat. 7. n. 19.*

Cheiseldenus observavit aquâ per tubam in aures injectâ surditatem id est dyssecæam per aliquod tempus procreari, unde firmatur theoria dyssecææ prioris. Polypo narium tubam premente audiendi magnam difficultatem afferri, testatur autopta Morgagnius cum Valsalvâ & pluribus Chirurgis. Tulpius vidit gravius audire eos quibus tuba quovis modo in ore obturabatur sive à palati tumore, sive ab anginâ & tumore narium, & illa dyssecæa tinnitu stipatur.

Diemorbroeckius idem accidere testatur, cum à coryzâ, muco obturantur tubæ, in quo casu, si utraque aure accuratè obturata, baculo dentibus apprehenso chordas fidium impellas, nec sonum percipias, signum est tubas obturari; ibi præter tinnitum, & difficilem auditum, datur dolor ab ore ad aures extensus.

1^o. Si à polypo aut excrescentiâ in naribus pendeat hæc species, remedia adversus polypum ex Chirurgiâ repetantur.

2^o. Si à coryzâ, sive gravedine, quod ipse expertus sum, usu aquæ calidæ, potûs sudorifici, diætæ tenuis, vaporis lactis calidi inspirati & tempore solvitur: si leve sit malum, sternutatoriis mucus aufertur, & dyssecæa tollitur; huc pulvis asari seu pulvis capitalis dictus. Catheterem tubæ Eustachianæ delineatum habes in *transact. Philosoph. Abridged. anno 1741.* à Chirurgo Cleland.

3^o. Si

3°. Si ab ulcere syphilitico, curatur hydrargyrosi.

Dyssecæ syphilitica. Vide Cophosim syphiliticam.

Dyssecæ à kinkina Morton Pyretolog. de cortice peruviano. Fugax est, & sanatur sponte.

Dyssecæ febrilis.

Surditas critica aut accidentalis febribus acutis superveniens. *Vide Cophosim criticam.*

VIII. *Paracusis*, Fausse ouïe; *paracysma* Gorraei; *obauditiio* Latinis; Græcis *paracousis*; Hippocr. *paracoe*, à Græco adverbio *para* vitiosè, depravate, & *acouo* audio.

Est auditus confusio, vel difficultas distinctè audiendi sonos, & voces articulatas, licet vocum perceptio clara sit, ita ut paracusis sit relativa ad sonos externos, qui licet distinctè proferantur, confuse in labyrinthum transmittuntur. Hoc genus se habet ad dyssecœam ut myopia & presbytia ad caliginem & cataractam. In paracusi quidam soni audiuntur distinctè, alii verò confuse, ut in myopiâ objecta proxima distinctè, remota confuse videntur.

In paracusi clarè percipiuntur soni verborum, syllabæ verò seu partes soni in certis circumstantiis non distinguuntur, ut myops à luce afficitur vivide, sed objectorum distantium partes non discernit.

Ideò distinctè audimus voces articulatas & concentus, quia aptamus myringam tympani catenam & membranam fenestellæ ovalis ad harmonicum tonum notæ tonicæ quæ prædominatur in cantu, in loquelâ, adeoque paracuseos causa

est difficultas aptandi hæc organa ad tonum præcipuum alloquentis vel canentis.

Quatuor hujus species mihi sunt cognitæ, scilicet Barycoia, Oxycoia, Paracusis duplicata, & Willifiana.

In barycoiâ soni vehementes confusè audiuntur, debiles distinctè, maximè si interpolati: in oxycoiâ est intolerantia sonorum acutorum, maximè, verò dissonantium, ita ut non solum confusè audiantur, sed etiam cum dolore & cephalalgia, in duplicatâ una auris audit sonum distinctè qualis est; altera alium percipit à priori dissonum aut diversum, à quo auditus confunditur. In Willifianâ soni pacati & mediocres non distinguuntur, sed loquela magno strepitu comitata distinguitur.

Differt à syrigmo, in quo auditus est confusus propter sonos tantum internos, in paracusi est confusus propter sonos externos, aut à causis externis excitatos.

1. *Paracusis barycoia, gravitas auditus* Auctorum.

Est ille affectus in quo quæ paulò vehementius seu altiori voce proferuntur aures confusè & vehementer percellunt, at non intelliguntur, quia syllabæ non possunt distingui: ratio est, quia ex sono externo excitatur alter internus; sed cum internus dissonet, seu non consonet cum externo, inde exurgit strepitus merus in aure seu confusa auditio.

Non consonat sonus internus cum externo altiori, quia muscoli mallei & stapedis ob rigiditatem, crassitiem, infarctum rheumaticum nequeunt myringam & fenestellam ovalem aptare, tendere ad eum gradum, qui respondet tono chordarum vocalium loquentis, nec cuiquam ex illius harmonicis altioribus tono loquentis.

Audiuntur tamen distinctè verba submissa & graviori voce pronunciata, quia ad harmonicos graves sonos aptari potest myringa sine labore & dolore musculorum.

In hoc morbo crediderim thermas sulphureas; leniterque resolventia medicamina convenire; facilitas verò thermas, quibus siccitas & rigiditas musculorum augeretur, nocere, sed desunt observationes practicæ.

2. *Paracusis oxycoia, l'Ouïe tendre.*

Est ea confusio auditûs, quæ stipatur intolerantiâ soni, ita ut vel minimus strepitus aurem lædat; sed illud symptoma est accidens otalgiae, phrenitidis, ut aerop. obia est accidens rabiei.

Datur altera oxycoia quæ cephalalgiam comitatur quamque nuper observavi in Marchionissâ Parisinâ, quæ cum celalalphîâ & tussi histericâ laboraret, à voce & loquelâ astantium dolebat illicò capite & pectore, ita ut tussis à sono illo mirè exacerbaretur.

3. *Paracusis duplicata. La double ouïe.*

Ex duplici observatione hanc singularem speciem eruo; prima hæc est. Quidam eximius musicus cum tibiam germanicam inflaret, percipiebat quidem sonum proprium & ordinarium suæ tibîæ, at simul alterum sonum ejusdem rythmi seu mensuræ, sed diversi toni audiebat, qui proinde auditum duplicabat, non tamen erat echo, quia eodem ipso tempore ambo soni audiebantur, nec erant toni consonantes & harmonici, nam inde suavitas percepta fuisset; ille verò iterato per aliquot dies tentamine, semper ægrè tulit hunc sonum, & tibiam abjecit; is verò vesperè sub cœlo frigido & humido aliquandiu ambulaverat pridie hujus affectûs, & catarrho lateris dextrî

afficiebatur, unde verosimile est tonum nativum myringæ ejusdem auris graviorem & dissonum cum sinistrâ evasisse; soluto catarrho auditus distinctus restitutus est.

Nuperrimè peregrinus accessit ad collegam illustriſſimum, consilium petens circa similem morbum; conquerebatur scilicet se à pluribus retro mensibus molestari ex eo quod cum alloquentem auscultaret, sonum huic proprium, & simul, quod tolerare vix poterat, alterum octavâ altiore perciperet; verum si posterior fuisset exactè ad octavam prioris & ejus synchrona, auris eam vocem pro unicâ habuisset, & suavitatem concentus percepisset; verosimile est itaque vocem postremam cum alterâ non fuisse consonam: huic verò præscriptæ sunt solitæ adversus morbos chronicos formulæ, videtur tamen topica tantum uni auri admovenda esse, ut, quæ toni gravioris erat, laxaretur; interna verò in utramque aurem agentia non indicari.

4. *Paracusis Willifiana, l'Ouïe engourdie.*

Est ea species in quâ verba prolata non intelliguntur, utcumque altâ voce proferantur; verum si strepitu vehementi stipata sint, tunc distinctè audiuntur.

Hujus morbi quatuor prostant exempla, primum à Willifio, alia ab Anglicis transactionibus petita. Mulier loquelam non intelligebat nisi circum crepante tympano; tympanistam domesticum conducere coacta est, ut cum marito colloqueretur. Idem accidit nobili ab ortu furdastro; is à tergo submissis loquentes capiebat, sonante tympano, secus verò ne quidem clamantes intelligebat. Tertius prope campanile degens tacentibus campanis nil distinctè audiebat. Quartus nisi

rhedâ velatâ veheretur cum astantibus colloqui non poterat eorum verba non capiens.

Sic somnolenti oculos non aperiunt, nec proinde aptant ad visum, nisi magna lux oculos commoveat; sic organa genitalia ganeorum à torpore excitantur quandoque per flagra, de quorum usu in re venereâ scripsit Meibomius; in hac denique specie licet organa auditûs benè se habeant, organa auscultationis torpida erant, & magnâ commotione indigebant, ut agerent.

IX. *Cophosis*, Sourdité ou surdité, dureté d'oreille. *Surditas* Latinis; *deafness* Anglis.

Cophosis est obscura sonorum omnium perceptio, seu impotentia sonos debiliores percipiendi, quibus cæteri homines afficiuntur.

Absoluta surditas est, si fortissimi quos homines proferunt soni ab ægris non percipiuntur: minor erit surditas, si nonnisi altâ voce & proximè loquentes audiant.

Ut visus obscurus etiam confusus est, ita & obscuritas auditûs confusionem simul auditus involvit. Interea cophosis à paracusi distinguitur ut amaurosis ab amblyopiâ respectivâ. Surdastrî distinctè & dato tono loquentes distinctè audiant, surdi verò quocumque tono utentes eò minùs audiant, quò submissiori voce loquuntur.

Aer internus qui intra labyrinthum est, constat ex moleculis infinitè diversis, uti lux ex radiis omnigenos colores continentibus quæque molecula dati ordinis subsilit, & resonat, cùm dati ordinis fibræ, vel fides sonoræ extûs vel in aure mediâ vibrantur; sic si clavicymbali chordæ quætonum datum resonat, vibretur, alterius organi

310 GENERA ET SPECIES

musici chorda huic harmonica consonat, & eò fortius vibratur, quò magis est harmonica, unisona v. g. fortius vibrat quæ ad ejus octavam est aptata, & sic deinceps. Transmittuntur itaque eo modo soni externi ad aurem mediam & à mediâ in internam seu labyrinthum.

Si itaque officulorum catenula, quæ inter tympanum & ovalem fenestram protensa est, abrupta aut iners sit, & si aër qui in cavo tympani debet adesse, vel deficiat, vel elasticitate careat, impossibile est vibrationes externas ad labyrinthum pervenire, nisi per ossium vibrationes, adeòque nisi magnâ vi polleant externi soni.

In quocumque sono duo sunt spectanda, tonus scilicet seu vibrationum numerus, & vis soni seu vibrationum extensio, tonus determinatur à fibrarum vibratiliū exilitate, brevitate, & tensione, tonusque est eò acutior quò diameter, quò longitudo minores sunt, & quò radix virium tendentium major est; crassities & longitudo in organis solidis vix mutantur intra aurem; sola ergo vis tendens ferè mutabilis est, & residet in musculis auris internæ & externæ.

Vis major vel minor soni externi impetit plus minusve tympanum, cujus impetus mediante aëre tympani & catenulâ officulorum fenestræ ovali, inde verò organis labyrinthi communicatur; inter organa acoustica labyrinthi sunt canales semicirculares ossei duri, & in cochleâ radii flexiles, laminæ spirales, alii aliis breviores, crassiores, magis tensi. Duo itaque sunt in labyrintho organa acoustica, quorum unum tubis affine est, scilicet canales semicirculares; alterum clavicymbalis seu fidibus respondet. Galli vocant *instrument à vent*, & *instrument à corde*.

Duplex est pariter in organis loquelæ, seu vocis instrumentum; nam tubus tracheæ, rima glottidis cavum narium & oris respondent instrumentis flatum transmissuris; & chordæ vocales, velum palatinum, labra tremula *chordatum* instrumentum referunt.

Duplex est vox hominis, altera quæ potissimum ab instrumentis secundi ordinis dependet, & vox infantilis est, seu stridula impuberum, eunuchorum, *voix luthée*, *citharæa*; altera debetur instrumentis primi ordinis, & vox *organisata* dicitur, quæ vox adultorum. Vox *citharæa* unâ octavâ acutior est & altius assurgit quàm *organisata*; sed intervalla habent communia citharæa & organisata; hæc ultima priorem vi superat, ad plures octavas descendit, & ubi invicem conjuncta est & excurrit utraque, citharæam obscurat, quia validior; vox autem ex utriusque concursu exurgens *plena* vocatur.

Lamina spiralis citharæam potissimum repræsentare apta est, & organisatam repræsentant canales femicirculares; amborum instrumentorum concentus vocem plenam animæ exhibet.

Ut organum canalium femicircularium resonet non secus ac tubæ, tibiæ, debet aer intra illius tubos adigi, quod præstat alterna intropressio membranæ fenestræ ovalis intra vestibulum; quo impetu undæ sonoræ canales perstringunt; canalium trium longitudo, diameterque sunt continuo diversæ, ita ut zonæ circulares sint numero plurimæ, quarum quælibet suum tonum obtinet, quælibet itaque cum suis harmonicis ad sonum extus impressum fortiùs resonat & datum sonum animæ repræsentat.

Fibræ sonoræ laminæ spiralis variant ab apice

cochleæ ad basim, & continuò longiores, crassioresque evadunt, ut chordæ clavicymbali; nullus est itaque tonus quem suâ vibratione referre nequeant: hæc duo instrumenta vocem cithaream, organisatam seorsim, & plenam simul exhibent, unde auditus perfectus, qui eo fine nobis potissimum concessus est, ut vocem humanam potissimum clarè & distinctè caperemus.

Ex dictis intelligimus debitam structuram cochleæ ad vocem citharæam, & canalium sanam dispositionem, ad vocem organisatam, distinctè audiendas inservire: imperfectus itaque erit auditus, si alterutrum ex hisce organis deficiat; sed non ideò aderit cophosis, atque ut surda sit auris, necessum est, vel 1°. ut impressiones externæ vel debillimè transmittantur ad aurem internam, quod fit vel obstructo canali auriculæ, vel obstructâ tubâ Eustachianâ; & si ambæ illæ viæ omninò obturentur, aderit perfecta surditas, ut obturatâ omninò pupillâ datur cœcitas. 2°. Vel ut impressiones illæ ad fenestram ovalem non deferantur, aut delatæ ad labyrinthum non perducantur, impressionesque ad tympanum deferuntur, illæ interventu catenulæ ossiculorum transmittuntur ad fenestram ovalem: ergò ruptâ catenulâ aderit cophosis, sed tantum imperfecta, quia radii sonori sine catenæ interventu utut debilitati, tamen possunt hanc fenestram percutere, necnon fenestram rotundam, siue canalis auriculæ sit obstructus, modò tuba Eustachiana pateat; verum si utraque fenestra ovalis scilicet & rotunda sit obturata, ut cum exostosi cavitas repletur, aut mucositate infarcitur, tunc necessariò cophosis absoluta sequetur. 3°. Denique si labyrinthi structura omninò sit eversa, destructa ulcere, exostosi,

carie, omnium absolutissima erit surditas; nec non si nervus acousticus tum in origine, tum in tractu suo fuerit obturatus, compressus, erosus, quæ quidem vitia in vivis dignoscere & distinguere sæpius est impossibile, unde patet prognos-
is cophoseos.

1. *Cophosis à meatu* Philosop. transact. 1741. pag. 124. est ea quæ à meatûs auditorii externi obturatione dependet, sive corpora illapsa illum obturaverint, sive quod frequentius accidit, cerumen aurium copiosius & inspissatum obturaculi vices præstet, sive quod etiam in febribus malignis evenit, à glandulâ parotide intumescantâ meatus partim compressus sit, quod tamen non sufficeret, nisi simul inflammatio quædam auris mediæ, quæ deinceps suppuratione terminari solet, concurreret.

In illâ surditate æger ut loquentes audiat, ore patulo eorum verba excipit per tubam Eustachianam transferenda, & simul non rectâ loquentem aspicit, quod solemne est sanis, ut utrâque aure sonos excipiant, & ex labiorum motu, oculis, gestuque sensa loquentis interpretentur, sed aurem sanam loquenti obvertunt, & quoniam vis soni sequitur rationem proximitatum duplicatam, propius accedunt ad os loquentis qui surdi sunt, ut clarius audiant; nec enim in hoc casu, licet aures ambæ obturatæ forent, datur perfecta surditas.

Quomodo quæ in aurem illapsa sunt, extrahantur, docet Heisterus in Chirurgiâ.

Si cerumen viscosius & induratum obturet canalem, nihil est aptius quam ope syringæ aquam Bellilucanam, vel Bagnoliensem, vel sapone, melle, felle, similive dissolyente fetam calidam

inijicere, & deinde ope auriscalpii sordem detergere.

Surditas quæ in statu febrium acutarum supervenit, boni ominis est; excitatur enim à metastasi materiæ morbificæ, quæ antea delirium aut soporem excitabat, atque vicem gerit parotidis criticæ, & est

2. *Cophosis critica.*

Surditas in acutis post septimum diem, cum aliis bonis signis reconvalescentiæ indicia præbet. Baglivus.

Quibus in febribus ardentibus aures obsurdescent, iis non solutâ febre necessum est delirare; solvit autem inter alia vel hæmorrhagia narium, vel diarrhœa biliosa. Hippocrates.

Surditatem criticam vidi aliquando deinceps terminatam oborto sudore.

3. *Cophosis à tubâ.*

Si tuba Eustachiana obturetur, illud vel accidit ob tumores in ejus exitu versus nares posticas, quod accidit non rarò in anginâ nasali; sed fugax est, & cum syrigmo bombo conjunctum; vel accidit in antiquâ syphilide ob exulcerationem, & deinceps coalitionem, aut solummodò incrassationem parietum hujusce tubæ, necnon à sordibus mucosis, viscidis eam infarcientibus; hic verò affectus sensu quodam confuso ægrotantis, & aliis signis cognosci potest.

Chirurgus Londinensis Cleland in *philosophicis transactionibus*, anno 1741. pag. 124. proponit syringam catheteris instar fabrefactam, flexibilem, quæ per nares deducta ad usque tubam Eustachianam pertingit, facto prius in cadaveribus tentamine ad catheteris directionem, & flexuram determinandam; hujus verò interventu in-

jectiones deterfivæ in hanc tubam institui possunt ; hunc catheterem adhibent Chirurgi Monspelienses.

Idem Cleland proposuit ibidem speculum concavum, ante quod est candela accensa, cujus interventu in fundum canalıs auditivi externi indagari possit, & inquiri principium surditatis. *Vide* Philos. transf. & icones adjectas.

Ista verò cophosis est imperfecta, nisi obturatio tubæ Eustachianæ procedat à muco, pure, aliove fluido crasso tympani cavitatem obturante, in quo casu injectiones per syringam Clelandianam utiles esse possunt.

4. *Cophosis à tympano.*

Tympanum, seu membrana tympani multiplici modo peccare potest, & surditatem imperfectam inducere. 1°. Si surditas à magno fragore, ut bombardæ explosione originem duxerit, verosimile est eam membranam introrsum depressam fuisse, atque ideò pristino situi restituendam esse, quod ut assequatur Clelandius duplici modo se gerit; vel enim ope catheteris in tubam Eustachianam flatum injicit, seu jubet ut æger naribus & ore obturatis aërem fortissimè expiret, & in tubam transire cogat; vel ope tubi qui auri externæ accuratè applicatur, & epistomio instruitur, aërem è canali auditorio fortissimè exsugit, unde subitò, ut ait, auditus restituitur.

2°. Si verò membrana tympani rigescat propter siccitatem, ut à suscepto aëre frigido, & surditas increascit, dùm ventus septentrionalis flat, tunc temporis conveniunt laxantia, emollientia, oleosa, in aurem injecta, lac, oleum, laridi infusi frustulum.

3°. Ast si à laxitate ejus membranæ pendeat surditas, quod ex prægressis & concomitantibus

dignosci potest, maximè verò ex eo quod austro flante soni obscurius percipiantur, evidens est injectiones ex tonicis, spirituosis, aromaticis, aquis Bellilucanis, fumo tabaci, vapore spiritus vini, aquâ ipsâ vitæ, cum ambarâ & moscho, utiliter adhibeantur.

5. *Cophosis syphilitica Astruc. de morbis venereis, libr. 4. cap. 2. n. 8.*

Non rarò virus syphiliticum inveteratum inficit auriculam & ductum auditorium, ibique herpes excitat siccos, cerumine inspissato tympani membranam obducente auditum hebetat; sed quod pejus est, tubam Eustachianam exulcerat, obturat, obliterat, exostoses in aure mediâ & internâ inducit, quæ vitia difficillimè distinguuntur, unde fortuitò & rarò sanantur; convenit autem hydrargyrosis: ast sæpè accidit, ut qui in hydrargyrosi constituti aëri frigido, humidove se exponunt, potissimum auribus, non benè tectis, in surditatem incidant, quæ minimè syphilitica est.

6. *Cophosis serosa; Surditas ab atoniâ Frid. Hoffmanni.*

Ea non rarò sequitur affectus soporosos à sero exundante ortos, in subjectis pituitosis, catarrhosis, atque tempestate austrinâ humidâ ingravescit, maximè afficit eos qui calentes se exponunt, nudo capite, ventis frigidis, suppressa enim perspiratio retrocedit, & aurium membranas internas relaxat.

In hoc casu caput probè derafum, bis in septimanâ, scopulâ detersum, laneo tegmine, *bonnet de Sigovie*, cautè cooperiatur, gossypium ambarâ, vel moscho fetum in aure detineatur, maximè hyemali tempore, vesicatoria mitia, *volantia* dicta, pone aures identidem applicentur, quæ

feri exundantis exitum proritent; liquores spirituosus, aromatici in aures infundantur, aut vapor auribus excipiat, irrigationes ex aquis therma- libus, prius expurgato corpore, & præmissis jusculis diureticis, aut ptisanis sudorificis, adhi- beantur; aqua ex ovis formicarum destillata in aurem injiciatur.

Nota. Species accuratè determinare difficilli- mum est, quia non satis cognitæ; unde tam rarò infausa est hujus morbi licet frequentissimi curatio.

Si cophosis à repressis herpetibus, tineâ, aliis- que exanthematis exoriat, indicantur juscula ex cancris, millepedibus, herbis diureticis, ptisanæ sudorificæ, aquæ sulphuræ.

Si cophosis sympathica sit, atque hypochon- driacis flatulentis superveniat, vitio stomachi obviam eundum est.

Si cophosis plethorica sit, seu procedat ab in- farctu vasorum sanguiferorum, auris internæ, ut- plurimum præcessit menstruorum, hæmorrhoi- dumve suppressio, victus lautus, voracitas, vita otiosa; hanc speciem vertigo, syrigmus, cepha- lalgia præcedunt; si verò cognoscatur principium, indicationes spontè patebunt. De his consulatur Frider. Hoffmann.

7. *Cophosis à comate.*

Est ea quæ apoplexiæ, epilepsiæ, cari, hemi- plegiæ, similibusque morborum comes est, & quæ his etiam sanatis sæpè succedit; ea utpluri- mum est perfecta, & vitium in labyrintho, vel in cerebro ad nervi acoustici originem supponit, non satis cognitum, ac proinde utplurimum in- sanabile.

Idem judicium esto de cophosi, quæ fit à sup- puratâ aure internâ, ut accidit in gravi otalgia,

in variolâ, in cephalitide, in tritæophiâ, maximè ob metastasim materiæ morbificæ in aurem, præmissio delirio, sopore, convulsione, subsequente fistulâ, suppuratione, officulorum elapsu.

8. *Cophosis congenita; Surditas congenita.*

Ægri furdi & muti ab ortu sunt.

Ea est quæ ab ortu advenit, aut quæ ab infantiâ ferè adultos divexat, ut ab abscessu vario-
loso in aure, &c.

Malum certè miserabile, cum ægri, quæ ad salutem scitu fere necessaria sunt, vix addiscere valeant, & nisi ex difficillimâ informatione brutorum ferè conditionem exuere possint. Interea illi & acutiori ut plurimum visu, gustu, tactu gaudent, inde acumen ingenii augetur; unde fit ut si peritum magistrum fortiantur, loquelæ usum possint sibi conciliare. *Vide mutitatem.* Qui dudum furdi sunt, pronunciationem sensim dediscunt, quam olim didicere; cum illis, si visus perstet, digitis colloqui facile est, si alphabeti litteras digitis expressas addiscant. Qui verò furdi, muti, & cœci sunt, ut Presbyter de quo Mangetus, illi litteris extremo digito supra brachium exaratis aliorum sensa possunt intelligere.

Alphabetum digitale sic se habet. Quinque vocales exprimunt totidem digiti; *A* designatur pollice; *E* indice; *I* medio; *O* annulari; *U* auriculari manûs sinistræ; *B* buccâ; *C* molle & *S* sinu; *C* durum, *K* & *Q* collo; *D* digito indice manûs dextræ; *F* fronte; *G* durum gutture, vel pomo Adami; *G* molle & *J* consonans genâ; *H* halitu oris exploso; *L* linguâ; *M* mammâ; *N* naso; *P* pede; *R* aure; *T* allisis invicem pollice & indice; *V* indice & medio digito divaricatis; *X* digitis decussatis exprimuntur; imò Pereira *alpha-*

betum suum manuale unicâ manu absolvit.

Cophosis quidem hac arte non curatur, sed quod verba loquentium non possunt efficere, id signa præstant, scilicet ut à furdis intelligantur; mutitas verò hujus comes assidua quomodo curetur, *vide in genere mutitatis.*

X. *Anæsthesia* ab à privativo & *aisthesis* sensus.

Est sensûs omnis privatio superstitibus motu muscolari, & rerum necessariarum appetitu, sed imminutis; ægri minime dormire videntur, unde differt hic morbus à comatosis affectibus; sensu hebetè; convenit cum caro, ast differt ex motibus necessariis ad manducandum, bibendum, alvum deponendam, quibus gaudent anæsthetici, non comatosi.

1. *Anæsthesia ab spinâ bifidâ* Ruyschii *observat.*

Morbus hic sexies intra decem annos Monspeliî observatus est, quem adeò rarum putant Auctores, ut ante Ruyschium vix nomine tenus fuerit cognitus; sic verò se res habet: infantes hoc affecti recens nati nullo sensu gaudere videntur, nec videre, nec audire, quod non mirum, sed nec tactu quidpiam sentire ullo signo produnt, nec tamen solitò magis somno indulgent, pigri sunt ad omnes motus, tamen lac fugunt, motusque ad hoc opus utiles exerunt, alvum & feces deponunt, si verò dorsum investigetur, apparet circa ejus medium, aut paulò inferiùs tumor mollis castaneæ magnitudinem imò figuram cordiformem & colorem satis referens, si aperiatur ut aliquoties accidit, & ipse Huxhamius expertus est, citò moriuntur, secus quandoque

ultra annum vivunt; cadaver bis expiscatus sum; in his cerebrum est intus sero turgidum, eodem quod ex tumore dorsi aperto effluit, illudque serum ex cerebro ad dorsum, ex dorso ad cerebrum libere refluit pro diversâ corporis positurâ; datur via intra ipsam medullam spinalem à calamo scriptorio incipiens, quam hoc serum sequitur; elapso sero hic tubulus evanescit, in tumore hiant vertebræ lumbares, & ibi datur saccus è vaginâ medullæ spinalis dilatatâ factus sero turgidus; huius feri fons est hydrocephalus, unde erecto corpore, tumor ab hac feri altitudine pressus extenditur.

2. *Anæsthesia plethorica* D. Ludovici, *Collect. Academ. tom. 3. pag. 184.*

Adolescens macer & stomacho debili, subito manè loquelâ orbatus, sine prævio ullo affectu, ex quo mutitas oriri potuisset, vel prævideri; punctus in quibusvis corporis partibus nullum tactûs sensum præbuit, licet acus altè infingeretur capiti, collo, humeris, dorso, pectori, brachiis, abdomini, &c. ridebat æger tùm admiratione huius phœnomeni, tùm quod nullum incommodum præter mutitatem experiretur; quippè cæteras suas functiones per biduum faciliè obibat; sectis ranulis, & inde misso cruore, loquela restituta fuit, & sensus tactûs rediit, excepto levi stupore, qui cinnabaris semiscrupulo assumpto, & potu sudorifico, omninò recessit.

3. *Anæsthesia nascentium* Junckeri *tabul. 137. n. 2. de affectibus infantum.*

Occurrit interdum ut infans recens natus, immobilis, adeoque nulla sensûs signa præbens, & tanquam mortuus jaceat.

Excitatur (a) inspiratione in os & intestinum rectum,

rectum, mediante fistulâ clysteris; (b) fumo croci naribus immisso; (c) adspersione aquæ frigidæ, vel vini; (d) suctione mammillarum; (e) cepis dissectis, & naribus admotis; (f) vapore cinnamomi masticati in ejus os & nares insufflato.

Hic morbus ab asphixiâ differt colore rubro infantis, ejus calore, imò pulsu vasorum; procedit autem à labore partûs difficilioris, pabuli interea defectu, & sæpius asphixiæ speciem refert; attamen ab illustr. Junckero ad anæsthesiam refertur.

ORDO SECUNDUS.

ANEPITHYMIÆ.

EPITHYMIÆ est appetitus sensitivus, seu cupiditas. Anepithymia est debilitas, vel abolitio illius cupiditatis, ut famis, sitis, libidinis, &c. citra soporem.

Quæ sunt ad vitam & sanitatem vel necessaria, vel utilia, vel dudum assueta eò vehementius cupimus, quò ipsorum necessitatem urgentiorem percipimus; eò major eorum est necessitas, quò longiori tempore his caremus, & quò magis his assueti sumus, atque de eorum utilitate magis persuasi, sive id ratio & experientia doceant, sive præjudicium & mos, aut morositas nos deludant; de quibus consulantur historiæ Boulimi, polydipsiæ, picæ, nymphomanix, aliarumque vesaniarum.

Percipimus autem horum sanitatis præsidiorum, ut alimentorum, veneris, tabaci necessitatem ac utilitatem, vel directè per sensum partium his

appetitibus famulantium, vel per memoriam voluptatum, quas horum præsidiorum usu percepimus, adeòque si sensu careant organa, famis, fitis, libidinis, debilior, vel nullus exurgit appetitus esculentorum, potulentorum, veneris, &c. Si verò, licet hi sensus vigeant, anima aliis vehementibus pathematis detenta hæc præsidia respuat, deneget, omittat, eadem sequetur anepithymia, ac si sensu carerent hæc organa.

Præsidia sanitatis generalissima sunt esculenta & potulenta, quorum usu scilicet vita debet conservari: particularia verò, quibus etiam ad vitam individui minus utilibus, plurimi vel mirè delectantur, vel ob consuetudinem & præjudicium cætere vix possunt, sunt benè multa, ut usus veneris, certorum alimentorum, ut vini, coffeæ, cocolatæ, tabaci, laudani.

Harum cupiditatum minoris momenti imminutio, aut mutatio, qualis observatur in graviditate, in morbis non solum soporosis, sed etiam febrilibus, inflammatoriis, vesanis &c. summam Medicorum attentionem meretur; verumtamen inter morbos non debent recenseri, sed tantum inter morborum accidentia. Sint itaque sequentia anepithymiarum genera.

XI. *Anorexia*, Inapétence, Perte d'appetit, Dégout.

Est morbus, cujus præcipuum symptoma est notabilis imminutio, vel cessatio famis in jejuniis.

Si verò morbi alterius comes sit, vel accedens minus præcipuum famis cessatio, rectius *inappetentia* dicenda est, ne morbus cum accidente confundatur.

Accidentia anorexiam comitantia sunt *ciborum aversio*, seu *cacositia*, quæ tamen ab anorexiâ distinguenda est; aliud enim est cibos non appetere, aliud eos fastidire & averfari: sensus plenitudinis, aut gravitatis in ventriculo, vitiosus sapor oris, inedia, seu abstinentia pertinax; unde asthenia languor animi & corporis.

Nomen derivatur ab *oregomai* appeto, & à privativo.

Dysorexia est imminutio famis; *astitia* verò, vel *apositia* est abstinentia à cibis.

Fames est appetitus sensitivus, seu cupiditas esculentorum; ea certis intervallis jejunos afficit, quia cibos identidem sumendos esse sentimus ad vires reparandas, & voluptatem percipiendam, simulque consuetudini satisfaciendum; tria enim illa motiva nos ad edendum impellere solent. Si perceptio distincta horum motivorum nos excitet, tunc fames verè non est, sed voluntas edendi, seu appetitus ciborum rationalis, qui sæpè superest in anorexiâ, cum non fame, sed ratione, ut aiunt, ad manducandum invitantur.

Perceptio confusa vacuitatis in stomacho, & primis viis, voluptatis ex cibis expectatio, consuetudinis etiam energia, famem determinant; adeoque si anima tum ob causas mechanicas, ut saburram, laxitatem, phlogosim in ventriculo, tum ob causas morales, ut moerorem, ærumnam, erotomaniam, dolorem, hisce motivis non afficiatur, exsurgit inappetentia, quæ perperam apud Scholasticos solis causis mechanicis, physicisve tribuitur.

1. *Anorexia paralytica* Boneti *Sepulchret. tom.*
2. *obs. unica.*

Ob resolutionem nervorum stomachi Sennerti.

Si ea resolutio sit symptoma apoplexiæ, catalepticos, cari, alteriusve morbi soporosi, hoc accidens ad hos morbos pertinet.

Si verò sola sit nervorum ventriculi paralytica laxitas, vel perfecta, vel imperfecta, inde exsurget inappetentia pertinax, constans, iisdem principiis tribuenda, quibus artuum paralyxis tribuitur, emeticis, catharticis, aquis Bellilucanis potu assumendis, impugnanda.

Huc referenda anorexia, quæ à narcoticorum abusu procedit, circa quod narrant ex usu Atropæ Belladonæ leviter degustatæ illicò tolli famem, imò deglutiendi facultatem; verùm experientia aliud docet. *Vide* dæmonomaniam. Vini quidem & liquorum fermentatorum abusus, necnon fumus Nicotianæ famem imminuunt; sed vel quia inebriant, aut quia spiritus vini sæpius haustus nervos indurat, adeoque sensationi impares reddit. Sic vidi spiritus vini potatores demùm incidisse in anorexiam pertinacissimam; idem observat Ettmullerus.

2. *Anorexia pituitosa; Estomac glaireux.*

Est ea quæ à viscosis, adiposis, lentis humoribus in stomacho contentis excitatur, quod cognoscitur ex sensu gravitatis in ventriculo, ructibus insipidis, vomitione pituitæ insipidæ, glutinosæ, ex-assumptis oleosis, pinguibus, sensu repletionis, absentia signorum alia principia indicantium.

In hac specie indicantur eadem auxilia, ac in paralytica, & potissimum emetica, ut ipecacuanha, quæ gluten incidit, resolvit, tonumque stomacho restituit: plus valet, ait meritò Ettmullerus, in morbo vinum emeticum, quàm decem catharces; aquæ thermales Bellilucanis affines etiam rectè usurpantur; dein ad pilulas aloeticas,

MORBORUM, CLASSIS VI. 325
vinum absinthii, elixirium proprietatis, similia-
que stomachica amara devesiendum est.

Vide Boerhaavium de spontaneo glutinoso.

3. *Anorexia plethorica* Plateri *prax. lib. 1. cap.*
22. *Anorexia catamenialis* Halleri.

Ea est quæ à copiosiori cruore, seu à plethorâ ortum ducit; eâ scilicet gravatur stomachus, & vasa distensa impediunt ejus corrugationem, cui fortè annectitur sensatio, famem determinans.

Huc referenda anorexia à catameniis suppressis, quæ certè sæpè phlebotomiâ tollitur.

Anorexia à desidiâ & defectu exercitii, aut quod eodem recidit, à suppressâ perspiratione; cum enim nihil magis famem excitet, quàm vacuitas ab uberi perspiratione excitata, nihilque magis perspirationem excitet, quàm exercitium & labor moderatus: ita famem extinguit plethora à perspiratione suppressâ, seu à vitâ otiosâ & inertî pendens. Ex observatis Sanctorii patet eos cibos qui famem minuunt, ut viscosa, frigida, boleti, caro suilla, fructus cucurbitacei, eos ipsos perspirationem inhibere; ergo huc referenda anorexia ab his cibis oriunda.

4. *Anorexia febrilis* Boerhaavii *aphor. 644.*

Est potius accidens quam morbus, & eo nomine venit illa species, quæ omnes morbos inflammatorios & febriles comitatur, tum ob plethoram commotam, quæ his adjungitur, tum quia natura negotio morbofo detenta, minùs percipit ciborum necessitatem, & potulenta tantum frigida, subacida appetit; unde in his casibus ægri videntur, cremoribus panis, oryzæ, avenæ potius cibandi, quam esculentis, quæ fastidiuntur ab ægro, quæque deglutita difficulter digeruntur, ventriculumque gravant; sæpiùs etiam in febribus

impuris adest faburra biliosa, putris, aut alia similis, quæ ventriculū & os obducit, adeoque & famem, & gustum tollit; & ut in febribus puris phlebotomia, potus diluens, refrigerans optimè convenit, ita in impuris cathartica primas partes tenent ad famem restituendam.

5. *Anorexia melancholica* Ramazzini *de princip. valetud. pag. 757.* Baglivi *de medendis animi morbis, art. 3. lib. 1. cap. 14.*

Ambitiosi, aulici, mercatores, aliique qui fortunæ, aut honoribus inbiant, qui litibus implicantur, qui jacturas bonorum aut honorum metuunt, vel experiuntur, necnon qui studio acrilitterarum, scientiarum incumbunt, huic anorexiæ sunt maximè obnoxii, quæ melancholica idè dicitur, quia omnes vesanias mœrore stipatas, ut erotomaniam, nymphomaniam, ipsam melancholiam, maniam, aliosque morbos ejus ordinis comitari consuevit.

In hujus speciei curâ plures falluntur Medici, qui languorem ventriculi, oris amarorem, sitim circa horas matutinas, flatus & hypochondriorum tensionem videntes, malum vitiosæ digestionis, tanquam principio morbi tribuunt, cum ipsa dyspepsia, ut anorexia animi pathematis sit tribuenda; errant itaque illi, si insontem stomachum catharticis & emeticis, calidisque medicamentis divexent, ac remedia moralia negligant. Optima Baglivi hac de re monita loco citato videantur, & inde discant Scholastici non in omnibus anorexiis esse putredinem incusandam, nec species hujus morbi confundendas, ut theoriæ præconceptæ velificentur.

Huc spectat anorexia ex desuetudine veneris Galeni *lib. 6. de locis.*

6. *Anorexia biliosa* Foresti *obs.* 7. *lib.* 18. Ettmulleri *cap.* 2. *Inappetentia à bile* Riverii, &c. Bonet. *Sepulchr.* *obs.* 13.

Cognoscitur ex sapore amaro, nausæa, & vomitione bilis, calore, fiti, ægrique temperamento.

Præmissio leni emetico, catharsis lenis est usurpanda in sero lactis, vel superbibendo aliquot libras aquæ mineralis acidulæ; dein ad acida, ut syrupum granatorum, ribesiorum, limonatam deveniendum est.

Huc videtur referenda anorexia canicularis, seu quæ æstate sæpius adolescentes, virosque afficit, cum totius corporis calore vires frangente, agrypniâ, urinæ rubore, fiti, &c. in quâ præmissâ catharsi refrigerante, ut ex aquis Alefienfibus, ad balnea, aut ad limonatam, emulsiones, potum nive frigefactum, acidos fructus, recurrendum.

7. *Anorexia cachectarum.*

Est ea quæ skirros & obstructions viscerum abdominis, ut splenis, hepatis, ventriculi comitatur. *Vide* Salmuth. *centur.* 2. & Bonet. *Sepulchret.* In omnibus quidem morbis, sed potissimum in cachecticis inappetentia semper mala, semper suspecta, semper timenda; post curatos morbos superstites recidivam prænunciat: nulla alia bona signa me exhilarant, ait Baglivus, si desit fames.

8. *Anorexia exhaustorum* Sanctorii *Medic. Static. sect.* 6. *Frigiditas stomachi* Prosper. Alpin. *de Ægyptiorum morbis.*

Venus immodica nocet stomacho, unde ructus, aperiæia, flatus, hypochondriaca pathemata, moror, languor, macies, asthenia, perspiratio imminuta; inde lippitudo, palpitatio, hippus.

Maximè nocet venus ante digestionem peractam

328 GENERA ET SPECIES

æstivo tempore, non satis cupita, frequens, stante corpore, apud senes, ab imaginatione, non à naturâ excitata, &c.

Curatur alimentis liquidis facilis coctionis, usu lactis, abstinentiâ à venere, usu ambaræ, coccolatæ, ginseng, &c. Ægyptiis hæc species familiaris est, & ad hypochondriasmum duxit.

9. *Anorexia à saburrâ.*

Ea est quæ à reliquiis alimentorum indigestis in stomacho hærentibus, crudis provenit, sive quia copia major est assumpta, quam quæ viribus coëtricibus digeri potest, tum quia qualitas discepta alimentorum cum ventriculi debilitate ad aperiendam concurrat.

Curatur abstinentiâ à cibo, usu potûs calidi, coffeæ, infuso absinthii, centaurii minoris, chamædryos, quæ si non revocent famem, ad cathartica, aut etiam emetica deveniendum, indicata à capitis gravitate vertiginosâ, ructibus, nausæâ, stomachi pondere.

Pingua, oleosa, viscosa, tenacia alimenta anorexiam præ aliis excitant.

10. *Anorexia mirabilis.*

Est ea abstinentia à cibo & potu, quæ, vitâ superstita, per menses & annos perseverare dicitur.

Sæpius est inedia simulata; verum pituitosi, maniacy, nymphomaniacæ, soporosi, paralytici, &c. diutissimè inediam tolerant.

Mira est inedia totius classis amphibiorum, & maximæ partis insectorum; colubrum per duos annos in vase vitreo sine cibo servavi vivum; totam hiemem somno indulgent glires, & per novem menses dormiunt omnes viperæ, serpentes, muscæ plures, &c.

Necessitas cibi urget in ratione, 1^o. jacturæ prægressæ; 2^o. acrimoniæ sanguinis; 3^o. sensibilitatis subjecti.

Perspiratio nulla erat, nulla sordities indusiorum per annum in virgine Vivariensi, quam nihil toto hoc tempore comedisse asserunt. Oyum oleo illitum per plures annos servatur edule & incubatui aptum. Mures Alpini pinguedine suâ, & triplici omento hieme sustentantur. Apoplectica viginti dies nihil deglutire potuit. Ex Becari. Pater Leauté totam quadragesimam pluries transegit sine alio cibo potuve, quàm quæ ad sacrificium adhibentur. Melancholicus se Messiam esse putans, quadraginta sex dies cibo & potu abstinuit. *Ad, Bononiens. tom. 2.*

11. *Anorexia Neophytorum.*

Neophyti, seu nuper nati, postquam abstinuerunt à lacte per diem, mammis admoti omni ferè bihorio fugunt: qui verò parcius, rariùsve papillam apprehendunt, & non appetunt; illi ut plurimum sunt qui ante novimestre spatium ex utero sunt exclusi; illi scilicet segnes ad lactendum, dormitabundi papillam oblatam statim dimittunt, & sæpiùs sine ullâ causâ, eâdem ferè die quâ nasci debuissent, obeunt. Si verò papillam avidè quidem labiis apprehendant, & exfugere conentur, mox gemebundi dimittant, illi non anorexiâ laborant, sed vel fræno linguæ impediuntur, vel torminibus ob meconium retentum vexantur. In hoc ultimo casu ope mellis, syrapi rosacei, vel mannæ, necnon olei amygdalini, meconium evacuandum est.

12. *Anorexia arthritica; Debilitas & languor ventriculi* Sydenhami *de podagrâ*, pag. 484.

Est præcipuum ex symptomatis quæ podagricos

divexant cum jamdudum paroxysmis debilitati sunt, aut cum liquoribus spirituosus olim indulserunt, necnon cum emplastris repellentibus usi sunt, & topicis refrigerantibus ad dolorem mitigandum: multa auxilia expertus Sydenhamus, ut vinum Gallicum, theriacum, nullum potentius invenit quàm haustus quosdam vini Canariensis, non neglecto tamen exercitio, sine quo æger vix diù servari potest.

XII. *Adipsia*, Manquement de soif.

Est suppressio cupiditatis potulentorum, seu sitis imminutio, aut abolitio morbosa.

Quoniam magna pars esculentorum constat aquâ, seu succo aquoso, quo sitis compescitur; hinc fit ut plurimæ sint mulieres, quæ sine potu valent & vigent; ast si victu sicco omnino utantur, ut quandoque hydropibus præscribitur, potûs necessitas se prodet; sunt tamen qui per menses etiam æstivos, totumque quadragesimale jejunium cibis eo tempore licitis tantum utentes à potu abstinent.

Adipsia in morbis acutis, ut tritæophiâ ardente, ubi fervor & ficcitas potum imperare videntur, delirium significat.

Adipsia in pleuritide, peripneumoniâ, tribuitur vulgò tussi, cujus ratione lingua continuo sero humectatur.

XIII. *Anaphrodisia*, Impuissance virile; *Atechnia* Pathol. methodic.

Est ablitio libidinis, seu appetitûs actûsque veneri ad prolem generandam necessarij; unde virorum impotentia, sterilitasque.

Impotentia virorum datur, eaque absoluta, cum nullo tempore, etiam si adulti sint, & aliunde sani, nequeunt coitum celebrare, 1°. defectu erectionis; 2°. defectu ejaculationis; 3°. defectu seminis fertilis.

1. *Anaphrodisia à paralyfi* Etmuller. *de læsâ penis erectione*, pag. 460.

Ea est quæ pendet à paralyfi musculorum erectorum, qui ischio-cavernosi dicti nervos ab ultimis paribus ossis sacri accipiunt, & contracti penem ossi pubis apprimunt, unde transfluxus sanguinis per venam ibi compressam impeditur, dum influxus in arterias penis per libidinem adaugetur, inde cellularum corporum cavernosorum, balani, textusque urethræ distensio, penisque rigiditas, & erectio ad coitum necessaria.

Resolutio nervorum penis accidit in paraplegiâ, hemiplegiâ, morbis omnibus soporosis, sed specialiter ex casu in dorsum, os sacrum & vicinas partes, ut vidit Hildanus *centur. 6. obs. 59.*

2. *Anaphrodisia gonorrhoeica*; est impotentia virilis oriunda ex spontaneo seminis effluxu inter alvum deponendam, aut ad initium erectionis; accidit verò masturbatoribus, frequentes gonorrhoeas passis, imò qui nimio opere veneri etiam puræ indulserunt. De his vide *Brady spermatis-mum & Gonorrhoeam.*

3. *Anaphrodisia magica* Kempfer. *amœnitat. fascic. 3. pag. 658. Macassarorum ligaturæ.*

Apud Indos, & in specie Macassaros non solum verbis & actionibus vanis, sed præterea mediis naturalibus, vel saltem effectum intentum sæpè fortientibus utuntur, qui procum vel adulterum ligare volunt & enervare: alibi hoc præstant per seram clausam, ligulam constrictam, cul-

trum parieti infixum, vel ligaturam tollunt min-
gendo per annulum sponſionis, vel per anſam
lapidis ſepulchralis, ſimilibuſque ineptiſſimis phy-
laſteriis; aſt apud Macaſſaros vir conjugem aut
amaſiam ligaturus linteum ejus menſtruo cruore
pollutum comburit, ex cineribus & pauxillâ terrâ
Priapi figuram fingit urinâ additâ, iconem cautè
ſervat ſiccam; quandiù ſicca fuerit, nil ipſi ab
amaſiâ aut conjugis fide timendum: ſi verò hu-
meſtatur icon, & marito & aliis tamdiù patebit
aditus. Hæc fabulatur Kempferus, qui addit in
Oriente nullas nuptias celebrari, quin adſit ſaga,
quæ ſingulari modo ligaturam & faſcinum avertat.
Illarum ligaturarum formulam dudum tradidit Vir-
gilius Ecclogâ octavâ.

Necte tribus nodis ternos, amarylli, colores;
Necte amarylli modo, & veneris, dic, vincula neſto.

4. *Anaphrodiſia à maricſcis* G. Cockburn. *Eſſais
d'Edimbourg. tom. 2. artic. 27.*

Impotentia coeundi ab hæmorrhoidibus inter-
nis in muliere, quæ conjugis amplexus tolerare
non poterat, ob dolorem vaginæ à maricſcis in-
ternis oriundum, & in coitu tantum incommo-
dum.

Sanatis maricſcis convaluit.

5. *Anaphrodiſia ab urethræ vitio.*

D. Lapeyronie refert exempla ſterilitatis ob
ejaculationis defectum, ſemine ob pravam direc-
tionem orificiorum in veſiculis ſeminalibus juxta
verumontanum ad veſicam urinariam retrogredi
ſolito.

D. Petit ſimilem ſterilitatem ſanavit per inci-
ſionem ſimilem illi quæ inſtituitur in lithotomiâ
per magnum apparatus inſtitutâ.

Andræas Chirurgus observatione octavâ de morbis urethræ, ostendit erectionem impeditam esse, proindeque ejaculationem à duritie skirrosâ latente, ubi concurrunt corpora cavernosa.

Curatio utplurimum per candelas cereas vel plumbeas sæpiùs in urethram immixtas, & aliquot horis quotidie retentas obtinetur; inde subsequitur uber proventus muci, vel ut alii putant, puris viscosi, quo liberatus ille canalis patentior evadit, resolvuntur obstructions, lapillulis, grumulis exitus paratur, & si concurrat litus mercurialis; quippè ea vitia gonorrhœæ syphiliticæ sæpiùs ortum debent, virilium organorum robur & libertas restituitur; perperam in his casibus paralyseos remedia adhibentur.

ORDO TERTIUS.

DYSCINESIÆ.

SUNT morbi quorum præcipuum symptoma est debilitas, imminutio aut suppressio motus muscularis in organis libertati subditis, ut in artubus, linguâ, aliisque, quæ immobilitas nec dolori nec sopori tribuenda sit.

A *dys* difficulter, & *kineo* moveo, unde *kinesis* motio.

Ad motum muscularem requiritur, 1°. motivum quod vel voluntatem vel cupiditatem excitet ad agendum; sic defectu motivi quiescimus, etiam si motrice facultate polleamus. 2°. Sufficiens impetus fluidi nervei à cerebro ad partes immixti, unde deficiente hoc fluido, ut in metu, leipo-

thymiâ, cessat, aut imminuitur motus. 3°. Permeabilitas nervorum, quos hoc fluidum pervadere debet extra vel intra musculos, unde ligatis, pressis nervis cessat motus. 4°. Muscularium fibrarum flexilitas debitâ cum elasticitate, unde si rigescant, aut si flaccescant, omninò nullus motus muscularis.

Multum erravere Galenici, qui ferè omnes hos morbos laxitati fibrarum, & humiditati tribuerunt; facultas etenim movendi pendet partim ab animæ, partim à corporis statu; anima scilicet à pravo nuncio, à metu, terrore, deliquio, licet corpus benè se habeat, hanc facultatem vel amittit, vel exerere non potest per aliquod tempus.

Quoad statum machinæ, vel vitium est in cerebro, inde verò sæpè oriuntur comata, seu motuum omnium liberorum, sensuumque feriatio; vel deficit actio sanguinis arteriosi in ipsis cerebri vasis, unde silent omnes cerebri functiones, & tunc præter sensuum & motuum liberorum feriationem, languent etiam, vel ferè evanescunt motus vitales cordis & pectoris, ut in syncope.

Ast si in nervis, musculisque hæreat vitium, excitat dyscinesiam, quæ partialis est morbus, in quo plurimi sensus in aliis partibus, plurimique motus, ut cordis, perseverant, unde differt hic ordo à subsequenteribus.

XIV. *Mutitas*, la *Mutité*; Græcis *Anaudia*; Quibusdam *Aphonia*, *Anaude*, *Alalia*, imò *Cophosis*.

Est impotentia voces articulatas edendi, seu sermonem proferendi.

Vox est sonus ab ore & larynge editus animæ

ſenſis reſpondens, iſſque ſignificandis deſtinatus. Græcis *phonos* dicitur, unde *aphonia*, ſeu vocis privatio, quæ à mutitate multùm diſcrepat; datur enim mutitas ſine aphonîâ, non tamen aphonîa ſine mutitate, niſi confundamus muſſitationem cum loquelâ.

Muſſitare eſt motibus oris & linguæ exprimere verba cum ſono ita debili, ut vix audiri poſſit; ſic muſſitant quibus vox extincta dicitur, & ſermè ſine voce loquentes audiuntur, quia dùm quis idiomate nobis familiari loquitur, nos ejus ſenſa partim ex loquelâ ſonorâ, partim ex geſtu, nutu, motibusque oris & linguæ ejus mentem aſſequimur.

Aphonîa vera eſt accidens morbos ſoporofos, & ſyncopales concomitans, unde pro comate apud Hippocratem paſſim uſurpatur; pendetque tum 1º. ex debiliore impetu aëris in chordas vocales expirati, ut in ſummâ tum totius, tum pectoris debilitate, necnon ex amplo vulnere pulmonis; 2º. ex inertîâ, immobilitate, eroſione chordarum vocalium.

Chordæ vocales ſonum edere nequeunt, niſi tendantur; tenduntur autem actione muſculorum thyroideam cartilaginem ab arythenoidæis abducentium, maximè vi cricothyroidæorum, unde immiſſo digiti apice intra foſſulam quâ diſtinguitur cricoides à thyroidæâ, ex preſſione digiti ſurdus etiam vim vocis editæ poteſt æſtimare; hinc paralyticis illis muſculis aphonîa accidit, ut reſectis nervis recurrentibus, qui ad hos muſculos tendunt, ut experiebatur Galenus. Idem accidit, ſi ulcere exedantur chordæ, ſi tumore adnato premantur, diſtrahantur, craſſeſcant, adeoque immobiles evadant; his poſitis neceſſariò ſequetur mutitas aphonæ.

Loquela est vox articulata, seu opè cavi narium & oris, uvulæ linguæ, labiorum & dentium modificata, ita ut non solum ideis confusis referendis par sit, cui scopo sufficit clamor, suspirium, risus, fletus, aliæque voces bruto & homini communes; sed ut ad ideas distinctas & syllabarum seriem his ideis respondentem significandas sufficiat. Muti itaque illi sunt, qui licet sonos pathematis respondentes, & brutis communes edant, mentis suæ sensa verbis distinctè efferre nequeunt; differunt autem muti à balbis in eo quod nullam syllabarum seriem pronuncient muti; balbi verò tantum quasdam syllabas, vel minimè, vel imperfectè pronunciant: hinc differentia inter mutitatem, seu anaudiam, & psellismum, seu balbutiem.

Mutitas est impotentia vel sincera, vel simulata sermonem edendi, psellismus rectè syllabas omnes pronunciandi.

Tyrocinio indigemus non ad vocem, sed ad loquelam, opus enim est ut infans, imitator nutricis sedulus, pronunciandis diversis, quas audit, syllabis assuescat, illasque syllabas laboriosè combinando, quæ sibi necessaria sunt, jam puer petere addiscat. Hinc muti sunt & qui audiendi facultate carent, seu surdi ab ortu & qui stupidi & hebetes, imitandi vel quærendi utilia, nullo appetitu gaudent, vel qui nullâ sensatione, aut imaginatione ad loquendum incitantur, ut somno detenti, quique demùm loqui omninò recusant, ut in melancholia silente & extasi, similibusque morbis.

1. *Mutitas à Glossolysi. Paralyse de la langue.*

Lingua est certè primarium loquelæ instrumentum, eâ siquidem non solum litteras linguales dictas propriè

propriè effingit, ut L. R. sed cum dentibus dentales, ut D. T. S. Z. efformat, dorso suo sursum flexo gutturales producit aërem retrorsum repellendo, ut G. K. M. Interea visi sunt quidam elingues loquendi facultate præditi; illis siquidem vel ex oris basi, vel è lateribus oriebatur, aut inter loquendum exsurgebat quædam caruncula linguæ vices supplens. Si verò resoluta sit lingua, motuve careat, nil ejus vices supplere valet; cognoscitur verò ejus resolutio ex eo quod ipsam ægri movere, nec exerere valeant, licet mentis compotes, inde etiam difficilis deglutitio, & ciborum in ore volutatio.

Hæc species sæpiissimè apoplexiam sequitur, & hemiplegiam plenariam comitatur.

Curatur difficillimè per drastica, emetica; sæpius ab eodem principio revertitur apoplexia; siagogæ optima sunt pyrethrum, radix hellebori foetidi masticata, fumus Nicotianæ, hujus masticatio, usus internus castorei, mari, pulegii, salviæ flores, semina; sub formâ theæ, duciæ ex aquis bellilucanis.

2. *Mutitas traumatica* Fabric. Hildani.

Qui torturam patiuntur non solum muti ob atrocem dolorem fiunt, quandiu torqueri pergunt, sed etiam in epilepticum soporem labuntur ut ipse vidi, & Fabricius Hildanus rectè monet. Judices quandoque falluntur, qui reos illos voluntariè filere putant, hinc miseros crudeliùs torquent, ast à tractione sympathicâ nervorum recurrentium pendet illa mutitas; vidi miserum ex duriori torturâ non solum obmutuisse, sed etiam omnem sensum amisisse, cum rigiditate & vibratione spasmodicâ totius corporis, maxillæ constrictione, & dein febre acutâ, quæ omnia diebus

integrum perseverarunt, metuente iudice, ne mors supplicium ultimum præverteret.

Observavit Thiermairius mutitatem biennem ortam ex contusione colli, quæ præscripto cathartico demùm sanata fuit.

Mutitas à nervis recurrentibus excisis non solum observata est à Galeno, sed ab aliis Auctoribus in brutis excitata, imò in scrophuloso homine ex resectis glandulis colli producta fuit.

Mutitatem seu aphoniam à vulnere thoracis ortam observavit Munnicksius.

3. *Mutitas à Narcoticis* Mangeti. *Bibliotheca pract. de Paralyfi*, pag. 757. & 758. Vide Scholia Thiermairii.

Quibuscumque vinum feminibus daturæ infectum præbuere latrones circa Monspelium. Superveniebat mutitas ita ut æger per unam alteramve diem licet vigil interrogatis respondere minimè posset.

Ab opio in aurem immisso contra otalgiam, secutam esse mutitatem observavit Galenus. Vidi ipse mutitatem similiter fugacem à baccis atropæ Belladonæ, à radicibus hyosciami ingestis; idem accidit cum temulentia, imò à vini abusu balbuties orta quotidie observatur.

4. *Mutitas elinguium* Manget. *Bibliothec. de paralyfi*, pag. 748. Dejussieu, *Act. Acad. Paris.*

Lingua exeditur ab ulcere in cynanche sphacellosâ & pædanchlone Aetii, in variolâ malignâ, in ejus cancroso ulcere, aliisque casibus.

Præciditur non rarò ejus apex in epilepsiæ insultu, unde mutitas, sed fugax; nam sanato vulnere, loquela restituitur, licet balbuties quædam superfit. Imò recrefcere linguam docet Horstius, Thiermairiusque.

In linguæ locum intumescit quandoque basis oris, & sic elingues loquela gaudentes visi sunt.

De hoc morbo vide Rollandi *Aglossostomographiam* in Mangeti *Bibliotheca Med. Pr.*

5. *Mutitas à siccitate.*

In febribus malignis ita arêscit, & exsiccatur quandoque lingua ut ligni duritiem æmuletur cum nigredine; inde loquendi impotentia, sed fugax.

Visa est lactans mulier à longiori lactatione hunc morbum traxisse, & ab lactato alumno loquelam recuperasse.

6. *Mutitas spasmodica* Sennert. *de Scorbuti signis*, cap. 4. *Mutitas hysterica* Patholog. methodicæ.

Vidi alium, ait Eugalenus, loquendi potentiâ orbatum, nonnullis apoplecticum quid esse existimantibus, cum potius organorum vocis esset contractio, vel quædam convulsio; cum æger ipse postea referret se eo loci dolorem & contractionem quamdam sensisse.

Hac specie laborant non raro hysterica, quæ sibi fauces quasi vinculo constrictas sentiunt, & aphonia aliquandiù remanent.

7. *Mutitas prææretica* Menjotii *de Mutitate Dissert.* *Silentium Plinii.*

Ea est vel simulata quæ non infrequens apud mendicos, puellas, &c. vel à melancholiâ, aut extasi ortum ducit: nec rarum est videre melancholicos attonitos per annum & ultra filere omninò.

8. *Mutitas surdorum.* *Mutité des sourds de naissance.*

Qui ab ortu surdi sunt, muti etiam sunt necessario, quia loquellæ tyrocinio destituti, non verò quia aphoni; etenim voce gaudent & suâ cogitationem solum solerti gestu, sed etiam voce simplici

exprimunt; quippe ingenii acumine, necnon cæteris sensibus, ut visu, tactu, gustu, olfactu exquisitioribus gaudent. Illi A exclamant cum gaudent, I cum indignantur & irascuntur, O cum commiserantur, &c. Deficit verò loquela seu vocis articulatae distinctis ideis respondentis pronunciatio.

Artem loquendi primus furdos docuit Ammannus Amstelodami, & Wallisius celebris Londinensis Mathematicus; hodiè Parisiis hanc exercet Pereira, his autem principiis innititur.

1^o. Digito inter scutiformem & annularem laryngis cartilaginem sui præceptoris motum tyrones explorent, ut sentiant discrimen simplicis hiatus à voce sonorâ, & soni acuti à sono gravi, nam digitus eò fortius premitur, quò vocis tonus est altior & acutior.

2^o. Attentè observet discipulus præceptoris labia, dentes, linguam, palatum, & coram speculo hos motus imitari discat.

3^o. Digito ante os vel ante nares præceptoris datas litteras pronunciantis admotò, sentiat num ab ore, num à naribus aër emittatur, ut distinguat & imitari discat litteras orales & nasales.

4^o. Quamcumque litteram etiam errando proferat, præceptor applaudit, & pluries huic pronunciandæ assuescat discipulus antequam ad alias litteras transeat.

5^o. A simplicissimis & facillimis litteris initium sumatur; ut à vocalibus, dein à labialibus antequam ad diphthongos, ad litteras explosivas, ad syllabas, &c. deveniat.

6^o. Singulas litteras quas rectè pronunciare didicit, delineet, & delineari ab ipso jubeat præceptor, ut ideam delineatæ litteræ, cum ideâ

motûs organorum ipsam comitantis connectere discat; imò objectum delineatum coloribus expressum, vel præsens ipsi ostendatur, cum fieri potest.

Vocales sunt, *a, e, i, o, u*: diphtongi sunt vocales combinatæ, & ferè successivè pronunciatæ, ut *ai, au, ei, eu, ou, oi, uy*, &c.

A. gutturalis est, depressâ maxillâ inferiori, linguâ exporrectâ, ore patulo fit.

E. & I. sunt dentales, glottide dentali angustatâ, labiali patulâ: ad I proferendum glottis dentalis angustior, lingua dentibus imis propior.

O. U. W. sunt labiales, glottis labialis oblonga, angusta in U minor, angustior quàm in O.

Consonantes pronuncientur sine ulla vocali antecedenti vel subsequenti, more novæ methodi alphabeticæ, secus progressus discipuli multum retardantur. Sic M. F. pronuncientur non *emme, effe*.

Consonantes labiales omnium facillimè proferuntur, aëre à glottide labiali ferè clausâ ad nares percussio, cum levi explosione diductâ hac glottide sic pronunciantur M. B. P.

Consonantes *mutæ* non explosivæ sunt *j.* vel *g.* molle, *ch.* Gallorum, S. F. V. *explosivæ* seu quæ paululum retentum aërem cum impetu explodunt sunt kappa seu C. durum necnōn G. gamma, & dentales D. T. atque labiales B. M. P. Ad V. & F. seu *φ.* requiritur glottis ex dentibus superioribus & labio infimo facta angustissima: diductis digito utrinque labiis si P. pronunciare velis, orietur F.

Nasales sunt M. N. Gn. quas naribus digito compressis nunquam pronunciabis, cum ad eas

342 GENERA ET SPECIES
proferendas aër è naribus potissimum erumpere
debeat.

Linguales sunt L. & R. -pronunciatu difficil-
lima est R, hujusque loco Arverni sæpè L. pro-
ferunt, & Gallo-provinciales; quique linguâ
crassiori sunt donati, sonum raucum hujus R loco
edunt.

Gutturales sunt H, Gamma, Kappa.

Nasales sunt partim quæ naribus obstructis dif-
ficulter pronunciantur, ut B. P. M. D. T. F. G.
H. K. N. Q. R. X. Cæteræ sunt A. E. I. O. U.
C. L. S. Z. quæ maximè orales.

Maximè affinis est D & T; B & P; S & Z.
F. & V; Gamma & Kappa; eæ gradu asperita-
tis & explosionis ab invicem discrepant.

Gutturales asperrimæ & stertorosæ redduntur
cum uvulæ tremulus motus concurrit, necnon si
cum litterâ R conjunguntur, ut in voce *Græcâ*;
magis asperæ & raucæ si inspirando pronuncientur.

XV. *Pfellismus*. Bégayement.

Est difficultas vel impotentia quasdam syllabas
litterasve rectè pronuciandi. *Ægri Bradyglossi*,
ætipoi Græcis.

Illud verò vitium vel ex vitio mentis, vel ex
vitio organotum loquelæ, vel ex vitio organo-
rum vocis procedit. Ex vitio mentis dependet,
cùm vitiosa educatio huic ortum dedit, & à
pravâ consuetudine dependet. Sic ut placeant,
litteras sibilantes duras ut S, pronunciant leniùs
ut Z, aut cum vi consuetudinis Vascones pro-
nunciant *vivere* pro *bibere*, & *angelus* quasi *anse-
lus*; cùm etiam per præcipitantiâ inter loquen-
dum hæsitant & offendunt adversùs K. D. T. ita

ut illas litteras vel omittant vel cum labore tantum proferant, quæ fufius in speciebus apparebunt. Natio, patria, affectatio, morbus, mala conformatio his anſam præbent.

1. *Pſellismus Iſchnophonia. Hæſitatio Latinis. Bégayement. Ægri bambaliones.*

Eſt vitium eorum qui in certis litteris pronuntiandis illicò ſiſtuntur & hærent quaſi offenſaculo quodam vox inhiberetur.

Hoc vitio Demòſthenes ſe liberavit lapillis in ore retentis dum declamaret. Illud verò vitium pluries locum habet dum litteræ gutturales ut K. G. occurrunt, quas ut pronuncient, veluti ſingul-tiunt: videtur aërem in illis litteris proferendis explodi, & ad os mitti, cum à velo palatino, uvulâ, & baſi linguæ paululum fuit cohibitus, difficultas ideò horum organorum movendorum eſt pſellismi illius principium, quæ difficultas repetitis conatibus & præceptoris periti auxilio poteſt vinci, rectius dicitur Iſchophonia, ab *iſcho*, reprimo, inhiſco, & *phone*, vox, licet vox minimè lædatur, ſed ſolum loquela ægri; v. g. loco *Cæſar* dicunt *Cæcæſar*, & pro *fama* dicunt *ſamama*, ac cum impetu pronunciant, additis faciei diſtorſionibus conatum loquendi deſignantibus.

2. *Pſellismus Rottaciſmus. Gallis Graſſeyement, parler gras.*

Eſt ſpecies quâ littera R vel repetitur vel cum ſtridore & aſperitate profertur.

Hoc vitio apud Græcos Eretrienſes, apud nos Gallo-provinciales endemicè laborant, & hæreditaria labes ab Atavâ Gallo-provinciali ad nepotes tranſire viſa eſt. Sic affecto linguæ apex deorſum verſus baſim dentium maxillæ inferioris affi-

gitur in hac litterâ pronuntianda, qui deberet fursum ad palatum tendere & leviter tremere, basi verò linguæ fursum versâ aër versus nares reprimitur. Hinc rauca & aspera pronuntiatio. Vulgò tamen tribuitur linguæ crassitudini & tarditati. Hoc vitium puellis non indecorum videtur, quippe plures hoc affectant. Arverni rustici pro voce *malia*, pronunciant *maria*, seu R loco L.

3. *Psellismus lamdacismus*. *Lallatio* Latinis.

Illi lallare dicuntur qui litteram L vel inopportune geminant & emolliunt instar LL Hispanorum, vel *lh* Vascorum, vel loco litteræ R. litteram L, ut *maliam* pro *mariam* pronunciant. Vidi sic affectos linguam habere tenuem, & os salivofum, sed hujus vitii principium est accuratius investigandum.

Sunt qui litteram *ll* Hispanorum, vel *gli* Italorum non proferunt, ast in ejus locum vocalem I substituunt, ut *moyé* pro *moglié*, quod vitium *jotacismi* nomine videtur Græcis designatum. An difficultas pronuntiandæ litteræ R adeoque lamdacismus oriatur, quandoque ab anchiloglossa, ut Pater Fabri judicat, inquirent alii.

4. *Psellismus traulotes*. Latinis *Blæstus*. *Syrgismus* Græcis. Occitanis *parler blès*. Ægri *Traulisantes*.

Hæc est species quâ certæ consonantes ex duris in molles flectuntur, & sic pronunciantur *anselus* pro angelus, *capidolium* pro capitolium, *zeta* pro seta, *gamma* pro camma, & sic de aliis litteris affinis, cujus vitii affectatione quidam sibi venustatem loquendi conciliare putant. Hoc autem à debilitate pronuntiationis apud pueros deliculos ortum ducit sine affectatione adeoque ætate crescente & conatu repetito tollitur; den-

tium defectus etiam facit ut litteræ dentales ut D. T. omittantur aut leniantur.

5. *Psellismus balbuties*. Græcis *mutacismus* ; & propriè *psellisma*. Quintiliano *platejasma*.

Est difficultas rectè pronunciandi verba litteris labialibus conflata , ut B. M. P. ita ut illæ litteræ sæpius repetantur , aliarum loco in sermone ingerantur , gementur.

Hoc vitium vel infantibus familiare est , quia dentium defectu , labra ferè sola consonantes omnes effingunt , unde balbutire necessum est. Ast dedecorat eos qui temulentia indulgent , ob tremorem enim labiorum & linguæ sæpius litteræ labiales occurrunt quàm par est : negligentia etiam in ore sufficienter diducendo apud Labeones huic ansam præbet. : quò autem regio quam inhabitant homines frigidior est, eò strictiori ore loqui solent.

6. *Psellismus mogilalia*. Ægri *mogilali* Aetio.

Est impotentia pronunciandi litteras labiales quæ vitiosè à balbis , minimè à mogilalis proferuntur , vel harum loco aliæ substituuntur. Sic quibus labium alterutrum deficit , ut in labro leporino vix pronunciari potest B. P. M. maximè si dentes simul anteriores desint ; littera etiam V. loco F , vel F loco P profertur , maximè si labrum inferius moveri nequeat.

Ad paraphoniam videtur referenda difficultas pronunciandi litteras nasales ut M. N. Gn , necnon gutturales ut G. Gr. R. K. X. , quam quisque experiri potest , si naribus obstructis eas proferre velit , quocirca ob vitium soni magis evidens *nasitatem* inter paraphonias dimittimus.

7. *Psellismus metallicus*.

Est psellismus deauratorum , pictorum , &c. Hanc speciem multiplici observatione curari

346 GENERA ET SPECIES
constat ex Ill. de Haen, *part. 3. cap. 1.* per
electrificationem.

8. *Psellismus jotacismus.*

Est difficultas pronunciandi litteras gutturales, quæ sunt *jota*, *j* consonans & *g* molle Gallorum. Illud vitium familiare est apud eos quibus palatum est perforatum, quod in duobus ab ortu factum vidi, in aliis ab ulcere syphilitico ortum. In quo casu si quis incautè bibat, potus per nares rejicitur, vox illa ingratissima est, & apud recens natos hoc foramen impedit lactis deglutitionem, nisi prolonga sit papilla, quæ ultra foramen extendatur. Lamina argentea solerter applicata & firmata potest hoc foramen exactè claudere & huic vitio mederi. Illud vitium quilibet potest simulare.

9. *Psellismus nasitas. Le parler du nés.*

Est illud vitium in tono vocis quod accidit ex narium obstructione, ita ut qui naso loqui vulgò dicuntur, illi sint præcisè qui naso non loquuntur, seu apud quos deficit voci ille resonitus qui ab aëre nares subeunte dependet, & qui harmoniam voci conciliat, illa verò narium obstructio pendet à diversis principiis; v. g.

A calculo intra nares genito, unde coryza multum pituitæ suppeditans cum sensu corporis peregrini avellanæ magnitudine. Gabr. Clauderi *Collect. Acad. pag. 609. Tom. III.*

XVI. *Paraphonia. Vice de la Voix. A para,*
vitiosè, & phonos, vox.

Cognoscitur hic affectus ex vocis vitio, seu insuavitate, adeoque est impotentia vocem suavem edendi tum in cantu, tum in loquelâ, ita

ut vox sono suo aures lædat aut defatiget.

Rectius diceretur *cacophonia*; à Menjotio de vocis vitiis *trachophoniæ* nomen inditum est, quæ in potissimis speciebus vox est aspera. Differt admodum paraphonia à psellismo quocum sæpè combinatur; in isto affectu sola pronunciatio, in illo vocis tonus viciatur.

Ægri Galeno dicuntur *Trachyphoni*; hoc verò genus Auctores nullo nomine proprio inter vitia vocis & loquelæ, vel ad branchum aut raucedinem referunt, sed raucedo hujus species est.

Loquela si perfecta & concinna sit, est species cantus submissioris, lenioris, nec ab eo differt nisi quod cum minori labore, minorique laryngis conatu exeratur quàm cantus; ut verò cantus jucundus sit, debent tria concurrere, scilicet *melodia*, seu sonorum jucundorum series; sono autem successivi illi tantum placent, quorum ea est inter vibrationum numeros ratio quæ minimis primisque numeris exprimitur, adeoque facillimè à mente percipitur, ut demonstrat Illustr. Eulerus in suis Musices Elementis. Secundò *symphonia*, seu concursus sonorum simultaneorum, non successivorum; soni autem simul auditi illi jucundi sunt, ut in melodiâ successivi, qui varii sunt & harmonici, seu consonantes; consensus enim in varietate semper placet, & ad perfectionem requiritur: in loquelâ humanâ adest semper quædam consonantia inter sonum ab ore editum & sonum à cavo narium repetitum, vel reflexum, illi soni cum tono chordarum vocalium debent aliqualem harmoniam servare, licet remotam.

Denique ut in poësi si pedum variorum series & ordo conveniens, seu si breves & longæ syllabæ ritè combinentur, modulamen jucundius

evadit ; ita si notarum brevium & longiorum recta sit series & combinatio , cantus suavior est.

Ratione itaque contrariorum paraphonia exsurgit ex defectu melodiae , symphoniae , & rythmi ; adeoque si vox sit dissonans , tenuis , aspera , homotona , & quò plura simul vitia concurrent , eò vitiosior futura est , & ingrator.

Larynx est potissimum vocis organum saltem primarium ; ex vitioso motu ejus muscutorum , & dissonantiâ chordarum vocalium primario pendet paraphonia ; verumtamen & nares , ut in nasitate , & os & uvula , aliaeque oris partes vocis tonum mutare , adeoque vitare valent , ut in speciebus patebit.

1. *Paraphonia puberum ; Muë de la voix.*

Subjecti vocantur *Hirquitalli* Latinis ; *Tragifontes* Aristotelis.

Vox puerorum antequam pubertatem attigerint , est acutior , & magis dulcifona quàm vox virorum ; unde castrantur apud Italos pueri cantationi destinati , ne scilicet vocem puerilem amittant , & *un castrato* idem significat vulgò ac cantor : mutatio autem vocis accidit circa decimum quartum ætatis annum ; rariùs circa decimum octavum incipit , atque non nisi intra aliquot annos , ut tres , quatuorve perficitur : durante verò vocis mutatione , vox evadit rauca , inæqualis , ingrata , scabra & discors ; ita rauca est sæpiùs , ut nequidem cantare valeant , minimè suavis est , sed scabra , auribus injucunda , sibi metipsum non consonans , sed inæqualis ; mirum autem est quod ea mutatio eodem tempore accedat , quo semen fertile in testiculis producitur , quo lanugo menti in barbam mutatur , & tanta est connexio inter genesim feminis & vocis mu-

tationem, ut si evirentur infantes elisis, vinctis, vel resectis testiculis ante pubertatem, vox eadem in viris remaneat, quæ fuit ante castrationem; imò si jam adulti testiculis orbentur, vocem virilem amittant, imberbes evadant, & succulenti, adiposi, debiles, seu verè effeminati fiant, quod in gallis gallinaceis castratis etiam observatur, ita ut capones vocem galli cum fertilitate deperdant.

Peractâ mutatione, vox virilis sensim accedit, quæ est gravior puerili, simulque ex raucâ evadit suavis, ex discordi concors, & quatuor vel quinque tonis musicis gravior, simulque fortior.

Ex dictis intelligitur ab eodem principio pendere virilitatem, barbam & vocem virilem; nec enim ulla fit vocis mutatio in feminis, cum vocem femineam semper retineant, qualem sortitæ sunt à pueritiâ, validiorem certè, sed tono minimè à priori diversam; si vox humana ad tres octavas extendatur, & prima octava cum semisse pertineat ad pueritiâ, intra illos limites excurrere poterit vox puerilis & feminea, diversosque illius intervalli tonos edere; ast graviore octava viris destinatas nunquam attinget.

Tonus vocis haud dubiè pendet à tono chordarum vocalium Ill. Ferrenii, atque tonus omnium chordarum ab earum diametro, longitudine & tensionis gradu est determinatus; cum itaque chordæ vocales in pueris acutiùs sonent, certum est quotum ex vi tendente divisâ per chordæ diametrum & longitudinem esse majus quam in viris, cum acuties toni, seu vibrationum intra datum tempus numerus sit in ratione compositâ ex directâ radicum virium tendentium, & inversâ tum diametrorum, tum longitudinum chordæ.

Chordas vocales accedente pubertate magis

crescere quoad crassitiem & longitudinem, quam quoad tensionem, ex dictis necessarium est; crescunt autem verosimillimè ab eodem principio, quo barba & quantitas seminis fertilis, cum barba, fertilitas & vox virilis eodem passu procedant & recedant; verosimile est itaque auræ feminali tunc temporis genitæ, & per corpus diffusæ tribui posse, & vocis virilitatem, & barbam, ac seminis fertilitatem; datur itaque affinitas inter solida chordarum vocalium, bulbos pilorum, barbæ, & testiculos, ratione cujus adhæret liquor ille hisce organis, eaque expandit, nutrit, in-craffat.

Suavitas toni in chordis supponit uniformem in earum toto tractu tensionem, æqualem crassitiem; & si de duabus chordis agatur, illæ chordæ debent esse ejusdem crassitiei, tensionis & longitudinis, ut unisonæ sint, nisi crassities & longitudo à radice virium tendentium vindicetur; in chordis vocalibus erit itaque dissonantia, tum si alterutrius crassities in toto tractu non sit eadem, tum si crassities unius differat ab alterius crassitie, cæteris paribus, tum si sub pari crassitie & tensione longitudines sint inæquales, vel demùm sub pari crassitie & tensione longitudines differant; horum verò alterutrum, vel plura simul reperiri in mutatione certum facit sonorum doctrina physico-mathematica, & experientia, quæ docet in hoc morbo vocem raucam, scabram, discordem esse per aliquot annos.

Curatio. Tanti momenti censetur apud quosdam vocis infantilis conservatio, ut ipsi parentes eam filiorum suorum integritati & virilitati anteponant; non parum itaque de genere humano meretur egregium monitum, quod factò pluries

experimento constat, salvâ virilitate & integritate, pueros vocem suam fervare posse, & nullam pati mutationem: artificium itaque in eo versatur, ut impediatur ne vox quatuor vel quinque tonis gravior fiat; id verò obtinetur pueros impuberes statim atque mutationem incurrunt cantare jubendo, seu eos sæpius in die ad cantandum excitando; quippe hoc exercitio magis ac magis tenduntur chordæ vocales in majori ratione quàm si quiescerent, adeoque ratione tensionis plus servant de tono suo, quàm ratione crassitiei, aut longitudinis amittunt; si cantor exerceatur, cum ad tonum *la* vox delapsa est, in hujus toni extensione eam detineto; si jam ad tonum *sol* descenderit vox, non quidem potest effici ut acutior evadat, sed impediri ne gravior fiat; adeoque maturè exercitatus in repetito cantu juvenis per paucos annos, nullam unquam allatoniâ patitur, nisi quæ senili ætati annexa & immedicabilis est; quæ verò à morbo convalescentibus accidit, ea restitutis viribus evanescit.

2. *Paraphonia nasalis*; *Nasitas* Latinis, vulgò *parler du nez*; subjecti *Nazillards*.

Vox nasalis dicitur illa vox invenusta, ad quam non satis, vel minimè concurrit nasus, seu quæ ex gutture & ore, non verò ex naribus editur, qualis efformatur si nares anticæ digitis, vel posticæ velo palatino obturentur, ut penes nos est, & ut quidam Religiosi humilitatis gratiâ affectant.

Ideò vox est jucunda, quia pars aëris nares posticas subiens in crystis sinuum frontaliû, & antris hygmori percussus sonum harmonicum edit cum glottide, & vocem pleniorẽ magis sonoram facit, ut fides sonum jucundiorẽ edunt,

si supra capsam ligneam elasticam resonent, quàm si in aëre solum vibrentur; narium itaque resonitu destituta vox est minus plena, magis rudis & ingrata.

Si nares muco nimio obducantur, ut in corizâ, minùs clarè resonant ratione textûs mollioris, vomer & laminæ turbinatæ, angustiorque est aëris meatus, unde repercutitur versus fauces, unde etiam sonus nasalis ingrator; sic in organis ecclesiasticis ad sonum nasalem (*jeu de nezard*) adhibentur tubuli ex plumbo fabrefacti, supernè obturati, ad duodecimam ludi antici, aptati; hinc exsurgit partim

3. *Paraphonia catarrhalis*; *Bronchos* Græcis; *Raucedo* Latinis; Gallis *Enrouement*; Ægri *Rauci*, *Raucedinosi*; Græcè *Branchaloi*.

Vox rauca est gravis simul & dissonans, unde differt à clangosâ, quæ est dissonans, sed acuta.

Veteres uno ore asserunt raucedinem pendere ab exasperatâ superficie internâ tracheæ arteriæ, & Neoterici hanc aspritudinem tribuunt glandulis miliaribus hujusce partis, quæ frigore intumuerunt, ut accidit cuti; cùm frigore anserina evadit; an res ita se habeat, dubito. Si enim fistulam Germanicam priùs madefactam, injectâ & volutatâ arenâ intùs exasperem, sonus dein editus minimè gravis, nec raucus evadit, ut illi Physiologi contendunt. Verosimilius est vocem in broncho gravem evadere, ex eo quod textus cellularis musculos laryngis cingens lymphâ inspissatâ & cumulatâ est turgidus, idemque vitium in chordis vocalibus adest; hinc muscoli chordas vocales tendere non possunt; hinc & chordæ crassiores graviozem sonum edunt, atque cùm non æqualiter ubique, ambæque sic turgeant, impossibile

impossibile est alteram cum alterâ unisonam esse, unde dissonantia, maximè cum deficiat mobilitas plurium muscutorum, qui in loquelâ debent nunc chordas vocales laxare, nunc tendere, prout in eodem verbo pronunciando quasdam syllabas altius vel remissiùs proferendas habemus, aut accentu gravi, vel acuto notandas.

Si eòusque difficilis evadat muscutorum laryngis motus, ut minimè tendantur chordæ, vox extinguitur, & non nisi valido & sæpè dolorifico laryngis conatu editur, quod eum accidit, acutos, stridulosque sonos producit; inde, ni fallor, inferri potest non esse remollitas, ut putant alii, chordas vocales, sed tantum non satis tensas, defectu mobilitatis in musculis, cum raucedine laboramus, adeòque majori conatu tendi posse, & acutum resonare, quod non fieret, si œdematosæ & flaccidæ forent.

Simili raucedine afficiuntur anginosi, & qui cancrum, vel ulcus, vel vulnus in hisce organis patiuntur; sed inde exsurgit altera species, quæ non ita spontè perspirando sanatur.

Ex vociferatione etiam oritur raucedo, sed fugax.

4. *Paraphonia ulcerosa; Ulcus gutturis, laryngis, tracheæ.*

Est vox acuta, clangosa, quandoque exilis & extincta, quæ pendet ab ulcere pulmonum, tracheæ, laryngis, imò pharyngis; nec enim signa distincta sunt quoad vocem in his diversis affectibus. Nuper vidi mulierem ulcere laryngis & faucium laborantem cum febre lentâ, & sputo purulento, cui vox ferè deficiebat, non aliâ, ni fallor, de causâ, quam quod inflammatio ulcerosa ad laryngem serpsit, unde tensio chor-

darum cum earum immobilitate; hinc vox debilissima, & quandoque clangosa, seu acuta & rauca, ea vox est phthiseos comes assidua; an chordæ vocales emaciatae exiliores tonum acutorem reddunt? Ita se res haberet, si nullæ aliæ conditiones impedirent: si ulcere exedantur chordæ vocales, inde aphonia & mutitas insanabilis.

5. *Paraphonia gutturalis, le parler du gosier.*

Pluries vidi hanc speciem procedere à foramine palati, vel adventitio, vel connato, aut à velo palatino deficiente, eroso, quod syphilidi sæpè supervenit. Cognoscitur hæc species faucium inspectione, potius & cibi in nares regurgitatione; recens nati hoc vitio affecti vix possunt lac deglutire, nisi papilla nutricis prælonga, lac ultra foramen deducat; vox autem illa est rauca gutturalis, & perficitur cum distorsionibus faciei, quales ad nares obturandas requiruntur: vitium illud insanabile est, nisi possit, laminâ argenteâ solerter appositâ, foramen illud obturari.

6. *Paraphonia stertens, vulgò Stertor; Græcis Ronchos; Ronflement, Rallement.*

Est strepitus raucus & asperrimus, qui inter inspirandum & etiam expirandum editur à dormientibus, apoplectis, & agonem ducentibus, necnon à quibusdam asthmaticis; in moribundis vocatur *Rallement*; in apoplectâ quem nuper examinabam, cum os valdè hiaret, observavi hunc strepitum fieri è tremulo motu veli palatini penduli; an in aliis casibus idem vigeat mechanismus, ignoro. Si chordæ vocales ultra modum flaccefferent, docent experimenta Ferreniana tunc nullum sonum editum iri; fieri potest ut viscosa phlegmata gutturis aërem expiratum partim intercipient, & similem sonum edant, ut gargarisando

quisque imitari valet; horum omnium theoria hactenus in obscuro latet; vocatur Græcè, & ferè vernaculè apud nos *Ronchos*, quasi *narium echo*.

7. *Paraphonia sibilans*; *Sibilus* vulgò; Græcis *Syrigma*; Gallis *Sifflement*.

Est accidens rheumatis, asthmatisque, ac anginæ; crediderim effingi à rimâ quâdam inter uvulam, vel velum & linguam effictâ, ut à rimâ labiorum fit glottis brevis, quæ acutè resonat, & sibilum labialem effingit; sibilus enim est vox acuta, qualis à chordis brevissimis, aut à calamis pollicem longis editur.

Vocem tenuem fieri, imò ferè extingui in vomitu bilioso, colicâ biliosâ, similibusque morbis aliquoties observavi.

8. *Paraphonia à polypo*.

Præcipuum polypi narium symptoma, & ex quo primariò à Medicis cognosci potest, est singularis paraphonia quæ ad nasalem accedit, successu temporis cum excrescentiâ è naribus anticis, posticisve propendet, aut ossa narium luxat, & extollit, polypus sensibilius se prodit; is non rarò à viru syphilitico fovetur, ut nuper observavi. Curam vide apud Heisterum, aliosque Chirurgos.

XVII. *Paralysis*, Paralyfie.

Est unius tantum artus, aut articuli, ut manûs, pedis, &c. immobilitas sæpius sine sensu tactus, absque dolore.

Differt à paraplegiâ & hemiplegiâ ratione extensionis; à dyssæsthesiâ, quod organum motus, ut musculos artuum tantum afficiat.

Sedem ut plurimum habet causa morbigica extra

cerebrum & medullam spinalem, nervosque, & eorum ganglia extra has thecas osseas afficit, prout verò nervi musculis folis, vel etiam cuti prospicientes resolvuntur, vel sola contractio muscularis, vel simul tactus aboletur, aut stupet, seu obtusus evadit.

Resolutio retinæ ad Amaurosim, nervi aoustici ad Cophosim, linguæ ad Mutitatem, palpebræ superioris ad Caliginem, penis ad Anaphrodisiam referatur.

Ad sensationem omninò requiritur, ut fluidum nerveum quod intra nervos continuò à cerebro ad partes movetur, vibrationem refluam à parte ad cerebrum patiatur: illud autem fluidum est vapor electricus, subtilissimus & elasticus; non potest itaque vel leviter premi nervus, quin vibrationem patiatur columna fluidi illius, non secus ac videmus fieri in filo ferreo electrificato, in cuius altero extremo prostat pappus lucidus, qui illicò retrahitur, dùm alterum fili extremum tangitur: si verò scintilla ex filo illo procul à globo vitreo educatur, quod levis attactus excitat, illicò in vitro ipso scintillæ igneæ micant; si filamenta nervea vapore electrico turgida supponamus, quod verosimillimum est, facile intelligemus quare ex levi attactu impressio ad cerebrum usque velocissimè transferatur.

Ad contractionem muscularem influxus fluidi nervei in musculos movendos requiritur; verùm si attendamus ad demonstrata Borelli, quæ evincunt vires maximas requiri ad muscularem motum, intelligemus non exiguas vires requiri in fluido nerveo, ut motum muscularem exsequatur, quæ ad sensum tamen sufficiunt; adeoque non mirum esse, si in artubus paralyticis persæpè

sensus tactûs supersit, cum contractio muscularis nulla viget, ob auctam musculi resistantiam, aut nervorum ejus majorem immeabilitatem. In Hemiplegiâ rheumaticâ, seu quam fovet acrimonia rheumatismalis, sæpiùs vidi brachium, licet omninò immobile, muscæ reptatum satis exquisitè sentire.

1. *Paralysis plethorica.*

Ea est quæ inducitur à pressione nervorum factâ per vasa sanguifera cruorè turgida; in artubus aneurismate affectis non rarò hæc paralysis obtinet; alias verò cognoscitur ex plethoræ signis, ex suppressis catameniis, hæmorrhagiis assuetis; usu vini, crapulâ fovetur: cura verò phleboto-
miis, sobrietate, exercitio obtinetur.

2. *Paralysis rachialgica; Paresis Willisii.*

Ea afficit potissimum manus & brachia, incipit à stupore & formicationis sensu, subsequuntur rachialgici dolores atroces in abdomine, alvi ficcitas, aliaque. Hic morbus est familiaris artificibus, qui fumos arsenicales diversorum mineralium excipiunt, qui pigmenta tractant, qui vino per lithargyrum edulcorato utuntur; de quibus vide rachialgiam quæ sanatur, vel demulcentibus, vel drasticis catharticis.

3. *Paresis metallariorum Spangenbergii & Suchlandii.*

Ea est species quæ rachialgiam & arthritidem rachialgicam subsequitur, vel cum eâ alternat; solus interdum motus partis aufertur sensu remanente, sæpè & sensus & motus evanescent; redit verò plerumque periodicè sensus, circa tempestatis mutationes acutissimis doloribus se manifestans, quandoque paralyticâ manu dolet acriter cubitus; ast paralyfi demùm confirmatâ, ægri à

358 GENERA ET SPECIES

doloribus immunes sunt; ex dolore acutissimo artuum paralyfis præ foribus adesse indicatur; cum hac paralyfi sæpè jungitur contractura.

4. *Paralyfis rheumatica; Scorbutica* Ettmulleri.

Ea est quæ doloribus arthriticis, rheumaticisve succedit; in hac superest sensus partis, simulque ejus rigiditas; exacerbatur aquis therma- libus salinis, scilicet Bellilucanis; juvatur aquis sulphureis de *Lamalou*, *Bagnols*, &c. maximè verò lacticiiniis & electrificatione, ut sæpiùs expertus sum.

5. *Paralyfis traumatica.*

Ea est quæ fit à vulnere, ulcere, ictu nervum partis solvente; sic vidi à phlebotomiâ brachii, secto nervulo, pollicem & indicem sensu orbari, quia nervus ille cutaneus sectus erat; si refecen- tur nervi musculis prospicientes, horum muscu- lorum perit motus; in illis verò casibus evidens est electrificationem, & cætera auxilia incassum adhiberi.

6. *Paralyfis scrophulosa* De Haen. tom. 3. cap. 6. obs. 16.

Ea est quæ pendet à viru scrophuloso, aut à glandulis nervos vicinos prementibus, rarò ob- servata. Curatur electrificatione, attenuantibus, martialibus, antimónio tenuissime trito, &c.

7. *Paralyfis scorbutica* De Haen, *Ratio medendi*, tom. 3. obs. 17.

Ea est quæ fovetur à viru scorbutico, non verò quæ sic dicta fuit Ettmullero.

Illà verò electrificatione minimè juvatur.

8. *Paralyfis Polonica* Strabel. de *Plicâ Polonicâ*, histor. 6.

Ea est quæ resectis imprudenter capillis tricho- mate affectis supervenit. *Vide* curam trichomatis.

9. *Paralyſis febrilis Boneti Sepulchret.*

Ea eſt quæ morbis febrilibus acutis, necnon quæ plegmaſiis potiffimum eruptivis, ut petechiis ſupervenit; non rara eſt in morbis pectoris, imò empyematis ſæpè comes eſt, quæ brachium lateris morboſi afficit.

Indicantur remedia morbo primario convenientia: in miliari frequens ſtupor, vel crampus accidit; aſt paralyſis nondum obſervata.

10. *Paralyſis bilioſa Fernelii, an rachialgica? Paralyſ. à colicâ biliari Bianchi Hiſtor. Hepatica, part. 3. pag. 575. & 594. Pareſis Wepferi, Wilſii.*

Ea eſt quæ colicæ bilioſæ ſuccedit; à Drelincurtio, imò olim ab Æginetâ recenſita eſt, & pro ſanabiliiori quàm aliæ ſpecies judicatur: in hac refrigerantia Simon Paulli ſuadet, & adhibuit feliciter Foreſtus in adoleſcente extenuato, qui veſicantium medicaminum uſu in pèjus ruebat. *Vide Fernel. de Febr. lib. 4. cap. 10.* cujus obſervatio paralyſim febrilem reſpicere videtur.

11. *Paralyſis ſeroſa.*

Ea eſt quæ à ſero ſtagnante, & nervos emolliente, ſive ſpiſſo & pituitoſo, ſive fluido pendere creditur; ab hoc quidem principio omnes paralyſes oriri putavit antiquitas; nos verò eam verè ſeroſam dicimus, quæ à ſero exundante, morâ in locis humidis, recenter extructis, potu aquarum mineralium intempeſtivo, lotricibus, piſcatoribus, ſimilibuſque artificibus ſupervenit.

Ejus cura pro curâ Paralyſeos generatim traditur, iſtic non repetenda, aut ex aliis generibus mutuanda, ut ex hemiplegiâ ſeroſâ.

XVIII. *Hemiplegia*. Hémiplegie. *Epiplegia*
Doveri,

Cognoscitur ex summâ debilitate aut suppressione motûs muscularis ac tactûs, in dimidia laterali corporis parte citra dolorem, ac soporem.

Hemiplexia Castell. *Lexicon*,

Apoplexia Hippocrat. *Prorhetic*, 1. 50.

Distinguitur ab apoplexiâ, aliisque morbis soporosis per integritatem mentis, aut saltem aliqualem libertatem functionum animæ.

A paraplegiâ quod alterutrum tantum latus ut sinistrum vel dextrum sensu tactûs motuque libero careat.

A paralyfi per extensionem; in hemiplegiâ scilicet sæpius à capite ad calcem dimidia pars corporis motu, sensuque orbatur, adeoque visu, auditu, imo adest diastrophe seu oris in partem sanam distortio, loquela impedita, linguæ distortio ad latus sanum; &c.

Principium proximum est resolutio nervorum in latere opposito, vel medullæ oblongatæ, vel medullæ spinalis circa cervicem, prout partes faciei & capitis læsæ sunt vel intactæ.

Perfecta est si immobilitas dimidii corporis, ejusque anæsthesia sit omnimoda: imperfecta si difficulter tantum moveatur aut sentiat.

Discrepat ab immobilitate quæ in rheumatismo arthritide, luxatione, fracturâ, &c. per dolorem; ab eâ quæ in morbis febrilibus acutis, malignis, syncopiticis accidit, per signa his propria ut acutiem, universalitatem, &c. Hemiplegia scilicet est chronicus morbus, alterutrum latus tantum debilitans; successu temporis artus infe-

rior roboratur, parùm claudicat, superior diutius, magisque laborat.

Frequentissima species est ea quæ apoplexiam sequitur, & in eâ veluti salutaris atque sanguinea ut plurimum est, ut morbus cui succedit: Apoplexia enim pituitosa ut plurimum mortem infert nisi hemiplegia superveniat.

Immeabilitas nervorum utpote fluido nerveo imperviorum est hujus causa, si sedeat in origine nervorum dimidiæ corporis parti prospicientium.

In hoc genere cum dimidia pars capitis corporisque simul afficitur, adest è latere affecto cophosis, amaurosis, claudicatio, vel asthenia omnimoda, lingua verò dùm exeritur, & commissuræ labiorum versus latus sanum trahuntur, inde balbuties vel mutitas: si verò caput immune sit, tunc resolvitur residui tantum corporis pars dextra vel sinistra, ita tamen ut brachium gravius afficiatur quàm artus inferior.

Immeabilitas fluidi nervei est semper relativa ad vim quâ propellitur, & resistantiam quam in tractu nervi vel musculi experitur, eadem positâ nervorum resistantiâ, si fluidum nerveum debitâ vi non immittatur, nec immitti possit partes sensu vel saltem motu carent. Verùm in hemiplegia verosimile est majorem esse in origine nervorum resistantiam sive ob compressa obstructive fila nervea, sive quia lympa viscida ipsos infarciens ejus est crâseos quæ vim electricam extinguit, absorbet, & non transmittit.

Sic videmus filum ferreum vi electricæ transmittendæ fere impar evadere, si aquâ humectetur; sic vapor foetidus lithantracis, sulphurisve fumus electricitatem infringit; quam multa certè nos latent circa illa vitia fluidorum, quæ sine obstruc-

tione mechanicâ valent fluidum nerveum interciperè: repetita me docuit experientia sensum & motum restitutum fuisse artubus electrificatis, qui à multis retrò annis nullum sensûs vel motûs indicium præbuerant.

Hemiplegia morbus est chronicus, rarò sanabilis, ætati ingravescenti familiaris, sæpè à caro, vel apoplexiâ aut epilepsiâ ortum fumens, & in hisce morbis veluti criticus ac salutaris, quocumque plures annos vivitur; sed si lingua afficiatur, adeoque cerebrum vitio laboret, periculum est apoplexiæ recidivæ.

Curatio generica videatur apud Riverium, Senertum, ut theoria apud Wepferum, *Libr. de Apoplexia*.

Infauſta est theoria quæ serum luxurians semper & in omni specie dissipandum, & calidis ac exsiccantibus medicamentis expellendum proponit; nam dantur species in quibus econtra siccitas, & nervorum & fluidorum acrimonia corrigendæ sunt; initio quidem eadem generalia auxilia indicantur ac in apoplexiâ, verum elapso periculo ne cerebrum infarciatur specifica auxilia sunt adhibenda.

Praxis Doveri in *Hemiplegiâ spontaneâ*, ut ferossâ, est sequens.

1º. Applicentur vesicatoria brachio, cruri, tibie affectis.

2º. Sumat æger per quinque dies mercurii dulcis, & cinnabaris ana, gr. octo.

3º. Sumat quotidie drachmas duas electuarii ex conserva absinthii.

4º. Superbibat cochlearia aliquot tincturæ ex angelicâ, enulâ, foliis marrubii, absinthii, chamædrios, centaurii minoris, &c.

1. *Hemiplegia transversa.*

Paralyſis brachii unius & pedis alterius lateris, dyſentericis familiaris. Conradi Fabricii Profeſſoris Helmiſtadienſis *Difſertatio* 1750.

Post dyſenteriam malignam epidemicam aſtringentibus & opiatſis præmaturè ſuppreſſam, hæc ſpecies hemiplegiæ frequenter accidit; jam convaleſcentes & orthoſtodii immobilitate brachii unius & pedis oppoſiti ſimul laborant, adjunctis tamen ut plurimum doloribus arthriticis, ſecus integram tactûs facultatem amittunt; priores autem faciliùs ſanantur poſterioribus.

Hujus phænomeni ratio latet in obſcuro.

Curatio exigit 1°. ut vires labefactatæ reſtaurentur per analeptica & cardiaca, cum ex dyſenteria multum fluidi nervei deperditum ſit: hæc verò corroboratio multum temporis exigit, & hoc ſingulare explicat, cur aliæ paralyſes quò recentiores ſunt eò faciliùs ſanentur, iſta verò quò vetuſtior. Laudantur eſſentia ſuccini, liquor anodynus Hofmanni, ſpiritus & ſalia volatilia ex ſale ammoniaco, & cornu cervi parata, animi tranquillitas & hilaritas commendanda. Paralyſim lætitiâ ſanatam notat Gaſſendus in Vita Peireſcii; ira aliam & terror (notante Valeriola, *libr. 2. obſ. 4.*) eam ſanavere.

2°. Si plethoricus adultuſque ſit æger, phlebotomia è pede ſarcinam ſanguinis feliciter imminuit.

3°. Tonuſ nativus fibrarum reſtituitur ſpiritu vini camphorato & crocato cum oleo lumbricorum terreſtrium, & ſpiritu ſalis armoniaci: unguentum nervinum Sydenhami *Proceſſu de Paralyſi*, dorſo & artubus affectis applicatum prodeſt.

4°. Spasmi concurrentes leniuntur pulveribus nitroſis, lumbricalibus, bezoardicis, cinnaba-

rinis, liquore cornu cervi succinato cum regimine diapnoico; levis enim sudor in parte affecta sanitatis redeuntis signum est.

Huc fumi ex gummatis aromaticis pannis excepti, motus & frictus partium repetiti, embrochationes ex aquis thermalibus, & vestimenta hyeme calida & sicca omninò necessaria, referenda sunt.

2. *Hemiplegia spasmodica* D. Pomme, *Essai sur les vapeurs*, obs. 3. *An contractura?*

Ea supervenit magnæ cephalalgiae in hypochondriaco; praelusit affectus soporofus & illico dimidia pars corporis, eaque dextra riguit (ait observator) & paralytica fuit, seu sensu, motuque orbata, quod oculo & auri etiam ex eodem latere accidit.

Suasit Medicus magni nominis juscula pulli, deintestudinis, serum lactis, aquas acidulas, nec non aperientia, cathartica & antispasmodica; sed ab opiatâ caphalicâ ex millepedibus, cascarillâ, pulvere de guttetâ, valerianâ, enulâ campanâ, æger pessimè habuit, unde confugit ad centum sexaginta balnea tepida, totidem juscula pulli, aut testudinis, ad clysmata ex aquâ frigidulâ, rhedam & equitationem, quibus convaluit.

3. *Hemiplegia syphilitica* Astrucii *de Morbis venereis*, lib. 4. cap. 11. paragr. 9.

Est hemiplegia flaccida cum paucò tactûs sensu superstitè, aut paraplexia, cujus vide historiam. Video actu ægrum ea specie laborantem omninò insanabilem meo saltem iudicio, & alterum qui hemiplegicus à Medicis habetur; sed immeritò, cum laboret contracturâ artuum totius lateris sinistri cum rigiditate, genu anguloso, sensu exquisito, & crampis frequentibus: juvatur diætâ

lactea, oleosis & citò electrificationes experietur.

4. *Hemiplegia scrophulosa* Ill. de Haen. tom. 3. cap. 6. obs. 16.

Ea est quæ à scrophulis nervos prementibus ortum ducit.

Ea verò electrificatione diù repetitâ sanatur.

5. *Hemiplegia arthritica* Musgrave de *Arthritide*.

Est paralyfis sinistri ut plurimum lateris, doloribus arthriticis succedens, & ipsis in latere ipso paralytico stipata cum macie.

Bimestri spatio ad machinam electricam sanitati integræ restitutus est æger, quem memorat Ill. de Haen, p. 1. cap. 8. obs. 1. & 7. Huc refer hemiplegiam quæ à rheumatismo ortum ducit; ea est potissimum species quæ sanatur usu electricitatis ut pluribus exemplis olim compertum habui, dum electricis experimentis incumbēbam.

In hac specie contractura manuum noctu spontē remittit.

6. *Hemiplegia exanthematica*. Vide de Haen, part. 1. cap. 8.

Ea est quam scabiei, achorum, seu tineæ, similiumque cutis exanthematum repressio, aut suppressio excitat.

Electrificatio non solum hemiplegiam sanavit, sed etiam achores restituit.

7. *Hemiplegia ex apoplexia* De Haen, part. 4. pag. 245. obs. 6. 7.

In illâ specie plus profunt aquæ Bellilucanæ quàm electrificatio, utrumque sæpè votis nostris deest: ast tentandum. Electrificatio aliquoties teste D. de Haen, hic successit. Vide Dissert. meam de Hemiplegiâ inter disput. Medicas Ill. Halleri, tom. 1.

In illa specie aquæ Bellilucanæ ut plurimum frustra adhibentur, ut in hemiplegiis tremulis.

8. *Hemiplegia intermittens*. D. Cl. Chaptal, Doct. Med. Monsp. Illustr. Torti, de Febr. cap. 4. pag. 227.

Est species quæ singulis diebus accedit, & post aliquot horas recedit cum accessu quotidianæ febris.

Historia. Quinquagenarius per mensem cephalalgiam levem expertus vespere mense Julio 1760. calore urenti circa frontem afficitur, quo cessante simili dolore corripitur occiput cum pulsu paulò frequentiore & pleniore, somnus nocturnus insomniis terrificis & vertigine turbatur; post octo horas accessus ille omninò definit; verum horâ quartâ pomeridianâ eadem symptomata revertuntur cum magnâ virium prostratione, & post quatuordecim horas desinunt, & sic deinceps per novem dies eo discrimine quod post quartam diem non solum calor fincipitis & dolor subsequens occipitis intenduntur, sed quod debilitas paralytica latus corporis sinistrum in quovis accessu occupat cum oris distorsione ad partem oppositam, loquendi difficultate, labiorum tremore, & cruris sinistri ferè immobilitate, quæ omnia accedente apyrexia evanescunt, revertente pyrexia revertuntur.

Cura. Post phlebotomiam & catharsim primam non melius habuit æger, & à catharsi iteratâ pejus; verum ter in die hausto decocto ex kina-kina, radice angelicæ cum pulvere de gutteta, & nitro, nono die convaluit æger.

Accessus singulis diebus horâ quartâ vespertinâ accedebat, sextâ matutinâ sequenti recedebat, cum pulsu non frequentiori quàm in cæteris hominibus sanis, sed frequentiori quàm in illius ægri apyrexia. Huic pyrexia additur pulsus tensio,

extensio, ardor solius frontis per semihoram, sed ardor subito recedit, huicque illico succedit dolor lancinans solius occipitis; in accessu æger vix caput movere potest, & si moveat, experitur strepitum in collo cum fridore dentium. Arteria temporalis cum radiali minimè consonabat, æqualis erat pulsus in radiali, verum in temporali inæqualis erat, per intervalla tremulus & leviter reduplicatus. Hic morbus à catharticis exasperabatur, licet materies biliosæ multæ evacuarentur.

9. *Hemiplegia traumatica* Tulpii, *obs. 1. lib. 9.*

Ea est quæ à casu, ictu, vulnere, fracturâ capitis ortum ducit. Si vulnus ipsam medullam spinalem in cervice lædat, mors subitanea supervenit, ut experimenta lanionum quotidie docent: si inferior sit læsio medullæ spinalis, inde paraplexia oritur, non hemiplegia.

Curatur ut apoplexia, ab eodem principio oriunda, vetus frustra impugnatur electrificatione.

10. *Hemiplegia serosa.* Boneti *Sepulchret.*

Ea est quæ à sero luxuriante in cerebro produci putatur, qualis est quæ cacheticos, pallidos, œdematosos, frigidos, senes vel sponte vel post aqueorum potuum, balneorum abusum, ex suppressis effluxibus serosis, ortum ducit. Nec in hoc censu reponendæ sunt illæ, quæ apertis post longum morbum cadaveribus, serum quoddam in sinibus cerebri relinquunt, illud enim serum circa mortem effundi solet in quacumque hemiplegiæ specie, & uberius est, quò tardiùs à morte cadavera aperiuntur.

Hæc species exigit iterata initio morbi emetica & cathartica, quibus succedant ptisanæ diureticae, sudorificæ, vesicatoria, fetacea, duciæ, balnea ex thermis salinis, diæta exsiccans, opiatæ,

cephalicæ, nervinæ, capillitii frequens rasura, capitis frictio ex pannis siccis, scopulis setaceis, &c. tandem ad electrificationes repetitas confugiendum, quæ in recenti morbo nihil, in inveterato aliquid boni præstant. Videtis curam apud Baglivium, pag. 214.

11. *Hemiplegia apostematodes* Schenckii.

Quæ ab abscessu cerebri dependet, insanabilis, & lethalis: tres tamen paralyfes puris anacatharsi solutas vidit de Haen.

12. *Hemiplegia ex epilepsiâ*. Vide *Dissertationem nostram de Hemiplegiâ per electricitatem curandâ*.

Insanabilis est omninò, sed non tollit ægros è medio, sæpèque cum stoliditate conjungitur, artus in ea specie nunquam rigescunt, sed flaccidi manent. Vidi hemiplegias quibus superveniebant paroxysmi epileptici, in quibus nunc latus sanum, nunc verò ipsum latus hemiplegicum per intervalla tremore convulsivo agitabantur; illa verò species periculosior est, & mortem portendit non ita remotam. Ex hac observatione liquet auctâ vi fluidi nervei convelli partem jamdudum resolutam; quæ elapso paroxysmo epileptico rursus resoluta manet. Ergo obstructio nervorum non ea est quam fingunt Scholastici. Vide Schenckii *Observat.*

Illa species balnea Balerucana & electrificationem eludit.

13. *Hemiplegia arthritica* Musgrave, de *Arthritide*, cap. 16.

Ea est quæ arthriticis, rheumatismo antea affectis supervenit, quæque à lymphâ acri & viscosâ produci censetur; in eâ sensus tactûs sæpè superest, artusque extremi paralytici rigent, difficilè flectuntur, arefcunt; est omnium frequentissima. Ingravescit

Ingravescit à sudorificis, calidis, thermis salinis: mitescit à sero lactis, lacte asinino, minimè verò dolore arthritico revertente, ut accidit Præfidi Fonbon Monspeliensi, qui dùm insanabilis putabatur, dolore in pedibus oborto, subito sanus evasit; sedatur etiam morbus sulphureis balneis, & non rarò perbellè sanatur repetitis electrificationibus, ut multa me docuerunt observata. *Vide* meam de hoc argumento Dissertationem Actis Upsaliensibus, & Diario œconomico insertam. Primæ electrificationes sudorem viscosum ex digitis affectis deducunt, febrem si adsit mitigant, somnum conciliant, & sensim cuilibet digito, manui flexilitatem, & sensibilitatem restituunt. *Vide* etiam curas electricas nuper à D. de Hæen institutas, *Tom. I. cap. 7.*

15. *Hemiplegia purpurea* Junckeri, *tabula 115. de Hemiplexiâ.*

Ea est quæ miliari morbo supervenit, quamque fugacem existimo; sed nec vidi, nec hujus historiam ullibi invenio.

16. *Hemiplegia simulata* Boretii in *Disputationib. Chirurg. Halleri, Tom. I. pag. 37.*

Nobilis quædam mulier quæ fortunam prius faustam, dein adversam experta, voluit tentare num sibi veræ amicæ superessent. Finxit se subito hemiplegicam, & ita finxit ut phlebotomias, emetica, cathartica, ducias bellilucanas, cæteraque remedia consueta adhibere non recusaret, ac ferè ipsum Medicum in errorem duxisset, nisi perspicax fuisset.

17. *Hemiplegia saturnina* Brendelii *M. S.*

Ea est quæ mineræ fossoribus potissimum plumbum tractantibus accidere dicitur. Vidi certè aliquoties paralyfes tremulas manuum & brachio-

rum in hisce artificibus, verum hemiplegias ab hoc principio me vidisse non memini. Verum à rachialgiâ in hemiplegiam perfectam cum mutitate & astheniâ lapsum vidi Ill. D. de Mandajors, Parisinæ Numismatum Academiæ Socium; sed an rachialgiâ saturninâ laborasset, non rescivi.

XIX. Paraplexia. Paraplexie. Paralysis universalis Auctorum.

Est summa debilitas sensûs & motûs vel alterutrius in dimidio corporis transversim sumpti, vulgò extremorum inferiorum, cum enuresi continuâ, anaphrodisiâ, &c.

Causa est immeabilitas fluidi nervei per imam spinalem medullam circa imum dorsum vel lumbos obstructam, aut quovis modo læsam; inde fit ut homo lecto semper affixus maneat, unde quantum differat ab hemiplegiâ quisque videt, si tamen imperfecta sit paraplegia, æger pedibus paulisper insistit & claudicando progreditur, nec urinam involuntariò mittit.

1. Paraplexia rheumatica. Paralysis scorbutica Etmuller. pag. 440.

Nauta quadragenarius ex tertianâ ante annum habitâ, paralyticus omnibus artubus paulatim factus est, cruribus, genubusque molesta formatio inest, brachia & dolent & marcescunt; perpetuò sudores nocturnos patitur, veluti plumbeam molem circa umbilicam persentit, ubi tamen nullus tumor; digiti manuum pedumque dolent, vires omnes collapsæ, facies plumbea.

In hoc mense Septembri optimè successit electrificatio, quæ æstate nihil profuerat. D. de Haen, *obs. 12.*

2. *Paraplexia sanguinea* Junckeri, tab. 115.
Parapoplexia & Apoplexia partialis quibusdam;
paralysis corporis inferioris Fel. Plateri.

Est ea species quæ plethoræ vel impetui sanguinis ejusque anarrhopiæ tribuitur, quod judicatur ex calore, rubore faciei, pulsus plenitudine & velocitate, prægressis sanguinem moventibus vel augentibus. Tribui solet distensionis retis vasculosi quo circumdatur medulla spinalis; cerebrum illæsum est; unde differt à caro, apoplexiâ: morbus est multò periculosior & minùs diuturnus quàm hemiplegia. Curatur initio ut apoplexia sanguinea, deinceps ut hemiplegia.

Paraplexia etiam dicitur hic morbus licet quædam capitis functiones lædantur, ut memoria, auditus, vel visus, vel loquela, modò partes infimæ sint resolutæ, si morbus ab apoplexiæ insultu inceperit; in quo casu ipsum cerebrum affici haud dubium est. Sic Forestus, Fernelius vocant paraplexiam eam paralysem universalem quæ apoplexiam sequitur. Vir robustus & Eufarchos catharsim expertus eadem die, eaque frigidâ & pluviâ è domo exierat, frigus passus incidit subito in paraplexiam imperfectam quacum per multos annos vixit. Hinc & inde claudicans & ægrè pedes trahens, nec ulla profuere remedia.

3. *Paraplexia à spina bifida* Huxham. *Philosoph. Transact.* n°. 413. March. 1730. Tulpius, cap. 29. 30.

In casu Huxhamii infans recens natus imperforatum gerebat os sacrum, adeòque supra illud os vagina medullæ spinalis intumuerat ad pugni puerilis magnitudinem, & extrema inferiora motu erant orbata ac decussata. Verùm in casibus à me observatis, non solum partes infra tumorem

spinæ positæ, verùm & superiores sensu & ferè motu erant destitutæ. *Vide Anæsthesiam.* Notum autem est hunc morbum esse citò lethalem, citiùs verò si tumor aperiatur. Huc paraplegia ex gibbere *Biblioth. Med. Manget. pag. 760.*

4. *Paraplexia traumatica.* Fel. Plater. *cap. 3.*

Nihil est frequentius hoc morbo in eis qui ex alto delabuntur, five incidant in spinam dorsii, five eam vehementi trunci inflexione distrahant; quotannis Nosocomium Alesiense ingrediebatur paraplegicus unus vel alter, qui ex moro, cujus folia ad bombyces colliguntur, lapsus fuerat. Extrema sensu, motuque subitò orbantur, urina spontè effluit, rarò alvus, successu temporis nates gangrænalescunt.

5. *Paraplegia rachialgica Riverii, obs. 98. cent. 2.*
Nomine paralyseos spuria.

Rectè notat post Trallianum, *lib. 1. cap. 16.* & Forest. *lib. 10. obs. 97.* dari paralyseos quæ exsiccantibus & calefacientibus exasperantur; humectantibus verò & laxantibus curantur, quæque non à pituitâ & sero nervos laxante, sed à bile, ut aiunt, eos exsiccante & premente producuntur. Illa mulier cujus historiam refert Riverius patiebatur motûs omnimodam impotentiam in artubus infimis, sed non omnimodam sensus privationem; hoc autem singulare fuit, quod cum tibiarum à ministris extendebantur, statim vel rigescebant, vel convellebantur cum quodam in ipsis hypochondriis motu, præterea ægra doloribus vagis, fugacibus potissimum in thorace erat obnoxia, quæ omnia rachialgiam satis manifestant. *Vide Rachialgiam.*

Huc videtur attinere paraplegia ex terrore & irâ oriunda, & altera ex doloribus rheumaticis.

Vide de Haen, obs. 11. & 20. Tom. III. ubi cum modico successu electrificationem adhibuit. Eximios verò effectus quondam vidi apud militem simili morbo prostratum.

6. *Paraplexia intermittens. Obs. D. Cl. Chaptal, D. Med. Monsp. percelebris. Torti, de Febr. c. 4.*

Est species paraplexiæ artus tantum inferiores motu musculari & sensu omnimodè orbantis cum harum partium phlegmatia & frigiditate ac pyrexia, quæ omnia symptomata post aliquot horas omnino evanescunt, sequenti die reversura, & sic deinceps.

Historia. Mense Julio 1756, infans quatuor annos natus corripitur dolore utriusque tali ita vivido, ut nullis auxiliis levare posset, ast post semihoram pedibus, tibiisque intumescantibus sedatur dolor, & tunc illi artus ac crura omni motu musculari, sensuque orbantur, oedematose intumescunt, frigent ad tactum Medici, dum cæteræ corporis partes calecebant solito magis; post septem horas ea omnia symptomata evanescunt, & infans omnino sanus est; verum sequenti die eadem horâ revertitur dolor in talis, tumor pedum huic succedit cum paralyfi perfectâ horum extremorum, eorum frigore, oedematiâ, febre, quæ intra septem horas recedunt, & sic deinceps; sed sensim minora usque ad octavam diem, quâ medicamenti cessit morbus.

Curatio. In intervallo secundæ diei purgatus est ex mannâ & syrupo Glauberiano, & vomuit; iterum purgatus est sequenti intervallo, atque deinde usus est ter vel bis in die opiata ex kinkinâ & radice pæoniæ, accessus tum retardati, tum breviores sensim fuere, & sic æger omnino convaleuit.

7. *Paraplexia syphilitica.*

Vir quadragenarius à multis retro annis syphilitica pudendorum ulcera passus erat, repressâ imprudenter gonorrhœâ virulentâ, & hydrargyrosi perperam adhibitiâ; successit aliquot abhinc annis paraplegia imperfecta, ita ut vix pedibus insistere posset. Suasit Chirurgus semicupium ex aquâ liquore saturni dealbatâ, inde paraplexia perfecta evasit. Tentavi usum sublimati corrosivi per duos menses more Ill. VanSwietenii; sed frustra.

ORDO QUARTUS.

LYPOPSYCHIÆ. Défaillances.

A *Leipo*, linquo, & *Psyche*, animus, quasi animi deliquia.

Sunt morbi quorum principium symptoma est virium vitalium notabilis imminutio, adeòque pulsus & respirationis debilitas.

Vires vitales sunt vires cordis, arteriarum & pectoris, ex horum organorum motu mensurantur, ita ut quò pulsus simul plenior, velocior & firmior, eo fortior sit; quò respiratio similiter amplior, velociorque est, eò fortior. Sed vis actualis pulsus & respirationis maximè discrepat ab eorum viribus potentialibus, seu à robore facultatis vitalis; quò enim robur facultatis majus est, eò parcius vires suas impendit, nisi urgeat necessitas. Sic homini sano & pacato pulsus est minor, mollior, tardior, rariorque multò

quam eidem labore violento, pathemate vivido, febre, exercitiis jam debilitato.

Omnis origo virium est in cerebro, inde etenim fluit liquidum nerveum ad cor & ad omnes musculos corporis, adeoque ad omnia organa motus tum naturalis tum liberi; in cerebro residet motor illius fluidi, qui licet vitalibus motibus assiduò invigilet, eosque nunc intendat, nunc remittat, vix unquam eos intermittit, quasi eorum necessitatis ad vitam conscius; ast ille motor in quibusdam circumstantiis in quibus ipsa vita est aliis bonis ut saluti, honori, pro diversis judiciis aut præjudiciis, postponenda, opus vitale ita negligit, ut visi sint qui à gravi pathemate affecti vitam cum morte commutaverint. Vide *Dissertationem illustr. Nicholls, de Animâ medicâ*. Quotidianum est in gravi mœrore hominès potissimum sequioris sexûs animo linqui omninò, & ægros, qui soli sibi relictî omni spe abjectâ mortui forent, astantis hortatu, præsentîâ sublevatos, monitu ut bono animo essent, refocillatos esse; quotidie Medicus, cui æger confidit, ex prognosi gravi metum ipsi incutit, ex quo pulsus summè debilitatur; ex aspectu læto, animum ægro addit, ex quo pulsus antea debilis, illicò resurgit & roboratur. Circa imperium animæ in organa vitalia legimetur *Illustr. Kloeckhof, de Morbis animi, pag. 35. & sequentib.* item *Baglivi, de Morbis animi*; & *Fienus, de Imaginatione*. Illi Materialistis nimis favent, qui omnes actiones animæ ex præviâ fibrarum cerebri dispositione determinari putant; nonne corporis & animi differentia hinc fit evidens; quòd animus ægrè quidem, at possit tamen actiones edere contrarias illis in quas corporis conditione fertur, norunt qui virtutem voluptati

anteponunt ; vix ignorant Epicuri de grege porci.

Virium cordis imminutio quæ à corporis mutatione dependet, est vis fluidis vel organis tribuenda; si deficiat fluidum nerveum vel vapore lethifero destructum , ut in mephiticis locis , vel longâ inediâ , gravi labore morbofo , evacuatione immodicâ exhaustum , vires defecturas quisque videt. Organa fluido nerveo possunt transitum denegare , sive prematur cortex cerebri , ut in comatosi morbis , sive in ipso nervorum tractu sit læsio , sive in cordis ipsius textu sit obex. Mors cordis est æquilibrium ejus organi cum resistentiis ab eo superandis , inde & motuum vitalium languor , debilitas , quod vires ejus motrices non satis superent cordis , vasorum , sanguinisque promovendi resistentias. Hinc duplex origo debilitatis in motibus cordis ; hinc multiplex leipoppsychiæ principium , totuplexque curandi modus.

Retardato maximopere cruoris motu minuitur calor , & frigus artus occupat ; quod uno alterove gradu auctum subito sensus acerrimè percellit. Si cordis impetus , qui pulsationem ejus facit, cesset, licet persistet ejus ventriculorum systole & diastole , sine motu conversivo ad costas. Circularis motus perseverat quidem ; ast nulla in arteriis pulsatio percipitur , nec proinde excitantur in cerebro illæ pulsationes quæ ideas vigilantibus proprias determinant; inde somnus vel somni imago syncopem , asphixiamque concomitans , cruor debilius adactus in arterias cutaneas earum affricus non superat, nec proinde eas subire valet, sed per majusculos ramos in venas procedit insalutatis capillaribus ; hinc cutis pallor , frigus atque anæsthesia.

Notatu dignum est primos musculos qui à frigore rigescunt, esse musculos mandibulam attolentes; frigore hiberno mandibula contracta retinetur, ut vix verba proferre possimus; frigore synoptico idem sæpius accidit sine influxu spasmodico fluidi nervei ad hos musculos; inde toties cernimus in syncope mandibulas sibi ita appressas, ut ægerrimè diduci possint ad potus cardiacos hauriendos: nec ad morbos convulsivos morbus hic recensendus est, cùm cætera omnia symptomata contrarium suadent.

XX. *Asthénia, Debilitas habitualis, Foiblesse des membres; à Græco astheneia, debilitas; Latinis Languor virium.*

Est debilitas omnium artuum, superstitie actionum vitalium tenore, seu major est debilitas musculorum libertati subditorum quàm ex debilitate pulsus foret expectandum, sicque differt asthenia à syncope & asphixiâ, in quibus muscoli artuum quidem debilitantur maximè; ast pari passu debiles sunt motus vitales.

Cognoscitur asthenia ex pigritiâ ad actiones etiam consuetas & necessarias, earum raritate, tarditate, cum morulis interjectis, tremulisque conatibus, ex sensu gravitatis artuum, ex prostratione corporis, maximè verò ex supinâ ejus positurâ, nam illum situm affectant ægri debiles, in quo minima virium impensa requiritur; major autem requiritur ut in latus alterutrum decumbamus, quam ut resupini jaceamus; major etiam ut trunco erecto vel inclinato, quam ut toto corpore horizontali decumbamus; hinc signum maximæ debilitatis, si ægri versus ima lecti rejecto

pulvinari delabantur contra affuetudinem, si sponte fitum non mutant, si voce summissâ tantum & tardâ loquantur; vox est potissimum debilitatis indicium, unde qui se debiles simulant, voce tenui, invalidâ utuntur; major est debilitas, si è lecto surgere nequeant ad alvum deponendam, urinamve mittendam, qui sani munditie litabant; de hoc morbo ferè silent Auctores, tum quia illum pro mero accidente morbos omnes ferè concomitante reputant, tum quia theoriam virium pauciorunt, aut à veris principiis repetunt, licet ea omnium in praxi sit utilissima.

Summi momenti est in praxi astheniam à virium vitalium debilitate distinguere; prior enim à morte multò magis distat quàm posterior, adeoque minùs multò ominosa est.

Differt hic morbus à typho & à paraplexiâ signis horum generum propriis, nondum tamen satis distinctè propositis; differt à lassitudine, quod lassitudo sit sensatio molesta complicata cum astheniâ

Qui astheniâ laborant, dolores vagos sed lenes in artubus experiuntur à quovis motu, quia sensus exquisitoris sunt ob debilitatem.

1. *Asthenia pannonica; Morbus Hungaricus* Mangeti *Biblioth. med. pr. Languor pannonicus* Tob. Coberi & Thomæ Jordani *de phænomenis pestis.*

Est debilitas spontanea castrensis, seu epidemica militibus potissimum familiaris, quæ paulatim ineptitudinem ad functiones inducens non priùs malitiam suam prodit quam homine jam prostrato diuturno decubitu, aliunde quasi mutuatis præfidiis, victor evadens ad mortem deducat.

Hic morbus qui perniciosissimus dicitur, ita

metaphoricè describitur ab Auctoribus, ut eum à confimilibus generibus dignoscere difficillimum fit, plures autem varietates hujus tradit Coberus; scilicet

1°. A carnibus bubulis, duris, sole potius quam igne coctis, quibus utuntur milites, unde cardialgiæ, colicæ, nausææ.

2°. Ab aquis paludosis, limosis potu assumptis.

3°. A vinis & cerevisiis turbidis ac feculentis.

4°. Ab animi commotione, indignatione, &c.

5°. Ab aëre calidiori & sicciori per æstatem.

2. *Asthénia Virginica* Coldenii de plantis codinghamensis.

An à calore regionis pendet hic morbus? Actæ racemosæ radices in hoc specificæ indicantur.

Calore assiduo ejus etiam gradus qui apud nos æstate est familiaris, ut 25. circiter graduum, vires exsolvi notissimum est; inde pervigilium, sudor, anorexia, macies, quod advenæ in Americæ diversis regionibus experiuntur, maximè quia calor ille noctu, diuque ferè idem perseverat, nec hieme remittitur; hiems etenim apud eos nihil aliud est quam tempestas pluvia, vel humida.

Apud nostrates similis asthenia balneis frigidulis, potu glaciato, fructibus acidulis, limonatâ, similibusque sublevatur.

3. *Asthénia ab hydrocephalo.* Vide anæsthesiam à spinâ bifidâ.

Vidimus infantem hydrocephalo portentoso affectum capite pellucido, in quo sinus meningum majores rubore quodam se prodebant, quique per Galliam circumferebatur; is erat asthenos, & paululum somnolentus, de cætero bene se habens, sensu, motuque gaudens licet debilibus.

4. *Asthenia scorbutica* Lind. de scorbuto ; *Languor scorbuticus* Bartholini.

In primâ scorbuti periodo , facies est pallida , subtumida , exercitii averfatio , labia ac carunculæ lacrymales virescunt , cæteroquin ægri cibum , potumque appetunt , & sani videntur ; ast crescit mœror & dejectio animi , color evadit obscurus , ex flavescente sublividus , pigritia abit in lassitudinem cum genuum stupore & debilitate à levi exercitio ; inde dyspnœa à motu , quæ cum lassitudine constanter scorbutum comitantur.

In tertiâ periodo astheniam comitantur syncopes. *Vide* syncopem scorbuticam.

5. *Asthenia cachectica*.

Infantes à parentibus senibus , infirmisve orti , potissimum puellæ ab ortu ad decimum circiter ætatis annum non rarò pallidulæ sunt , carnibus mollibus præditæ , ventre tumido , artubus tenues , macilentæ , debiles , voraces ; tamen torpidulæ , somnolentæ , segnes ad loquelam , & omnia exercitia tardæ , ingenio hebetes , unde à rachiticis valdè discrepant ; sæpè glandulas colli tumidas gerunt , quæ tamen spontè resolvuntur multò citius quam scrophulæ , nec ita indurescunt : in illis vidi sæpè ortas verrucas faciei , quæ intra paucos menses sine rubore & calore albescunt omninò & remollescunt , ac in crustam exsiccata labuntur , nullâ relictâ cicatrice.

Præstat in hoc morbo per hiemem cum ossâ deglutire quotidie aliquot grana radicis Chinæ pulverisatæ , vino uti aquato , abstinere à cremoribus , & farinaceis non fermentatis , exercitium suadere , frigus arcere.

6. *Asthenia chlorotica*. *Vide* chlorosim , cujus est accidens.

7. *Asthenia à pathematis; Virium debilitas ab animi affectu* Frid. Hoffman. *de virium lapsu*, cap. 9. cautela 1.

Nihil magis subito vires frangit, & quandoque difficilius cognoscitur quam moeror, diu celata iracundia, gravis ærumna, contumelia, bonorum, honorum immerita jactura, amicorum, parentum mors, &c. inde profunda tristitia, animi dejectio, somni jactura, anorexia, stupidum silentium, immobilitas, solitudinis amor, coetuum fuga.

Alimenta boni succi, sed liquida, coctu facilia, vinum, liquores fermentati, narcotica, & auxilia moralia indicantur.

8. *Asthenia febrilis; Debilitas febrilis* Boerhaavii; *Lassitudines spontaneæ* Hippocr.

Alia est debilitas, vel lassitudo spontanea, quæ graves morbos anteit, eosque prænunciat, ea est sine febre, cum fastidio omnium rerum, inclinatione ad iracundiam, ægri dicunt crura sibi, & brachia fracta esse; nondum tamen se lecto addicunt, donec accedat horripilatio, dein calor.

Alia verò est debilitas febrem potissimum continuam ac remittentem concomitans, quæ in vigore omnium est maxima; ast inter varia genera febrium nullum est quod vires magis prosterнат ab initio quàm typhus, hæmitritæusque, vulgò *malignæ febres* dictæ, in quibus parcior est fluidi nervei secretio è cortice cerebri, & ferè quidquid est, impenditur in obicibus superandis, qui circulationi sanguinis opponuntur, unde artuum summa debilitas.

9. *Asthenia ossifraga* Simon. Paulli *de gramine ossifrago* Linnæi *flore Lapponico* 236.

Mirum est quod de viribus Antherici ossifragi Simon Paulli promulgavit, scilicet si pecoribus

pabulo intermixta detur hæc herba, ipsa eorum ossa inde emolliantur, ita ut pedibus insistere nequeant.

III. Linnæus eam copiosam vidit in Smolandia, ubi dicitur ejus esu pecora statim impinguari, sed anno sequente in ipsorum hepate nasci vermem *Ilar* dictum, unde herba *Ilagras* vocatur, & citò perire animal. Verùm hæc omnia inter errores plebis reponit Auctor.

10. *Asthenia ab osteosarcofi* Aët. Acad. Parisin.

Osteosarcosis est ossium remollitio; hic morbus primum Tolosæ, dein aliis locis observatus est; imò sub diversis schematibus fusè describitur in Aët. Soc. Londinensis, n. 459. à Chirurgo Pott. Ossibus viru scorbutico, aut alio remollitis, statura corporis decrescit, æger stare non potest, artus contorquentur, totum corpus in glomerem flaccidum humi stratum abit.

11. *Asthenia ab inanitione.*

Est debilitas quæ supervenit cuicumque morbo evacuatorio, maxime hæmorrhagicis, alvi fluxibus, dysentericiæ: curatur analepticiis, succulentis, spirituosiss, aromaticis, curato potissimum morbo à quo pendet.

12. *Asthenia hysterica.*

Mulier quadragenaria plethorica, florida, ubertim & regulariter à duobus annis menstruata, constipata, moeroribus, anxietatibus, crampis, musculorum distractionibus, hystericisque aliis symptomatis à duobus annis divexata est, inter quæ potissimum conqueritur de lassitudine, aut debilitate totius corporis, ita ut brachium supra caput attollere nequeat præ debilitate; illa verò noctes insomnes, crampis & extremorum inferiorum sudoribus afflicta transigit; in furis & in

imis femoribus sunt tumores colore oedematofi, sed digitorum impressionem minimè retinentes, qui interdiu tantùm observantur, vera oedemata hysterica Raulini; juvatur, & appetitus paululum restituitur à pulvere purgante quem decies sumpfit; ea mense Julio tres Medicos Monspelienses consuluit. Consilium verò sequens fuit, 1º. ut præmissâ exiguâ phlebotomiâ, si pulsus plenus sit, juscula ex colli vervecini unciiis quatuor, & cichorii manipulo per triduumumat; dein purgetur ex duobus cyathis decocti polypodii, infusis duobus vel tribus fennæ drachmis, additis primo cyatho mannæ unciiis duabus, alteri verò uncia unâ & semisse.

His præmissis decem jusculaumat ex pullo, radicis pæoniæ drachmis duabus, cichorii manipulo; deinde decem balnea domestica adhibeat, & ad cuiusque exitum feri lactis libram bibat, infuso prius florum hyperici pugillo; deinde juscula, iterumque balnea, & serum lactis repetat; demùm cùm ad mensem Septembrem deventum fuerit, lac asininum per duos menses usurpet, alternisque diebus bolum devoret ex pulveris de gutteta, coralliorum, & cretæ ana granis quindecim, syrupo quodam exceptis, somnumque sibi conciliet singulis noctibus ope syrapi de karabe, vel laudani. liquidi.

13. *Asthenia syphilitica.*

Hannoveranus quinquagenarius à sex annis & ultra debilis erat toto corpore, & macilentus, de cætero benè se habens: eum curavere Stalhius & Hoffmannus per quatuor annos, Medici Parisini per duos annos, Monspelienses per octo menses præscriptis edulcorantibus, incrassantibus, lacticiis, &c. sed in cassum. D. Fizes post tot vana

tum sua, tum aliorum tentamina, quæfuit num æger, ejusve parens aut nutrix syphilitico quodam morbo laborassent; responsum ei fuit minimè gentium. Interea diætâ lacteâ institutâ sine balneis, hydrargyrosis fuit cautè celebrata, atque post mensem vires ægri, atque carnes paulatim rediere, & sanitas restituta est. An asthenia ea syphilitica fuit, quia per hydrargyrosim sanata? An hydrargyrosis in morbis minimè syphiliticis valet? Ante hydrargyrosim intumuerat unus testiculus sine dolore, fluctuationem in eo dein adesse putantes Medici, tumore inciso nihil viderunt; testis bifariam divisus quotidie fungosas excrementias præferebat, illis sine dolore resectis succrescebant aliæ, adhibito in emplastris millepedum pulvere vulnus coaluit.

14. *Asthenia hydrocephalica.*

Duo pueruli Nosocomii generalis febriculâ & gastrodyniâ affecti jacent, purgati resurgunt, stant per paucos dies languidi, febriculâ recedente, iterum decumbunt, accedit vomitio jussulorum, gastrodynia, febris; purgantur alternis diebus, sextâ die subitò astheniâ correpti sunt, caput proprio pondere inclinât, brachiis & manibus uti non possunt ad poculum ori admovendum, pedibus insistere nequeunt, sensu superstite; noctu delirium, febris, & octavâ die mors. Secto cadavere ubique macro, nil videtur mutatum in abdomine, pectore; nulli lumbrici, flatus in intestinis vacuis, nullum œdema; secto cranio aquæ diffluunt limpida, & in ventriculis cerebri rubellæ, nil ultra. Hæc Augusto 1759.

Differt ab apoplexiâ & caro ex eo quod nullo sopore stipetur hic morbus; à paralyfi, hemiplegiâ, paraplegiâ, quod sit universalis debilitas; sensu superstite.

Illi pueruli nunquam porrigebant manum, nisi brachio ad costas appresso hinc & inde, quia secus porrectum brachium difficiliter sustentari potuisset ex legibus mechanices; unde brachia secundum totum humerum ad latus appressa hunc morbum significant.

Cum hæc scribo, tertius puerulus Nosocomii subito incidit in eundem morbum convalescens à dysenteria, in qua aliquoties purgatus erat, polydipsia insatiabili simul affectus, mihi videbatur postridie moriturus; præscripta iterata dos pulveris de gutteta intra paucos dies convaleuit, vino simul usus & cardiacis.

15. *Asthenia abstinentium* Diar. Med. Mai. 1756: Histor. Academ. Par. 1712: 1713: 1719: 1739.

Potest homo ultra 7. dies nullo assumpto alimento vivere.

Religiosa Monspel. maniaca per 14. dies sine potu & cibo vixit.

Nymphomaniaca per 25. dies; tunc verò cutis arida, flava, rugosa, os arescebat, lingua & dentes nigrescebant, vox raucescebat, macies magna, nulla perspiratio, dejectio, mictio; ea abstinentia bis vel ter in anno revertebatur cum delirio vividiori, frequentiori, pervigilio, vere potissimum & autumno.

16. *Asthenia infantum*; le Scorbut Parisiennum Chirurgorum; Puzos, *Malad. des enfans*, pag. 300. qui sic loquitur.

Scorbutus infantum non eadem signa præbet quæ scorbutus adultorum; posterior maculis cutaneis & gingivarum vitio stipatur; prior verò his signis destituitur, nisi cum ad ultimum gradum pervenit; existit multo ante ea signa, & in primo, secundove gradu cognoscendus est.

ut sanari queat. Cognoscitur scorbutus infantum, cum de doloribus musculorum conqueritur, & progredi ac pedibus insistere potius non est; antea sanus videbatur, jam subito usum tibiarum amittit, sedere, cubare, vel quiescere nunquam definit, motum localem avertitur, ejulat si stare cogatur, aut si furæ ipsi comprimantur; alias cum sine adminiculo progredi solitus foret, quavis datâ occasione, & ob solam crurum debilitatem labitur & cadit; non maculæ cutaneæ, ut adultis, sed tubercula dura ganglionum instar hic vel illic apud eos observantur: hæc sunt infallibilia hujus scorbuti signa. Hactenus Puzos.

Asthénia infantum in primo gradu non difficulter sanatur: si verò neglecta fuerit, aut cum aliis speciebus affinibus confusa, funestos eventus inducit; ossa scilicet inficit, & carie corrumpit, maxillas ita devastat & exedit, ut alveorum ordines omnino absumat; videntur non rarò quæ languore & marasmo conficiantur, quorum morbum seriùs aggressa est ars medica, optimis licet medicamentis armata.

Ad curam infantis adhucdum lactentis, lactis nutricis indolem probè examinare necessum est, illudque si vitiosum fuerit, altero mutare; secùs ad antiscorbutica confugere, quæ sanguinis ipsius ægri vitia corrigant; adeòque utatur infuso cichorei, cochleariæ, taraxaci, beccabungæ, nasturtii aquatici, scolopendrii in aquâ pulli, necnon levi decocto radicis chinæ; identidem purgetur ex syrupo de cichorio composito; è locis humidis, paludosis migret in salubriora.

Si infans nondum progredi assueverit, ac proinde loqui nesciat, hic morbus in primo gradu, necdum maxillas afficiens difficillimè cognoscitur;

verum ex parentum, nutritivæ scorbuticæ dispositione, tempestate & regione aliquid luminis affulgere potest; si verò ab lactatus sit infans, eò facilius cognoscitur hic morbus, quò ætate provector infans, qui facilius sensationes suas exponit, & in quo mutationes in viribus tibiarum clarius percipiuntur; imò medicamina facilius admittunt adeoque major sanitatis recuperandæ spes est; præstat quovis manè per aliquod tempus infusi Rhei cyathum bis in die propinare; & adhibere gargarisma ex decocto agrimonie, salviæ, bistortæ, rosmarini, nasturtii aquatici, additis post colaturam spiritus cochleariæ aliquot guttis, vel succo limonum, vel optimi vini paulillo; confert præ cæteris vinum antiscorbuticum: hætenus Auctor citatus.

Hæc asthenia non rarò cachexiam, & phlegmasiam insanabilem inducit diarrhœam, hecticam & marasmo terminandam, vel quod sæpè etiam vidit sine febre acutâ, sine ullâ inflammatione prægressâ, vel vulvam in puellis, vel genas & gingivas in utroque sexu subito livore, subitâque molitie, gangrænâ & sphacelo ita corrumpit, sine ullo dolore, ut non rarum sit intra paucos dies labia exedi ad aures usque, & infantem quinquennem circiter placidè expirare, hoc tetro sphacelo exesum in ore, vel in vulvâ; maximè verò hoc vitium eis accidit, cum à rubeolâ convalescunt.

17. *Asthenia Americana; Obstructiones viscerum naturalium* Guill. Pison. cap. 6.

Hic morbus sine ullo ferè doloris sensu invadens, ob perspirationis suppressionem, cruditatesque multas, ob ventriculi à calore ortam debilitatem, maximè apud juvenes & advenas: adde viru scorbuticum ab advenis in itinere contractum,

& usum *arach*, seu vini ex fecibus sacchari & aquâ confecti; hinc ebrii humi decumbunt, & totas noctes malignos humores poris patulis combibunt.

Hinc *debilitas* cum tanto labore & *lassitudine* spontaneâ, atque nausêâ oritur, ut ferendis cibis & medicamentis impares existant; hinc magna respirandi difficultas, perpetuæ querelæ, accedunt sudores frigidi in partibus superioribus, summus virium languor, canina appetentia, durities, atque murmur utriusque hypochondrii, denique febris, fitis & inflammatio.

Hic morbus rarò curatur, nisi accedente diarrhœâ biliosâ.

Cura. Strictam & diu servatam diætam exigit ex cibo & potu recentibus, eupeptis, accedente mane & vesperi motu corporis liberali, quem ob dyspnœam ægri refugiunt: phlebotomiam, si non præsens febris, saltem futura sæpè postulat; sæpè enim hepatitis supervenit: apozemata leviter incidentia & antiscorbutica præmittantur; huc radices limonum, liquiritiæ, brassica marina, portulaca aceto condita conferunt; nux cocos, mala aurantia, citria, citrulli, ananas, granadilla conveniunt.

Dein cathartica mitia usurpanda, vel ipecacuanhæ drachmas duas infunde in aquâ, ut vomitio excitetur; denique ad eximium hujus morbi antidotum per mensem recurrendum est, scilicet:

℞. Corticis guayaci & scorix ferri ana uncias ij. maydis unc. i. fabarum minorum, & foliorum fennæ ana unc. i. pulvis exhibeatur ad drachmas duas vel quatuor manè & vesperi in liquore conveniente.

Huic succedat cursus aliquot passuum, in dies

major, à quo redeuntis cibis eupeptis refocilentur, ut pulte è farinâ manihoc cum saccharo.

Inter topica emplastrum ex gummi elemi & balsamo copaivæ cum melle, ventriculi & hepatis regioni applicetur, demùm decoctum falsæ parillæ addendum.

XXI. *Leipothymia*, Lipothimie; *Animi deliquium* Mercati lib. 3. *Apopsyschia* Dioscoridis.

Est subitanea & brevis virium dejectio, superflite pulsus vigore, & cognoscendi facultate.

Differt à syncope, 1^o. quia in syncope pulsus valdè minuitur, vel evanescit cum sensuum obscuratione, imò, in graviore casu, feriatione: in leipothymia verò pulsus plerumque manet illæsus, nisi affectio adeò gravis sit, ut syncopem adducat. 2^o. Quod in leipothymia ægri vel aurium tinnitum cum subito earum calore, vel vertiginosam capitis turbam simul percipiant cum virium artuum defectione, atque sentiant & sæpiùs dicant se animi deliquium pati: in syncope verò subito & citra præludium concidunt.

Meritò Mercatus & Mercurialis refragantur illis qui leipothymiam à syncope tantum gradu differre putant, atque ideò ejusdem generis esse varietates, cum verosimile sit ex allatis symptomatis magnam esse differentiam, atque diversam originem. Sic Mercatus syncopem fieri putat à fluidi nervei cor moturi defectu, dispendio; leipothymiam verò ab ejus fluidi in cerebrum motu retrogrado, ex quo motu, dum de sanguine agitur, fieri tinnitum & vertiginem alibi docuimus; sed quæcumque sit theoria, non minus differunt

390 GENERA ET SPECIES
symptomata essentialia, quorum explicatio deinceps venit inquirenda,

1. *Leipothymia à pathemate.*

Memini me leipothymiam esse passum, dum cujusdam nefarii crurifragium spectarem; sensi scilicet in corde molestiam cum subitanâ crurum & brachiorum debilitate, simulque calore, ac veluti vapore sursum ascendente aures corripì, atque tinnire; pulsus interea exploratus erat, vegetus; iis symptomatis ingravescentibus vix pedibus insistere potuissem, & pallor faciei successisset, forte etiam supervenisset syncope; verum etiamsi, ut ait Mercatus, in omni syncope sit animi deliquium, seu leipothymia, in omni leipothymia non est syncope, & ea genera non solum gradu, sed etiam symptomatum diversorum serie discrepant.

2. *Leipothymia stomachica* Mercati de syncope lib. 3.

Malè *cardiaca* ab aliis vocatur, quæ ab stomachi molestiâ & cardialgiâ ortum ducit, omnium frequentissima. Vide cardialgiam.

Inquirant Medici limites syncopes, leipothymiae, cardialgiae; certè syncope est morbus brevissimus & periculosissimus, cum leipothymiam multò diutius vivitur quàm cum syncope, cui ipsa præludit; in leipothymiam nullus est dolor, sed tantum sensatio quædam, quam *mortem stomachi* vocant ægri, dum aiunt, *l'estomac me meurt.*

Mirum est quod aer frigidus, frigida potus leipothymiam avertat; non verò mirum quod vinum, spiritus, aromata, cardiaca vires rescillant.

XXII. *Syncope*, *Syncope*, *Evanouissement*, *Pamoison*; *Italis Svanimento*; *Hispanis Desmayo*; à *synopto*, concido. *Leipopsychia* Hippocrati; *Apsychia* Galeni. *Ægri Synoptici*; *Gallis Evanouis*, *Pamés*.

Cognoscitur subitanè virium omnium vitalium, animaliumque imminutione, pulsu scilicet, respiratione, omni musculorum motu, necnon sensu quovis, & calore admodum imminutis, ita ut æger per aliquod tempus sui conscius non sit, & vita ecclipsim patiatur.

Differt à leipothymiâ quod affectus primò in præcordiis sentiatur, leipothymia verò à capite incipiat.

A cardialgiâ quod nullo stomachi dolore stipeatur, nisi ipsi cardialgiæ se adjungat: in syncope sensus omnis ferè aut penitus evanescit, & æger resurgens non meminit se per hoc tempus extitisse, aut dicit se astantes quasi in somno percipisse, trans nebulam vidisse, & sonos quasi debilissimos audivisse; quæ omnia in cardialgiâ simplici non observantur.

In asphyxiâ ægri tamdiu frigidi, sine ullo signo vitæ remanent, ut pro mortuis sæpè habeantur; ast synoptici sudore, pulsu obscuro, aliquali interiorum calore, leni saltem respiratione ab asphyctis distinguuntur, & intra minutum unum aut alterum ad se redeunt.

Omnes morbi terminari possunt debilitate lethali, quæ cum successivè accidat, non dicitur syncope, sed asphyxia finalis, si sit cum frigore.

pallore, sine stertore. *Apoplexia finalis*, si cum stertore, & somno; *orthopnea finalis*, si cum stertore, sine somno.

Hi quippe sunt diversi modi, quibus vita terminatur, de quibus mirum est nullum Auctorem expressè differuisse. Nemo tamen dixerit morbos lethales non differre, nisi gradu, à syncope. Quorum itaque plures contendunt leipothymiam, syncopem & asphyxiam esse morbos ejusdem generis, & non nisi secundum majus & minus discrepare, quæ confusio si admittatur pari jure ad singula cujusque classis genera posset extendi, ut ad pleuritidem, peripneumoniam, paraphrenesim, phrenitidem, hepatitidem, &c.

Principium syncopes proximum videtur esse motus cordis systalticus, adeò debilis, ut nullo subsultu stipetur. Duplex etenim est motus cordis; alius *systalticus*, seu systoles & diastoles, quo axis cordis loco non mutatur, nec ullus pulsus in arteriâ producitur; alter est *subsultorius*, seu alternus cordis accessus ad costas, & recessus versùs mediastinum, quo tanquam mallei percussu pulsus cordis & arteriarum sensibilis evadit, adeòque in cerebro pulsantibus arteriis excitantur ideæ ad vigiliam necessariae, in toto corpore calor generatur, atque vis electrica sustinetur. In syncope prior motus permanet, unde vitæ pabulum; ast posterior deficit, unde sensuum, pulsus, caloris feratio, & asthenia artuum, æger subito proprio pondere, laxatis omnibus artubus, deorsum labitur, pallet, friget, pulsus & respiratio evanescunt, aut maximè minuuntur.

1. *Syncope ab inanitione* Sennert.

Est illa quæ subito in morbis evacuatoriis cachecticis post longas anorexias, viribus jam ex-

haustis subito supervenit, & à debilitate habituali diversissima est; natura quæ vires suas infumit, in cordis motu perennando, à conatibus suis subito cessat, cum debilitatis extremæ conscia est, aut nova confusè persentit obstacula, magnam itaque partem virium quæ in subsultu cordis producendo requiritur, ea supprimit, ut motum tantummodò systolicum diutius protrahat, qui secus multò citius sufflaminaretur.

Patet ex Halesii *Experimentis hæmæstaticis* frequentiam pulsûs & respirationum crescere in summâ debilitate quam hæmorrhagiæ profusæ excitant, pari passu quò pulsuum & respirationum amplitudo decrescit; eo fine, ait Halesius, ut vis quæ ratione amplitudinis deficit, frequentia seu velocitate motûs resarciatur, & lethum procrastinetur.

Idem observat vires cordis superstites non esse residuo in vasis sanguini proportionales, nam in tubo verticaliter carotidi aptato, cruor quandoque altius ascendebat, cum plus sanguinis effluxisset. Habet ergo natura imperium in cor, non verò mechanicè movetur juxta vires sanguinis ad illud accedentis, sed à fluido nerveo quod vitale principium pro diversis motivis in id immittit. Cum jugulantur sues, multo prius effuso cruore, cum vires exhaustæ videntur, validos non raro illos conatus edunt, quò vires cordis fatiscences exsuscitantur, & ad ipsum sanguis ex artubus expressus mittitur.

Cum è quadraginta libris sanguinis quas equa primi experimenti habebat, effluxissent triginta, sudor frigidus toto corpore permanare cepit, laxatis fibris cutis, quæ durante vitâ ipsam constringunt, hincque apertis vasculorum sudoriferorum

osculis, eodem mechanismo ac mortuis alvus sæpiùs effunditur.

Ad vires in inanitione refocillandas juscula consummata, gelatinæ aromatis conditæ, ovi vitella, vino & cinnamomi pulvere commixta, vinum merum, liquores spirituosi, fumus nucis myristicæ accensæ, naribus exceptus, sunt præsentissima auxilia.

Quæ à paracenthesi oritur, præcavetur vinciturâ abdominis.

2. *Syncope à dolore Jonstoni, Idea med. Ill. Senac. pag. 553.*

Ea est quæ atrocibus doloribus potissimum colicis supervenit.

Curabam puellam quæ per diem & ultra dolores colicos ita atroces patiebatur, ut pulsus phlebotomiam non admitteret, & ut laudani dosis maxima morbum non sedaret; adhibui pillularum de cynoglossa grana duodecim, quippe non rarò accidit, ut diversa narcotica aliis meliùs succedant, licet non majori dosi adhibita; sed frustrâ, tandem subitò accedit syncope, & non solum doloris accessus illicò evanescit, verùm sibi restituta ægra deinceps omninò ab hoc dolore vixit immunis, non secus ac optimâ crisi solutus fuisset, nonne ea colica à fluidi nervei appulsu validiori & quasi ab spasmo pendebat? anne, ut putat Sanctorius, in syncope copiosa sit perspiratio quæ materiem morbificam eliminat?

3. *Syncope febrilis Ill. Senac. de Corde, lib. 4. cap. 12. pag. 548.*

Ea est quæ morbis acutis febrilibus, vel inflammatoriis tum initio, tum in vigore accidit.

Initio pleuritidis syncope superveniens lethalem sæpè morbum prænunciat, qui ob humorum cru-

dorum copiam febricitantes in syncopem incidunt, si ventriculus vel hepar in his inflammatum fuerit, desperata salus est. Galen. *Methodo med. c. 3.*

Syncope quæ in æstu tritaëphiæ aut alterius febris ardentis accidit, est periculi multò minoris, & phlebotomiâ ac refrigerantibus prævertitur. *Vide ulterius Asphyxiam febricosam.*

4. *Syncope à phlebotomiâ.*

Sunt qui à metu phlebotomiæ, à sanguinis aspectu animo linquuntur, quod qui mechanicè & sine imperio animæ in cor explicare contendunt, absurda proferre mihi videntur. Illa syncope prævertitur situ horizontali, aquâ in ore detentâ, interpolatione phlebotomiæ, digito venæ appresso, averfione oculorum à patellâ, &c. Parcius & rarius est mittendus sanguis apud eos meticulosos, maximè si febris vel pyrexia desint.

Si in amphimerinis aut hæmitritæis jam protractis à phlebotomiâ aliunde indicatâ, superveniat leipothymia cum pulsu statim exiliori, intermittente, frequentissimo aut syncope, signum est morbum à materiâ putri, verminosâ, vel mali moris foveri, monente Barbeyracio, & confirmante experienciâ; licet itaque in hoc casu delirium, paroxismi vigor, pulsus robur phlebotomiam suadeant, ab eâ abstinendum est.

Syncope à phlebotomiâ largiori ob laxatam ligaturam apud robustos non est ita periculosa, ac quæ pendet à principio interno; ast apud debiles, ut phthificos, scorbuticos, cachecticos intra paucas horas ad mortem ducit, pulsu exili, molli, frequenti, intermittenti.

5. *Syncope plethorica Riolani; Anthropologia III. Senac. lib. 4. cap. 12. pag. 540.*

Ea est quæ à nimia sanguinis copiâ excitatur

corde velut obruto, cujus signum est pulsus successivè varius, nunc obscurus, depressus, nunc plenus & elatus, nunc frequens, intermittens, nunc rarus & regularis, si cum facie rubrâ sublividâ ante syncopen; signum certius est, si à phlebotomiâ parvâ, iteratâ, sensim pulsus plenior, velocior, fortior evadat, & æger sublevetur; judicatur ulterius ex voracitate prægressâ, suppressis evacuationibus, si plethora sit commota, ea species coincidit cum febrili.

6. *Syncopè hysterica* Ill. Senac. lib. 4. cap. 12. p. 544. *Sync. epileptica* Helmontii, de *Asthmate*.

Ea est quam hystericae, hypochondriacique patiuntur, à levi animi affectu, ab odore suavi moschi, ambræ, rosæ, ab iteratis catharticis, ab imaginatione læsâ, &c. cum fugacibus spasmodicis, doloribus diversarum partium, aliisque heteroclytis symptomatis, multum terroris ægræ incutientibus.

Curatur antihystericis foetidis, castoreo, fumo pennarum, corii, spiritu salis armoniaci naribus admoto, &c.

Epilepticam & extaticam syncopem admittit Ill. Archiater. In paroxysmo epilepsiæ sensus quidem feriantur, ut in syncope, & maxilla est rigida; verum pulsus plenus, vehemens est, color faciei cruentus, lividus, &c.

7. *Syncopè à cardioncho*.

Cardionchi nomine intelligo cordis aneurismaticam dilatationem, tum in ventriculis, tum in auriculis, tum in aortæ initio; à Græco *onchos*, tumor, & *cardia*, cor. Concurrunt pectoris oppressio, pondus in regione cordis, animi deliquia, palpitationes vehementiores, quandoque pulsus inæqualis, parvus, alias verò plenus,

MORBORUM, CLASSIS VI. 397
vehemens, palpitans. Vide Ill. Senac. de Corde,
lib. 4. cap. 8.

8. *Syncope à polypo* Ill. Senac. de Corde, lib. 4.
cap. 10. n. 13.

Ea est quam concretiones polyposæ cordis excitant. Suspicamur ex *sensu ponderis* & oppressio-
nis in regione cordis, unde anxietates cordis,
palpitatione habituali, quæ in tremorem cordis
& in succussus frequentes degenerat. Pulsus *inæ-*
qualitate variabili, quæ signum est optimum.

9. *Syncope ab antipathiâ* Ill. Senac. *ibid.* p. 544.

Ea est quam excitant felis, muris, casei, &c.
præsentia & horror præconceptus. Certum est
multiplici experienciâ, vel à latente in artocreate
anguillâ aut simili objecto, quod exhorrescunt,
plures ita nasutos esse & mobiles, ut in synco-
pem constantem incidant, nec subleventur nisi
objecti molesti remotione. Qui ex sede morbos
distinguant, hunc morbum à cerebro primariò
pendere, & ad cerebrum referendum esse, judi-
care debent.

10. *Syncope à veneno* Ill. Senac. *ibid.* pag. 545.
546.

Vapores putridi ex Nosocomiis, ex cancris,
ulceribus, ex cadaveribus.

Vapores mephitici ex tabernis, cellis, tumultis
arctius clausis, ex puteo & fossâ peraltianâ juxta
Monspelium, exhalationes minerarum.

Arsenicum etiam ulceribus, cariebus admotum,
ut observavit Saviardus.

Venena acria genita in corpore ipso, in peste;
tritæophiâ, sphacelo, hunc morbum excitant.

11. *Syncope ab apostematis* Ill. Senac. *ibid.* p. 554.

Non solum rupto intus apostemate superveniunt
syncope, ut secto abdomine in ascite, aut pec-

toe in hydrothorace, verum etiam ab alia causa non satis cognita; abscessum in hepate, pancreate, pulmone, à fortiori in stomacho latentes, declarant syncopes frequentes; à pulmonum & hepatis putredine ortas vidit Ballonius, ex ovariis & utero suppuratis Ill. Senacus. An à cerebro suppurato oriantur, inquirendum restat.

12. *Syncope ab hydrocardia Vieussenii Obs.*

Hydrocardia seu collectio aquæ in pericardio cognoscitur 1°. pondere in regione cordis. 2°. Pectoris oppressione quæ crescit à decubitu supino, sublevatur inclinatio pectore ad anteriora. 3°. Leptothymia, syncope, palpitatione frequentibus. 4°. Subita à somno excitatione cum suffocationis periculo. 5°. Signis genericis hydrothoracis. 6°. Pulsu debili, molli, inæquali, ex Ill. Schreiberno.

Curatur ut hydrothorax diureticis, borace, paliuri fructibus.

13. *Syncope stomachica. Vid. Ill. Senac. ibid. pag. 545.*

Ea est quam cardialgia sæpius excitat, attamen sine dolore stomachi ex solâ illius anxietate sæpe oritur, ut 1°. ab inanitione, seu longâ fame, unde calor, & sensus tractionis, quæ syncopen subito inducunt. 2°. Oritur etiam à stomachi repletione, infarctu cum nausæâ. 3°. Ab irritatione à materiis emeticis, nauseosis, venenatis. 4°. A lumbricis, tæniis. 5°. A dyspeptis, ut lacte coagulato, adipe, fungis. 6°. A saburrâ acri, putri, malignâ. 7°. Frequentes etiam sunt syncopes in gastritide, & diversis speciebus gastrodynes, cardialgiæ, &c.

14. *Syncope ab sphacelo D. Senac. pag. 553.*

Cum pars quædam potissimum interna sphacelo correpta est, cum fetus in utero mortuus latet,

cum ichor putris alicubi hæret, syncopes sæpius sobolescent, natura sensu quodam intimo id percipit, exhorrescit, & non secus afficitur, ac cum quid foetidum aut cadaverosum nares afficit.

15. *Syncope scorbutica* Lind. de Scorbuto.

In tertiâ periodo à minimo motu scorbutici leipothymias imò syncopes patiuntur, in quibus pulsus, licet sit exilis & intermittens, tamen per intervalla evadit plenior & duplicatus, ut in pectorali, observante Eugaleno; iterum exilis evasurus.

16. *Syncope arthritica* Musgravii, de Arthritide anomala.

Ea est quæ in veteri podagrâ supervenit, remittente aut cessante dolore pedum, frequentior post indigestiones crapulas.

Cathartica, dein stomachica & anthelmintica in hac conveniunt.

17. *Syncope febricosa. Febris syncopalis*; vulgò *la fièvre syncopale*.

Est tertiana vel hemitritæus syncopalis Castellani & Madritensibus familiaris, ut refert. D^r. Burnet, in *Thesi Parisinâ*. Rigor in initio, typus tertianæ, profusus sudor in declinatione; cardialgia, horrenda vomitio, summa debilitas, pulsus contractus, frigus extremorum, mors secundâ aut tertiâ accessione, ni succurratur.

Præmissis præmittendis kinkinam profuturam puto, ut in hemitritæo soporosa, scilicet ad unciam ante tertium paroxysmum. Vide Morton. *Pyretolog. pag. 74.* & rectius Torti, de *Febribus*.

Huc spectat febris syncopalis tertiana Torti, de *Febr. pag. 126. 192.*

Amphimerina syncopalis Raim. Fortis.

Triætophia syncopalis Pathol. method.

Est syncope quæ funestos reddit paroxysmos febris tertianæ simplicis, duplicisve, quos comitatur, five sit cardialgiæ succedanea, five primaria & solitaria, sed febris comes, vi nempe cujus æger nullo scilicet dolore perculsus, frequenter, graviter, & absque causâ manifestâ languet, exolvitur, & anima deficit; five de latere in latus se velit convertere, aut manum tentet loco movere, concurrit pulsus depressio, & vicissim ejus defectio cum parvitate & frequentia, sudores minuti circa collum & frontem, oculorum cavitas, caligatio & languor, ac denique universalis virium languor, ut continuis odoribus & irrorationibus æger recreari indigeat, ne deliquium crebrius patiatur.

Si hæc in febris augmento vel statu accendant, licet tranquilla subsequatur intermissio, res ægrimalè agitur, nisi provida Medici cautela futuros accessus maturè præcaveat. Si enim Medicus transactæ procellæ immemor sit, brevi pereunte ægro incidet in illud turpe, *non putaram*.

Ejusdem census est algor qui in tertianâ perniciosâ seu *algidâ* Mortoni, incipienti paroxysmo jungitur, quod non, ut assolet in benignis, paulatim evanescit; sed protrahitur & protrahitur, ita ut nec pulsus resurgat, nec calor erumpat, ita ut post multas horas ægrum in paroxysmi initio diceret, siticulosus est, gemebundus, anxius, cadaverosus, si evadat, nec moriatur; pulsus tamen depressus remanet; cum calor mitis accedit, vox est clangosa, lingua scabra, urina vel copiosa & pellucida, vel pauca & lateritia; in hoc statu durat æger per tempus intermissionis cum pulsu exili & frequenti, subsequenti accessu ut plurimum moriturus; si verò calor & pulsus sint meliores,

meliores, vegetiores, diuturnioris morbi potius-
quàm mortis erit præsagium; sed ista discrimina
vix aliud quàm usus docere potest.

XXIII. *Asphyxia.* Asphyxie. *Apoplexia*
cerebelli Willisii. *Extasis* Brendelii. *Mors*
apparens vel *subitanea* Lancisii. *Asphyxia*
ab a privativo, & *Sphygmus*, pulsus.

Phænomena mortis apparentis subito utpluri-
mum supervenientia, valde terrificæ asphyxiæ
characterem præbent. Si æger sensim in pejus
abiens, demùm fato succubuerit, ejus status as-
phyxia non est, nec quemquam ex hoc statu reviv-
isse docet observatio. Ast sæpè accidit, ut ægri
subito interempti visi sint, imò ex his quidam
sepulti, quos vel arte vel sponte inde evasisse cer-
tum est. Talis verò status sive à cerebro sive à
corde aut pulmone potissimum affectis oriatur,
asphyxia dicitur, obscurissimum morbi genus,
quod ratione atrocitatis & obscuritatis Medicorum
diligentissimorum inquisitionem exigit. Videatur
autem de hoc Lancisius circa mortes subitaneas.

Ex illis qui subito mori visi sunt, nullus pro
verè mortuo habendus est, ut fusè docent Wins-
low & Bruhier, nisi qui biduo triduo servatus,
jam putrescere & foetere incipit, aut saltem qui
ferrum candens pedibus inustum non sensit; quæ
dicta in genere valent respectu Medicorum qui
morbi principium rescire non potuerunt. Si enim
signa aneurismati rupti, apoplexiæ imminētis,
vomica antiquæ hanc subitaneam mortem præ-
cesserint, Medicus horum gnarus certius judica-
turus est an mors sit vera vel tantum asphyata.

1. *Asphyxia immerforum.*

Qui ex aquis pro mortuis extrahuntur, aliquid quando reviviscunt, docente experienciâ. Vidi puellam quæ cum è puteo in quem se projecerat, extracta fuisset, pro mortua habebatur, ut pote omni motu, sensu, pulsu, calore destituta; ea verò suâsu Illustr. Dom. Gibert, Præceptoris mei in Praxi colendissimi, in lectulo reposita linteis calidissimis omni minuto renovatis tecta, demùm ad se rediit.

D. Moulin, D. Med. Monspel. in simili casu ægram cineribus calidis operiri jussit, quæ vitæ restituta est.

Falsum autem est eos qui per horam unam aut plures aquis immerfi latuerint, unquam revixisse. Si paucos excipias aquis gelidissimis immerfos, ut notat Ill. Segner. Profess. Gottingensis, qui hæc de re multa cum animalibus experimenta iteravit; ut plurimum ignoratur quamdiu in aquis omnino demersi latuerint, qui identidem caput extra aquas extulere antequam succumberent. Ego quidem sat recens ex aquis eduotos, ut post horam imò semihoram ab immersione quatuor adolescentes curare suscepi, atque omnia, quæ vulgò laudantur artificia & auxilia adhibui; nec ullum ex hisce in vitam revocatum vidi.

2. *Asphyxia à fumis. Ess. d'Edimbourg, Tom. VI. art. 35.*

In fundo mineræ lithantracis ob conceptum ignem fumo infectæ. Rusticus vitam amiserat, post semihoram educitur, frigidus pulsu, sensuque omni destitutus, nulla vitæ signa supererant, cum Chirurgus G. Tossach tanquam alter salvator, ipsi ore suo, naribus ægri constrictis intra os fortissimè inspiravit, unde pectus ægri paululum

dilatatum, & cor pulsare cepit; paulò post pulsaverunt arteriæ. Tusa est vena brachii, unde sanguis per quadrantem horæ stillavit, dein effluxit libere; interea æger frictione, concussione agitabatur, facies aqua eluebatur à fumo, nares & labia sale votali inspergebantur, post semi-horam movebatur, lenissimè pectus sine suspirio oculis & ore apertis, post horam oscitavit, oculos, pedes, manusque movit, aquam, aliquotque guttas spiritus vitalis hausit, post alteram horam sensus recuperavit omnium anteaactorum immemor, post quadriduum domum suam reversus est.

3. *Asphyxia à musto* Petr. Borelli, *obs.* 4. *cent.* 2.

Quotannis ferè pereunt in cupâ in quâ mustum recens fermentescit, qui in eam descendunt ad mustum extrahendum, vel uvas ulterius calcandas; subitò verò sine voce, sine motu concidunt, se suffocari sentientes, & nisi promptè extracti sint, pereunt. Qui verò ad se revertuntur, eventus illius immemores sunt. Hic effectus tribuendus est spiritui, qui vocatur *Gas sylvestre*, à musto exhalanti, quo fluidi nervei electricitas, adeoque omnis activitas extinguitur.

Optimum remedium est, citissimè illos hamis extrahere, extractos aëri frigido exponere, frigidâ aquâ irrorare faciem, dein spirituosis excitare.

4. *Asphyxia suspensorum.*

Est mors apparens eorum qui recens strangulati, vel ut mos est, fune suspensi sunt, similive modo suffocati; illi certè, nisi simul colli quædam vertebra luxata fuerit, quod periti carnifices norunt, facile ad vitam revocantur, ut expertus sum aliquoties in brutis, semel in homine qui è patibulo allatus in templum, tribus phlebotomiis

intra duas horas institutis, non solum vitæ, sed satis commodo statui restitutus est; ita ut ipse sedens, & aquam ex urceolo quod manu gestabat, affatim bibens benè se habere mihi diceret; vox autem rauca, initioque tenuis erat, nec eam edere potuit, nisi expectorato cruoris pauxillo, & multâ frigidæ copiâ haustâ; ardebat enim siti & simul frigidò aëre continuò afflato indigebat, utcumque minimè calida foret tempestas, post tertiam horam collo à fune impressum vestigium paulatim evanescens etiam intumuit, & quartam è jugulo suasi phlebotomiam apprimè percipiens regressum sanguinis è cerebro mox impeditum iri, unde carus; sed Chirurgis præ metu fugientibus non instituta fuit hæc phlebotomia, unde æger sensim obdormivit, pulsus rarior sensim evasit, ita ut vix quadragesies pulsaret in minuto, minorque evasit, quem post primam phlebotomiam videram sensim apparere, & æquè rarò micare, dein paulò frequentiorem & fortiolem gradatim evasisse; sic obiit miser ille quem nullum scelus ad patibulum duxerat.

5. *Asphyxia congelatorum.*

Est ea quæ frigore summo detentos occupat, quamque Gallicus exercitus ante aliquot annos è Pragâ rediens miserè expertus est, ut accepi à conjugis meæ fratrem D. d'Olimpies, in arce & urbe Monspelii hodie Regis locum tenente, qui frigus & illum affectum passus est. Mirum dictu! illi miseri per nives iter vel pedestre vel equestre facientes, quorum aliis nasus, aliis digiti pedum, manuumque sphacelo corrumpebantur, quique proinde atrocibus doloribus erant expositi, dormiendi tantâ cupiditate tenebantur, ut vitæ suæ periculo huic indulgerent; alii itaque sub arbore,

illi sub plastro derelicto, omnes ferè supra nivem prostrati obdormiscebant somno ut plurimum æterno, nisi ab amico quodam excitarentur. Miles quidam sub plastro jacens nive tectus erat, alter eundem locum dormiturus occupat, & priori inscius incumbibat; calore superincumbentis inferior reviviscens alterum excitat, & sic ambo evadunt, secus somno perpetuo premendi. Quanta medicinæ Scriptorum socordia fuit olim? omnes se fideliter exscribunt, nullus morbum haud dubiè omni ævo familiarem notavit. Hujus nuper Ill. Hallerus meminit.

Qui frigore summo deprehensi possunt deglutire quidpiam, illis exhibenda cardiaca & sudorifica, quæ præsto sunt, ut vinum calidum, aqua vitæ, pulvis viperinus, theriaca, aqua cinnamomi; si præsto sit fimetum calidum, eo sunt immergendi; quoad verò sphacelum inde metuentum, videatur *sphacelus*.

6. *Asphyxia cataleptica*; An *Congelatio* Auctorum? An à *congelato cruore* Lancisii de *mortibus subitaneis*.

Vidi olim adolescentulam catalepticam, quæ in paroxysmo tam tardum & depresso habebat arteriæ & pectoris motum, ut fermè evanescerent; erat autem frigidula, omni simul sensu, motuque destituta, ita ut si non observassem ceream omnium artuum flexilitatem, & catalepsi eam laborare ignorassem, eam asphycticam judicassem; tusâ venâ cruor non effluebat; ast eâ simul in vulnus expressâ, columna vermiformis è cruore coagulato sensim delabebatur; numquid hic morbus imposuit Veteribus pro congelatione sanguinis, quam tribuebant suppressis catameniis, hæmorrhoidibus, herpetibus repulsis, & circa solstitia

& æquinoxia frequentiore esse proferebant ?

7. *Asphyxia à pathemate.*

Subito gaudio asphyctos evasisse quosdam, alios à terrore, quosdam à gravi contumeliâ, à funesto nuncio, docent historiæ medicæ. Divus Augustinus vidit Monachum qui pro lubitu omnem sibi sensum & motum etiam naturalem adimebat. Illustr. Cheynæus vidit Chiliarcham Tounshend, qui pro lubitu se verè asphyctum, & mortuo simillimum, Medicis attentè examinantibus præbebat; sed multò major est efficacia pathematum, quàm voluntatis in cordis & pectoris motu sufflaminando: fortè etiam evenit, ut qui hos motus vitales in seipsis suspendunt, in se priùs excitent vehemens quoddam animi pathema; haud dubium est quin tragœdiarum Actores, cum iram, metum, amorem exprimere conantur, seque his pathematis percitos simulant, sæpè reapse his ipsis verè afficiantur; atque si fides est Kloeckoffio, *libr. de morbis animi*, visi sunt qui cum mortuos se esse fingerent, reapse obierunt; quod si intelligat de Molerio, errat.

In his omnibus casibus phlebotomia est primum auxilium, etiam si pulsus nullus micet; nec metuendum ne augeatur debilitas, cum in hoc casu facultas cordis sit oppressa, atque nihil aptius sit ad cor sublevandum ipsâ phlebotomiâ.

8. *Asphyxia hysterica* Lancisii *de mortib. subitaneis*; Bruhier *Mém. sur les enterremens*; *Suffocatio uterina* Sennert.

Est subitanea omnium motuum vitalium, sensuumque feriatio, quæ hystericis à principio pro-cathartico externo, ut animi pathemate, vel interno, ut catameniorum retentione supervenit, dentibus invicem appressis, pulsu obscurissimo

extremorum frigore, faciei sæpè pallore, respiratione ferè inconspicuâ, è quâ ægræ vel restitutæ, vel etiam in debiliori paroxyfmo significant sibi fauces veluti laqueo constringi; animusque simul est prostratus, non rarò globus quidem circa regionem uteri provolvi videtur; præcedunt quandoque oscitationes, pandiculationes.

In paroxyfmo cardiacis, spirituosis nares, tempora, carpi irrorantur, palmæ manuum manu feriuntur, pili avelluntur, ad aures inclamatur, corpus etiam succutitur, axillis hinc & inde sustentatum; fumi sparguntur ex corio accenso; vena tunditur, ut liberior fiat circulatio; frictiones calidæ ad eam promovendam adhibentur, calor linteis & lateribus excalefactis revocatur, potus cardiaci, antihysterici, si possint deglutiri, propinantur; huc aqua melissæ composita, elixirium garus, sal volatile armoniacum, viperinum, karabe, tinctura castorei.

Si vires vitales revocari nequeant, in lectulo calido tamen retineantur ægræ, nec ullo modo vinciantur collariis, cingulis, periscelidibus, nec demùm sepeliantur, vel humo committantur usque dum foetore cadaveroso mors in dubium revocari nequeat. Docet enim observatio non rarò spontè, pro mortuis habitas, ad vitam rediisse, resolutò sanguine quem causa morbifica coagulaverat, vel laxato spasmus qui circulationem interceptabat.

9. *Asphyxia à mephitide.*

Mephitis est locus è quo vapor oculis inconspicuus, nec nares feriens, sed ita lethifer promanat, ut quodvis animal ipsi immersum intra aliquot secunda temporis, nequidem clamore ullo edito moriatur. Cognoscitur mephitis ex eo quod

candelæ accensæ in hoc vapore subito sine fumo, sine crepitu extinguantur; in illo pulvis pyrius accendi non potest, nulla scintilla electrica fili ferrei optimè electrificati micat, vapor videtur acidus, vitriolicus, spiritus maximè rarefactus, unde chartæ cæruleæ hic loci detentæ rubescunt, aves in hoc convulsæ moriuntur, exenteratæ pulmonem habent posticè lividum, cruore farctum; aves desuper volantes sæpè subito concidunt, unde hæ specus *Averni* dicantur: talis est specus canis apud Neapolitanos. Tiberius in duobus servis experimentum cepit, depressis intra vaporem capitis, servi illicò mortui sunt. Juxta Monspelium in loco *Peraults*, magna pars soli est mephitica, bullitque frigide dum pluit; in foveâ cui aqua stagni vicini, vel pluvialis servatur, plures ægri doloribus calidis detenti curantur; bullæ illius aquæ à vapore mephitico exeunte fiunt, & sine periculo hauritur ille vapor subito expansus, qui si coerceatur ope dolii utrinque patuli, tunc lethifer est omnino, ut expertus sum; juxta foveam sunt putei, quorum aqua est potulenta & usitata, in quibus ad unum, alterumve pedem supra aquam est vapor mephiticus lethifer.

Tribus à Nemauso leucis est locus *Bernis* dictus, ubi lacus dictus *Bouillens* simili modo ebullit continuo & frigide, eadem, ni fallor, mephitis.

In omnibus templis, ut B. Mariæ, S. Annæ, Sancti Matthæi, sunt cellæ subterraneæ tumuli dictæ, quæ vapore mephitico turgent, si quis statim atque operculum ablatum est ingrediatur, is illicò moritur, ut vidi aliquoties: vespillones pridie sepulturæ tumulum referant, & vapor mephiticus successivè avolat, superficie semper ad libellam compositâ, & sensim depressâ, usquequo

vespillo ad genua tantum illi immergatur, is modò caput inferius non demittat, periculo caret, ac feretrum verticaliter detentum delabi finit, ne caput inclinans vaporem lethalem hauriat.

Meritò damnat Ill. Professor Hagenot usum cadavera in templis sepeliendi; tetri enim vapores inde per rimas exhalantes possunt morbis epidemicis funestissimis ansam præbere.

Tres rustici vespillonum munus obeuntes, aut alter alteri opem laturo, illicò simili tumulto extincti sunt; quartus qui fune vinciri se curaverat, illicò extractus mortem vix vitare potuit, in aëre frigido constitutus, frigidâ elotus; cæteri licet intra aliquot minuta e ducti è tumulto, qui quidem clamorem moriendo ediderant, omninò è vivis intra aliquot secunda excefferant, quasi in nictu oculi.

10. *Asphyxia sideratorum; fulmine icti & enecati* Boneti *Sepulchret. de Apoplexiâ obs.* 59. 60.

Fulmine icti minimè apoplectici sunt, sed veluti mortui aut syncoptici sine respiratione & pulsu, cum apoplectici stertant. *Vide observationes in locis citatis.*

11. *Asphyxia Foricariorum, vulgò le Plomb.*

Parisiis ubi amplæ & stercore refertissimæ sunt foricæ domuum numerosâ plebe scatentium, crusta datur in foricis oceanum illum foetidissimum supernatans, quam si incautè ruperit foricarius, illicò tanquam mortuus & asphycticus concidit.

Remedium est aër purus, & magna aquæ vitæ ingurgitatio. Apud Mutinenses non asphyxiam, sed amaurosim incurrunt hi miseri.



ORDO QUINTUS.

COMATA, Affoupiffemens, Léthargies,
Affections soporeuses; *Aphoniæ* Hippocr.
Morbi soporosi vulgò.

MORBI quorum præcipuum symptoma est sensuum omnium, non rarò etiam imaginationis feriatio, vocantur vulgò *morbi soporosi*, vel *affectus comatosi*, seu *comata*.

Qui coma pro genere, non verò pro classe reputant, illi duas ejus species, coma scilicet vigil, & coma somnolentum statuunt, quâ divisione à genere suo & vigiliam & soporem excludunt, interea dum coma morbis soporosis accensent, adeoque sibi contradicunt; quidquid enim generi tribuitur, id omni speciei conveniat, necesse est.

Veterni etiam dicuntur hi morbi; nam *veternus* » ignaviam, ségnitiem, aut torporem & otium,
» necnon somnolentiam, aut gravem aliquandò
» somnum significat, & commune quiddam caro,
» comati, cataphoræ, torpori, atque etiam fa-
» tuitati, necnon lethargo. « *Gorræi defin. de*
lethargo.

Lethargi nomen Græcum nomine *Veterni* Latino vertitur, & vulgò Galli morbum quemvis soporofum *Lethargiam* vocant.

Sunt qui diversos morbos soporosos gradu tantum differre contendunt, adeoque ad unum reducendos genus, cujus species sint carus, lethargus, cataphora, apoplexia, &c. verum ipsimet

cum admittant diversas cari, lethargi, apoplexiæ, &c. species, apertè confitentur carum; lethargum, &c. esse totidem genera, cum genus morbi id sit quod diversas species sub se comprehendit, adeoque peccant in regulas Logices, sibi que contradicunt; plus autem vel minus, seu gradus, cum species minimè mutet, genus à fortiori mutare non potest.

Diversis horum generum nominibus & Veteres & Neoterici varios significatus tribuerunt, ita ut in tantâ loquendi inconstantia, Pathologus necessariò debeat alterutrum significatum seligere, & cæteros repudiare, secus æquivocationum nullus esset finis: unde perpetua confusio; hanc ut vitemus, cujusque vocabuli generici significatum definitione propriâ circumscribere debuimus.

Feriatio sensuum & motuum liberorum, quæ hujus classis character est, non semper somni apparentiam repræsentat; si enim æger sensu omni motuque libero orbatus, situm priorem stantis aut sedentis servat, ut extaticus, catalepticus, vix pro dormiente habendus est; si verò humi procumbat, artubus flaccidis, nec situm ab astantibus impressum servet, sed illicò corruat, is pro *dormiente* habetur, ut apoplecticus, caroticus; verùm si sensu omni destitutus interea imaginationis suæ præbeat indicia, & identidem dormiendo in seipso loquatur, gestu vario suum somnium prodat, is pro *somniante* potius quam pro dormiente habendus censetur, & tales sunt lethargici, typhomaniaci, aut veternosi: hos omnes ægros comatosos nuncupamus, licet non exiguæ sint inter eos differentiæ.

Discrepant autem à syncopcticis, quod vires vitales in illis supersint; in syncopcticis verò ma-

ximè languescant, calore in extremis sæpiùs deficiente, & colore in pallidum mutato.

Comata itaque in summâ sensuum omnium debilitate, seu impotentiâ percipiendi objecta ambientia consistunt; imò in lethargicis & veterosis, licet imaginationis vires vigeant, memoria saltem debilitatur; ast in caroticis, apoplecticisque & memoria & imaginatio, necnon omnes sensus obscurissimi sunt & suppressi.

Eò itaque redit comatum theoria, ut intelligamus quorsum sensus saltem ferientur, aut obscurerentur maximè, cæteræque etiam animæ facultates admodum debilitentur; sed tam parum hætenus est exculpta psychologia, tam obscura cerebri anatomia & physiologia, ut nihil certi de his pronunciari queat; ipsa pressio corticis cerebri, quæ pro causâ soporis hætenus habita est, hodiè à D. Lorry experimentis rejicitur, ita ut prudentius foret iudicium suum de hac theoriâ reticere, quàm interponere, nisi pro meris conjecturis tradatur. *Vide Commentar. Acad. Paris. Mémoires des Etrangers, tom. 3. à D. Lorry.*

Omnis sensatio tribuenda est mutationi factæ in organis nervosis, nec hoc sufficit, nisi mutatio illa transmittatur ad cerebrum, ut patet ligatis, sectisve nervis, atque ulterius requiritur, ut anima ad hanc mutationem attendat, nec aliorum validè distrahatur ejus attentio; hinc concludere pronum est fluidum nerveum esse medium, cujus interventu transmittitur hæc impressio: fibræ enim nervosæ utpote omni elasticitate destitutæ id non possunt; ergo hujus fluidi nervei, velut vaporis electrici, refluxibus ideas alligavit summus Creator; cum itaque nullum è cortice cerebri fecernitur fluidum nerveum, nullus

in nervis refluxus, nulla sensatio oriri potest, quod accidit etiam si secretum non transmittitur, aut transmissum non refluit, aut si forti animæ pathemate, ut terrore, vel profundâ meditatione in cerebro retineatur, nec nervis suppeditetur; ergo nervi ligatura, excisio, substantiæ medullaris cerebri pressio à vasis vicinis, corticis compressio à tumore, osse fracto, vasis turgidis, meningibus contractis, cruore effuso, ac demùm vehemens animi pathema valent sensationem suppressimere; sed nisi supprimatur transfluxus in omnes nervos organis externis famulantes, non dabitur anaesthesia illa generalis, quæ somnum constituit, & quæ cum libero transfluxu per medullares fibras cerebri, partibus internis tantum respondentibus *somnium* ponit; certè partialis cerebri pressio non sufficit, nisi hujus occasione vehementer detenta anima, ut accidit in terrore & moerore, simul supprimat influxum in alios nervos. Cur autem nervi cardiaci tandiù recipiunt fluidum nerveum, quandiù vita superest, licet quælibet pars cerebri vel cerebelli lædatur, modò spinalis medullæ initium intactum sit? Nonne natura vitæ conservationi invigilans necessarium illum in cor & pectus influxum sustinet, organis ad vitam minus necessariis neglectis? Nonne organum ad motus vitales sustinendos maximè necessarium est illud quo nullum animal orbatur, scilicet initium medullæ spinalis, quod datur in insectis, quæ cuncta carent cerebro & cerebello? Norunt certè laniones superesse vitam bovi, cujus encephalum malleo fuit attritum, & cruor è corde ubertim effusus; ast subito & in oculi nictu perire, si tenuis cultri lamina inter vertebrae colli supernas adacta fuerit, sicque illico defungi ca;

pras, oves in macellis. A suppressione fluidi nervei pendet debilitas & sensationum & contractionum muscularium; verum principium quod sensationes suspendit in extasi, in catalepsi non supprimit in illis muscularem contractionem; unde non corruiat homo extasi aut catalepsi deprehensus; ubi verò omnium artuum vis muscularis supprimitur, ut in apoplexiâ, caro, vel multum minuitur, ut in lethargo, cataphorâ, corpus procumbit humi, nec se sustinere valet: nam ad orthostadium seu situm stantem necessaria est actio ferè omnium musculorum, qui truncum, crura, tibias, & pedes movent.

Ex positurâ corporis gradus facultatis motricis æstimari potest, nam orthostadi sunt majori facultate præditi; qui verò decumbunt semi-erecti, illi minori pollent; qui horizontaliter omninò decumbere coguntur debiliores sunt semi-erectis, atque inter illos qui alterutri lateri pro lubitu incumbere possunt, majori facultate gaudent quàm qui supinum situm continuò affectant, ægri etenim isti suæ debilitatis conscii eam posituram servant, in quâ minima vis omnium requiritur, seu vix illius muscoli contractio desideratur; talis est supinus & horizontalis decubitus, cruribus & brachiis extensis. Talem situm præscribimus syncopaticis, tùm ne vires musculis contrahendis necessarias frustra impendant ægri, tùm ne circulatorius motus sanguinis gravitate impediatur.

XXIV. *Catalepsis.* Catalepsie.

Est sensuum omnium motuumque muscularium suppressio superstitie pulsu & respiratione obscurissimis, & mirâ ad quosvis situs retinendos, & suscipiendos, artuum flexilitate.

Ægri subitò corripuntur paroxysmo per intervalla redeunte; præcessit mentis & corporis torpor vel cephalalgia; subitò sensu omni, motuque orbantur, & posituram primam corporis, artuumque constanter retinent, sive erecti, sive sedentes, & post aliquot minuta ut plurimum rariùs post horas quasdam velut è somno exsurgunt, capite sublevato à gravamine & ad munia sua aptiores, sed temporis in paroxysmo transacti omninò immemores; quamdiù sunt in paroxysmo, artus quamvis posituram ex legibus mechanices & structurâ anatomicâ possibilem ab astantibus impressam conservant; maximè si catalepsis absoluta sit, seu perfecta, ut aiunt; sic manus erecta non delabitur, faciei musculi ad risum, ad fletum compositi, risum, vel fletum constanter exprimunt. Morbus hic chronicus est, & more epilepsiæ periodicè recurrit; interdum simplex qualis descriptus est; interdum aliis morbis, ut hysteriæ, somnambulismo, rariùs spasmo combinatus.

I. *Catalepsis hysterica. Observat. Medico-practicae, par. 1743. pag. 248. observ. 108.*

Ea est quæ hystericas feminas aggreditur, cum flexilitate omnium artuum, & mirâ constantiâ in servandis quibusvis posituris à vi externâ impressis, excepto quod ob averstationem medicaminum foetidorum, ut spiritus volatilis salis armoniaci vel nares manu stringant, vel aliorum caput deflectant ægræ.

Historia. Helena Renault annos septemdecim, & ejus soror Oliva natu major, hysteriam ab menostasia patiebantur; Oliva post sex accessus emmenagogis & antihystericis sanata est. Helena verò ab iisdem pejus habuit, & post duodecim accessus hysteriæ incidit in catalepsim, in quâ tamen

odorem spiritus salis armoniaci ad decem pedum distantiam percipiebat, & manu naribus admotâ arcebat; imò audito hujus medicaminis nomine sibi cavebat; si per vim admoveretur naribus pluma hoc spiritu tinctâ, illa horrendos clamores edebat, irâ & furore percelleretur, & quæ antea ne loqui poterat præ debilitate, jam tribus viris se coerceri vix patiebatur.

Hi accessus catalepsidis plusquam decies in mense recurrebant, sæpeque succedebant anginæ hystericae, cujus oppressione, decresciente cataleptica immobilitas subsequeretur, & catalepsidis insultu evanescente ægra vertiginē tenebricosâ correpta in pulvinar suum procumbebat.

Quandoque tamen insultus epilepticus stipabatur anginâ hystericâ, cui violentæ convulsiones succedebant, cum delirio ingeniosiori quàm ab eâ ægra expectasset.

Imò durante insultu epileptico sæpè somniabat Helena, (quod Magdalenæ Vincent catalepsi somnambulâ detentæ accidisse vidi) tunc volupe erat observare hanc puellam lecto insidentem, trunco immobili, capite inclinato, oculis prostantium lubitu huc vel illuc conversis, brachiis flexis & suspensis, ut in statuâ cereâ, risu sermonem suum pronunciare; finito accessu apyrexia plenâ fruebatur, (id est, sanissima erat,) nec recidivam metuebat; sed vel à levi terrore, ingrato nuncio, quavis pathematis occasione datâ, quovis odore ingrato, ut castorei, rutæ, in catalepsim incidebat.

Sumpto lacte caprino, adhibitâ rusticatione, & exercitatione per duos menses à catalepsi immunis vixit, sed in urbem reversæ catalepsidis accessit, cujus paroxysmos præcedebat summa asthenia,

asthenia, vel syncope, si tunc pungeretur, vel odorem foetidum olfaceret, illico catalepsis oriebatur dimidium corpus occupans; demùm tamen illi tres apoplexiæ catalepticæ, vel epilepticæ paroxysmi succedere, atque restitutis per multos annos catamenii Helena radicibus sanata est.

Cura. 1°. Frustrà omnia emmenagoga per hos annos fuerunt adhibita; catamenia enim spontè demùm redivere. 2°. Omnia foetida antihysterica nocuere; minùs tamen fumus chartæ accensæ. 3°. Quindecim saltem sanguinis libræ è pede, brachio, jugulo in decursu morbi missæ sunt. 4°. Aquosa emollientia feliciter succedere. 5°. Syrupus de karabe hystericos insultus mirè sedavit. 6°. Ægram diarrhœa per duos menses detinuit, catharticis excitata, cui salutem suam ipsa tribuit.

2. *Catalepsis verminosa* Marcelli Donati, *Hist. Med. mirab. cap. 7.* & Schenckii *Observat.*

Mense Julio anni 1757. puella octennis Nosocomii generalis plures catalepticos insultus passa erat; cùm eam vidi, conquerebatur de cardialgia, doloribus vagis in abdomine, & de sensu corporis à ventriculo in œsophagum repentis. Præscripsi aquilæ albæ grana decem, hoc assumpto medicamine insultum catalepticos passa est per duodecim horas perseverantem: sequenti manè eam inveni gemebundam, oculis clausis; cùm vellem digito palpebram attollere, renitebatur illa cum nistatione frequentissimâ, seu nystagmo; maxilla inferior superiori firmiter erat appressa, brachia & crura quemlibet situm impressum servabant, imò motum paululum perficiebant, seu flexionem à me impressam paululum continuabant, de cætero nullus sensus, nullus motus, responsum nullum.

Repetitâ aquilâ albâ convaluit, nec post hunc gravem paroxysmum ullus alter rediit. An vermibus in abdomine tribuenda sit hæc catalepsis, judicent alii.

3. *Catalepsis à fumo Plateri, lib. 1. obs. 18.*

Est species à carbonum fumo hausto.

4. *Catalepsis à menostasiâ Fonseca, lib. 2. Consultat. Sanguinea Ballonii, cons. lib. 2. hist. 1.*

Illa singulis hebdomadibus recurrebat, paroxysmo sex horas perseverante, & cum mensium suppressione; in illa specie faciei color bonus, & tristitia gravis præcessit. Hippocrates 2. *prorheticorum* malum hoc esse pronuntiavit.

5. *Catalepsis melancholica Ballonii, Consil. lib. 2. hist. 1.*

Talis erat puella, quæ cum nubere cogeretur, in catalepsim incidit. Forest. *obs. 41. lib. 2.* Talis etiam hypochondriacus ab Hildesheimio memoratus. Si tamen artus flexibiles remanserint.

6. *Catalepsis delirans. Act. Acad. Upsaliensis, ann. 1742. pag. 41. Rectius dicenda catalepsis somnambulans.*

Magdalena Valetta, puella multis sollicitudinibus prius vexata, hunc morbum per plures menses passa est in Nosocomio generali anno 1737. primo quidem mense catalepsis erat simplex, sed perfecta, pluries in septimanâ revertens, cum pulsu rarissimo, depresso, respiratione ita placidâ & obscurâ, ut vix perciperetur, calore exiguo, pallore nativo; paroxysmus aliquot minuta tantum perseverabat, quo tempore illam ita infleximus, ut brachiis, tibiisque fursum versis totum corpus summis natibus insisteret, & æquilibrio servato, ibi remanebat ægra statuæ cereæ instar immobilis, & non minus sensu omni destituta;

falsum est catalepticos stantes si impellantur progredi saltem alio modo quàm progredieretur statua, paroxysmo soluto ægra à capitis gravitate quam priùs experiebatur, immunis erat.

Altero mense Magdalena in quovis paroxysmo miram scenam ludebat, triplici actu, nam illicò in catalepsim incidebat, post pauca minuta sui omninò compos videbatur, & ea peragebat, quæ sana, ingeniosa, & faceta agere potuisset, in statu summæ lætitiæ, quo tamen ipso tempore quoad omnes sensus externos dictos non differebat ab statuâ aut ab illis ludicris homuncionibus, quos pueris ostentant histriones, & *marionettes* vocant, quippe cantans, sibilans, facetè narrans, lætitiâ exultans, & currens per cubiculum, visu, tactu, auditu, olfactu, gustu erat omnimodè destituta, ut multis experimentis compertum habeo; post semi-horam alter catalepseos perfectæ paroxysmus scenam claudebat; hæc fusè recensita vide in Actis Upsaliensibus & Parisinis.

Tusâ venâ cruor viscidus, non nisi expressus per vim effluebat; balneum tepidum extra paroxysmum tolerare non potuit, pulveres antiepileptici, antea adhibiti paroxysmos frequentiores adduxerant, jusculis temperati nec nocebant nec proderant; sibi relicta convaluit, & rursus famulitium exercuit, eam post biennium interrogavi, & retulit se ab hoc morbo non omninò immunem esse, sed paroxysmos esse mitiores, ita ut si corriperebatur, dum domum everrebat, aut pastam manibus versabat, opus suum quidem non intermitteret, sed visu, audituque ferè careret; aut astantes obscurissimè perciperet, quasi somnio quodam detineretur.

7. *Catalepsis quartanaria; à resolutione Ballonii, cons. 2.*

Anno 1727. in Nosocomio Alefienfi curabam militem annosum, qui quartanâ laborabat, & secundâ ab accessu die non maniacus, sed stupidus & delirus erat; tertiâ verò catalepticus, ita tamen ut licet omni sensu foret destitutus durante hoc paroxysmo, brachium quod sursum inflexeram, in eo situ constanter non retineret, sed gradatim & sensim labi sineret.

Ope emetici duo primi catalepseos paroxysmi sublati sunt, tertius noctu superveniens ægrum è medio sustulit. Ea *catalepsis serosa* mihi visa est multum discrepans à melancholicâ & à somnambulante, in quibus sanguis viscidus, & veluti coagulatus observatur.

Tëstis oculatus mihi retulit se olim vidisse Parisiis mulierem perfectè catalepticam per multos dies, quæ singulis diebus horâ secundâ pomeridianâ evigilans, digito suo supra lectum suum Dei Nomen exarabat, quo factò rursus in catalepsim relabebatur.

Catalepsis sæpè intermittentibus longis tertianis & quartanis supervenit, observante Ballonio, eamque lethalem censet ob virium resolutionem. Facies est in hac specie pallida, œdematosa, & serum luxurians eam inducit; in hac conferunt cathartica, hydragoga, diuretica.

Quatuor catalepseos species statuit Ballonius; sed cum eas à causis seu principiis abditis deducat, nec charactere proprio insigniat, hujus divisio minus utilis est.

XXV. *Extasis.* Extase.

Differt à catalepsi ex eo quod ægri artus non retineant situm quemvis ab astantibus impressum; æger tamen eam quàm initio insultus habuit, posi-

turam constanter servat, & omni sensu motuque artuum oritur.

Differt à catocho ex eo quod à profundâ contemplatione aut mentis attentione, vel gravissimo pathemate oriatur, nec artus omnes ita rigescant spasmodicè, ut in catochomenis.

1. *Extasis catochæ. Catalepsis* Henrici ab Heers & Tulpii. Convenit cum catocho ratione rigiditatis corporis.

Capucinus inventus est aphonus uno genu terræ insistens, dextrâ manu sursum exporrectâ, & marmoris instar, utrâque frigidâ, oculi patebant, sed palpebris immobilibus, os hiabat cum respiratione liberâ & pulsu sat magno; cæterum statuam Mercurii referebat. Henricus ab Heers, *obs.* 3.

Hic post viginti horas ad se rediit ope clysmatis acris, stuphæ calidissimæ, vini aromatici spinæ applicati, conditi cardiaci cum theriacâ sæpè assumpti; cùm revertebatur paroxysmus, quod ex colli rigiditate sentiebat, statim oleo calido spinæ illito, eum prævertebat.

Juvenis Britannus impensè amorì indulgens, inopinatâ matrimonii repulsâ vehementer percussus, illicò instar stipitis rigit, sedens in sedili suo quasi congelatus, retinens per integrum diem eundem situm; jurasses certè te statuam potius quàm hominem cernere; adeò fuere omnia non modò rigida, sed planè immobilia. Verùm ubi exclamaretur altâ voce, rem ipsius meliori esse loco, & cupitam habiturum amicam, modò ad se reverteretur, proflit confestim è sedili, & quasi excitatus è profundiori somno, rediit actutum ad se. Nic. Tulpus, *obs.* 22. *lib.* 1.

2. *Extasis resoluta.*

Ea est quæ artuum rigiditate nullâ stipatur,

quæque à gravi terrore, aut mentis consternatione procedit.

Miles desertor cùm audiret se à Tribuni capitalis satellitibus citò correptum iri, incidit in extasim, & sic Nosocomium delatus, nec interrogatus respondebat, nec punctus membra retrahabat, silens & immotus perstabat, oculis semiclausis; attamen famem & sitim dato tempore compescebat; sectâ saphoenâ, emeticum sumpsit, rursus phlebotomia repetita est, & convaluit. Hoc vidi anno 1728. Monspeli.

Affinis est huic morbus relatus in Actis Academiæ Parisinæ anno 1702. de fabro lignario, qui audiens alterum, quem verberaverat, periisse, incidit in catalepsim, fortè extasim, quæ per quatuor menses diversis auxiliis restitit, & demùm balneo frigido cessit.

Tulpianæ observationi similis est casus adolescentis Monspeliensis, qui cùm perditè amaret mulierem, & ab eâ repulsam matrimonii litteris acciperet, subitò his perlectis concidit omni sensu, motuque destitutus, superstitè pulsu, sed debili, oculis clausis, respiratione placidissimâ; frustra præmissio cardiaco, emeticum sumpsit, post decem horas obiit. Observabat Ill. D. Fizes, Med. Prof. Regius.

Differt extasis vulgaris per flexilitatem artuum ab extasi catoche.

3. *Extasis cataleptica.*

Puella pagi St. Sebastien juxta Alesiam, 13. annos nata, per menses duos bis morbo sequenti afflicta fuit, observata à D. Privat Med. Doctore Alesienfi, à quo historiam accepi. Sedebat ea toto illo tempore noctu & interdiù, nulli interrogationi ullo signo, aut verbo respondens, pa-

rum cibi fumens, unde macilenta, cum pulsu parvo, raro, frigidula; alternis minutis noctu & interdium brachia in crucis formam extendebat, prolatis his verbis vernaculâ linguâ: *Joannes, Joannes, Paradisum peto*; mox per minutum ululabat, atque demissis in genua manibus per duo minuta quiescebat, idemque deinceps iterabat; cum autem brachia erant extensa, ea rigida erant; ast digiti cataleptici flexibiles impressum à Medico situm servabant; à primo insultu ejus morbi usus lactis eam liberaverat, in altero obiit; parentes hunc morbum, ut solemne est inter rusticos, fascinationi adscripserunt. Hæc anno 1758. An hæc species differt à catalepsi melancholicâ? Vix credo.

A summo terrore syncopen, imò asphyxiam lethalem subito oriri probant plures observationes. Sic D. F. & Fauville, Doctores Medici juniores, ut rusticum ludibrio haberent, eum deduxere in amphitheatrum; rusticus ad conspectum sceletorum & instrumentorum stupefactus, sine resistantiâ, & nequidem prolato verbo, supra anatomicam tabulam extensus est; tunc Fauville prælectionem anatomicam simulans, cultri anatomici manubrio incisionem cruralem in rustici abdomine delineavit, atque statim miser in syncopen incidit; territi ipsi Doctores eum summâ cum curâ, ope cardiacorum, è syncope excitant, & ad se reversus æger gratias ipsis agens quod vitam sibi non abstulissent. D. Haguenot in simili casu olim carbonarium metu reapse extinctum esse asserit, & culpa in Chirurgiæ alumnos refundebatur.

4. *Extasis equina* Hippiatris; *la Faim vale*.

Est morbus equis non raro superveniens, quo sensu, motuque subito orbantur, & stant in medio itinere, quemque inedia tribuunt mulomedici, quos videsis.

XXVI. *Typhomania*, Typhomanie; *Coma vigil* Auctorum; *Agrypnocoma* Brendelii; *Modorra* y *Modorilla* Hispanis J. Peredæ; Græcis *Agrypnon coma*; *Marcor* Linacri; *Veternus* aliis.

Est simulatus aut apparens sopor cum pervigilio reali, vel sopor levis è quo ægri faciliè excitantur, cum delirio comitante.

Coma infomne, ait Gorraeus, lethargicis proprium, est illud in quo ægri vigiles manent, clausis tamen ferè semper oculis, nisi excitentur; tunc enim oculos attollunt, & tangentem respiciunt, liberèque tum sentiunt, tum moventur, atque etiam desipiunt, quod ipsis variæ imagines obversentur, quæ illorum mentes movent.

Dicitur typhomania à *typhos*, febris maligna, & *mainomai*, insanio.

1. *Typhomania febricosa*.

Est ea species quæ tritæophiæ, vel tertianæ accessum tertium, quartum vel quintum comitatur, de quâ fusè Torti, Werlhofus, Mortonusque egerunt, quamque primus observavit Mercatus.

Epidemica dicitur apud Hispanos, saltem Castellanos; viguit circa Nemausum anno 1761. Unicam observationem referre sufficiat.

D. de la Calmette, Præses Senatûs Metensis, quinquagenarius, per sex dies febre remittente alternis diebus, & cum frigore exacerbante correptus, somnolentus erat, & ad delirium pronus; septimâ die paroxysmus fuit solito major, delirio continuo, obscuro, cum sopore, quem per

intervalla stertor comitabatur, extremis frigidis, pulsu debili; accersor Nemaufum ubi debebat æger, paroxysmus defierat, & quartus imminabat, quem tertio periculosiorem prædixi, & quem cardiacis, potissimum lilio Paracelsi cochleatim exhibito superare conatus sum; aderat enim per quinque horas frigus extremorum, pulsus exilis, sopor continuus cum stertore quasi apoplectico, facie cadaverosâ; sed faciliè excutiebatur sopor, atque tunc æger in seipso continuo mussitabat; periculum augebat debilitas, paroxysmi sexdecim horas excedebant, sudoreque terminabantur, lingua erat nitida, nulla nauſea præceſſerat; his ita se habentibus, arripui intervallum à paroxysmo quarto ad quintum, quod in vorandis kinkinæ drachmis duodecim fuit inſumptum; hac enim solâ methodo quintus & haud dubiè lethalis paroxysmus præverti potuit; quo factò superfuit quidem pyrexia, sed cum pulsu magis evoluto; undecimâ die accessit aurigo critica, leve catharticum præscriptum est, & decimâ quartâ morbi die, æger apyretos fuit, & convaluit, cum summo omnium bonorum, pauperumque gaudio.

Is morbus non est reapse diversus à tritæophiâ apoplecticâ, seu tertianâ caroticâ Werlhofii; sed si curationem attendamus, verum hoc singulare est, quod æger cum sopore & stertore detineretur, faciliè tamen excitaretur, & tunc ad quaſita sæpiùs responderet, moxque obscure delirans in ſomnum & ſtertorem relaberetur; cum in caro & apoplexiâ æger alto sopore obrutus jaceat, nec quidquam audiat, loquaturve.

Illa eadem species ſtipatur quandoque febre verè intermittenti. Sic alter æger Nemaufenſis,

quem eodem autumnò adivi , sopore cum hemiplegiâ , aliisque symptomatibus laborans alternis diebus , surgebat è lecto apyretos ; quinto tamen accessu agrypno-comatosus obiit : urina in utroque affectu erat intensè rubra ; post adhibitum kinkina , stranguria ferè imminēbat.

Hic morbus differt à lethargo , quod sit acutâ febre stipatus , & delirio non obliuioſo.

2. *Typhomania continua* ; *Lethargus Hippocratis* ; *Coma lethargicum Raimundi Fortis* , *Consult. tom. 1. cent. 1.*

Differt à priori , quod continuò non per accessus , aut paroxyſmos redeant symptomata soporosa.

In comate lethargico , ait R. Fortis , non abolentur actiones principes , nec sensus & motus ; & interrogatis patientes respondent.

Typhomania continua vulgò habetur pro symptomate febrium continuarum , ut typhi , synochi , necnon remittentium , quarum paroxyſmus à frigore non incipit , quæ proinde ope kinkinæ non sanantur.

Hic morbus delirio & somnolentiâ continuâ stipatur ; cum febris ad incrementum & statum pervenit , ægri continuò intra se deblaterant , & somniant ; ast interrogati respondent sæpius , sæpius sese loco movent , magis tamen somnolenti , & quieti quàm in paraphrosine febrili , ita ut si malè vertat morbus , æger caroticus evadat , nec expèrgesceri queat.

Has omnes species Medici vulgò febres malignas nuncupant , & distinguere recusant ; ast historia typhomaniæ febricosæ docet ipsos errare quàm periculosissimè , cum in febricosâ kinkina ex orci faucibus ægros eripiat ; in continuâ verò

vulgaria auxilia, ut phlebotomiæ, hyrudinesque sanguinem è cerebro revellentes, ptisanæ nitratæ, cathartica pro re natâ solummodò profint.

Parotides supervenientes, & suppuratio aurium in hoc morbo salutaria sunt.

3. *Typhomania agrypnocoma*; *Subeth sahara* Arabum; *Coma vigil* Sennerti de *somno præternaturali*, cap. 2. Riverii lib. 1. cap. 3. *Phrenitis comatosa* Heurnii, cap. 17.

Est ea species in quâ ægri ad dormiendum continuò propensi, dormire videntur, clausis oculis, situ ad somnum composito; attamen vigilant & delirant, ita ut si eos tetigeris, statim oculos aperiant, & torve aspiciant, aut irascantur, iterumque delabantur in somnum qui variis somniis impeditur, ita ut vigilare cogantur.

Hanc speciem semel observavi, fortè tamen pluries vidi, raram esse intelligo; morbus est acutus, exiguâ febre stipatus, seu pulsu potius frequenti non valido; juvenis eâ laborans intra paucos dies obiit.

Curatio Riveriana optima videtur; cathartica & emetica nociva sunt, ni fallor, & cerebri phlogosis incusanda est, non verò ejus atonia.

Typhomaniacus Heurnii, qui caput Monacho juxta ipsum dormienti abscidit, furibundus erat; alii sunt pacati, quæ diversitas à temperamento & circumstantiis repetenda est, nec exigit divisionem typhomaniæ in veterinosam & phreniticam.

4. *Typhomania verminosa* Brendelii.

Est species infantibus verminosis, & febricitantibus non infrequens; somniant, seu delirant, sæpius dormiunt, & multum negotii Medicis facessunt; morbi acuti infantum sunt periculosi; quippe, ut constat ex Actis necrologicis Paroeciæ

B. Virginis Monspelii, ex centum infantibus eodem die natis vix tertia pars, seu 33. quintum annum attingit; è contra à decimo anno ad quinquagesimum vix dimidio major pars moritur; adeòque mortalitas infantum esset octies major, si intra quinque annos dimidia tantum pars natorum moreretur, & cum moriantur duæ tertiæ partes, mortalitas est duodecies major infantum quàm adultorum; magnam verò infantum partem morbis acutis occumbere certum est, & periculum mortis in diversis ætatibus, diversisque morbis est in ratione compositâ ex mortalitate hujus morbi, & mortalitate hujus ætatis; ita v. g. si typhomania verminosa sit duplò periculosior quàm est pleuritis, prior in infante involvet periculum 24. vicibus majus, quàm posterior in adulto.

5. *Typhomania Martinicana.*

Ea est quæ à scolopendriæ morfu supervenit, cum sopore, delirio, & tumore partis demorsæ, quo tumore aperto, seu suppurato, morbus sanatur. Scolopendriæ ea species est, quæ Martinicanis *Galere* dicitur.

XXVII. *Lethargus*, Léthargie.

Convenit cum typhomaniâ continuâ ratione soporis levis ex quo æger facile excutitur, interrogatis respondet, & se loco movet: ab eâ verò discrepat ratione delirii merè obliviosi; lethargicus enim somnolentus est & torpidus, omnium utut recentium obliviscitur, & præ segnitie nihil curat.

Ad idem genus typhomaniâ & lethargum reduci posse crediderim; maximè cum lethargus in

orè omnium frequens, in praxi sit rarissimus morbus, nisi pro morbo soporoso quovis sumatur. Ballonius definit lethargum concursum delirii continui, febris, soporis & oblivionis, *consil. libr. 2.*

1. *Lethargus à febre* Willisii, *obs. 1.*

Est ea species quæ febribus ut plurimum continuis malè judicatis supervenit, vel eas sequitur, quam videre mihi contigit in vetulâ synochum passâ in lecto continuo jacente, segni, obliviosâ & somnolentâ cum amphimerinâ.

Hic affectus certè diversus est à lethargo Hippocratis, qui intra septem dies ægrum è medio tollit, & qui per empyema, id est, parotidum suppurationem, aut similem apostasim terminatur, observantibus Mercuriali & Riverio.

Vesicatoria occipiti admota sunt præstans in hoc morbo remedium.

2. *Lethargus pulmonicus* Ballonii, *consil. lib. 2.* Baglivi, *de raris pulmonum morbis*, pag. 91. & 371. *Pulmonia lethargica* Hippocrat. *lib. de morbis.*

Invadit pulmonia cum lethargo statim in ipso morbi initio; oritur à pituitâ putri, & viscidâ pulmones fiderante; tussis tenet cum sopore; cum moriturus est æger, alvus liquefcit; non est proficiendum huic lethargo per cephalica, aut per spirituosa, sed per expectorantia, putrem lympham & viscidam educentia; phthifici sæpè in decursu morbi lethargici evadunt, ut vidi post Baglivum.

3. *Lethargus à narcoticis* Willisii, *de Lethargo.*

Diversi sunt effectus venenorum narcoticorum pro dosi veneni, pro hujus specie. 1^o. Pro dosi. Nuper Monspelii plures nefarii capti sunt, qui viatores exspoliaverant propinato vino, in quo semina daturæ stramonii contrita & infusa fuerant;

430. GENERA ET SPECIES

factus est autem eorum dux plures ab eo veneno interemptos esse, cum veram veneni dosim ignorabat, atque ea dosi nimia lethargum inducebat; dosi verò minor tantummodo paraphrosynem minimè lethalem in benè multis, quorum aliquot ipse interrogavi, creaverat.

A majori dosi opii lethargus etiam inducitur, non rarò lethalis, cum pulsu debili, facie lividâ, stupore & sopore summis; minor autem dosi potissimum assuetos quandoque exhilarat, reficit, leviter inebriat; quod etiam de vino dictum sit, ut norunt omnes.

2º. Pro diversâ specie veneni, diversa sunt symptomata, alia datura, alia hyosciamus, alia belladonna, opium, vinum, conium, seu cicuta major, physalis somnifera, odor mandragoræ, narcissi, &c. producant non satis adhucdum observata, aut distinctè descripta. Forestus à vino apoplexiam, Willisius paraphrosynem, alii alios morbos ab iisdem venenis inductos viderunt.

In his autem casibus venenum emeticis est expellendum è primis viis, dein tincturâ, aut pulvere castorei, cum vino, lilio Paracelsi, aliisque cardiacis, necnon aceto utendum est.

Lethargus traumaticus Willisii, seu à capitis ictu, vulnere, ad carum videtur attinere, & *lethargus typhodes* Willisii idem est morbus cum typhomaniâ continuâ, seu febrem acutam, aut synochum comitante.

4. *Lethargus cephaliticus*. Vide Foresti obs. 11. libr. 10. de cerebri morbis. *Lethargus apostematodes* Pathol. method.

Est lethargus acutus à cerebri inflammatione gangrænodæâ dependens, seu cephalitis soporosa. Puer profundissimo somno detentus, hemiple-

xiâ lateris dextri videbatur laborare, neque movebatur, neque sentiebat, nec respondebat; at subinde garrere videbatur mufitando quæ nemo intelligebat, quarto die obiit; secto cadavere, non vermes inventi sunt, ut putabant, sed cerebri & cerebelli pars dextra saniosa, putrida, corrupta, sphacelosa. Differt hic morbus à cephalitide per altitudinem soporis, & absentiam oblivionis, quæ oblitio supponit aliquam vigiliam, demùm valdè affinis est cum typhomaniâ verminosa.

5. *Lethargus arthriticus* Willisii.

Lethargus periodicè repetens sive hydrops cerebri. Carol. Pison. *Morbi à serosa colluvie*, pag. 93.

Præful arthritidis paroxysmis quotannis obnoxius cum febre versus septimum diem patiebatur lethargum, qui unam aut duas hebdomadas perseverabat, doloribus somno locum cedentibus, ex quo non excitabatur, nisi ad potum, cibumve sumendum. Huic sopori se adjungebat tremor totius corporis; sed ita latens ut se pulsu tantum convulsivo proderet, ille verò tremulus motus sopito accedebat, vigilantibus minimè; oculi erant conniventes, immobiles, ac madentes, facies tumida ac decolor, nisi ratione febris genæ ruberent; corpus erat enerve & elumbe. Præterea ingens mentis stupor, perpetua sui negligentia, & necessariarum rerum oblitio; nil agebat aut annuebat æger, nisi perpetuò excitatus aut compellatus, per tres vel quatuor annos arthritidis recursus hic morbus comitatus est, usque ad mortem: hic sopor depingitur ab Hippocrate *Coacorum sect. 1. 4. sent. 26.*

Mihi autem evidens apparet principium hujus

morbi fuisse materiem arthriticam cortici cerebri impactam, & sensim intra quindecim dies resolutam; & gratis hydropem cerebri à Carolo Pisone accusatum fuisse.

Differt hic affectus à caro quod erat tantum magna dormiendi cupiditas, non profundus & insuperabilis sopor; à cataphorâ per febrem comitem.

6. *Lethargus* à frigore Petr. Borelli, *centur. 1. observ. 32.*

Arnardus Coquus Castrensis, qui erat vitrivorax, seu impunè vitrum vorabat, frigora nivis itinere perpeffus, incidit in lethargum. (*Vide typhomaniâ à frigore.*) Per plures dies instar mortui & cum metu suffocationis non mediocri fuit.

Borellus adhibuit vesicantia, cucurbitulas scarificatas, sternutatoria & tandem castorei scrupulos duos, & scammonii scrupulum unum, cum oxymelite pro duabus dosibus, & sic sanatus fuit. Utrum verò lethargus sit an carus dubium mihi videtur? Cùm Veteres hæc nomina indiscriminatim usurpaverint.

XXVIII. *Cataphora. Coma somnolentum* Auctorum. *Subeth Arabum.*

Cognoscitur ex somnolentiâ continuâ, sine febre, sine delirio, ex quâ æger excitatur, respondet, oculos aperit, se movet, rursusque obdormiscit.

Differt à *typhomaniâ* & *lethargo*, quia cataphoricus non delirat; ab *apoplexiâ*, quia non stertit, nisi morti proximus; à *câro*, quia caroticus febricitat, non cataphoricus.

1. *Cataphora somnolentia. La somnolence. Somnolentia continua Willisii, cap. 4. Diathesis soporosa quibusdam.*

Hæc species est habitudo dormiendi interdum ultra quam fert ætas. Infantes siquidem quò juniores sunt, eò plus dormiunt; senes verò vigilem magis degunt vitam; unde adagium *juvenis vigil, & vetus soporosus, uterque morti proximus*, quod quandoque falsum est. Somnolenti quoad reliqua satis valent, benè edunt ac bibunt, foras obambulant, res domesticas mediocriter curant, attamen inter loquendum aut ambulandum aut edendum etiam nec fatures subinde nutant, & ni ab aliis suscitentur, mox somno obruuntur, atque hoc modo non solum dies aliquot aut menses, sed per plures annos, ut de Epimenide fertur, somnum ferè continuum dormiunt.

Humiditas non altè infidens cortici cerebri vulgò incusatur: hic affectus quandoque ad ultimum senium sine ullo periculo comitatur; interea quia dimidia pars vitæ ab hoc frustranea evadit, & inde, ni obviam eamus, pejora subsequi possunt, huic medendum est, selectu præsidiorum sanitatis, ut potu caffè, alimentis siccis, odoratu spirituosorum, ut salis volatilis armoniaci, potu cerevisiæ, diureticis onustæ, infuso theiformi florum salviæ, betonicæ, pileolis aromaticis, tabaco, similibusque; præmissis etiam phlebotomiâ & catharsi.

2. *Cataphora coma. Le Subeth. Coma somnolentum Auctorum. Lethargus vulgi. Subeth asarim Avicennæ.*

Sopor est gravis, ore hiantè, maxillâ inferiori demissâ, oculis clausis, facie sæpius pallidâ, pulsu raro, quandoque depresso, artubus omnibus flaccidis; mortuis similiores sunt

ægri quàm vivis ; à vellicatione fortiori aut punctione suscitati oculos aperiunt , astantes circumspiciunt , interrogatis respondent ; attamen mox iterùm dormientes nihil curant , & non nisi acriter excitati oblata deglutiunt. Hinc multum discrepant à somnolentis , nec enim per intervalla obambulant , aut colloquia miscent.

Ex his comatosi alii , ni succurratur , intra aliquot dies moriuntur , accedente respiratione stertorosa , quæ in reliquo morbi decursu ferè inconspicua est & placidissima : alii verò per menses aut per annos dormiunt , qualem memorat Hombergius in Actis Academiæ Parisinæ anno 1707. quæ quidem varietas *cataphoræ chronicæ* nomen meretur ; verùm quo modo ab initio discerni possit , à priori inquirendum restat.

Huic morbo acuto obnoxii sunt senes , etiam si nulla causa evidens saltem sufficiens cognoscatur , & nulla crapula , nulla urinæ , fontanellæ suppressio ; in hoc magnus est sanguinis lentor , qui per mechanicas corporis succussiones discutitur aliquandiu ; hoc plebs ipsa novit , quæ comatosos hinc & inde humeris comprehensos ambulare , & saltare cogit , aut fasciis infra lumbos trajectis mollius exagitant sursum deorsum : huic auxilio par est & utilior vomitio per artem excitata , catharsis acris huic succedens ; julapia cephalica & cardiaca interpolata , frictiones , vellicationes , sternutatoria , antisoporosa , ut castoreum , karabe , vesicatoria , spiritus cornu cervi , fuliginis , salis armoniaci , &c. varietates hujus speciei sunt .

3. *Cataphora scorbutica. Coma somnolentum scorbuticum* Frider. Hoffmanni , *observat.* 2.

Cognoscitur ex urinâ rufescente , absque siti ,

ex prægressâ corporis lassitudine, crurum dolore; febribus intermittentibus, pulsu debili, &c. verum ea signa cachexiam potius quam scorbutum designant.

4. *Cataphora arthritica*; *Coma somnolentum chronicum à repulsâ podagrâ* Frider. Hoffmanni, obs. 9.

5. *Cataphora exanthematica*; *Coma somnolentum à repulso erysipelate* Frider. Hoffmanni, obs. 3.

6. *Cataphora hydrocephalica* Schneider. *de Affectibus soporosis*, pag. 24. Boneti, *Sepulchret.* obs. 9. pag. 157. Tom. I. item 7^a. 8^a. 10^a. 11^a. 12^a. 13^a. &c.

Est species quæ à seri exundantia in diversis capitis partibus dependet, sive ille hydrocephalus externus vel internus spontè accesserit, sive à suppressis alvi fluxibus, urinis, fontanellis, &c. ortum duxerit.

7. *Cataphora chronica Hombergii*, *Hist. Acad. Paris. anno 1707.* Vide Suidam *de Epimenide.* Semestrem Cataphoram sine sensu & motu narrat Hombergius.

Somnolentia diurnâ non rarò procedit à pervigilio nocturno, quod observandum est, ita ut hic affectus sit tantum somnus inordinatus.

In convalescentia à morbis acutis somnolentia est salutaris, uti initio febrium periculosa est.

8. *Cataphora timor Spigelii*, *de Semitertiana.*

Timor est morbus in Germaniâ & Pannoniâ frequens, quem sic vocant Austriaci, Moravi, & Styrii; ille inter apoplexiam & epilepsiam quodammodo ambigit. Cadunt enim ægri velut apoplectici sine sensu, non tamen motu privantur, sed non convelluntur ut epileptici, nec discussio morbo paralyfim alicujus partis incurrunt. Hunc morbum ipse bis vidit Werlhofius Hanoveræ. Cum

sopore artus anxie jactantur. Hic affectus se comitem dederat accessibus febris intermittentis, eumque ope kinkinæ debellavit ille illustris vir.

XXIX. *Carus*. Affoupissement carotique. *Apoplexia minor* Auctorum. *Caros* Græcis dicitur; à *Caroustai*, gravari. *Gravitas* Theod. Gazæ. *Percussio* Possidonii apud Aetium. *Marcor* Celsi. *Pressura* Coëli Aureliani, de *acutis*, c. 2. *Torpor* Latinis. *Stupor* quibusdam. *Gravis dormitatio* Rhasis. *Sopor* Mercurialis.

Carus cognoscitur ex somno altissimo, vix excitabili & respiratione tacitâ pacatissimâ.

Differt à *cataphorâ* 1°. quia carotici vix ac ne vix quidem penitus excitari possunt à somno, nisi sanentur.

2°. Quòd excitati per acres vellicationes oculos aperiant, sed nec moveantur, nec interrogatis ferè respondeant, rursusque in soporem delabuntur.

3°. Quòd *carus* sit morbus acutus paucorum dierum, sæpius cum febre, faciei rubore, oculis semi-apertis.

Ab *apoplexiâ* discrepat in eo, quòd carotici non stertant, sed pacatissimè, rarissimèque respirant; unde definitur à Mercuriali somnus longus, profundus, ægre excitabilis, cum facultatum principum, & præsertim imaginationis læsione, sine respirationis detrimento. Notate verò in typhomaniâ & lethargo imaginationem lædi, cum detur in ipsis delirium; minimè verò in *cataphorâ*, *caro* & *apoplexiâ*. De cætero ægri om-

ninò prostrati, & flaccidis artubus jacent, ut in apoplexiâ.

Qui omnes sopores ad unum genus referunt, & carum, cataphoram, apoplexiam, lethargum, &c. pro totidem ejus speciebus habent, illi maximè errare mihi videntur, cum pro genere habeant ordinem, & ipsi admittant cujusque speciei alias species, quod est peccare in regulas logices; quidquid enim sub se species immediatè comprehendit, id pro genere habendum est. Quondam fortè cognoscent Medici diversitatem sedis affectæ in quolibet genere, quondam clariùs innotescant principia & remedia cuique speciei convenientia, & clarior erit specierum, generumque distinctio; interim cavendum est ne nomina confundantur.

Theoria quorumcumque generum ita hætenùs est abdita, ut quæ de hac protulerunt eximii aliunde Auctores, ut Willisius, Bellinus, Hoffmannus, sint merè gratuita & fictitia; ab hac itaque theoriâ abstinendum satius esse puto, quæ non nisi fortuito in veram praxim manuducere potest: empyrica itaque praxis ex historiâ morborum & theoriâ classicâ deducenda est.

Cari pyrethici.

1. *Carus spontaneus; Apoplexia minor sanguinea Riverii. Carus omnium Auctorum; Aphonia Hippocratis.*

Est ea species quæ à cephalalgia & vertigine initium ducit, cum pyrexia auctâ continuâ, faciei rubore, corporis calore, pulsu frequenti & forti; hic morbus plethoricos, crapulosos, seu intemperantes, adultos, gravidas adoriri consuevit.

nausea sæpè antecedit, quæ gravi cephalalgia tribuenda est; cùm lingua aliunde nitida est, nec ullam saburram in ventriculo designet. Observandum est pulsum omnem in morbis soporosis evadere solito rariorem, ita ut pro frequenti habendus sit in caro, si nativam frequentiam obtineat.

Hic morbus vulgò exigit plures è brachio & pede phlebotomias, interpositâ magnâ dosi tartari emetici; febris ad synocham attinet; & morbus hemiplegiâ quandoque solvitur, ut apoplexia, vel remediis apoplexiæ sanguineæ cedit, secus convulsionibus supervenientibus ægrum è medio tollit.

2. *Carus febrilis* Sydenham. pag. 238. & 395. *Cari* 2^a. & 3^a. *species* Frid. Hoffmanni, cap. 2. n. 5.

In tritæophiâ & hemitritæo quæ autumnò ludit per plures dies sub formâ tertianæ, nec non in continuis malignis seu typhis, circa vigorem morbi quandoque accedit illa species cari quæ videtur pendere à nisu naturæ ad parotidum exclusionem, aut ad sanguinis criticam ex auribus, naribusve ejectionem, quippe in hoc morbo parotides nunc feliciter, nunc infelicitè succedentes vidi. Ea autem species longè discrepat à typhomania febricosâ in eo quod 1^o. typhomaniam febricosam comitatur somnus levissimus facilè excitabilis cum delirio. 2^o. Quòd typhomania febricosa inducitur à veneno febris intermittētis, quod kinkina antè tertium quartumve paroxysmum magnâ dosi assumptum valet abigere, in caro febrili sopor est profundus, lingua, labia, dentes, nigredine ficcâ conspurcantur, nec sopor altus tertium, quartumve paroxysmum attingit, sed longè tardiùs accedit; emetica initio &

cathartica repetita, præmissis phlebotomiis hunc soporem avertunt aut tollunt. Licet Torti & Werlhof. tertianam caroticam memorent, accuratiori factâ indagine existimo non caroticam, sed typhomaniacam esse illam febrem.

Carus febrilis differt à spontaneo, quòd in primo febris oritur cum rigore & horrore, in spontaneo pyrexia sensim accedit sine his præludiis, & sine frigore subitaneo exacerbatur secus ac in febricoso.

Videntur cari febriles cum hemiplegiâ & febre syncho, aut etiam typho, ægri sitim rarò sentiunt; ast lingua successivè exsiccata, arida, dein nigrescens, motus febriles identidem crescentes, calor corporis, ostendunt à materie biliosâ, acri & veluti febrili infarciri vasa cerebri & medullæ spinalis. Hemiplegia ritè succedens ægri mortem ad annos procrastinat; sed ægri illi emaciantur, & apud eos non ita insistendum est sudorificis, ac si pituitosa foret hemiplegia.

3. *Carus febricosus* Werlhofii, *Obs. de Febr. s. 1.*
& 3. Montalti *Synops. de Caro. Galen. Comm. in prorrhetic. 1. paragr.* Vide quæ de apoplexiâ febrili scripta sunt.

Carus iste intermittentium accessu primo, aut secundo prænunciatus, tertio invadit, & funestissimus est.

Cura in paroxysmo non multum soporoso, remedia tantum temperantia & reficientia, cum spiritu volatili acido & infuso theæ, ad expectandum paroxysmi exitum exigit, cantharides etiam cruribus admoveere consultum est; verum finito paroxysmo remedia generalia præsto sunt adhibenda, ut phlebotomia, emeticum, cathartica, modò sint indicata; sæpius phlebotomia é

pede necessaria est, emeticum ex uncia unâ vini emetici non ausus est ineunte paroxysmo dare Werlhofius; alvum si opus est solvit pulpa tamarindorum in sero lactis, si fervor sit, nec non clysmata multum nitrata cum vino emetico, aut infuso colocynthidis & kinkina.

In paroxysmo ipso vesicatoria plura ad carpos, nucham & caput rasum, phlebotomiam, sternutamentum, ex helleboro vel turpetho minerali, frictiones, &c. præscribimus. Radcliff in soporosis resinæ jalapæ scrupulum præbebat; alii jugularem, alii arteriam temporalem secant; alii plantas pedum adurunt; Eugalenus succum nasturtii aquatici potandum præbebat; cui adjungit Werlhofius spiritus salinos volatiles.

Si sopor cum paroxysmo non evanescat, aut æger sit typhomaniacus, hemiplecticus, febre inflammatoriâ detentus, de eo conclamatum est, aut saltem kinkina non convenit; secus verò quanto citius, & tertiâ quâque horâ pulvis ad drachmam unam est devorandus; ita ut uncia una intra duos paroxysmos sit assumpta, potu theæ superaddito; si interea phlebotomiæ aut catharsis necessitas interveniat, suspensus kinkinæ usus, deinceps revocabitur, imminutâ post periculum dosi.

Observatio. Vir triginta annos natus, tertio febris tritaëphiæ paroxysmo per octo horas anticipante in profundissimum soporem delabitur, stertens, nil deglutire valens, ore licet hiant; præscribitur phlebotomia præmissis vesicatoriis, Chirurgus venam secare non ausus est; interea deglutire valuit æger, præbetur kinkinæ drachma, dein alvus spontè solvitur, sudor prorumpit; sumpto potu theæ æger oculos aperit stupefactus, quovis bihorio kinam sumit, largiter sudat; finito

fudore, vena pedis aperitur, vesicatoria applicantur, kinkina ex succo nasturtii aquatici cum spiritus vitrioli volatilis guttis quadraginta, & spiritus salis armoniaci guttis viginti mixtum deglutitur; paroxysmus rediit, nec anticipavit, cum somnolentiâ tantum & levi delirio, post sex horas sudore infecuto, febris abiit. Werlhof. *ibidem* pag. 106.

4. *Carus ischuriosus* Boneti, *Sepulchret. obs.* 15. *Coma ex ischuria* Velschii, *obs.* 1. & 64. Nicolai Tulpii, *lib.* 2. *obs.* 45. Beverovicii, *de Calculo, cap.* 9. Fel. Plater. *obs.* p. 804.

Illa species est secundaria, & supervenit ischuriæ, five veræ, five spuria, ob urinæ refluxum; unde sopor cum siti, calore manuum, febre, subsultu, dein tendinum & morte. Hoc morbo charissimus parens obiit 90. annos natus, & cum paracenthesim vesicæ debuisset instituire Chirurgus, catheterismum ita imperitè instituit, ut urethram & simul rectum intestinum perforaverit. De paracenthesi vesicæ in hoc morbo conveniente videbis recentiores Chirurgos, qui stylo tricuspidæ, curvo, vaginato perinæum perforant.

5. *Carus traumaticus* Bonet. *Sepulchret. obs.* 22. *ad* 28^{am}.

Est ea species quæ à principiis mechanicis externis dependet, ut à vulnere, contusione, fracturâ capitis.

Cognoscitur ex astantium relatu, ex capitis accuratâ inspectione, tegumentorum ejus tumore, echymosi, ossium crepitatione, maximè si incisus tegumentis, raso pericranio, rimosum inveniat cranium; si æger à percussione illicò lapsus; in soporem inciderit, vomuerit, sanguinem naribus, auribusve fuderit, accedit febris acuta,

calor, rubor, fectò cadavere inveniuntur sanguis, pus; sphacelus, depressio laminarum cranii, contrassuræ, &c.

Curatio exigit repetitas è brachio, pede, collo, phlebotomias, potum diluentem, antiphlogisticum, iuscula tenuia, rara, situm capitis acclivem, clysmata refrigerantia, & auxilia potissimum chirurgica, trepanum scilicet, aut operationes ipsi affines, de quibus consulatur Heisterus, Dionis, aliique de fracturâ cranii.

Egregia extat observatio cari in quam mendicus incidebat quoties paulò fortius sibi premi meninges fineret, quas à carie denudatas ostendebat. A trepano imperitè instituto, & inde compresso cerebro carum obortum observavit Galenus, dein Mercurialis.

6. *Carus arthriticus* Musgrave de *Arthritide*, cap. 16.

Est ille quem materies arthritica, ut aiunt, repulsa vel ascendens infert, seu qui arthriticis sine causâ aliâ evidenti, præter doloris cessationem accidit, quique dolore pedes iterum repetente, spontè evanescit.

7. *Carus verminosus* Sennerti, cap. 31.

In orphanotrophæis nil est vulgatius quam infantes caro verminoso correpti cum febriculâ, genarum robore fugaci, sopore profundo, odore acido-dulci, qui sumptis emeticis vel catharticis lumbricos ejiciunt; in cadaveribus sæpius invenierum in cerebri sinibus, & lumbricos in intestinis; ante mortem verò convelluntur. Vide Ecclampsiam verminosam.

8. *Carus variolosus* Sydenhami de *Variolis*, pag. 85. 97. & 395.

Est sopor profundus, qui in quolibet variolæ

tum discretæ, tum confluentis statu, supervenit à nimio sanguinis fervore; talis est sopor, ut æger fermè nunquam evigilet, nisi continuo pulsu excitatus, in quo casu sanguinis ventilatio per phlebotomiam, & potus refrigerans potissimum indicantur. Pressio corticis cerebri à sanguine fortiùs vasa ultima distendente videtur hujus morbi principium.

Cari Apyreti,

Seu qui sæpiùs sunt cum pulsu pacato,
non concitato.

9. *Carus hystericus, Suffocation hystérique; Præfocatio uterina* Latinorum; *Strangulatus ex utero* Roderici; *Apnæa* Heraclidis; *Pnix hysterica* Galeni; *Suffocatio mulierum* Plinii; *Vulvæ strangulatus* quibusdam; *Flatuosa refrigeratio* Sorani; Plebi *Mal de mere*, olim *l'Amarry*, Joubert.

Est subitanea omnis sensûs & motûs feriatio, cum respiratione vix sensibili, pulsu depresso, partium refrigeratione, maxillis invicem firmiter conniventibus: paroxysmos verò præcedunt sæpiùs pathemata vehementia, & metus mortis, necnon sensus strangulationis, dysphagiæ, globi in abdomine volutantis; post paroxysmum verò sæpiùs ægrè declarant se loqui, nec movere potuisse, ast prolata obscurè audivisse, quod etiam gestu in insultu significant.

Hic morbus utut frequens à nemine fuit fideliter descriptus, quia omnes causam loco phenomenon tradidere. Sic Paulus Ægineta, quem ferè omnes Veteres imitati sunt, hunc definit per recursum uteri ad superiora; sensus angustiae in faucibus, de quo antea, postea conqueruntur

ægotantes , ad figmentum illud Medicos induxit ; & ex hoc figmento factum est ut *præfocatio* habita sit tanquam essentialè symptoma , licet non magis videatur præfocari mulier in hoc morbo , quam in syncope ; respiratio etenim est ita pacata , ut vix percipi possit , totumque corpus immobile est ; unde Moschio hunc definivit respirationis impedimentum , cum omnimodâ quiete , & Heraclides *apnæam* nuncupavit : majori quidem jure apoplecticos diceres præfocatos , cum in ipsis respiratio sit sublimis & stertorosa ; ast in caro hysterico tam quietum est totum corpus , ut ægræ mortuis sint similes , observante Mercuriali. Fateor plures morbos hystericarum spasmodicos esse ; sed etiam si in caro dentes stricte invicem cohæreant , illud à refrigerio faciei & maxillarum pendere videtur , atque in syncopticis refrigeratis accidit. Baglivus refrigerium in occipite pro symptómate essentiali habet ; alii pulsus tensum & constrictum , multis supervenit urinæ limpidæ copiosa emissio , & paroxysmus à pathemate determinatur.

Hic morbus vulgò tam contemnitur ab astantibus , quam exhorrescitur ab ipsis ægris , & sæpissimè fumis foetidis , castoreo , ruthâ , &c. discutitur ; verùm tamen constat multiplici observatione eum in asphyxiam hystericam abiisse , & pro mortuis habitas illas asphyctas humo mandatas fuisse , alias reapse occubuisse.

Viros etiam huic morbo obnoxios , hypochondriacos scilicet , memorant Mercurialis & Montanus , quos quidem anginæ hystericæ expositos tantum vidi ; aliud est verò angina hystERICA , aliud carus hystericus , licet à multis confundantur ; in insultu phlebotomia , sed parca minimè

est repudianda, licet repetitæ evacuationes hysteris noceant, hac institutâ pulsus resurgit; interea linteis calidis, potu cardiaco & antihysterico, fumis foetidis, residuum insultus discutitur.

10. *Carus à plumbagine. An Varietas Cari à narcoticis?*

Infectores qui decoctum plumbaginis Europææ Linnæi parant in magnis lebetibus, ut colorem paleaceum flavum obtineant, non nisi per sex horas huic operi incumbere possunt, secus incidunt in carum cephalalgîa gravi designatum; folia hujus plantæ caustica sunt eximia, cimum venena, canceri remedia, &c.

11. *Carus à pathemate.*

Adolescens viduam amans perditæ, & ejus obtinendæ longâ spe demùm excidens, accepto repulsæ nuncio per epistolam, procubuit humi sine sensu cum lentissimâ respiratione, pulsu sano, sed subdebili, oculis clausis; accersitus Medicus præscripsit cardiacam, & simul emeticam potionem, incassum; eâdem die æger occubuit. An catalepsis à Tulpio relata idem erat morbus? Sed artuum laxitas repugnat.

12. *Carus ab insolatione, Coup de soleil.*

Est omnium sensuum & motuum cessatio, pulsu & respiratione pacatissimis, imò imminutis, artubus omnibus flaccidis, colore tamen & calore remanentibus, quam aliquoties observavi in puerulis qui ad solem diu steterant aut dormierant, nec poterant ab hoc sopore excitari; lethalis toties fuit hic morbus & brevissimus; phlebotomiæ repetitæ, frigida capiti admota sine successu adhibita sunt, pulsus erat minimè febrilis; secto capite nil læsi inveni.

13. *Carus hypochondriacus; Apoplexia hypochon-*

driaco-spasmodica Frid. Hoffmann. *consult. centur.*
 1. cas. 19. *Vapeurs hypochondriaques*, Pomme obs.
 9. *Essai* 1760. *Evanouissement vapoureux*.

Nuncupetur carus hystericus, per me licet, etiam si viros aggrediatur, non repugnabo. Verum ab apoplexiâ discrepat, quod nullo stertore stipetur: imò est vera angina hystERICA latens sub cari phœnomenis; etenim cùm æger ad se redire incipit gestu, dein loquelâ pectus, collum, linguamque laborare innuit, se nihil deglutire posse, pectus, gulam & tracheam arteriam graviter sibi constringi significat, aut scribit; in paroxysmo repenti rationis, sensuumque exercitium tollitur, nec respirare, nec deglutire valet, omni movendi & vociferandi potentiâ orbatur, sui tamen est conscius, sed astantibus nullius sensûs signa valet edere. In casu Hoffmanni venæ in manibus & facie solito calidiori & rubicundiori tangebant, pedibus refrigeratis, pulsus tardus, languidus ob plethoram. In casu D. Pomme successit hemiplegia spasmodica ipsi dicta.

Cura exigit phlebotomiam, cujus ope emittitur cruor spissus, cui diluendo allaborandum est, vomitus levissimis emeticis concitari potest, modò aquâ pulli simul erethismus leniatur; clysmata etiam in usum vocari possunt; potus ex nitro, & liquor mineralis anodynus Hoffmanni indicantur. De cætero vide Hemiplegiam hystericam.

14. *Carus à narcoticis* Sennerti de Caro cap. 31.

Venena narcotica hanc speciem inferunt.

Opiata omnia majori dosi, apud inassuetos, ore assumpta, vel in podicem clysteris formâ injecta, imò, ut observavit D. Bouillet, opi tinctura toti pectori illita; sic notum est plures impios sibi mortem magnâ laudani dosi ingestâ,

conscivisse; ab hyosciami & daturæ stramonii tum feminibus, tum radicibus minori dosi paraphrosynem cum aphonîâ, majori dosi cataphoram, ac aliis carum accidisse ferunt, sed genera horum morborum non fatis distinxere autoptæ observatores.

A vino, cerevisiâ uberius assumptis certè apoplexia, aliis carus, aliis paraphrosyne supervenit; à vapore musti fermentantis, quem *Gas sylvestre* vocant Chemicî, subito asphyxiâ lethali ademptos esse plurimos constat.

A tarantulæ puncturâ carum accidisse pluries asserit Baglivus; ab aspidis ictu Cleopatram soporata fuisse narrat Plutarchus.

A fumo carbonum extinctos, & caro prius affectos ipse vidi; caroticos eos, non verò apoplecticos describit Marc. Donatus, *lib. 12. cap. 6.* Vide Schenckium *lib. 1. cap. de apoplexiâ ex fumo carbonum.*

Curatio. Si ore assumpta sint opiata, illicò vomitorio sunt rejicienda; si pulsus vigeat, aut haustus carbonum fumus, phlebotomia instituenda ac repetenda, & in utroque casu aceti vapor naribus hauriendus, oxiratum propinandum, pulsu languente ad liliû Paracelsi, vinum generosum, & cardiaca sudorifica confugiendum, addito castoreo.

15. *Carus à frigore Montalti Synopsis.* Vide asphyxiam congelatorum. *Lethargus ingens* Petri Borelli *observ. 52. centur. 1^a.*

Qui in septentrionalibus per campos nive obductos iter faciunt, ut accidit exercitui Gallico dum Pragâ excederet, Imperialibus retro insequentibus, non solum extremorum sphacelum patiuntur, verum etiam tantâ dormiendi cupi-

ditate tenentur, ut præfenti vitæ periculo non abfterreantur à fomno; hinc alto fomno in mediâ nive correpti dormiendo moriuntur, nifi amica manus eos excitet, & calor aliunde excitatus eos vitæ reftituat; quod testantur fe multoties vidiffe qui hos milites ducebant amici non pauci: quis credidiffet in tantâ frigoris & doloris eum vulgò comitantis violentiâ quemquam à fomno feſe expedire non poſſe.

Erraverunt Veteres, ut Duretus, Erato, aliique qui afferebant à ligatis carotidibus arteriis carum induci; factò pluries in canibus experimento, vidi ipſe apud D. Emett, Medicinæ ſtudioſum, canem cujus ambæ carotides arctiſſimè ligatæ fuerant, & omnino oblitteratæ, per quinque dies ſine ullo ſopore inſolito vixiſſe.

16. *Carus ab Hydrocephalo* Lamotte, *des Tumeurs obſ.* 107 tom. 1. pag. 485.

In illo caſu præter ſoporem profundum aderat reſpiratio brevis & frequens, quæ in aliis ſpeciebus eſt rarior ſolito; ſumma erat virium proſtratio & alvi conſtipatio; fruſtra præſcriptis emeticis, phlebotomiâ, cucurbitulis, obiit ægra.

Cadavere aperto multum ſerum in cerebri ſinibus effuſum, hydrothorax etiam; & origo mali erant duæ treſve lupiæ ſebo vel pure turgidæ infra aortæ curvaturam locatæ, ovi gallinacei magnitudinem adæquantès.

17. *Carus Nyſtagmus.*

Eſt carus ſubitò ſuperveniens, omnem ſenſum & motum artuum intercipiens; pulſu & reſpiratione pacatiſſimis, cum niſtatione veloci & continuâ ciliorum.

Hunc morbum bis obſervavi, nullibique deſcriptum vidi. Mulier pinguis, delicatula ſubitò incidebat

incidebat in eum statum; & tranquille sedens per horæ quadrantem hanc eclipsim omnium sensuum patiebatur, pulsu, colore & calore, totiusque corporis flexilitate integris, sed utriusque oculi, non palpebræ, cilia tantum, motu velocissimo agitantur, respiratio erat vix conspicua; discusso accessu, velut è somno ad se redibat, de gravitate capitis conquesta pristinae sanitati restituebatur; remedia antihysterica nullum effectum sortiebantur: an ad hystericum carum referenda hæc species?

XXX. *Apoplexia*, Apoplexie, ab *apoplettein*, desuper percutere; *Aphonia* Hippocratis *aphor.* 51. 7. &c. *Fluxio frigida*, seu *Nylsbred* Ægyptiorum; *Hasselquist*, Iter Palæstinum; *Apilepsis* Heurnii *de morbis capitis*, pag. 143. *Ægri Apopledici*, *Syderati*, *Attoniti* vocantur.

Cognoscitur ex somno profundissimo, vix excitabili, cum stertorosâ respiratione, & artuum omnium laxitate.

Sive subito, sive gradatim fiat morbus, non inde generis est diversi. Apoplexia agonistica, seu quæ plures moribundos affligit, gradatim accedit; quæ subito fit, est apoplexia sanguinea, aut pituitosa, quam solam Auctores innuunt, & ab hoc genere secundarias immerito excludunt.

Ratione stertoris apoplexia discrepat à cataphorâ, caro, syncope, asphyxiâ, &c. Ratione profundissimi somni differt à lethargo, typhomaniâ; per artuum omnium laxitatem distinguitur ab epilepsiâ, catochô, catalepsi, extasi, &c.

Quæ de inæquali corticis cerebri compressione docent Scholastici ad explicandam apoplexiam, non satis cohærent cum legibus Physices; in apoplexiâ traumaticâ v. g. à fracturâ cranii, certum est partem cerebri immediatè à laminis ossis depressis comprimi fortius quàm partes ab eo loco remotas; ergo inæqualis est compressio, & tamen subitò sensus & motus omnes feriantur; mallem dicere cum Willisio, & Antiquis statim ob gravissimam labem inductam ab animâ perterritâ retrahi, aut cohiberi fluidum nerveum, ut in simili casu accidit illicò à gravi metu omnes artus stupere & flaccescere, crescente verò infarctu cerebri intercipitur mechanicè illius fluidi influxus; sed usquequò theoria satis exculpta sit, fidæ & accuratiori morbi historiæ incumbamus.

1. *Apoplexia sanguinea Sennerti, Apoplexie de sang.*

Ea est quæ sanguineos homines sæpiùs sexagenarios adortur cum signis plethoræ, five ægri sint corpulenti, collo brevi, five macilenti, five plethora sit vera ab ingestis copiosis & suppressis evacuationibus sanguineis; five plethora sit comota, ut à febris, iræ impetu, exercitio immodico: hanc comitatur initio color faciei floridus, aut atroruber, calor, pulsus plenus, licet progrediente morbo color & calor recedant, eo nomine intelligitur apoplexia à principio interno procedens, non verò traumatica.

Ille morbus vix unquam pueros corripit, non rarò hæreditarius est, & tunc etiam levibus insultibus, vertiginosis, cephalalgicis præludit, unde habitualis dicitur Willisio; sæpiùs tamen primus insultus est lethalis, & qui plurimos insultus numerant, non rarò epilepsiam pro apoplexiâ habent;

fatendum tamen apoplexiæ dari insultus instantaneos ex quibus ægri convalescunt hemiplegiâ succedente, qui insultus inter symptomata hemiplegiæ possunt numerari. Præcedunt sæpissimè crapulæ, indigestiones, vini abusus, pathemata gravia, insolatio, & quæcumque sanguinis molem augere, & in cerebro stasim procreare valent. Omnis apoplexia sanguinea est fortis; quam levem vocat Hippocrates pro caro habemus, Apoplexiam autem fortem tollere ut plurimum est impossibile, carum verò non facile: si post primas uberesque phlebotomias apoplecticus hujus speciei ad se non redeat primâ die, de eo conclamatum est.

Apoplectici in positurâ incommodâ majoris angoris signa præbent, saltem respirant cum majori stertore & conatu; ut quidpiam deglutiant, nares constringere opus est, & tunc etiam cum periculo suffocationis deglutiunt; sumptâ magnâ dosi emetici quandoque oculos aperiunt, gestu, imò loquelâ dolorem ventriculi, vel intestinorum significant; si verò nil omnino sentiant, nulla spes est.

Insultus apoplectici qui sunt hemiplegiæ prodromi, cum oris distorsione, balbutie, linguæ declinatione ad latus sanum, sanantur sæpissimè; ast apoplexia sanguinea, determinata, vix unquam, licet minus lethalis sit quàm pituitosa. Cadavera ostendunt vasa piæ meningis & plexûs choroidei turgida, quandoque rupta, & sanguinem in sinibus cerebri effusum; quandoque verò, ut vidit Willisius, nullum est vitium conspicuum in cerebro, nec in cerebello.

Curatio à phlebotomiis largis ordiri debet; dein auxilia eadem conveniunt ac apoplexiæ pi-

452 GENERA ET SPECIES

tuitosæ; situs capitis sit paululum acclivis, corpore supino; quò respiratio magis sublimis, & pulsus magis depressus, minùs æqualis, eò mors proximior: pulsus vulgò est mollis, plenus, non frequens.

2. *Apoplexia traumatica; Apoplexia phlegmonosa* Foresti *obs.* 73.

Ea est quæ à capitis ictu, vulnere, contusione, validâ commotione, cranii fracturâ, lapsu ex alto, &c. dependet.

In eâ post ictum subitò æger concidit, velut exanimis; interea ad se reversus ingesta vomitu rejicit, sanguinem ex naribus, auribusve fundit; dein pulsus refurgit, frequens, vehemens evadit, calor accenditur, apoplexia *inflammatoria* est dicta Boerhaavio, quæ utcumque periculi plena, minùs tamen periculosa est quàm sanguinea, seu à principio interno oriunda, si de cætero stertor idem sit; nam stertor est cæteris paribus mensura periculi.

Curatur largis phlebotomiis, & chirurgicis auxiliis.

3. *Apoplexia temulenta, Yvresse apoplectique* Henr. ab Heers *obs.* 19. Forest. *obs.* 34. *lib.* 14. *Cema soporiferum* Foresti, Ettmuller. *de Temulentia*, pag. 68.

Ea est quæ ab ebrietate dependet, & sanguineam ferè mentitur, ita ut Medicos incautos decipiat, ut patet ex observatione 34. Foresti, & multis aliis; etenim qui mero, vel spiritu vini, aut cerevisiâ uberius epotis ebrii sunt ad hunc gradum, ita difficulter evigilant, ita graviter stertunt per plures horas, ut nisi per adstantium relatum, vel per vinum vomitione rejectum, aut odorem vinosum anhelitûs species morbi pateat;

illa pro fanguineâ reputetur magno artis scandalo; illa verò sæpiùs spontè solvitur, nec confundenda cum apoplexiâ fanguineâ, quæ vino deditos utcumque actu sobrios, & abstemios detinet, quæque immedicabilis est.

4. *Apoplexia hysterica* Sydenhami de *passione hysterica*, pag. 409. *differt. epistolaris*; *Apoplexia puerperarum* Barbeyracii MS. *Apoplexia vaporosa* Th. Burneti.

Ea est quæ à principio hysteriæ dependet, de quâ sic loquitur Sydenhamus; quandoque capitis arcem occupans apoplexiam facit, quæ similiter hemiplegiâ solvitur, eam omninò referens apoplexiam quâ tùm ætate, tùm mole corporis grandiores siderantur, & quæ ex eo nascitur, quod cerebri cortice pituitæ copiâ referto, & scatente spirituum animalium meatus ac semitæ intercludantur; à quâ quidem causâ, quæ feminis hysterice accidit apoplexia, oriri nullatenus videtur, cum easdem haud infrequens adoriatur confestim à partu, magnâ sanguinis vi simul ejectâ, & vel partui laboriosiori, vel vehementiori alicui animi commotioni debeatur.

Anne huic speciei conveniunt tantum antihysterica ex karabe, lilio Paracelsi, castoreo, cum cardiacis & cephalicis? Quis eam observavit & descripsit præter Sydenhamum? Apoplexia vaporosa & hypochondriaca, quam memorat D. d'Apples Lausanensis Medicus apud Burnetum, videtur potius arthritica.

Vide apoplexiam melancholicam P. Foresti *obs.*

5. *Apoplexia arthritica* Musgravii, *cap. 15. pag. 129.*

Ea est quæ arthriticos aggreditur dolore pedum subitò evanescente, & accedentibus verti-

gine, cephalalgia, similibusque symptomatibus.

Ea exigit remedia sanguinea, deinde verò sinapismos pedibus admotos ad revocandam arthritidem. Vide hujus historias plures loco citato, cum curâ.

6. *Apoplexia exanthematica. An scorbutica* Mangeti *Biblioth.* & Eugaleni apud Sennertum de *Scorbuto*?

Ea est quæ morbis exanthematicis repulsis, ut erysipelati, trichomati, &c. supervenit.

Videatur Stabel. de *Plicâ Polonicâ histor.* 12. qui vidit à resectâ plicâ non rarò supervenisse cephalæam, febrem, delirium phreniticum, deinde verò soporem altum cum stertore.

Consulatur etiam Schenckius de *plicâ*.

Vidi apoplecticos olim herpetibus obnoxios temperamenti calidi & sicci, sensibilis textûs, alvo constipatos, dum sani erant, in quibus curandis dyscrasie ratio habenda erat, saltem in prophylaxi, & errant illi qui omnia laxa, inertia, frigidaque incusant in hoc morbo. Fateor illas principiorum diversitates in apoplexiâ actuali curandâ parvi esse momenti, ob lethalitatem hujus morbi; verum, iterum dico, ad prævertendam apoplexiam causarum præogumenarum varietas est attendenda.

Apoplexia scorbutica à Mangeto descripta ad asphyxiam magis accedit, quàm ad apoplexiam.

7. *Apoplexia pituitosa* Sennerti de *Apopl.* Boneti *Sepulchret. ab obs.* 28. ad 52.

Ea est quæ ab ipso initio stipatur pulsu debili, faciei pallore, calore imminuto, quæque ut plurimum senes, cacochyms, debiles, pituitosos, aggreditur.

Ex eo quod in cadavere sinus cerebri aquâ

turgidi reperiantur, non sequitur apoplexiam ab illo fero fuisse inductam, cum ubi infarctus est vasorum sanguiferorum, ibi lymphæ facillè è vasis suis elabatur, & quò longiori post obitum tempore fit extispicium cadaveris, eò uberius est ut plurimum feri effusi copia: vidi hydrocephalos ingentes sine apoplexiâ, viderunt & alii; verumtamen hæc species omnium est funestissima, quia labem inveteratam in cerebro, ac sæpius ætatem senilem supponit, in quibus casibus facultas motrix quæ sola morbis medetur, efficaciter est effeta & languida; si tamen à potu aquæ copiosiori, ut in usu aquarum acidularum evenit, ortum ducat; si structura corporis sit robusta, & natura vegeta, tunc accedente hemiplegiâ, vel linguæ paralyfi quidam evadunt.

In curandâ hac specie vix phlebotomia potest adhiberi, aliunde præstantissimum remedium; ab emeticis magnâ dosi adhibitis ordiendum est, potiones catharticæ acres, & efficaces citò post propinentur, vesicatoria, cucurbitulæ, clysteres ex vino emetico, nicotianæ fumo succedant; interea falia volatilia, elixiria cephalica, cardiaca præscribantur. *Vide curationes Illustr. Professoris Lazerme.*

Si superveniat hemiplegia, tunc ptisanis aperientibus sudorificis & catharticis per plures dies continuandis utendum, usquequò æger rhedam ingredi queat, & ad thermas Bellilucanas, aut similes deferri, ubi aquas per triduum bibat, addito sale cathartico, dein per aliquot dies ducas in fonte, vel in cupâ excipiat, capite potissimum & spina dorsi; utatur pro potu deinde decocto chinæ, falsæparillæ, & similibus.

8. *Apoplexia epileptica* Lancisii *de mortib. subit. cap. 8.*

Ea est species quæ, observante Hippocrate *libr. de glandulis*, initium ducit ab insultu epileptico brevissimo, & quæ quâdam convulsione utut non conspicuâ stipatur; illa verò spontè non rarò solvitur, sed si attendat Medicus, is prospiciet vel mandibulam, vel digitum, vel abdominis musculos spasmus tentatos; dantur tamen in quibus partem convulsam invenire non est obvium; erraret certè qui stertentem epilepticum pro apoplectico haberet, cum valida quæ mox præcessit concussio pectoris, & antea totius corporis satis clarè epilepsiam declaret.

Ramazzinus, *libro de morbis artificum, cap. 1.* asserit metalli fossiores apoplexiæ esse obnoxios; verum licet plures viderim Alesia minerarum plumbi fossiores obnoxios hemiplegiæ & tremori, nec vidi, nec audiui illos præ aliis hominibus esse apoplexiæ ab hoc principio oriundæ obnoxios; hoc itaque inquirendum restat: curatio verò per mochlica quibus utuntur Parisini in rachialgiâ, haud dubiè in apoplexiâ rachialgicâ conveniret, omissis tamen narcoticis.

9. *Apoplexia febrilis. Vide Werlhof. obs. de febr. pag. 21.*

Ea est quæ paroxysmum febris remittentis, aut intermittentis comitatur, sopore alto, & stertore stipata.

Signa sunt prænuncia. 1º. Præcedit in primo vel secundo paroxysmo suavis somnolentia, aut stupiditas capitis, vel leve delirium ægris etiam orthostadis. 2º. Urina crassa, subfusca, lixivialis, fetens, innatanti pinguedine cum frequenti

mixturatione aut dysuriâ. 3°. Sanguis extractus floridus interdum coloris variegati, cum crustâ vel pleuriticâ, vel gelatinosâ. quandoque vermiculos ascarides fundens, vel cucurbitinos. 4°. Sæpè præcedit hepatalgia. 5°. Vel cardialgia. 6°. Præcessit sæpè catharticum medicamentum præmaturè exhibitum, seu ante signa coctionis, aut materiâ non turgente datum. 7. Vel præcessere remedia vel potulenta spirituosâ, antifebrilia calidiora, ut lilium, olea destillata, &c. 8°. Demùm ex violentiâ insultûs febrilis ob hæmorrhoides, scabiosum virus suppressum, errores in victu, &c.

Hæc in tritaophiâ & tertianâ frequentia sunt, & tertius paroxysmus apoplexiam, vel carum inferre solet sæpius lethalem.

Apoplexiam quidem istam, maximè si febris inflammatoria sit, nec typhomaniam sanare facile est; verum ante tertium paroxysmum hujus febris, ea præverti potest, non remediis generalibus, ut phlebotomiâ, emeticis, catharticis, vesicatoriis, at prompto, largoque usu kinkinæ. *Vide* curam fusè apud Werlhofium, eximium meritòque celebrem Practicum Hannoveranum, & quæ de caro febrili scripsimus.

De hoc morbo legatur Morton. *Pyretologiæ* pag. 33. & 75. Hic morbus ratione curationis non differt à typhomaniâ febricosâ, & caro febrili.

10. *Apoplexiâ suspiciosa* D. Cuffon.

Morbum apud puerulos Saliæ aliquot abhinc annis familiarem observavit D. Cuffon; illi post fugacem ecclampsiam incidebant in soporem altum & perseverantem, in quo nulla sensûs indicia, nullam artuum rigiditatem, aut motionem exerebant; respiratio erat rarissima, & quâlibet ex-

438 GENERA ET SPECIES, &c.

piratione suspiriosa, facies simul pallidula, corpus frigidulum, turgidulum.

Phlebotomia non indicabatur, emeticum vinum ad semiunciam assumptum vomitum & diarrhoeam felicem excitabat; dein cathartica & vesicatoria pone aures, curationem intra paucos dies absoluebant, ita ut nullus fato cederet.


An cari suspiriosi nomine rectius insigniretur hic morbus?

II. *Apoplexia polyposa* Oosterdyk Schacht. *Instit. Med. pract.*

Ea est quam præcedunt frequens cordis palpitatio, vasorum colli vibratio, pulsus maximè irregularis, vertigo tenebrosa, respiratio difficilis, præsertim ad motum corporis, aërisve calorem increescens, quæque inde censetur oriri à polyposâ concrezione.

Curatio ad prophylaxim tantum valet, eaque repetenda videtur à phlebotomiâ, usu nitri, camphoræ, feri lactis; verùm defunt observationes quæ diagnosim illustrent, & curam dirigant.





INDEX

NOMINUM GENERICORUM, SPECIFICORUM ET SYNONYMORUM

Quæ in Tomi secundi parte secundâ
reperiuntur.

A.

A DIPSIA,	330	proximorum,	278
AGHEUSTIA,	298	lufcorum,	283
febrilis,	299	absoluta,	285
paralytica,	ibid.	hydrophthalmica,	287
<i>Agrypnocoma,</i>	424	<i>Amblyosmos,</i>	285
<i>Algor,</i>	69	<i>Amblytes,</i>	ibid.
<i>Amarry,</i>	29. 443	ANÆSTHESIA,	319
AMAUROSIS,	289	à spinâ bifidâ,	ibid.
traumatica,	290	plethorica,	320
pituitosa,	ibid.	nascentium,	ibid.
icrophulosa,	ibid.	<i>Analepsia,</i>	86
plethorica,	ibid.	ANAPHRODISIÁ,	330
congenita,	291	à paralyfi,	331
à synchyfi,	292	gonorrhoeica,	ibid.
à myofi,	ibid.	magica,	ibid.
à spasmo,	ibid.	à mariscis,	332
foricariorum,	293	ab urethrâ,	ibid.
venerea,	294	<i>Anaudia,</i>	334
exanthematica,	ibid.	<i>Anchiloblepharos,</i>	252
à narcoticis,	295	<i>Anepithymia,</i>	321
intermittens,	ibid.	ANGINA,	194
rachialgica,	ibid.	bronchus,	195
hysterica,	ibid.	Loweriana,	196
AMBLYOPIA,	261	calculosa,	198
crepuscularis,	264	à deglutitis,	ibid.
meridiana,	268	à laqueo,	ibid.
diffitorum,	270	fchirrofa,	200
		suppuratoria,	ibid.
		venerea,	201

INDEX NOMINUM GENERICORUM,

hysterica ,	201	epileptica ,	456
hydrophobica ,	<i>ibid.</i>	febrilis ,	456
nasalis ,	202	suspiciosa ,	457
exanthematica ,	203	<i>Apoplychia</i> ,	389
scorbutica ,	<i>ibid.</i>	<i>Aqua</i> ,	241
thymica ,	<i>ibid.</i>	ASPHYXIA ,	401
polypofa ,	<i>ibid.</i>	immerforum ,	402
aneurifmatica ,	204	à fumis ,	<i>ibid.</i>
bronchocelica ,	<i>ibid.</i>	à musto ,	403
<i>Anhelationes</i> ,	III	fufpenforum ,	<i>ibid.</i>
ANOREXIA ,	322	congelatorum ,	404
paralytica ,	323	cataleptica ,	405
pituitofa ,	324	à pathemate ,	406
plethorica ,	325	hysterica ,	<i>ibid.</i>
febrilis ,	<i>ibid.</i>	à mephytide ,	407
melancholica ,	326	fideratorum ,	409
biliofa ,	327	fericariorum ,	<i>ibid.</i>
cachectarum ,	<i>ibid.</i>	ASTHENIA ,	377
exhaustorum ,	<i>ibid.</i>	Pannonica ,	378
à faburrâ ,	328	Virginica ,	379
mirabilis ,	<i>ibid.</i>	ab hydrocephalo ,	<i>ibid.</i>
Neophytorum ,	329	scorbutica ,	380
arthritica ,	<i>ibid.</i>	cachectica ,	<i>ibid.</i>
ANOSMIA ,	296	clorotica ,	<i>ibid.</i>
catarrhalis ,	297	à pathematis ,	381
ab ozanâ ,	<i>ibid.</i>	febrilis ,	<i>ibid.</i>
à polypo ,	<i>ibid.</i>	offifraga ,	<i>ibid.</i>
fyphilitica ,	<i>ibid.</i>	ab osteofarcofi ,	382
verminofa ,	<i>ibid.</i>	ab inanitione ,	<i>ibid.</i>
à ficcitate ,	<i>ibid.</i>	hysterica ,	<i>ibid.</i>
paralytica ,	298	fyphilitica ,	383
<i>Antiglaucoma</i> ,	247	hydrocephalica ,	384
<i>Aphonia</i> ,	334	abftinentium ,	385
APNÆA ,	443	infantum ,	<i>ibid.</i>
APOMYTTOSIS ,	42	Americana ,	387
APOPLEXIA ,	449	ASTHMA ,	168
sanguinea ,	450	humidum ,	169
traumatica ,	452	convulfivum ,	173
temulenta ,	<i>ibid.</i>	hystericum ,	174
hysterica ,	453	hypochondriacum ,	<i>ibid.</i>
arthritica ,	<i>ibid.</i>	arthriticum ,	175
exanthematica ,	454	à polypo cordis ,	176
pituitofa ,	<i>ibid.</i>	pulverulentorum ,	<i>ibid.</i>

SPECIFICORUM ET SYNONYMORUM.

stomachicum ,	<i>ibid.</i>	à pterygio ,	<i>ibid.</i>
à gibbo ,	177	hypophagma ,	258
equinum ,	<i>ibid.</i>	venerea ,	259
exanthematicum ,	178	hypoxæma ,	<i>ibid.</i>
metallicum ,	<i>ibid.</i>	lactea ,	<i>ibid.</i>
cachecticum ,	179	à rhytidosi ,	<i>ibid.</i>
venereum ,	<i>ibid.</i>	ab ectasi ,	260
plethoricum ,	<i>ibid.</i>	à synifesi ,	<i>ibid.</i>
catarrhale ,	180	à myosi ,	<i>ibid.</i>
pneumodes ,	<i>ibid.</i>	<i>Cardiogmus</i> ,	58. 65
hypochondriacum ,	181	<i>Cardionchus</i> ,	396
convulsivum ,	<i>ibid.</i>	CARPHOLOGIA ,	40
<i>Atechnia</i> ,	330	delirantium ,	<i>ibid.</i>
		spasmodica ,	41
		CARUS ,	436
		spontaneus ,	437
		febrilis ,	438
		febricosus ,	439
		ischuriosus ,	441
		traumaticus ,	<i>ibid.</i>
		arthriticus ,	442
		verminosus ,	<i>ibid.</i>
		variolosus ,	<i>ibid.</i>
		hystericus ,	443
		à plumbagine ,	445
		à pathemate ,	<i>ibid.</i>
		ab insolatione ,	<i>ibid.</i>
		hypochondriacus ,	<i>ibid.</i>
		à narcoticis ,	446
		à frigore ,	447
		ab hydrocephalo ,	448
		Nyctagmus ,	<i>ibid.</i>
		CATALEPSIS ,	414
		hysterica ,	415
		verminosa ,	417
		à fumo ,	418
		à menostasiâ ,	<i>ibid.</i>
		melancholica ,	<i>ibid.</i>
		delirans ,	<i>ibid.</i>
		quartanaria ,	419
		CATAPHORA ,	432
		fomnolentia ,	433
		coma ,	<i>ibid.</i>

B.

<i>B</i> aillement ,	136
<i>Balbuties</i> ,	345
<i>Barycoia</i> ,	306
BERIBERIA ,	109
Indica ,	<i>ibid.</i>
spuria ,	310
<i>Blasitas</i> ,	344
<i>Blepharoptosis</i> ,	252
<i>Boiteux</i> ,	66
<i>Bronchos</i> ,	352

C.

<i>C</i> Aducus ,	186
<i>Cacitas</i> ,	289
CALIGO ,	250
à symblepharosi ,	251
ab anchiloblepharo ,	252
à blepharoptosi ,	<i>ibid.</i>
à pachéablepharosi ,	253
à nephelio ,	<i>ibid.</i>
à leucomate ,	254
à lupiâ ,	255
à sarcomate ,	256
à cancro ,	<i>ibid.</i>
ceratocèle ,	<i>ibid.</i>
ab staphylomate ,	257

INDEX NOMINUM GENERICORUM,

scorbutica,	434	dolorifica,	25
arthritica,	435	scorbutica,	25
exanthematica,	ibid.	paralytica,	26
hydrocephalica,	ibid.	rachialgica,	ibid.
chronica,	ibid.	Bohemica,	ibid.
timor,	ibid.	arthritica,	27
CATARACTA,	241	catarrhalis,	ibid.
vera,	245	CONVULSIO,	42
virgata,	ibid.	ab inanitione,	43
purulenta,	ibid.	à nervi puncturâ,	45
argyrias,	246	febrilis,	46
clavata,	ibid.	à capitis ictu,	47
luxata,	ibid.	ab hydrocephalo,	ibid.
à synchysi,	247	nephralgica,	48
antiglaucoma,	ibid.	Suecana,	ibid.
glaucoma,	248	à rubiginè,	49
membranacèa,	ibid.	Indica,	50
secundaria,	249	abdominis,	ibid.
Catarrhus,	183. 209	universalis,	51
CATOCHUS,	34	habitualis,	ibid.
holotonicus,	ibid.	ab ustilagine,	52
cervinus,	35	ab onanisme,	53
cutaneus,	36	Convulstones,	5
scorbuticus,	ibid.	COPHOSIS,	309
suillus,	37	à meatu,	313
Chasemie,	296	critica,	314
Chauchevielle,	129	à tubâ,	ibid.
CLAUDICATIO,	66	à tympano,	315
à dolore,	ibid.	sypilitica,	316
rachitica,	ibid.	ferosa,	ibid.
à fracturâ,	67	à comate,	317
à luxatione,	ibid.	congenita,	318
à contracturâ,	68	Coqueluche,	156
mutilorum,	ibid.	Coup de soleil,	445
à debilitate,	ibid.	Courte haleine,	160
Cochemar,	128	CRAMPUS,	27
Coleia,	66	idiopathicus,	ibid.
Colotes,	ibid.	sympathicus,	ibid.
Coma,	410. 424	D.	
Congelatio,	405	Danse de St. Guy,	106.
CONTRACTURA,	24		107
hypochondriaca,	25	Debilitates,	227

SPECIFICORUM ET SYNONYMORUM.

<i>Défaillances,</i>	374
<i>Dégoût,</i>	298. 322
<i>Deliquium,</i>	389
<i>Diaſtrophe,</i>	21
<i>Douleur de poitrine,</i>	204
<i>Drapeau,</i>	257
<i>Durété d'ouïe,</i>	299
<i>Dyscineſie,</i>	333
D Y S E C Œ A,	299
monoton,	300
à meatu,	<i>ibid.</i>
à myringâ atonâ,	301
à myringâ durâ,	301
à myringâ perforatâ,	<i>ibid.</i>
à tympani fiſtulâ,	303
à tympani hydrope,	<i>ibid.</i>
à tubâ obſtructâ,	304
ſyphilitica,	305
à kinkinâ,	<i>ibid.</i>
febrilis,	<i>ibid.</i>
D Y S P N O E A,	160
pituitoſa,	161
à tuberculis,	162
calculoſa,	<i>ibid.</i>
ab hydatidibus,	163
à ſteatomatis,	164
à vomica,	<i>ibid.</i>
à phifconia,	165
à graviditate,	<i>ibid.</i>
tympanitica,	<i>ibid.</i>
rachitica,	166
à corde,	<i>ibid.</i>
à pneumatia,	<i>ibid.</i>
ab ſtomacho,	<i>ibid.</i>
à liene,	<i>ibid.</i>
traumatica,	<i>ibid.</i>
ſcorbutica,	167
Galenicâ,	<i>ibid.</i>
à gastrocele,	<i>ibid.</i>
ſcorbutica,	168

	E.
E Brouement,	42
<i>Ecclactiſma,</i>	73
ECCLAMPſIA,	<i>ibid.</i>
typhodes,	<i>ibid.</i>
verminofa,	75
parturienſium,	<i>ibid.</i>
à doloribus,	77
à ſaburrâ,	<i>ibid.</i>
ab iſchuriâ,	<i>ibid.</i>
plethorica,	78
ab inanitione,	<i>ibid.</i>
traumatica,	<i>ibid.</i>
exanthematica,	<i>ibid.</i>
ab atropâ,	79
parturientium,	<i>ibid.</i>
à dentitione,	80
ab hydrocephalo,	<i>ibid.</i>
febricoſa,	82
exanthematica,	<i>ibid.</i>
ab œnanthe,	83
à phellandrio,	<i>ibid.</i>
à coriariâ,	85
<i>Ectafiſis,</i>	260. 401
<i>Edeme,</i>	161
<i>Elaphia,</i>	35
<i>Emproſthotonus,</i>	30
E M P Y E M A,	221
à peripneumoniâ,	223
à vomica,	<i>ibid.</i>
pleuræ,	<i>ibid.</i>
mediſtini,	<i>ibid.</i>
diaphragmatis,	224
<i>Enrouement,</i>	352
E P H I A L T E S,	128
plethorica,	130
ſtomachica,	131
ex hydrocephalo,	<i>ibid.</i>
verminofa,	132
tertianaria,	<i>ibid.</i>

INDEX NOMINUM GENERICORUM,

hypochondriaca,	133
<i>Epivole</i> ,	128
EPILEPSIA ,	86
plethorica,	92
cachectica,	<i>ibid.</i>
stomachica,	93
uterina,	<i>ibid.</i>
simulata,	94
pedilymptomatica,	<i>ibid.</i>
à pathemate,	96
sympathica,	<i>ibid.</i>
febrilis,	97
à dolore,	<i>ibid.</i>
exanthematica,	98
syphilitica,	<i>ibid.</i>
traumatica,	<i>ibid.</i>
<i>Epiplegia</i> ,	360
<i>Eternument</i> ,	134
<i>Estomac glaireux</i> ,	324
EXTASIS ,	420
catoche,	421
resoluta,	<i>ibid.</i>
cataleptica,	422
equina,	423

F.

F <i>lévre syncopale</i> ,	399
<i>Foiblesse</i> ,	239. & seq.
<i>Frigiditas</i> ,	327
<i>Frigus</i> ,	69

G.

G <i>Ambarot</i> ,	25
<i>Glaucoma</i> ,	241
<i>Glaucosis</i> ,	<i>ibid.</i>
<i>Glossolysis</i> ,	336
<i>Goute sereine</i> ,	289
<i>Granchio</i> ,	27
<i>Grassejement</i> ,	343
<i>Gutta opaca</i> ,	241
<i>Gutta serena</i> ,	289

H.

H <i>Emeralopia</i> ,	264
HEMIPLEGIA ,	360
transversa,	383
spasmodica,	384
syphilitica,	<i>ibid.</i>
scrophulosa,	365
exanthematica,	<i>ibid.</i>
ex apoplexiâ,	<i>ibid.</i>
intermittens,	366
traumatica,	367
serosa,	<i>ibid.</i>
apostematodes,	368
ex epilepsiâ,	<i>ibid.</i>
arthritica,	<i>ibid.</i>
purpurea,	369
simulata,	<i>ibid.</i>
saturnina,	<i>ibid.</i>
<i>Hemiplexia</i> ,	360
<i>Hippus</i> ,	39
<i>Hoquet</i> ,	138
<i>Horripilatio</i> ,	69
<i>Horror</i> ,	<i>ibid.</i>
<i>Hydrophthalmia</i> ,	287
<i>Hydropisie</i> ,	212. 287
HYDROTHORAX ,	212
chylosus,	213
ab omento,	214
vulgaris,	<i>ibid.</i>
acutis succedens,	216
hydatidosus,	217
mediastini,	218
pleuræ,	219
pericardii,	220
<i>H. perauxesis</i> ,	260
<i>Hypochoyisis</i> ,	259
<i>Hypocophosis</i> ,	299
<i>Hypohama</i> ,	259
<i>Hyposphagma</i> ,	258

Hypopyon,

SPECIFICORUM ET SYNONYMORUM.

<i>Hypopyon</i> ,	258	<i>Leucoma</i> ,	254
H Y S T E R I A ,	99	<i>Lipothymie</i> ,	389
verminosa,	101	<i>Louche</i> ,	283
chlorotica,	102	<i>Ludibria fauni</i> ,	129
à menorrhagiâ,	103	<i>Lusciositas</i> ,	283
à leucorrhœâ,	104	<i>Luscitas</i> ,	6. 283
emphrastica,	105		
libidinosa,	106		
stomachica,	<i>ibid.</i>		

I.

I <i>mpuissance</i> ,	330
<i>Inappetentia</i> ,	322
<i>Incubus</i> ,	129
<i>Iotacismus</i> ,	346
<i>Ischnophonia</i> ,	343

K.

K <i>Asmodia</i> ,	136
---------------------------	-----

L.

L <i>Agophtalmus</i> ,	9
<i>Lallatio</i> ,	344
<i>Lambdacismus</i> ,	<i>ibid.</i>
<i>Languor</i> ,	377
L E I P O T H Y M I A ,	389
à pathemate,	390
stomachica,	<i>ibid.</i>
<i>Léthargie</i> ,	410. 428
L E T H A R G U S ,	428
à febre,	429
pulmonicus,	<i>ibid.</i>
à narcoticis,	<i>ibid.</i>
traumaticus,	400
cephaliticus,	430
arthriticus,	431
à frigore,	432

M.

M <i>Al caduc</i> ,	86
<i>Mal de cerf</i> ,	35
<i>Mal de mere</i> ,	99. 443
<i>Marcor</i> ,	436
<i>Meteorismus</i> ,	183
<i>Mogilalia</i> ,	345
<i>Mors subita</i> ,	436
<i>Muë</i> ,	348
<i>Mutacismus</i> ,	345
M U T I T A S ,	334
à glossolyfi,	336
traumatica,	337
à narcoticis,	338
elinguium,	<i>ibid.</i>
à siccitate,	339
spasmodica,	<i>ibid.</i>
proæretica,	<i>ibid.</i>
surdorum,	<i>ibid.</i>
<i>Myopia</i> ,	270
<i>Myopismus</i> ,	<i>ibid.</i>
<i>Myosis</i> ,	260

N.

N <i>Asitas</i> ,	346
<i>Nephelium</i> ,	253
<i>Nyctalepia</i> ,	264. 268
N Y S T A G M U S ,	38
epilepticus,	<i>ibid.</i>
bulbi,	39
catarrhalis,	<i>ibid.</i>

INDEX NOMINUM GENERICORUM,

O.

O bscuriffement,	250
O BSTIPITAS,	22
renuens,	23
annuens,	ibid.
catarrhalis,	ibid.
gibbosa,	ibid.
lateralis,	ibid.
spasmodica,	24
Obstructiones,	387
Offuscatio,	289
Onglet,	257
Opisthotonos,	30
O RTHOPNOEA,	183
peripneumonica,	184
cardiaca,	185
spasmodica,	ibid.
hysterica,	186
hydrothoracica,	187
à pinguedine,	ibid.
à vomica,	ibid.
ab aneurismate,	188
à deglutitis,	ibid.
à bronchocele,	ibid.
à gastrocele,	ibid.
ab hydropneumonia,	189
ab empyemate,	ibid.
traumatica,	ibid.
ab antipathia,	ibid.
à vaporibus,	190
à vermibus,	ibid.
à lipomate,	ibid.
ab inanitione,	191
febricosa,	ibid.
pseudoperipneumonia,	192
scorbutica,	193
ab hydrocephalo,	194
variolosa,	ibid.
O SCEDO,	136
partus,	137

febrilis,	ibid.
stomachica,	ibid.
hysterica,	138
O steosarcosis,	382
O uie	307
O xycoia,	ibid.

P.

P Acheablepharosis,	253
P almos,	58
P ALPITATIO,	ibid.
ab aneurismate cordis,	59
hysterica,	60
chlorotica,	ibid.
à pericardii abcessu,	ibid.
à polypo,	61
à polypo sinisteriori,	ibid.
melancholica,	62
ex aortæ aneurismate,	ibid.
ab aortæ angustia,	63
arthritica,	64
tremula,	65
P amouison,	391
P ANDICULATIO,	41
torpidorum,	ibid.
febricosa,	ibid.
hysterica,	42
P ARACUSIS,	305
barycoia,	306
oxycoia,	307
duplicata,	ibid.
Willisiana,	308
Paracynanche & Parasy- nanche,	194
P ARALYSIS,	355
plethorica,	357
rachialgica,	ibid.
metallariorum,	ibid.
rheumatica,	358
traumatica,	ibid.
scrophulosa,	ibid.

SPECIFICORUM ET SYNONYMORUM.

scorbutica,	358	arthritica,	208
Polonica,	ibid.	rachitica,	ibid.
febrilis,	359	catarrhalis,	ibid.
biliosa,	ibid.	febricosa,	209
serosa,	ibid.	miliaris,	ibid.
PARAPHONIA,	346	ex abscessu,	ibid.
puberum,	348	ab officulo,	ibid.
nasalis,	351	<i>Plomb,</i>	409
catarrhalis,	352	<i>Pnigation,</i>	128
ulcerosa,	353	<i>Pnigamon,</i>	ibid.
gutturalis,	354	<i>Pnix,</i>	443
stertens,	ibid.	<i>Podagra,</i>	16. 18
fibilans,	355	<i>Point de côté,</i>	204
à polypo,	ibid.	<i>Pouffe,</i>	168. 177
PARAPLEXIA,	370	<i>Præfocatio,</i>	186
rheumatica,	ibid.	PRIAPISMUS,	28
sanguinea,	371	dysuricus,	ibid.
à spinâ bifidâ,	ibid.	gonorrhœicus,	ibid.
traumatica,	372	à frigore,	ibid.
rachialgica,	ibid.	SELLISMUS,	342
intermittens,	373	ischmophonia,	343
syphilitica,	374	rottacismus,	ibid.
<i>Pajme,</i>	31	lambdacismus,	344
<i>Passion hystérique,</i>	99	traulotes,	ibid.
<i>Percussio,</i>	436	balbuties,	345
<i>Peripneumonia,</i>	192	mogilalia,	ibid.
<i>Phriciasis,</i>	69	metallicus,	ibid.
<i>Phrice,</i>	ibid.	iotacismus,	346
<i>Pladarotes,</i>	255	nasitas,	ibid.
<i>Pleuritis,</i>	204	<i>Pterygium,</i>	257
PLEUODYNE,	ibid.	<i>Pulmonaria,</i>	180
plethorica,	ibid.		
verminosa,	205		
rheumatica,	ibid.		
flatulenta,	ibid.		
venerea,	206		
hysterica,	ibid.		
à cochyliâ,	ibid.		
phtisica,	207		
à spasmate,	ibid.		
ex aneurismate,	ibid.		
scorbutica,	208		

R.

R Alement,	159. 354
Rampe,	27
Raucedo,	352
RHEUMA,	209
Rhigos,	69
RIGOR,	ibid.
febrilis,	ibid.

INDEX NOMINUM GENERICORUM;

catarrhalis,	69	STERNUTATIO,	134
à purulentiâ,	71	catarrhalis,	ibid.
à pathemate,	ibid.	rubeolosa,	ibid.
à frigore,	72	à ptarmicis,	ibid.
tertianarius,	ibid.	à vermibus,	ibid.
febricosus,	ibid.	spontanea,	ibid.
<i>Risus caninus,</i>	20	periodica,	135
<i>Ronchos,</i>	159 354.	epidemica,	ibid.
<i>Ronflement,</i>	159. 354	critica,	ibid.
<i>Rottacismus,</i>	343	STERTOR,	159
		<i>Stertor,</i>	354
S.		STRABISMUS,	6
S		à luscitate,	ibid.
<i>Anglot,</i>	138	vulgaris,	7
<i>Sarrete,</i>	12	Buffonii,	8
SCÉLOTYRBE,	106	spasmodicus,	ibid.
choræa Viti,	107	à paralyfi,	9
festinans,	108	catarrhalis,	ibid.
<i>Scorbut,</i>	385	fymptomaticus,	ibid.
<i>Scordinema,</i>	41	lagophthalmus,	ibid.
<i>Sibilus,</i>	355	myopum,	10
<i>Sifflement,</i>	ibid.	æquinoctialis,	ibid.
<i>Silentium,</i>	339	caligantium,	11
<i>Singultus,</i>	138	à crystallino,	ibid.
accidentalis,	139	Strangulatio uterina,	186
à gulâ,	ibid.	suspensorum,	498
ab acrimoniâ,	ibid.	Stridor,	15. 16
arthriticus,	140	Stupor,	436
exanthematicus,	ibid.	Suberh,	433
inflammatorius,	ibid.	Subsultus,	57
typhodes,	141	Succubus,	129
ab inanitione,	142	Suffocatio,	183
epileptico-maniacus,	143	Suffusio,	241
à pressione,	ibid.	Sugillatio,	258
periodicus,	ibid.	Surdastri,	299
à vulnerè,	144	Surditas,	309
cachecticus,	ibid.	Suspirium,	168
hypochondriacus,	145	Syderatio,	409. 449
<i>Soubresaut,</i>	57	Synchysis,	292
<i>Spasmos,</i>	42	SYNCOPE,	391
<i>Staphyloma,</i>	256	ab inanitione,	392

SPECIFICORUM ET SYNONYMORUM.

à dolore ,	394
febrilis ,	<i>ibid.</i>
à phlebotomiâ ,	395
plethorica ,	<i>ibid.</i>
hysterica ,	396
à cardioncho ,	<i>ibid.</i>
à polypo ,	397
ab antipathiâ ,	<i>ibid.</i>
à veneno ,	<i>ibid.</i>
ab apostematis ,	<i>ibid.</i>
ab hydrocardiâ ,	398
stomachica ,	<i>ibid.</i>
ab sphacelo ,	<i>ibid.</i>
scorbutica ,	399
arthritica ,	<i>ibid.</i>
febricosa ,	<i>ibid.</i>
<i>Synisesis</i> ,	260

T.

T <i>Emulencia</i> ,	452
T <i>ETANUS</i> ,	29
tonicus ,	<i>ibid.</i>
emprosthotonicus ,	30
opisthotonicus ,	<i>ibid.</i>
holotonicus ,	31
Indicus ,	32
lateralis ,	33
syphiliticus ,	<i>ibid.</i>
verminosus ,	34
traumaticus ,	<i>ibid.</i>

<i>Tic</i> ,	11. 39
<i>Timor</i> ,	435
<i>Tiraillement</i> ,	41
<i>Torpor</i> ,	436
<i>Torticolis</i> ,	22
<i>Torture</i> ,	53
<i>Traulotes</i> ,	344
<i>Tremblement</i> ,	53
T <i>REMOR</i> ,	<i>ibid.</i>
à debilitate ,	54
senilis ,	<i>ibid.</i>

<i>Temulentus</i> ,	54
à coffea ,	55
<i>Metallurgorum</i> ,	<i>ibid.</i>
coactus ,	56
vertiginosus ,	<i>ibid.</i>
ab hydrocephalo ,	<i>ibid.</i>
tendinum ,	57
scorbuticus ,	<i>ibid.</i>
paralytodes ,	<i>ibid.</i>
à saburrâ ,	<i>ibid.</i>
à plethorâ ,	<i>ibid.</i>
à pathemate ,	58
T <i>RISMUS</i> ,	11
nascentium ,	12
traumaticus ,	14
inflammatorius ,	15
verminosus ,	<i>ibid.</i>
equinus ,	16
crepitans ,	<i>ibid.</i>
hypochondriacus ,	<i>ibid.</i>
arthriticus ,	<i>ibid.</i>
febrilis ,	<i>ibid.</i>
capistratus ,	17
occipitalis ,	<i>ibid.</i>
maxillaris ,	<i>ibid.</i>
dolorificus ,	18
catarrhalis ,	20
cynicus ,	<i>ibid.</i>
cynogelos ,	<i>ibid.</i>
sardonicus ,	21
diastrophe ,	<i>ibid.</i>
<i>Tromos</i> ,	53
T <i>USSIS</i> ,	145
catarrhalis ,	146
hysterica ,	<i>ibid.</i>
ficca ,	<i>ibid.</i>
accidentalis ,	147
simulata ,	<i>ibid.</i>
stomachalis humida ,	<i>ibid.</i>
stomachalis ficca ,	150
gutturalis ,	<i>ibid.</i>
hepatica ,	151
ferina ,	<i>ibid.</i>

INDEX NOM. GENER. SPECIFIC. ET SYNONYM.

à dentitione ,	152	verminosa ,	427
metallicolarum ,	<i>ibid.</i>	Martinicana ,	428
gravidarum ,	<i>ibid.</i>		
hæmoptoica ,	154	V.	
à polypo ,	155	V	
phthifica ,	<i>ibid.</i>	Apeurs ,	446
convulsiva ,	156	Veternus ,	410
rheumatica ,	157	Visus ,	261. 264. 268
arthritica ,	158	Vuë ,	261. 273
Toux ,	145	Vomica ,	164
TYPHOMANIA ,	424	Y.	
febricosa ,	<i>ibid.</i>		
continua ,	426	Y	
agrypnocoma ,	427	Vresse ,	452

Corrigenda in Tom. II. Part. II.

P	<i>Ag.</i>	<i>10. lin.</i>	5.	remotè, <i>lege</i> remota.
		10.	34.	mochiffy, <i>leg.</i> mochiffis.
		15.	28.	stidor, <i>leg.</i> stridor.
		100.	34.	hifloriam, <i>leg.</i> hylteriam.
		127.	4.	intrà, <i>leg.</i> extrà.
		160.	1.	rafationem, <i>leg.</i> rafcationem.
		187.	22.	monflruofa, <i>leg.</i> monflrofa.
		189.	30.	lividis, <i>leg.</i> lividas.
		212.	17.	phlegmafia, <i>leg.</i> phlegmatia.
		228.	19.	barycoia, <i>leg.</i> caligine.
		230.	6.	dykinefiam, <i>leg.</i> dyfcinefiam.
		231.	12.	Berrichio, <i>leg.</i> Borrichio.
		236.	1.	chiliarco, <i>leg.</i> chiliarcha.
		236.	23.	exficcum, <i>leg.</i> exfuccum.
		239.	15.	inanitione, <i>leg.</i> in inanitione.
		265.	28.	quocum, <i>leg.</i> quacum.
		347.	17.	fono, <i>leg.</i> foni.
		351.	32.	cryftis, <i>leg.</i> cryptis.
		363.	8.	orthoftodii, <i>leg.</i> orthoftadi.
		369.	2.	minimè, <i>leg.</i> maximè.
		374.	16.	principium, <i>leg.</i> præcipuum.
		381.	35.	florè Lapponico, <i>leg.</i> florâ Lapponicâ.
		403.	6.	votali, <i>leg.</i> volatili.
		404.	3.	quod, <i>leg.</i> quem.
		425.	26.	fed, <i>dele.</i>